

Erasmus, Desiderius

De utraque verborum ac rerum copia lib. II ; Ad sermonem et stylum  
formandum utilissimi

Amstelodamum 1645

P.o.lat. 1651 x

urn:nbn:de:bvb:12-bsb10609373-9

## Copyright

Das Copyright für alle Webdokumente, insbesondere für Bilder, liegt bei der Bayerischen Staatsbibliothek. Eine Folgeverwertung von Webdokumenten ist nur mit Zustimmung der Bayerischen Staatsbibliothek bzw. des Autors möglich. Externe Links auf die Angebote sind ausdrücklich erwünscht. Eine unautorisierte Übernahme ganzer Seiten oder ganzer Beiträge oder Beitragsteile ist dagegen nicht zulässig. Für nicht-kommerzielle Ausbildungszwecke können einzelne Materialien kopiert werden, solange eindeutig die Urheberschaft der Autoren bzw. der Bayerischen Staatsbibliothek kenntlich gemacht wird.

Eine Verwertung von urheberrechtlich geschützten Beiträgen und Abbildungen der auf den Servern der Bayerischen Staatsbibliothek befindlichen Daten, insbesondere durch Vervielfältigung oder Verbreitung, ist ohne vorherige schriftliche Zustimmung der Bayerischen Staatsbibliothek unzulässig und strafbar, soweit sich aus dem Urheberrechtsgesetz nichts anderes ergibt. Insbesondere ist eine Einspeicherung oder Verarbeitung in Datensystemen ohne Zustimmung der Bayerischen Staatsbibliothek unzulässig.

The Bayerische Staatsbibliothek (BSB) owns the copyright for all web documents, in particular for all images. Any further use of the web documents is subject to the approval of the Bayerische Staatsbibliothek and/or the author. External links to the offer of the BSB are expressly welcome. However, it is illegal to copy whole pages or complete articles or parts of articles without prior authorisation. Some individual materials may be copied for non-commercial educational purposes, provided that the authorship of the author(s) or of the Bayerische Staatsbibliothek is indicated unambiguously.

Unless provided otherwise by the copyright law, it is illegal and may be prosecuted as a punishable offence to use copyrighted articles and representations of the data stored on the servers of the Bayerische Staatsbibliothek, in particular by copying or disseminating them, without the prior written approval of the Bayerische Staatsbibliothek. It is in particular illegal to store or process any data in data systems without the approval of the Bayerische Staatsbibliothek.



10605  
*referendariis Wittweri.*



Des. ERASMI Roterod.  
De utraq,  
**VERBORUM ac RERUM**  
COPIA LIB. II.

*Ad sermonem & stylum for:  
mandum utilissimi.*

Amstelodami  
Apud Ioannem Lassonum. A°. 1645.

P. A. Dati  
Ab 59 X

PHILIPPUS ENGENTINUS  
STUDIOSO LECTORI.

Vccarus haud unquam convectis undique gazus  
Orbe pererrato tot cumulavit opes :  
Cum gemmas aurique modum perquirit inanem,  
Et bis Sarrana vellera tinteta manu :  
Quot simul in chartas modicas congesbit Erasmus  
Munera, per longam non peritura diem :  
Si malu animum corpus quam ornare superbum,  
Hunc sequere, & totus sordeat ille tibi.

Bayerische  
Staatsbibliothek

MÜNCHEN

Gloria | 49 | 667

DES MÜNCHERIUS  
ERASMUS  
ROTERODAMUS,  
JOHANNI COLETO  
DECANO  
S. Pauli apud Londinum.

S. P. D.

 *On possum equidem non rebe-  
menter laudare, Colete, singula-  
rem istam vereque Christianam  
animi tui pietatem, qui conatus  
tuos omnes, omnia vite studia  
semper luc destinaris, non ut tuis privatim  
commodis consuleres, sed ut patriæ civi-  
busque tuis quamplurimum prodeesses. Ne-  
que minus admiror judicium, qui duas  
præcipue res delegeris, quibus id cumula-  
tissime consequi posses. Videbas enim am-  
plissimum charitatis fructum in eo situm,  
esse, si quis assiduis concionibus, sacraque  
doctrina, Christum popularium suorum a-  
nimis inserat. Quo tu quidem in negotio,  
jam annos complures versaris, non dicam  
quanta cum laude, quam tu adeo non spe-*

## 4 ERASMI EPISTOLA

Etas. Deinde quod proximum existimabas,  
Iudum literarium longe pulcherrimum, ac  
magnificentissimum instituisti: ubi sub ele-  
etissimis, ac probatissimis præceptoribus Bri-  
tannica pubes rudibus statim annis simul, &  
Christum, & optimas imbibet literas: ni-  
mirum graviter intelligens, & in hac etate  
velut herba, spem Reipub. positam esse, &  
quanti referat in omnem vitam, protinus ab  
incunabulis, optimis imbui. Iam vero quis  
non adamet etiam generosam istam animi tui  
celitudinem, ac sanctam (ut ita dixerim) su-  
perbiam, qui utrumque hoc in patriam offi-  
cium ita gratuitum, ac sincerum esse volueris,  
ut nec ex tot annorum laboriosissimi concio-  
bus vel teruncio factus sit ditior, cumque tua  
seminaris spiritualia, nullius unquam carna-  
lia messueris: & scholæ sumptus, tam videli-  
cet in gentes, ut satrapam quoque deterrere  
possint, solus omnes ferre volueris? Et cum  
vulnus hominum nulla in re libentius socium  
accersere soleat, tu patrimonium, ut censum  
universum, ad hæc domesticam etiam supel-  
leculilem profundere maluisti, quam ullum  
mortalem in istius gloriae partem admittere.  
Quæso quid istud est aliud, quam in universos  
tuorum liberos, in universos cives animum  
plusquam paternum gerere? Te ipsum spolias,  
ut illos locupletes. Te ipsum nudas, ut illos or-  
nes.

nes. Te ipsum *laboribus confcis*, quo tua somboles vegeta sit in Christo Breviter, talum te impedis, ut illos Christo lucrifacias. Nihil profecto sit invidus, qui talia conanti non impensissem faveat. Impius, qui reclamet et obstrepat: hostis Angliae, quis non pro sua virili adjumenti aliquid conferre studeat. Ego sane non ignarus, et quantum Anglia debeam publicè, et quantopere tibi privatim sim obnoxius, officii mei sua arbitratus, literariorum aliquod munusculum in ornamentum scholæ tue conferre. Itaque duos hos novos de Copia commentarios; novæ scholæ nuncupare visum est: opus videlicet cum aptum pueritiae, tum non infrugiferum, ni fallor, futurum. Sed quantum habeat eruditionis, quantumve sit utilitatis allaturus hic labor meus, aliorum esto judicium. Illud verè mihi sumere possum, argumentum hoc à me primum, et excogitatum, et proditum fuisse. Nam quod Iulius Pollux Grecus, antiquus auctor, singularum rerum vocabula per locos digessit, et synonyma quedam ac finitima velut in acervo. concessit: quis non videt, quam id sit à nostro instituto alienum? Neque enim Isochoros, Marios aut Philescos libet commemorare, homines in tantum alienos à copia, ut ne semel quidem, que sentiunt, latine possint efferre. Iam vero libellus ille, qui Ciceroni inscribitur (ego magis

*ab aliquo Ciceronis studio ex illius scriptis  
collectum arbitror) queso, quid aliud habet,  
quam tumultuarium paucarum vocum conge-  
tiem? Nos formulas quasdam copiae, censpon-  
tes ostendere sumus conati, sic ut à generali-  
bus per gradus ad particulares devenerimus.  
Quanquam & futeor, & doleo, huic operi ju-  
stam curam defuisse. Siquidem olim rudem  
materiam in futurum opus congesseramus, ad  
quam expoliendam plurimorum auctorum le-  
ctione videbam opus fore. Itaque non adma-  
dum erat in animo edere. Verum cum intelle-  
xisse, quosdam his commentariis insidiari,  
parumque abfuisse, quin in castigatissimos et-  
iam ediderint: coactus sum, utcunque emen-  
datos in lucem emittere. Nam id malum nisum  
est levius. Bene vale, Colete optime, Londini,  
1512.3. Calend. Majas.*

D E S I D E R I I  
E R A S M I R O T E R O D A M I ,  
*De*  
V E R B O R U M C O P I A ,  
Commentarius primus.

C A P . I.

*Periculosa esse copia affectationum.*

**A**T non est aliud vel admirabilius, vel magnificentius, quam oratio, divite quadam sententiarum verborumque copia, aurei fluminis instar, exuberans: ita res est profecto, quæ non mediocri periculo affectetur, propterea quod, juxta proverbium,

*Non cuius homini contingit adire Corinthum.*

Unde non paucis moralibus usu venire vides, ut divinam hanc virtutem sedulo quidem, sed parum feliciter æmulantes; in futilem quandom, ac deformem incident loquacitatem, dum inani, citraque delectum congesta vocum & sententiarum turba, pariter & rem obscurant, & miseras auditorum aures onerant: adeò ut litteratores aliquot hac ipsa de re, si diis placet, etiam præcepta tradere conati, nihil aliud assediti videantur, quam quod copiam professi, suam prodiderunt inopiam. Quæ quidem res nos commovit, ut partim è mediis artis Rhetoricæ præceptis ad hoc institutum idonea deligentes, partim quæ diutino jam dicendi, scribendique usu

DE COPIA VERB.

sumus consecuti, variaque plurimorum autorum lectione observavimus accommodantes, utraque de Copia rationes aliquot, exempla, denique formulas complures proponeremus: non id quidem conantes, ut libro omnem rem absolute complectamur: sed edito veluti commentario, doctis & studiosis viam aperuisse contenti, quasique sylvam quandam operis futuri subministrasse: sive quod solo juvandi studio ad hoc laboris capessendum adducti, non invidemus, si penes alium sit vel tota gloria, modo a nobis ad studiosam juventutem aliqua manabit utilitas: sive quod gravioribus studiis addicti sumus, quam ut in his utilissimis quidem illis etiam ad maxima, sed tamen in speciem minutis, vacet permultum operæ collocare.

C A P. II.

*A quibus inventa, & à quibus exercitata Copia.*

Porrò, ne quis hoc inventum tanquam neotericum, ac nuper domini nostræ natum aspernandum existimet, sciat hanc orationis variandæ rationem, ab homine doctissimo pariter, & diligentissimo Quintiliano locis aliquot leviter attingi, & nobiles aliquot Sophistas in compendium contrahendi sermonis; viam ostendisse. Quod facere nequaquam poterant, nisi pariter & explicandi ratione demonstrata. Quorum si libri extarent, aut si, quod admonuit Fabius, ad plenum tradere voluissent: non admodum futurum erat opus iis meis præceptium scutis. Accedit ad hujus negotii commendationem, quod neutram piguit viros omnis doctrinæ principes diligenter in hoc genere exerceri. Siquidem existant etiamnum mirabiles aliquot Maronis experientia-

rientiae de speculo, de fluvio gelu concreto, de Iride, de Solis exortu, de quatuor anni partibus, de signis cœlestibus. Idem satis indicat apolodus ille Aësopicus de vulpe & corvo, quem Apulejus mira verborum parsimonia perstringit, & eundem plurimis verbis quam fusissime explicat, exercendi videlicet ostentandique ingenii gratia. Sed age quem tandem possit posthac hujus studii pœnitere, qui Ciceronem videat illum omnis eloquentiae parentem, adeo huic exercitationi induluisse, ut cum Mimo Roscio familiari suo solitus sit contendere, utrum ille saepius eandem sententiam variis gestibus effingeret, an ipse per eloquentiae copiam sermone diverso pronunciaret.

## C A P. III.

*Auctores quemadmodum luserint ostentatione copia.*

Quid, quod iidem auctores non in palæstra solum, verum etiam in opere serio nonnunquam ostentanda copia luserunt: dum rem eandem nunc ita cohibent, ut adimere nihil queassent, nunc ita locupletant dilatantque, ut nihil possit adjungere. Homerus, teste Fabio, utraque juxtra re mirabilis est, tum copia, tum brevitate. Quanquam in præsentia animus non est exempla persequi: tamen unum atque alterum ex uno Virgilio proferemus, à quo quid brevius dici potuit, quam illud: *Et campos, ubi Troja fuit?* Faucissimi verbis, ut ait Macrobius lib. 5. Satur. cap. 1. civitatem hausit & absorpsit, ne ruina quidem relicta. Rursum hoc ipsum audi quam copiosè.

*Venit summa dies, & ineluctabile fatum*

*Dardania, fuius Troes, fuit Ilium, & ingens*

*Gloria Teucrorum, ferus omnia Iupiter Argos*

*Transtulit: incensa Danai dominantur in urbe:*

*O patria, ô divum domus, llium, & inclita bello  
Mænia Dardanidum.*

*„Quis cladem illius noctis, quis funera fando*

*„Explicit, aut possit lacrimis aquare labores?*

¶ *Quis fons, quis torrens, quod mare tot fluctibus,*  
¶ *quot hic verbis inundavit? Verum hoc exemplum ad sententiarum copiam magis referendum alicui videatur. Lusit & verborum luxurie cum ait:*

*Superatne, & vescitur aurâ*

*Aethereâ, nec adhuc crudelibus occubat umbris?*

*Sed hoc Nasoni familiarius est, ita ut eo nomine taxatus sit, quod in copia modum non teneat. At taxatus à Seneca, cuius totam dictiōnem damnat Fabius, Suetonius, & Aulus Gellius.*

### C A P. IV.

#### *Quibus vitio data immoda copia.*

**N**EQUE quicquam mea refert, si quibus vel immoda, vel perperam ~~adfectata~~ copia vitio data est. Nam in Stefichoro Quintilianus notat nimis effusam, & redundantem copiam: sed ita notat, ut vitium esse fateatur non admodum refugiendum. Æschylo datur in vetere commœdia, quod bis idem dixerit *ηκω Ε γετέρχομαι*, id est, *venio & postliminior redeo*. Interdum Seneca vix fert Maronem eundem sensum bis aut ter accinentem. Et ne frustra longum catalogum recensem, non defuerunt qui M. etiam Tullium, ut Asianum ac redundantem, nimia-  
que luxuriantim copia, daninarent. Sed hæc, ut dixi, nihil ad me pertinent, qui quidem non quomodo scribendum aut dicendum sit, præscribo: sed quid ad excitationem faciat, ostendo.

ubi

ubi quis nescit omnia justo majora esse debere?  
Deinde adolescentiam instruo in qua Fabio non  
displacet orationis luxuries, propterea, quod  
facilè, quæ supersunt, judicio resecantur, quæ-  
dam etiam ætas ipſę deterat, cum interim tenui-  
tati atque inopia nulla ratione mederi queas.

## C A P. V.

*Eiusdem artificis esse breviter, & copiosè  
dicere.*

I AM si qui sunt, quibus usque adeò placet Me-  
nelaus ille Homericus, & πολύμυθος, id est non-  
mutiloquus, rursum displacet Vlysses fluminis  
instar hybernis auti nivibus ruens, si quos im-  
pendio Laconismus ille, & breviloquentia de-  
lestat: ne hi quidem nostro labore debent obstre-  
pere, quippe quem nec ipsi sint infrugiferum  
experturi, propterea quod ab eadem ratione  
profici scireatur, ut vel brevissime dicas, vel  
copiosissime. Siquidem quemadmodum argutè,  
Socrates apud Platonem colligit, ejusdem homi-  
nis esse scite seu mentiri, seu verum dicere: ita  
non aliis artifex melius ad brevitatem arctabit,  
orationem, quam qui calleat eandem quam ma-  
ximè varia suppellectile locupletare. Nam quan-  
tum ad verborum attinet brevitatem, quis con-  
strictius dixerit, quam is, cui promptum sit ex  
immenso verborum agmine, ex omni figurarum  
genere, statim diligere, quod sit ad brevitatem  
accommodatissimum? Rursum quantum ad sen-  
tentiaz brevitatem, cui magis in manu fuerit  
rem quam paucissimis expedire verbis, quam  
qui cognitum, ac meditatum habeat, quæ sint  
in causa præcipua, quasique columnaz, quæ

## 12. DE COPIA VERB.

proxima, quæ locupletandi negotii gratia sint  
ascita? Nemo certe citius, certiusque videbit,  
quid citra incommodum possit omitti, quam is  
qui quid quibus modis addi possit, viderit.

## C A P. V I.

*De stulte affectantibus, vel brevitate  
temp, vel copiam,*

**Q**UOD si casu vel huc, vel illuc ducimur, peri-  
culum est ne nobis usu veniat, quod quibus-  
dam Laconismi κακοζήλος, id est malis affecta-  
toribus videmus evenire, qui cum pauca dixe-  
rint, tamen in ipsis paucis multa supersunt, ne  
dicam omnia. Sicut è diverso imperitis copiæ  
affectatoribus evenit, ut cum immodice loqua-  
ces sint, tamen parum dicant, multa nimirum  
dictu necessaria prætereuntes. Nostræ igitur præ-  
ceptiones eo spectabunt, ut ita rei summam,  
quam paucissimis complecti possis, ut nihil desit;  
ita copia dilates, ut nihil redundet tamen: libe-  
rumque tibi sit cognita ratione, vel Laconis-  
mum æmulari, si libeat, vel Asianam illam ex-  
uberantium imitari, vel Rhodiensem medio-  
critatem exprimere.

## C A P. V I I.

*Duplicem esse copiam.*

**P**ORRO duplicem esse copiam, non arbitror  
obscurum esse, vel Fabio declarante, qui  
inter ceteras Pindari virtutes præcipue miratur  
beatissimam illam rerum verborumque copiam.  
Quarum altera consistit in Synonymia, in He-  
terosi, sive Enallage vocum, in Metaphoris,  
in mutatione figuræ, in Isodynamiis, reliquis-  
que

quæ id genus variandi rationibus : Altera in congerendis , amplificandis argumentis , exemplis , collationibus , similibus , dissimilibus , contrariis , atque aliis hoc genus modis , quos suo loco reddemus accuratius , sita est . Hæ quanquam alicubi sic conjunctæ videri possunt , ut haud facile dignoscas , ita alteri inservit altera , ut præceptis potius , quam re , atque usu discretæ videantur : nos tamen docendi gratia ita separabimus , ut neque superstitionis in secando , neque rursus negligentiarum merito damnari possimus.

## C A P. V I I I.

*Quas ad res conferat hac exercitatio.*

Nunc quo studiosa juventus propensiōribus animis in hoc studium incumbat : quas ad res conducat , paucis aperiemus . Princípio quidem in totum ad phrasin illam non parum adferet momenti , hæc variandæ orationis exercitatio . Peculiariter autem conferet ad vitandam ταυτολογίαν , vitium cum foedum , tum odiosum , Ea est ejusdem verbi aut sermonis iteratio . Neque raro iusu venit , ut idem nobis creibius sit dicendum : ubi , si destituti copia , aut hæsitabimus , aut κόκκυζ , id est cuculi , in morrem , eadem identidem occinemus , neque poterimus sententiæ colores alios , aliosque vultus dare : pariter & ipsi ridiculi erimus , nostram prodentes infantiam , & tædio miseros auditores enecabimus . Est ταυτολογία pejor ὄμολογία , quemadmodum Fab. ait , quæ nulla varietatis gratia levat tædium , estque tota coloris unius . Quis autem est auribus usque adeo patien-

patientibus, ut vel paulisper ferat orationem ubique sui similem? Tantam ubique vim habet varietas, ut nihil omnino tam nitidum sit, quod non squalere videatur citra hujus commendationem. Gaudet ipsa natura vel imprimis varietate, quæ in tam immensa rerum turba nihil usquam reliquit, quod non admirabili quodam varietatis artificio depinxerit. Et sicut oculi diversarum adspicere rerum magis detinentur: ita semper animus circumspicit, in quod se, veluti novum, intendat. Cui si cuncta sui similia occurrant undique, tædio protinus avertitur. Atque ita perit totus simul orationis fructus. Hoc igitur tantum malum facile vitabit, cui promptum erit sententiam eandem in plures formas vertere, quam Proteus ipse se transformasse dicitur. Neque vero mediocriter contulerit hæc exercitatio ad extemporalement vel dicendi, vel scribendi facultatem: præstabitque, ne subinde vel basitemus attoniti, vel turpiter intersileamus. Neque difficile fuerit, vel temere cœptam orationem com mode ad id, quod volumus, defletere, tot formulis in procinctu paratis. Præterea in enarrandis auctoribus, in vertendis ex aliena lingua libris, in scribendo carmine, non parum adjuventi nobis attulerit. Siquidem in iis, nisi erimus his instructi rationibus, sæpen numero reperiemur aut perplexi, aut duri, aut muti denique.

## C A P. IX.

*Quibus exercendi rationibus hæc facultas paretur.*

Deinceps, quibus exercitationibus hæc patetur facultas, reliquum est paucis admonitionibus.

neamus. Præceptis diligenter memoriar mandatis, sæpius ex industria sententias quasdam sumamus, easque versemus quam numerosissime, quemadmodum monet Fabius. Velut eadem, inquietus, certæ aliæ atque aliæ formæ duci solent. Is porrò labor uberiorem afferet frugem, si complusculi inter se confitentur vel voce, vel scripto, proposito in medium themate: Tum enim mutuis inventis adjuvabuntur singuli, & velut ansa præbita, plura quisque inveniet. Deinde totum aliquod argumentum pluribus tractabimus modis. Quoquidem in re conveniet Milonis illius Crotoniatæ solertiam imitari, ut principio bis, deinde ter, deinceps sæpius ac sæpius vertendo, ad eam facultatem proficiamus, ut jam sine negotio centies ac ducenties variare possimus. Adhuc, vertendis Græcis auctoribus non mediocriter augebimus sermonis copiam: propterea quod hæc lingua rerum verborumque distissima est. Fuerit autem utilius interdum paraphrasi quoque cum illis certare. Profuerit plurimum, carmina poëtarum oratione prosa retexere: ratus, orationem solutam numeris adstringere: atque idem argumentum in aliud atque aliud carminis genus transfundere. Magnopere juvabit & illud, si eum locum, qui maximè videbitur scatere copia, ex auctore copiam amuelimur, & cum nostro Marte vel æquare, vel etiam superare contendamus. Præcipuam autem utilitatem afferet, si bonos auctores nocturna diuturnaque manu versabimus, potissimum hos, qui copia dicendi præcelluerunt: cujusmodi sunt Cicero, A. Gellius, Apulejus, atque in his vigilantibus oculis figuras omnes observemus, observatas memoria recondamus, reconditas imitemur: crebraque usurpatione consuescamus habere in promptu.

CAP.

## C A P. X.

*Trima præceptio de copia.*

**H**Æc quasi præfati , super est, ut ad præceptionum traditionem accingamur , tametsi & ipsa , quæ diximus , præcepta quædam videri queunt. Videmur autem non absurde facturi , si præceptiones hinc auspicemur , ut præmonamus , Copiæ candidato , imprimis esse curandum , ut apta , ut latina , ut elegans , ut pura sit oratio : neque quicquam existimet ad copiam pertinere , quod abhorreat à lingua Romanæ , castimonia.

Elegantia , partim sua est in verbis receptis ab auctoribus idoneis : partim in accommodando : partim in compositione. Exemplum primi fuerit : ut , si quis piissimum dicat. Quod verbum ( teste Cicerone ) Latinis auribus inauditum est. Quanquam & hoc reperitur apud auctores haud , quaquam rejiciendos. In hujus igitur locum substituere licet quodvis verbum barbarum , aut folœcum ; veluti si quis dicat , avisare , pro præmonere. Barbaries autem etiam vitiosa scriptura aut pronunciatione committitur : ut si quis docere sonet , prima acuta ; aut Christum dicat Cristum ; aut percum , parcum , aut lege , priore producta. Secundi exemplum fuerit , si quis ita loquatur : dedit mihi licentiam abeundi ; pro eo quod est , fecit mihi potestatem abeundi. Hic nulla est vox non Latina : sed in abuso vitium est. Potestas enim generale nomen est , ad omnem facultatem : Licentia , vergit in malum. Hic igitur peccatur in perperam accommodando vocem ; veluti si quis dicat compilare , pro colligere. Latina vox est compilare , sed in aliud sensum :

sensum: significat enim furto spoliare. Horat. Servi fugientes compilant dominos. Item: ne me Chrysippi scrinia lippi compilasse putas. Tertium genus huic simillimum est, cum voces bonas male connectimus: veluti si quis eodem sensu dicat, injuriam dedit, qui damnum dedit. Nam dare damnum, eleganter dicitur: Facere autem injuriam dicitur, qui laedit, non dare injuriam. Dare malum, latine dicitur: Dare jacturam, aut dolorem, non recte dicitur. Facere jacturam, emendate dicitur, qui damnum patitur: facere infamiam, qui infamia afficitur, non recte. Facere injuriam, qui laedit, latine dicitur: Facere contumeliam, M. Tul. Latinis usitatum esse negat; quanquam hac sermonis forma, apud Plautum, Terentium, aliosque probatos autores reperitur: & fieri potest ut, ætate Ciceronis, abierit in desuetudinem. Accepit injuriam, probè dicitur, qui affectus est inuria, accepit contumeliam, non ausim dicere. Facere as alienum dicitur, qui contrahit debita, ut, facere versuram, qui creditorem mutat: At non recte ad eum sensum diceretur, facere invidiam, aut, simultatem, qui eam conflat sibi. Aedes vitium fecerunt, quæ ex lese corruptæ sunt. Rimas fecerunt, non ausim dicere, cum rimas agere, latine dicatur. Sic facere stipendum, recte dicitur, qui militat stipendio. Facere salarium, non item. Fecit sui copiam, recte dicitur; dedit sui copiam, non ausim dicere; cum tamen eleganter dixerit Vergil. Et coram data copia fandi. At fecit spem, ac dedit spem, utrumque latine dicitur. Interdum vox non in loco posita, vitiat orationem. Quod genus: Quid sibi vult hic homo, recte dicitur: quid sibi vult hic mortalis, inepte diceretur. Sed

ad.

ad rem : quod est vestis nostro corpori , id est  
 sententiis elocutio . Neque enim aliter quam for-  
 ma dignitasque corporis , cultu habituque , iti-  
 dem & sententia verbis vel commendatur , vel  
 deturpatur . Itaque plurimum errant , qui nihil  
 arbitrantur interesse quibus verbis quæque res  
 efferatur , modo ~~uncinque~~ possit intelligi . Neque  
 diversa est commutandæ vestis , & rationis va-  
 riandæ ratio . Sit igitur prima curarum , ne vestis  
 aut sordida sit , aut parum apta corpori , aut per-  
 peram composita : Nam indignum fuerit , si for-  
 ma per se bona , vestis sordibus obfuscata , disipli-  
 ceat . Et ridiculum sit , si vir muliebri amictu  
 prodeat in publicum : Et foedum , si quis veste  
 præpostera , atque inversa conspiciatur . Quare  
 si quis copiam affectare velit , priusquam linguæ  
 Latinæ mundiciem sibi compâraret , is meo qui-  
 dem judicio non minus ridicule fecerit , quam  
 si quis pauper , cui nec unica sit vestis , quam  
 sine magno pudore possit induere , subinde mu-  
 tato vestitu , aliis atque alijs pannis obsitus , in  
 forum prodeat , ambitiose mendicitatem suam ,  
 ostentans pro opibus . Hic quo sæpius id fecerit ,  
 an non hoc videbitur insanior ? videbitur opi-  
 nor . At qui nihilo minus absurde faciunt isti qui-  
 dam affectatores Copiarum ; qui ne cum semel qui-  
 dem possint , id quod sentiunt , mundis verbis  
 efferre , tamen perinde quasi pudeat eos , parum  
 balbos videri , ita balbutiem suam aliis atque aliis  
 modis reddunt balbutiorem : quasique certa-  
 men ipsi secum sumpserint , ut , quam possit bar-  
 barissimè dici , dicant . Volo ego multijugam esse ,  
 domus opulentæ suppellectilem : sed totam ele-  
 gantem esse volo , ne mihi salignis , ficulnis , ac  
 Samiis vasculis omnia sint referla : Volo in splen-  
 dido convivio diversa ciborum genera proponi :

sed

sed quis ferat , si qui centum apponat eduliorum formas , quorum nullum sit quod non nauseam moveat ? Hæc non temere pluribus verbis admonui , quod exploratam habeam plerorumque mortalium præcipitem audaciam , qui prateritis fundamentis , statim . & illotis (quod aiunt) pedibus , ad sursumma malunt festinare . Neque multo levius peccant , qui sordida miscentes elegantiis , purpuram pannis deturpant , ac vitrea gemmis intertexunt , Atticisque bellariis jungunt alliata . Nunc , variandi formulas proponemus , eas nimirum , quæ ad verborum pertinent copiam .

## C A P . XI.

*Prima variandi ratio per Synonymiam.*

**P**rima igitur ac simplicissima variandi ratio in his verbis sita est , quæ diversa cum sint , eandem omnino rem declarant : ita ut ad significationem nihil referat , hoc an illo malis uti . Quæ quidem Synonyma Grammaticis dicuntur , contraria his , quæ dicuntur Hononyma : illa , quidam audent dicere univoca ; hæc , æquivoca : licet hæc cognomina juxta Dialeticos magis congruant rebus ipsis , quam vocabulis . Nam voces diversas rem eandem significantes rectius dicemus *ιστδωμας* & his contraria *πολυμηνος* . Prioris generis sunt , ensis gladius , dominus ædes , codex liber , forma decor pulchritudo . Horum itaque maxima vis , undecunque è bonis auctoribus contrahenda , varia comparanda supellex , & ( ut Fabius ait ) divitiæ quædam cœstruendæ quibus ubique desideratum erit , possit nobis constare verborum copia . Neque sat , erit hujusmodi vocum , mundum copiosum , ac penum

penum

10609373

divitem parasse, nisi non solum in promptu, verum etiam in conspectu habeas, ut protinus, vel non quæsita, sese ostendant oculis. Quatamen in re illud in primis cavendum, ne, quod quidam faciunt, citradelectum, velut ex acervo, quicquid primum occurrerit, quolibet loco dicamus. Primum n. vix usquam duo verba repries adeò *iσθιαμενη*, quin aliquo discimine dissideant. Nam quid tam idem significat, quam homines, & mortales? Et tamen qui passim omnes mortales, pro omnes homines dixit, græco isto notatus est proverbio, τὸ δὲ φακῆ μέρη, *id est in lenticula unguentum*. Et alicubi literæ, & epistola, rem eandem significant, alicubi diversas. Tum ut demus, in significatu nihil omnino discriminis esse, tamen sunt alia aliis honestiora, sublimiora, nitidiora, jucundiora, vehementiora, vocaliora, ad compositionem magis concinna. Proinde dicturo delectus adhibendus, ut ex omnibus optima sumat. In promendo, judicium requiritur: in condendo, sedulitas. Ut judices, præstabit diligenter observata sermonis elegancia, proprietasque: ut quam plurima recondas, omnis generis auctorum assidua lectio dabit. Si quidem aliis verbis multa eloquentur poëtæ, aliis oratores. Sunt & ætatibus ac seculis quædam peculiaria vocabula. Quin iidem etiam scriptores, rem eandem sæpenumero diversis modis efferrunt. Primum igitur ex omni scriptorum genere, verba quam optima feligenda: deinde quæliacunque erunt: tamen in congeriem addentur: neque vox ulla rejicienda, quæ modo apud scriptorem non omnino pessimum reperiatur. Nullum enim verbum est, quod non alicubi sit optimum. Proinde quantumvis erit humile, inusitatum,

usitatum, Poëticum, priscum, novum, obsole-  
tum, durum, barbarum, ~~et~~ peregrinum, tamen in  
suo veluti grege, nidoque reponatur, ut, si quan-  
~~do~~ veneritus, tum accersatur. Quod si verebi-  
mur, ne verbi aut novitas, aut vetustas aures  
offendat, rectum erit Fabii uti consilio ut memi-  
nerimus ~~δροτηπαλητειη~~. Id fiet iis ferme ratio-  
nibus, Cato, librorum helluo, ~~si~~ ramen eo ver-  
bo fas est uti, in re tam præclarā, Ipsissimus, ut  
Plauti more loquar. Cur enim non utar Enniānis  
verbis? Nam Horatiano verbo libenter utimur.  
Sic enim isti Neoterici loquuntur: Agnoscis ca-  
strense verbum: Vt poëtæ loquuntur: Vt prisci  
loquebantur: Vt dicam antique: Si sic loqui licet:  
Si mihi permittas vulgato more loqui: Dicam  
enim græcè, quo dicam melius. Idem faciendum  
in his verbis quæ vocantur κακίωστα, hoc est,  
quæ vergunt ad obſcœnæ rei significationem.

S O R D I D A.

Sordida igitur sunt, quæ humiliora videbun-  
tur, quam pro rei dignitate: veluti si quis ami-  
cum ac familiarem, congerronem appelle; Lite-  
rarum avidum, helluonem. Nam acetum, spon-  
gia, pulegium, demiror cur Senecæ verba sordi-  
da videantur. Mihi reftius sordida videntur,  
quibus ipse usus est in quadam epistola, Pilicre-  
pi, botularii, & crustularii. Hujusmodi fere sunt,  
quæ à sordidis artibus, ac opificiis sumuntur: ve-  
lut à balneis, à culinis, à coriariis, à popinis. Qui-  
bus tamen necessario utimur, si de talibus argu-  
mentis sit differendum. Siquidem Chirurgi ac  
Medici coguntur interdum uti verbis aptis po-  
tiis, quam splendidis. Et, Plinius jocatur in  
verba castrenſia. Et tuburcinandi verbum,  
latronum

latronum sodalitia nobis dederunt. Quædam autem per se sordida sunt, alia ad argumentum, ad personas, aut alias circumstantias relata: veluti *stercus*, & *stercorare*, non est sordidum verbum, si apud agricultas de agricultura loquaris: secus, si apud Principem de republ. habetur oratio.

### INUSITATA.

Olim plurimum jus erat consuetudini publicæ, quemadmodum testatur & Horatius:

*Multa renascentur, quæ nunc cecidere, cadentque,*

*Quæ nunc sunt in honore vocabula, si voles usus.*

Nunc quoniam loquendi ratio non à vulgo, sed ex eruditorum monumentis petitur, non est eadem consuetudinis auctoritas. Inusitata tamen videri possunt, quæ rarius occurrunt apud eos auctores, qui frequentius teruntur ab eruditis: Et hodie danda est opera, ne inoleste loquamur, longéque recedamus ab istorum studio, qui recte loqui putant inusitatè loqui, quod in L. Siffenna viro alioqui docto, notat M. Tullius: qui que (quod eleganter dictum est à Diomede) ita, demum sibi videntur ingeniosi, si ad intelligendos ipsos opus sit ingenio. Denique qui malunt scribere, quæ mirantur homines magis, quam intelligent. Nec uno tamen modo fit, ut sermo sit usitatus: quod ex his, quæ sequuntur, fiet perspicuum. Siquis exemplum requiret: inusitatè loquetur, qui passos senes dicat pro rugosis: interduatim & interatim, pro interdum & interim: titivilitium, pro re nihili: vagorem, pro vagitu:

P O E T I C A .

Sunt & apud Poëtas, quibus parcius est utendum, præsertim in oratione libera, cuiusmodi sunt apud Horatium, eliminare, pro efferre foras arcanum: quo tamen usus est M. Tullius, pro ejicere. Juvenari, pro juveniliter lascivire, quæ vox ad græcam effecta est, νεωτερικήν νεανικόν. Euriare, pro in furorem agere. Clarare, pro illustrare. Æternare, pro sempiternæ memoriarum tradere. Inimicare, pro inimicitias concitare. Pauperare, pro damno afficere. Cinctutis, pro cinctis. Invideor, pro mihi invidetur. Et apud Virg. Agmen, pro actu seu ductu. Leni fluit agmine Tybris: Indomitum fuit, pro indomite. Acerba tuens, pro acerbe. Sperare, pro timere sive expectare:

*Hunc ego si tantum potui sperare dolorem.*

*Et perferrere soror potero.*

Similiter Terent. Nam quod speras propulsabo facile. A qua tamen sermonis forma non adhorruit M. Tullius in Epistolis familiaribus. Et mobilis in me meosque esse animo, non sperabam. Græcis mira felicitas in componendis dictionibus, quam interdum imitantur Poëtæ, cum idem non perinde succedat Oratoribus Latinis: quod genus sunt: vulnificus, tristificus, tabificus faticus, laurigeri, caprigenum pecus, velivolum mare, vitifator, aliaque id genus innumera. Vilitigatores ausus est Cato dicere, alias offici perdam. Ad poëticam licentiam accedunt historici.

P R I S C A .

Prisca gratiam addunt, si modice, & apte veluti emblemata intertexantur: quod genus sunt expectorare,

pectorare, pro eo quod est, expromere verbis,  
quod est in animo: actum, pro quamprimum:  
Antigerio, pro valde, oppido, pro eodem, creperum bellum, pro dubio: hostire, pro pensare:  
hostimentum, pro pensatione: vitulantes, pro  
gaudentes: jumentum, pro vehiculo: perduel-  
lis, & perduellio, pro hoste patriæ: duellum,  
pro bello: cluere, pro pugnare: temetum, pro  
vino: Æmathia, pro Thessalia.

O B S O L E T A.

Inusitata sunt, quorum tantus est usus. Prisca,  
quæ ex scriptis ob antiquitatem relictis à poste-  
rioribus decerpta sunt, velut ex XI l. tabulis, ex  
Ennio, Lucilio, Nævio, & Pacuvio. Obsoleta sunt,  
quæ prorsus in desuetudinem. & oblivionem  
abierunt. Cujusmodi sunt: bovinari, pro tergi-  
versari: apludam edit, & flocces bibit: furfure  
vescitur, & fecem bibit: quæ merito deridet  
Gellius. Hostem, pro hospite, ac peregrino, dixit  
antiquitas. Nunc ridiculus sit, qui tentet ad eum  
loqui modum. Obsoletis non video quis sit lo-  
cus, nisi per jocum & ironiam: veluti si quis  
ineptum antiquitatis affectatorem ita notet: hic  
profecto dignus est, qui apludam edat & flocces  
bibat. Hic non solum habenda est ætatis ratio,  
verum etiam studii & affectionis. Est enim an-  
tiquitas jam exsoleta, ac rudis, qualis videri pot-  
est ab ætate Livii Andronici, quæ paulatim eni-  
tuit, usque ad M. Tullii tempora, quibus sic ex-  
polita est Romana eloquentia, ut quo cresceret,  
non haberet; sed (ut sunt res humanæ) paula-  
tim ab illo summo candore degeneraret. Neces-  
se n. fuit, ut posteriores, cum aliter dicere co-  
narentur, pejus dicerent. Et tamen Sallustius  
cum eadem ætate scripsit, qua Cicero, Catoni  
Censo-

10609373  
**Censorio**, quam Ciceroni similior est. Ac Mecænas cum idein ferme ætatis vixerit, tamen à seculi sui puritate longissimè abest. Itidem Valer. Max. cum Tiberii Cæsaris ætate fuerit, qua nondum degenerârat Tulliani seculi candor: tamen suo potius, quæm ætatis suæ, more scripsit. De Tacito, Suetonio, Pliniis, Ælio Lampridio, aliisque posterioribus nihil dicam. Ceterum quemadmodum iure laudatur illorum institutum, qui sese ad illius felicissimi seculi imitationem componunt: ita non probarim quosdam, qui ceu barbarum horrent, quod in his posterioribus perciunt: præsertim cum fieri possit, ut quod hic refugiunt, apud M. Tullium fuerit in libris, quos desideramus. —

D V R A.

Dura sunt, quæ parum commode transfruntur. Notatus est, qui Reipub. dixit castratam morte Camilli, cum sentiret civitatis robur illius morte concidisse. Et Flaccus recte notat Furium quendam qui scripserit:

*Iuppiter hybernas cana nive conspuit Alpes.*

His assimile fuerit illud: campos pacis sustulit: belli montes excitavit: mollius erat, si à mari tranquillo, ac turbato duxisset metaphoram.

P E R E G R I N A.

Habent suam & peregrina gratiam, in loco adhibita: veluti cum gazas dicimus, pro divitiis, quæ vox Persica est. Celebrata est autem ejus gentis opulentia, & opulentiaz comes, luxus. Acinaces, pro gladio, Medicum verbum est. Vngulum, Oscorum lingua, annulus dicitur. Cæstus pro vetulo, Sabinorum est. Vri, pro bubus feris.

**G**allica vox est, quemadmodum & merga, pro medulla, sive adipe terræ, qui effoditur ad latifificandos agros: Et gesa, pro teli genere. Parfanga, pro spacio triginta stadiorum, Persicum verbum est. Quin & canumrum, pro eo quod in se recurrat, inter peregrinas voces censetur. Apud veteres Christianos recepta sunt, Nonnus, & Nonno, pro sanc*t*o, & sanc*t*a, quæ vocabula sunt Ægyptiorum, quod olim illic monachorum, & monacharum examina sanctimoniacæ nomine m, commendarentur. Quod si quando neceſſitas cogit, ut barbaris utamur, non sine honoris præfatione sunt adhibenda, quemadmodum ait Plinius. Sunt alia permulta voces, quæ à barbaris nationibus una cum ipsis rebus ad Græcos, à Græcis, ad nos dimicarunt: quod genus sunt, sinapi, piper, zinziber, &c.

### O B S C O E N A.

**O**bſcœnas voces oportet ab omni Christianorum sermone procul abesse. Nec audiendi sunt Cynici, qui nihil putant turpe dictu, quod turpe factu non sit: Rursus quod turpe non sit, in occulto facere, id nec in publico turpiter fieri: veluti reddere lotium, aut exonerare alvum. At è diverso non statim turpe dictu est, quod factu turpe est. parricidium, & incestus verecundè nominantur, cum utrumque factu sit turpissimum. Verum ut sunt quædam corporis membra, quæ cum per se inhonesta non sunt, tamen pudore quodam humano velantur: ita sunt actiones quædam mediæ, quæ verecundiæ gratia cælantur. At non statim quod indecorum est propalam facere, turpe est suo nominare vocabulo. Parere verecunde dicitur, quod tamen turpe fieret in propatulo. mejere, non verbum est obſcœnum, tametsi

tamen si reddere lotium verecundius est, palam tamen mejere, inverecundum est. Contra, caca-  
re, est verbum obscenum, cum actio sit æque media. Venter pudice nominatur, in pudice ostenditur. Vulva verbum est honestum, cum cunnus sit obscenum. Vnde igitur dicitur obscenitatis ratio? Non aliunde quam ab usu, non quorumlibet sed eorum, quorum casta est ora-  
tio. Nam poëta, præcipue Satyrici, in his sibi ni-  
nium permiserunt. Interdum metaphora simpli-  
ci verbo est obscenior: quale est illud Horatii:  
Alienas permolere uxores, & Patricias impiejere vulva. Et apud Catullum, despuit patruum, & de-  
gluberc viros. Quædam detorta sunt in obscen-  
um sensum, cum per se sint honesta: ut dare fi-  
dem, verecunde dicimus: & tamen obscenum  
est, quod est in Priapeiis: Simplicius multo est Da,  
latine dicere. Martialis: vis dare, nec dare vis. Ab  
his igitur quæ manifestam habent obscenitatem,  
in totum est abstinentum. Quæ media sunt, pos-  
sunt ad verecundum sensum accommodari: vel-  
uti si quis dicat se exosculari, aut dissuaviari in-  
genium alicujus, quo valde delebetur: aut, Philo-  
logia procum appelle, eruditio candidatum.

NOVATA.

Novata trifariam accipi possunt: vel quæ fu-  
guntur nova: vel quæ in alium usum deflectun-  
tur: vel quæ compositione novantur. Primi gene-  
ris exemplum fuerit, quod Nero morari dixit,  
prima producta, pro, fatuum esse, à Græca voce  
μωρός. Secundi, quod Sallustius ductare exer-  
citum dixit, cum ductare apud Terentium, alios  
que veteres sensum habeat obscenum: ut meam  
duces gratis. Item, patrare bellum, pro gere-  
re bellum, cum patrare prius diceretur, qui da-

ret operam creandis liberis. Tertii generis sunt  
vitilitigator, à vitio litigandi, quod ante retuli-  
mus: Bubsequa, pro bubulco: Item illa Pacuvii:  
Nerei repandirostrum, incurvicervicum pecus:  
quorum meminit Fabius. Ad hanc classem per-  
tinent quæ derivatione novantur: ut, vitupero-  
nes, amorabundus, nupturire, verbigerari: Cu-  
jusmodi vocibus præcipue gaudet Apulejus, Mar-  
tianus Capella, Sidonius Apollinaris, & qui ad  
horum exemplum sese composuerunt. Habent  
& hæc gratiam, si modo in loco modicéque ve-  
lut aspergantur. Nam ut eleganter est à Fabio di-  
ctum, in cibis interim acor ipse jucundus est.  
Porro Græca, Latinis in loco intermixta, non  
mediocrem addunt gratiam. In loco adhibentur,  
vel, cum Græca vox est significantior, ut  $\lambda\sigma\gamma\epsilon$ -  
 $\mu\alpha\chi\alpha$ , pro contentione sive rixa: vel, cum est  
etiam brevior, ut  $\epsilon\iota\lambda\omega\tau\Theta$ , pro eo qui sibi pla-  
çet: vel, cum est vehementior, ut  $\gamma\upsilon\upsilon\alpha\kappa\mu\alpha\mu\eta\varsigma$   
pro mulierofo: vel, cum est venustior, ut, si  
quis de rebus arduis, sed inutilibus, differentem  
dicat, eum μετεωροεσχην, aut eum, qui sibi  
sapientis videatur, cum sit stultus, apellet μωρό-  
 $\sigma\circ\pi\circ\circ\circ$ : nam græcæ voces gratiam nulla Latina  
posset assequi, vel cum ad locum, vel dictum  
auctoris alicujus alludimus: veluti cum notan-  
tes aliquem inconsideratus locutum, dicimus,  
 $\pi\circ\circ\circ\pi\Theta$ , &c. quod est apud Homerum, aut  
indicantes aliquem non respondisse ad id, quod  
proponebatur, dicamus  $\alpha\mu\alpha\circ\pi\pi\pi\pi\pi\pi$ , quod  
si latina dicas, falces petebam, perit sermonis le-  
pos. Allusionem habet, illud Horatianum:

*Ter undi trans Tiberim nanto,*

*Irriguumque mero sub noctem corpus habento:*

*Facit*

Facit enim Trebatium loquentem jureconsultum. Solent enim iis verbis XII. tab. delectari; quod & M. Tullius imitatur in libris de legibus. Denique, cum volumus id quod dicimus, à quibuslibet intelligi. Ac ne singula persequar, quoties invitat aliqua commoditas, rectè Græca Latinis intertexentur, præsertim cum ad eruditos scribimus. Ceterum cum nihil huc invitat, velut ex instituto sermonem semilatinum, & semigræcum texere, fortassis in adolescentibus femet ad utriusque linguaæ facultatem exercentibus, veniam mereatur; in viris, mea sententia, paruni decora fuerit hæc ostentatio, neque plus habeat gravitatis, quam si quis alternis, & è prosa oratione, & metris librum misceat: quod tamen ab eruditis quibusdam factum videmus, ab Arbitro Petronio, sed non sine specie deitentia: à Seneca, in ludicro encomio Claudii: Et quod magis admirandum, à Boëtio, in argumento serio, qui tamen in carminibus adeò sui dissimilis est, ut docti vix credant ipsi Marte fuisse conscripta. Boetium imitatus est Ioannes Gersonensis, scriptor haud contemnendus, si in hoc seculum incidisset. Jam fit interdum, ut aut longo circuitu cogamur efferre, quod sentimus, aut à Græcis mutuo sumere, ut in πολυπεχυμονίᾳ, φιλαντίᾳ, ἀρχαρτοποίῳ πολυφηλίᾳ, δυσωπίᾳ, τετραλογίᾳ, ταυτολογίᾳ, βαττολογίᾳ atque id genus sex millibus, de quibus fortassis alias nonnihil dicemus. Sunt non paucæ Græcorum voces, quas antiquitas latinitate donavit: Iis perinde, atque latinis, ut licebit: ut, rhetor & orator: hypothecā & pignus: helleborum & veratrum, fœniculum & marathrum: sycophanta, calumniator: Præbibo, quo usus est Apuleius, &

propino: mastigia, verbero. Quædam ita re-  
cepta, ut desit verbum latinum, sicut Philoso-  
phus, Theologus, Grammatica, Dialectica, Epi-  
gramma. In quibus ipsis inerit nonnihil varietas,  
si modo Græca, modo latina formâ inflectantur:  
ut, scorpius & scorpio, elephantus & elephas,  
deiphinus & delphin; lampas, lampada, lampad-  
æ; grammatica grammaticæ, grammaticæ  
grammatices.

## C A P. XII.

*Ætatum propria vocabula.*

Diligenter itaque conveniet observare, quid  
in usurpandis vocibus ætas variat. Beati-  
tudinem & beatitatem, mulierosum & muliero-  
ritatem, Cicero primus ausus est dicere. Decla-  
mare, pro exercere ad eloquentiam, illius ætate  
novum erat Ætate Varronis, ædituus pro æditi-  
mo novum erat. Sic enim ab æde dicebatur ædi-  
timus, quemadmodum à lege, legitimus. Interim,  
pro interdum, obiter pro interea, & velut aliud  
agendo, subinde pro identidem, Quintiliani se-  
culo nata sunt. Reatum Messala primus dixit:  
Munerarium, Augustus, Favor, & Urbanus, se-  
culo Ciceronis, voces erant novæ. Obsequium,  
primus dixit Terentius, ut existimat Tullius.  
Cervicem, numero singulari primus dixisse fer-  
tur Hortensius. Pyraticam, Musicum, fabricam,  
pro artibus, vix dum à suis præceptoribus recepta  
fuisse testis est Fabius. Hujusmodi vocum idem  
pollentium congeries, quam Græci συναθησομεν  
vocant, conductet non tantum ad hoc, ut, si  
quando res eadem crebrius erit repetenda,  
vitemus iunctioꝝ, id est, similem ubique  
sermonis

sermonis colorum : verum etiam ad *διάνυσιν*, idem vehementiam faciet. Abiit, erupit, excessit evasit : parentem necasti, patrem occidisti, progenitorem trucidasti. Quod genus Rethores inter orationis decora referunt, vocantque *interpretationem* : Ego magis arbitor ad exercitationem adhibendam esse, quam ad orationem. Difficillimum enim variandi genus est : si, manente sermonis habitu, sensum eundem sapientius aliis, atque aliis verbis idem pollutibus, efferre consuescas : ut, adire periculum, subire discrimen, suscipere periculum, aggredi discrimen : Aedificat domum, extruit aedes : Emit librum, mercatus est codicem : Ablegavit puerum, amandavit ministrum. Hic tibi ab illo habitus est honos, haec tibi ab illo relata est gratia. Hoc premii recepi, hos fructus tuui : Condonavit culpam, remisit noxam, ignoravit admissum. Quoties ejus diei recolo, quoties recordor, quoties reminiscor, Nihil est humanis auribus fastidiosius, ac recte præcipit Horatius,

*Vt currat sententia, neus se*

*Impedit verbis laffas onerantibus aures.*

Secus est, cum & affectui servit iteratio, & varietas aliqua levat repetitionis tedium. Quod genus est illud Maronis.

*Supereftne & vescitur aura*

*Etherea, nec adhuc crudelib. occubat umbris?*

Huic similis est illa M. Tulli copia pro Q. Ligario: O clementiam admirabilem, atque omnium laude, prædicatione, literis, monumentisque decorandam, & cetera : similia dixit, non eadem. Laudatur etiam, idque merito, ex eadem oratione, locus rem eandem aliis atque aliis verbis inculcans. Quid enim Tubero, tuus ille distictus in acie Pharsalica gladius, &c. Hxc eo

diligentius admoneo, quod celebris alioqui non minis concionatores, præsertim apud Italos, senserim hoc ceu præclarum affectare, ut hujusmodi synonymis tempus eximant: veluti si quis interpretans illud psalmi: Cor mundum crea in me Deus: ita loquatur: crea in me cor mundum, cor purum, cur nitidum, cor immaculatum, cor expersordium, cor nullis vitiis inquinatum, cor purgatum, cor lotum, cor niveum; atque idem faciat in ceteris verbis. atque hæc copia non multum abest à Battologia.

## CAP. XIII.

*Ratio variandi per Enallagen,  
sive επέρωσις.*

**P**ROXIMA variandi ratio est, cum eadem voce modice deflexa, varietatis nonnihil conciliatur: ut, edaxedo, bibaxbibulus, bibosusbibo, loquaxlocutulejus, nugatornugo, blateratorblaterno, fallaxfalsus, voluptuosusvoluptarius,

**T**. Huius generis est, cum substantivum nomen adjectivo commutatur, aut contra: ut juxta sententiam Homeri, juxta sententiam Homericam: vir mire facundus, vir mira facundia. Insigniter

**L**. impudens, insignita impudentia. Cum verbum activum mutatur in passivum, aut contra: Plurimam habeo gratiam, plurima tibi à me habetur gratia. Magna me tenet admiratio, magna teneor admiratione. Non sic amat filium mater, non sic à matre amatur filius. Et, ut rem infinitè varjam summatim dicam, duobus potissimum modis constat hæc mutatio: vel cum pars ipsa mutatur, vel cum eadem orationis parte manente, qualitas novatur. Et totidem rationibus commutari poterit, quot sunt res, quæ voci cuiquam accidunt.

cidunt. Prioris exemplum erit. Non confido facturum me, non est fiducia. Non dubito quin possit: non est mihi dubium, quin adsit illi facultas. Iudicent alii, aliorum esto judicium. Quid huc redisti? quid huc redditio est? Desine nugari, desine nugas. Id mihi anus indicium fecit, pro indicavit. Est illi mira sitis auri, mire sitit aurum. Non est apud illum discriminem amici & inimici, id est, non discernit amicum ab inimico: Nostrum istud vivere triste. Infinitum verbum pronomine: Virtus est vitium fugere, id est, virtus fuga vitiorum. In his orationibus verbum nomine permutatur. Amantem redama. Promerenti benefac: Redama eum, qui te amat: Benefac ei, qui promeretur: Tui desiderantissimus est, te maxime desiderat: Nemo tui videndi cupientior, nemo qui te magis videre cupiat. Hic verbum participio commutatur: venisti ereptum, venit eripere, venit erepturus, venit ut eripiat. Hic verbum supino, aut participio mutatur: ad congerendas pecunias inhiat, ad congerendum pecunias inhiat. Hic gerundum, ut vocant, gerundio commutatum est: hoc dictum oportuit, hoc dicere oportuit. Si quid recte curatum velis, si quid recte curari velis. Hic infinitum verbum participio commutatur: Magnum dat ferre talentum, ferre, pro ferendum: Sthenelus sciens pugnare, id est, sciens pugnandi: Cupidus litium, cupidus litigandi. Hic nomen positum pro gerundio: libitum est, pro libuit: misertum est, pro misertus sum: pertactum est, pro tactuit: placitum est pro placuit: puduit, pudicum est. Hic supinum, pro verbo: meliuscula est, meliuscule est, plurimum est in foro, plurimus est in foro: rarus est conviva, raro est conviva: multus est apud mulierem, multum apud mulierem versatur: frequens est in aula,

aula, assiduus in literis. Hic nomine communissimum adverbium frequenter & assidue. Verum alias fortassis ut commodius, ita & copiosius de his dicemus. Nunc de qualitatis variatione docendi causa pauca ponamus, quasi digito fontes ipsos indicantes.

## NUMERUS.

Usurpatur numerus pro numero: Romanus pralio vicit, pro Romani victores:

*Haud secus ac patriis acer Romanus in armis.*

Vterumque armato milite complent, pro armatis militibus: omnem pecuniam absunxit, omnes pecunias: populo imposuimus, id est imposui: Et, oratores visi sumus, cum de uno loquatur Cicero. Virgil.

*Sed nos immensum spaciis consecimus aquor.*

Hominis vultus, pro vultu. Datur ora tueri, pro, datur videre faciem. Animos pro animo. Nam in prima persona pro singulari plurativum numerum ponere frequentissimum est, aliquoties modestiae causa. In secunda nunquam, nisi genus ipsum significamus: quæ vestra libido est, id est, virorum. In tertia invidiae causa mutavit Terentius. Cum ad uxores venturi est, tum fiunt senes: cum de uno Chremete diceretur. Inexplicatosque Platonas, Martialis cum de uno Platone dicat. In genere mollior ac frequentior est numeri mutatio, in nominibus quæ Grammatici *collectiva* vocant: cuiusmodi sunt, vulgus, populus, gressus, ordo: pars in frusta secant. Item in his, quæ non unum aliquod individuum, sed genus aut speciem declarant. Nihil enim refert, utrum dicas, Elephantus decimo demum anno parit: aut, elephanti decimo anno pariunt.

## PERSONA.

Variatur & persona pluribus modis, vel cum certa, pro quavis ponitur: quid facias? ut homo est, ita morem geras: videas & flumina sicca, id est, videri poterant. Idem fit per primam personam, itidem per secundam.

*Ne mihi dum molleis sub divo carpere somnos.*

*Neu d̄rsonemoris libeat jacuisse per herbam,*

*Ne ve tibi ad Solem vergant vineta cadentem.*

Nonnunquam pro prima, aut etiam secunda persona, tertiani usurpamus. Ut, ait Clodius, negat Cicero, id est, tu ait, ego nego. Virgil.

*Nec me meminisse pigebit Elissa,*

Id est, tui. Idem:

*Et tandem Turnum experiarur in armis:*

Turnum dixit, pro me. Item:

*Manibus hoc referes telo cecidisse Camilla,*

Id est, meo. Huc pertinet quæ vocatur Apostrophe, cum oratione ad aliquam personam, aut ad rem tanquam ad personam vertimus, ut,

*Scipiades duros bello, & te maxime Cesar.*

*Polydorum obtruncat, & auro*

*Vi potitur: Quid non mortalia pectora cogis*

*Auri sacra fama?*

Virg. Parenthesin cum Apostrophe conjuxit in illo:

*Haud procul inde citæ Metium in diversa quadriga*

*Distulerant (at tu dictis Albane maneres)*

*Rapiabatque viri mendacis viscera Tullus.*

Ad hanc formam pertinet, quoties verbum personale impersonali commutamus: ut, Non te hæc pudet? non te horum pudet? Apud Barbaros assidue bellatur; Barbæ continenter bellant: Dicitur pasum Pontificem adventare; plerique dicunt Pontificem adventare. Dicimus non posse, quam te amem: Nemo dixerit facile, quam te ameni.

## GENVS.

Est nonnihil varietatis & in generis commutatione : ut, lachrymat, pro lachrymatur : luxuriat, pro luxuriatur : fluctuat, pro fluctuat : prævertitur, pro præverti : præcipitat, pro præcipitatur. avertit, pro avertitur : revertor, revertor, imperio, impertior : assentio, assentior : solebat fieri, solitum est fieri : non quivit compesci, non quita est compesci : desit haber in precio , desita est haber in precio : causa coepit agi, coepta est agi: assentio, & assentior tibi : conspicor, & conspicio. In quoru postremo mutatur συγγρα, id est conjugatio. Nam illa , quæ refert Dionedes, frustro. patio, moro, demolio, auxilio, populo, digno, atque id genus alia , priscis arbitror relinquenda, nisi in carmine inciderint : nam tum excusati adhibebuntur. Consimiliter in nominibus, pileum & pileus : hæc ficus, & hic ficus, hæc barbitus, hic barbitus, hoc barbiton : hic helleborus, hoc helleborum. Hoc natum dixit Plautus.

## CASVS.

Casus etiam mutatur : Ejus rei mihi venit in mentem , ea res : non sum id nescius , non sum ejus rei nescius. Quædam etiam citra tropum, duplicem habent constructionem : utor hanc rem, & hac re : egeo tui, egeo te : dives pecore, dives pecoris: dono te libro, dono tibi librum : impertior heram hoc malo, impertior heræ hoc malum.

## SPECIES.

Species variatur, cum deductiis utimur pro primogeniis : ut, magnis negotiis prohibitus, magnitudine negotiorum prohibitus : Cum diminui-

minutivis, loco simplicium; ut loquaculus, pro loquax; nassulus, pro nasuto; paucula, pro pauca; pauxillum, pro paulum: Cum frequentativis verbis, pro primitivis: Dicito, pro dico; volito, pro volo, jactito, pro jacto: Cum substantivo, pro adjetivo, ut, si quis pro pestilente, pestem appelleat; pro scelerato, scelus dicat. Cui finitimum est, cum Italas artes dicimus, pro Italicis: Batavas aures, pro Batavicis: Hispanos mores, pro Hispanicis. Cum comparativum & superlativum absoluti loco ponimus, ut:

*Tristior, & lachrymis oculos suffusa nitentes.*

Et, facundissimus, pro, vchementer facundo; de quibus suo loco dicemus. Cum patronymicum loco primogenii ponitur, ut Scipiadas, pro Scipionibus. Verum hoc in carmine fortasse liceat, in oratione prosa nemo tulerit.

### FIGVRA.

Figuræ mutatio copiam adjuvat, quoties simplici dictione, pro composita utimur, aut contra: sive id tropo fiat, sive citra tropum, ut, temnere pro contemnere: ruere, pro cruere: ponere, pro deponere, mittere pro omittere: rursum, conscribere pro scribere: comedere pro edere: demirari pro mirari: ~~Inaudire~~ pro audire: Incognoscere pro cognoscere: consipere pro sapere: complacare pro placare: dependere pro pendere: deridiculus pro ridiculus. Quandoquidem pro quando. Fit & hoc modo: non potest pudescere, non potest pudesceri: tempus est, ut expergiscari, ut expergefas: calefcere, & calefieri. Ad hanc formam fortasse referendum est illud, quoties compositam dictiōnēm simplicibus circumloquiūtur: magnanimus vir, vir magno animo: relege, denuo lege. Magnopere te roga-

bat,

bat, magno te rogabat opere: non animadvertisit, non advertit animum: non satisfacit, non facit mihi satis. Interdum variatur compositionis ratio: ut exprobrare, & opprobrare, ~~per~~solvare, dissolvere, exolvere, resolvere ~~as~~ alienum.

## TEMPS.

Tempus quoque non raro commutatur: memini legere, & memini legisse: prædiceres, pro, prædixisses, vel, prædicere debuisses: laurus erat, pro, laurus esset: vicimus, provincemus. Salutato, pro saluta: imus, venimus, videmus, præfens pro præterito.

## MODVS.

Huic finitima est modi variatio: ut, vicero, vincam: Salutabis, pro, salutato: ne crede, ne credas: si voles, si volueris: ubi voles, ubi volueris: cum vocabit, cum vacaverit: quia bene natus est, quia bene natus fit: venari, pro venabatur.

## DECLINATIO.

In nonnullis licebit & declinationem variae: ut hilarus, & hilaris, violens & violentus; imbecillus, imbecillis; contagium, contagio; juger & jugerum, capo & capus, pavo & pavus, scorpio & scorpius; senecta, senectus; juventus & juventa.

## CONIVGATIO.

In aliquot conjugationem: ut lavere pro lavare, férvere & fervere, accérsere & accersire.

Variatur eadem dictio his quoque modis. Prothesi: ut, tetui pro, tuli: gnatus, pro nato. Epen-

~~sis~~

thesi. Mavortis , pro Martis. Proparalepsi, ut admittier, accingier, dicier , pro admitti , accingi, dici. Paragoge : potestur , pro potest. Apharesi: ruit omnia late, pro eruit: linquere castra, pro reslinquere. Syncope : extinxi , dixi , pro extinxisti , dixisti. Apocope : Mage , pro magis , vin' , pro visne : Quæ quidam species sunt Metaplasmi propriea quod dictionem quasi transformat. Reliquas species prudens omitto , quod non admodum ad copiam facere videantur , & nobis propositum est , ea duntaxat persequi , quæ proprie pertineant ad id , quod instituimus.

## C A P. X I V.

*Variandi ratio per Antonomasiam.*

**P**roxima variandi sermonis ratio constat Antonomasia, id est , nominis permutatione ut : si quis pro Achille , Reliden , aut Æaciden dicat: pro Romanis , Bomulidas : pro Trojanis , Priamidas , aut Dardanidas: Pro Hercule , Tyrimthium : Pro Venere , Cytheriam , aut Cypriudem : Pro Diana , Cynthiam : Pro Iove , Saturnium : Pro Mercurio , Cyllenium. Nonnunquam epitheton pro nomine ipso subjicerelicebit: Virg. Thalamo quæ fixa reliquit Impius ; Impium, pro Ænea dixit : Liviis Pœnum , pro Hannibale. In Terentio saxe senex, pro persona heri. Ejusdeni generis est, si quis poëtam dicat, Homerum sentiens ; Philosophum , Aristotelem significans : quemadmodū Græci Persarum regem Kasiméz nominant. Neque ab hoc genere abhorret. si quis pro fure , Verrem dicat: pro molli , Sardanapalum ; pro divite, Crœsum ; pro crudeli , Phalaridem , quæ suo loco referemus.

## C A P.

## CAP. X V.

*Variandi ratio per Periphrasim.*

**I**D si pluribus verbis fiat, Periphrasis erit, quam quidam Circuitonem nominant: ut, si quis eversorem Carthaginis, & Numantiæ, pro Scipione dicat: ut, Trojanibelli scriptorem, dixit Horatius, pro Homero: Item si Mantuanus vates, ponatur pro Virgilio: Venusinus poëta, pro Horatio: Peripateticæ scholæ princeps, pro Aristotele: Stoicæ familiæ pater, pro Zenone: Voluptatis assertor, pro Epicuro. Hæc autem ratio plurimis constat modis, Erymologia, Notatione, Finitione.

## ETYMOLOGIA.

Etymologiarum, cum nominis rationem explicamus: ut, si quis hæredipetam dicat, qui hæreditates alienas appetat, captetque: Aut, pro parasito, hominem cibo ventrique deditum: Aut, pro Philosopho, hominem sapientiarum studiosum: Pro Grammatico, qui literas doceat: Pro affiduo, qui det æra: Pro locuplete, qui plurima loca possideat: Pro pecunioso, qui magnam pecuniarum copiam possideat.

## NOTATIONE.

Notatione constabit, cum notis quibusdam accidentium rem quampliam describimus: ut si quis iram intelligens, animi, aut bilis effervescentiam dicat, quæ pallorem vultui, ardorem oculis, tremorem membris inducat. Ejusdem generis est, & illud: Qui digito scalpunt uno caput, quo molles & parum viri significantur; Aut, si dicas, cubito se emungit, falsamentarium indicans.

FINI.

## FINITIO N E.

Finitione constabit, ut, si quis artem bene dicendi, pro Rhetorica dicat: Peculatorum, virum qui civitatis ærarium compilasset: Hominem tyannum, qui vi leges ac civium libertatem oppressisset.

## C A P. X V I.

*Variandi ratio per Metaphoram.*

**A**Lia verò varietatis ratio ex Metaphora nascitur, quæ Latinè translatio dicitur, propterea quod vocem à genuina, ac propria significatione ad non propriam transfert: Ea multis modis tractatur:

## (DEFLEXIO)

Primum deflexione, quoties vox è propinquo ad rem proximam deflebitur, ut, video, pro intelligo: Audire, pro obtemperare, aut credere: Sentire, pro intelligere: perspicere, pro cognitum habere: Odorari, olfacere, pro suscipiari, ac deprehendere: Concoquere, pro ferre: Devorare, pro vincere ac perferre: Complecti, exosculari, pro amare: Suspicere, pro admirari: Despicere, pro contemnere: Ita, stupet animus, stupent dentes: Siquidem in his, quod est corporis, ad annum transfertur: Quo metaphoræ genere, nihil usitatius. Huc fortassis pertinent & illa quoties cane, pro dico, canto, pro scribo dicimus: Præconium, pro laude: Buccinari, pro celebrare.

## AB IRRATIONALI.

*ad rationale.*

PROXIMA species est, quoties à bruto animante, ad animal ratione præditum fit translatio, aut contra: ut, si hominem odiosæ atque insulsaæ loquacitatis, rudere dicas, aut blaterare, aut grunire, aut gannire. Si oblatrare, pro obtrectare; allatrare, pro conviciari dicas. Contra, si oloreni canorum: musicam lusciniam: perfidam vulpem: ambitiosum leonem: asinatorem, canem: parcam, formicam: operosam apem dicamus. Cujusmodi multa Virgilius tribuit apibus, dum quicquid agitur in hominum republ. id traducit ad hoc animal.

## AB ANIMALI AD

*non animal, aut contra.*

Longius erit petita translatio, si ab animali ad inanimatum traducatur, aut contra. Virg.

*Si tantum pessore robur**Concispis.*

Hic robur à ligno ad hominem transtulit.

*At procul ex celso miratus vertice montis:*

Animale ad inanimatum transtulit, cum verticem pro cacumine dixit. Item:

*Et nunc omnis ager, nunc omnis parturit arbos.*

Et, ridet ager. Contra, ambo florentes statibus; & viridis etas, & vernat etas. Iratum mare, indignatus Araxis, avidum mare mirantur Gargara. Quod genus & plura sunt exempla, & frequentius obvia, quam ut hic debeant referri. Interdum translatio fit

## AB ANIMALI AD

*animal.*

Vt, si quis corvum sui inequitatem dicat: & pascentes apes,

AB

A B I N A N I M A T O  
*ad inanimatum.*

Sumetur Metaphora, si quis sylvam scatere dicat, quod est fontium: Aut, odium suppulscere, quod est fruticum: Aut, si quis pilos fructicari dicat, aut, barbam sylvestrare, quod est arborum: Si quis orationem fluere dicat: aut flatus, & undas negotiorum. Ejusdem generis est, si quis coleam verrucam dicat, quemadmodum Cato.

C A P. XVII.

*Metaphora reciprocæ.*

**Q**Vædam translationes reciprocæ sunt, sive communes, quas Græci vocant αἰσθάθας. Nam ut pro gubernatore autigam, ita pro auri-ga, gubernatorem recte dixeris. Quædam unius duntaxat partis, quas αἰσθάθας appellant, id est non reciprocæ: Siquidem, ut verticem recte transfers ab homine ad montem: ita non recte cacumen ad hominem traduxeris. Facit autem Metaphora non solum ad copiam orationis, dum præstat, ut ait Fab. ne ulli rei nomen deesse videatur: verum & ad ornatum, ad gravitatem, & evidentiam: ad sublimitatem, ad festivitatem, Nonnunquam & necessaria est, quemadmodum rusticæ gemmani dicunt in vitibus, gemmare, vites, sitire agros, fructus laborare, luxuriare segetes: nos durum hominem, asperum: neque enim aliud habemus verbum. Sed quot modis adhibetur translatio, & quatenus differat à finitimiis tropis, non est huius propositi scrupulosius persequi. Illud adiutorium profuerit, ut qui

ut qui volet in dicendo copiosus esse, ex optimis auctoribus, maximam insignium translationum vim adnotatam comparet, & ad eandem rem complures adhibeat similitudines. Sunt autem apud M. Tull. optimæ; apud Quint. plurimæ. Sed in his vix alias felicior, quam Plutarchus. Ex Adagiis item non pauca colligi poterunt, propterea quod pleraque aut allegoriam habent, aut aliquam Metaphoræ speciem. In his colligendis nos elaboravimus, haud scio quam feliciter, magnis certe vigiliis. Nihil verò prohibet quo minus ipsi vel ex lectis, vel ex animadversis rerum omnium naturis, undecunque Metaphoras fingamus, modo ne sit dura translatio, ne sordida, ne major quam oportet, ne dissimilis, ne nimium crebra, præsertim in eadem specie. Illud item non abs re fuerit admonere, Metaphoram interdum in simplici nomine sitam esse: ut si quis hominem ventri addictum, pecudem appellat. Nonnunquam in Epitheto: ut cum saxum hominem, aut ferreum scriptorem dicimus, aut, vitreas ~~undas~~, floridas ~~ætas~~ Interdum in verbo simplici: ut avolat ~~ætas~~, labuntur anni: Interdum additur quiddam, quod Metaphoram explicet: Inflammavit hominem cupiditate gloriae: incendit ira.

## C A P. XVIII.

*Variandi ratio per Allegoriam.*

**I**dem efficit Allegoria, quod Metaphora. Neque enim aliud est Allegoria, quam Metaphora perpetua: ut, pedem conferre, pro eo quod est concertare argumentis: Ingulum petere, pro eo quod est, caput caussæ aggredi: Et tragulam injicere, pro eo quod est, fallaciam intendere. Ut etiam

etiam navem perforet, in qua ipse naviget, id est, civitatem evertat, qua subversa, sibi quoque sit pereundum. Hujus usus frequentior est in sententiis proverbialibus, ac proverbiis: ut, flam-ma fumo est proxima; quo significatur: tempestiviter cavendum esse periculum. Et, vino ven-dibili suspensa hedera nihil est opus; cum significamus, re per se laudabili nihil opus esse commendatione aliena: Et, cretizandum adversus Cretensem, id est, mendaciis ac dolis agendum cum subdolo, ac vano. In hujusmodi parœmiis Allegoria nonnunquam exit in Ænigma. Neque id erit vitiosum, si doctis vel loquaris, vel scribas: imo ne tum quidein si vulgo. Neque enim ita scribendum, ut omnes omnia intelligent, sed ut quædam etiam investigare, ac discere cogantur.

## C A P. XIX.

*Variandi ratio per Catachresin.*

**E**andem vim obtinet Catachresis, quam Latini dicunt **Abusione**: atque hac nota separnitur à translatione; quod abusio est, ubi nomen omnino defuit: translatio ubi aliud fuit. **V**e-luti cum parricidam dicimus, qui fratrem occiderit; quia fraticida non dicitur: Et piscinam, in qua lavamus, nec pisces insunt: vires hominis breves: longum consilium, minutum animum, pro parvo. Illud orationis genus maximè probat Quintilianus, in quo trium permixta est gratia, similitudinis, allegoriarum & translationis, ut apud Cic. quod fretum, quem Euripum, tot motus, tantas, tam varias habere creditis agitationes, commutations, fluctus, quantas perturbationes, & quantos astus habet ratio comitiorum: Dies inter-

intermissus unus, aut nox interposita, sape & perturbat omnia, & totam opinionem parva nonnunquam commutat aura rumoris. Similitudo est explicata & ad rem accommodata Metaphora, quam Cicero vocat *collationem*: Totus excanduit ira, Metaphora est: Non aliter quam ferrum igni incandescit, ita ille per iracundiam toto vultu inflammatus est: collatio est. Itaque quod astus Euripi comparat inconstantiae comitiorum, similitudo est: quod ait, quantos astus habet, Allegoria est; aura rumoris, Metaphora est. Quanquam hi tropi pertinent etiam ad copiam sententiarum; de qua secundo libro à nobis dicetur.

## CAP. XX.

*Variatio per Onomatopæjam.*

**N**on nihil accedit varietatis & ex Onomatopœja, quæ fictio nominis dici potest, quod genus sunt, Taratantara, pro cantu tubæ; Sibilus, murmur, mugitus. Ad eandem formam pertinet Paragoge, id est, deductio ac derivatio novorum verborum ex analogia sumpta; quæ cur nobis etiam sit fugienda, non video, si quando sententia postulabit: Syllaturire, pro eo quod est, Syllæ mores imitari belle. Et quemadmodum dicimus, cacaturire, inicturire, esfurire, quid vetat quo minus juxta analogiam dicamus, dormiturire, scripturire, pro scripturire, dicturire, bellaturire, nupturire? Et, quemadmodum dicimus græcari, cur non itidem dicamus juvenari, poëtari, cornicari, rhetoricari, philosophari, theologari? Vulpinari,  $\alpha\lambdaωμενίζειν$ , quod ausus est dicere Plautus: ut Laureati, nummati, scutati, cur non itidem pileati, larvati, personati, & si

& si quæ sunt similia? cur non siccescere, sicut arescere? Et in his quidem fictionibus Græci longe sunt Latinis feliores: Quorum sunt illa, Cretissare, Platonissare, aliaque innumera. Nobis tamen non nihil audendum censeo, Præsertim in carmine, & in vertendis Græcis auctoribus. Certe quæ reperiuntur, apud idoneos autores, ea sunt, audacter usurpanda. Neque enim ullum verbum nobis videri debet durum aut obsoletum, quod apud scriptorem probatum reperiatur. Qua quidem in re longè latèque dissentio ab his, qui vocem omnem ceu barbaram horrent, quam apud M. Cicer. non legerint. Quin illud etiam observandum, ejusdem dictionis interdum variam esse paragoge, quemadmodum superius attigimus, Voluptuosus & voluptuarius, edax & edo, homunculus, homulus, homuncio, pauxillum, & paucula. Harum igitur omnium rerum observatio copiam orationis non mediocriter adjuvabit, propterea quod in his factitiis nominibus, magna pars opum linguae latine sita est.

## C A P. XXI.

*Variandi ratio per Metalepsin.*

**A**BUSIONI CONFINIS est Metalepsis, quæ transsumptio Latinis dicitur. Ea erit, ubi gradatim itur ad id, quod ostendimus; ut speluncis abdidit atris. Nam nigræ intelliguntur, ex nigris obscuræ, & per hoc demum in præceps profundæ. Sic Græci vocant acutum, quod velox intelligi volunt. Verum hujus figuræ usus magis incidet in carmine, quam oratione soluta: & Syncdochæ species videri potest, quemadmodum & ea quæ sequitur.

C A P-

## C A P. XXII.

*Variandi ratio per Metonymiam.*

**N**Eque mediocriter ad copiam orationis facit tropus, qui vocatur Metonymia, quæ dicitur nominis transmutatio, ea fit compluribus modis. Vel cum inventorem pro re subiecta ponimus, ut apud Maronem: Cererem corruptam uiridis, apud Terentium, sine Cerere & Baccho friget Venus: apud Horatium. Receptus terra Neptunus: Clastes aquilonibus arcet: Vulcano dicare. Vario Marte pugnare. Venus confert oculis & voci. Hic inventor, aut qui præsidet, pro re subiecta ponitur: quod si vertas, erit durius: Ut vinum precemur. Nam hic Deus præsens adest, hic vinum, pro Baccho positum est. Vel cum id quod continet, pro eo quod continetur, usurpatur: ut, epotis cados, cœlo gratissimus annus, id est, cœlitibus: seculum felix. Aut contra. id quod durius & violentius fit, Vergil.

*Iam proximus ardet*

*Vcalegon.*

Hominem, pro domo posuit. Terent. Eamus ad nos, id est, ad ædes nostras: &, cum dicimus hominem devorari, cuius patrimonium consumitur: hunc tibi comedendum propino. Horatius, de sene gustarit, id est, de pecunia senis: ubi dominus rei, pro re ipsa ponitur. Vel, cum ex efficiente, effectum significamus, hic melior remis; significat enim velocitatem, sed quæ per remos fit. Vel contra, ut frigus pigrum: mœstumque timorem mittite: pallida mors: audax iuventa:

*Pallentesque habitant morbi, tristisque senectus.*  
*Præceps ira: hilaris adolescentia, inconsultus*  
*Amor:*

mor : inverecunda nox, audax vinum. Vel cum  
ducem ponimus pro his , qui subsunt : ut , cum  
ab Annibale cæsa apud Cannas sexaginta millia  
dicimus. Aut cum auctorem , pro opere poni-  
mus, ut, cum dicimus : Virgilium vendidi ; Pli-  
nium semper in manibus habendum. Simile est  
hunc cum sacrilegium deprehensum dicimus,  
non sacrilegum : & armorum scientiam habere,  
non artis. Ad hanc classem arbitror referenda  
quæ pariter & ad personam, & ad rem referun-  
tur : ut, facundus homo , facunda otatio, audax  
homo, audax facinus : confutasti hominem, con-  
futasti hominis argumenta. Sed quoniam hac  
passim obvia sunt, desino persequi.

## C A P. XXIII.

*Variandi ratio per Synecdochen.*

**V**ehementer adjuvabit copiam & Synecdo-  
che , quam quidem intellecione in vocant.  
quoniam aliud ex alio intelligimus , ut, cum ex  
uno plures intelligimus : ut , quod supra retuli-  
mus , Romanus prælio victor : Et, Poenus fuga-  
tus, pro Poeni. Ex parte totum , ut mucronem,  
pro gladio:tectum , pro domo: Retroque , ut  
ingens à vertice pontus : Et, fontemque ignem-  
que ferebant : Pontum dixit pro procella , fon-  
tem pro parte aquæ. Ita Maro. Ex specie, genus.  
Horat. Iacundior Adria, pro quovis mari. Ache-  
loia pocula, pro quovis fluvio. Maro. Quod non  
ita commode vertitur. Ex materia rem confe-  
ctam : ut ferrum pro gladio, abies aut pinus, pro  
navi. Ex precedentibus sequentia, ut, virginem  
solvit Zonam, id est, devirginavit: subdidit equo  
calcaria, id est, cucurrit. Item, cum leatum & un-  
ctum dicimus, quod nitidum, ac splendidum vo-

Iamus intelligi. Breviter, cum quocunque modo aliud ex alio intelligitur: vixerunt, pro mortui sunt. Nos quoque floruimus: &, fuimus Troes.

*Et jam summa procul villarum culmina fumant.  
Noctem imminentem intelligimus, cum longè aliud sit dictum. Porrò hic ex signo rem signatam colligimus.*

## C A P. XXIV.

*Variandi ratio per Aquipollentiam.*

PRÆcipua variandi ratio sumitur per *isostavulæ*, id est, per aquipollentiam. Ea constat negationis additione, detractione, geminatione, & verbis contrariis, ut, primas obtinet, non est in postremis. vir egregie doctus, vir minimè indoctus: omnia fecit, nihil non fecit: non nihil fallaciæ intendendum in hominem, id est., aliquid fallaciæ. Assunto autem verbo diverso, & apposita aut ademta negatione, statim novam orationis faciem constitueris: placet, non displicet: accipio conditionem, non recuso conditionem. Verum de his reliquisque aquipollentiis exactius suo loco tractabimus. Eorum vero quæ inter se pugnant varia est ratio. Quædam contraria sunt, ut; amor, odium, iratus, propitius, formosus, deformis. Quædam privative dissident: ut, cœcus & videns, mortuus & vivus; surdus & audiens; mutus & loquens. In his quod remanet, non prædicatur nisi de his quorum natura capax est oppositi. Neque enim lapis dicitur mortuus aut cœucus. Quædam contradictorie dissident ut nolo, volo: doctus non doctus: probat, non probat. Est puella deformis, est minime formosa, est minime deformis, est egregie formosa, est homo minime surdus, est egregie surdus,

auritus, est parum auritus, est surdaſter, non possum non probare. De Relativis mox dicemus. Ad hanc formam pertinent, quæ actionem & paſſionem declarant: ab illo grave vulnus accepit, infixit illi grave vulnus: in Cicerone quædam desiderant à doctis, in Cicerone docti quædam desiderant. De his alibi dictum est.

## C A P. XXV.

*Variandi ratio per Comparativa.*

IN nonnullis comparativis dictionibus fit hæc commutatio circa negationem, translatiſ duntur partibus: ut, anteponit famam pecunia, posthabet pecuniam famæ; minoris facit famam quam pecuniam, pluris facit pecuniam quam famam: prius habet lucrum, quam honestum: posterius habet honestum, quam lucrum. Atque hæc quidem copia nascitur ex contrariis, cuiusmodi sunt: suspicit, despicit, curat, negligit: appetit, fastidit: atque id genus innumera.

## C A P. XXVI.

*Variandi ratio per Relativorum commutationem.*

Facilis est item variandi ratio per dictiones Relativas, quæ & ipsa ad contrariorum genus pertinent. Vxor illius esse non vult, non vult illum maritum: recusat illius esse socer: recusat illum generum: pudet me hujus nurus: pudet me hujus ſocrum videri: non aliud mihi patrem optem, nullius malim esse filius: O me. tali felicem præceptore! Felicem me, qui tuis sim discipulus: cave iſti locaveris agrum: ne committas, ut hic agrum conducat tuum: jam dudum

exspectat, ut viro nubat: exspectat ut se vir aliquis ducat: nolim tibi debere: nolim te mihi creditem: hoc me docuisti: hoc ex te didici: hoc mihi retulit Paulus: hoc ex Paulo audivi: cautes te genuit: è caute natus es, plurimum ex ea re capies emolumenti, ea res plurimum tibi adferret emolumenti; literæ non parum ornamenti tibi conciliabunt, ex literis non parum ornamenti tibi accedet: pater filio reconciliatus est, Filius cum patre rediit in gratiam.

## C A P. XXVII.

*Variandi ratio per Amplificationem.*

**E**X Auxesi, hoc est, amplificatione, variatur oratio, cum amplificandæ rei gratia verbum atrocius subjicimus loco proprii; ut cum occisum dicimus, qui sit cæsus: latronem, qui fit improbus: occidisse, cui res acerbior acciderit: exanimatum, dolore affectum: eneatum, cruciatum: mutum, qui nihil responderit: revixisse, qui spem receperit: oblitum injuriæ, qui ignoravit. Huc pertinent & appellationes illæ exagge- rantes, de quibus ante non nihil memini, cum carnificem appellamus hominem immitem, satrilegum, sceleratum, veneficum, malum. Præterea illæ, scelus, monstrum, pestis, labes. Postremo & hæc. Atreus pro crudeli: Sardanapalus, pro effeminato. De quibus suo loco copiosius.

## C A P. XXVIII.

*Variandi ratio per Hyperbolæ.*

**V**Ariat & Hyperbole, quam quidam superlationem nominavit. Hoc mendacio, ut inquit Seneca, pervenimus ad verum: plus enim dicit

dicit Hyperbole, quam res habet, attamen quod verum est, ex falso intelligitur, ut, hic velixa, sua loquacitate possit rumpere: cœlum digito attingere: ocyor Euro: Et, fulminis ocyor alis: Sublimi feriam vertice sydera.

## C A P. XXX.

*Variandi ratio per μειωσιν, id est, per diminutionem.*

Diversus variandi modus per μειωσιν, hoc est, per diminutionem: veluti quoties attigisse dicimus eum, qui pulsavit; læsisse, qui vulneravit. Interdum diminutio sapit hyperbolenz: ut, vix ossibus hærent: brevior pygmæo: minus habet quàm nihil. Verum de his quoque nonnulla suo loco differemus.

## C A P. XXX.

*Variandi ratio per compositionem.*

Variatur oratio nonnihil & ex compositione. Ea sita est in his fermè figuris, Asyntheto, Polysyntheto: *Veni, vidi, vici. Maro,*  
*Tetrumque, Laremque,*  
*Armaque, Amycleumque canam, Cressamque*  
*Pharetram,*

Syzeugmeno: id fit quoties ad unum verbum plures sententiaz respondent. Fit autem trifariam: aut cum præponitur, aut cum sequitur, aut cum interponitur, ut deflorescit forma, vel morbo, vel ætate. Hic præponitur. Vel morbo, vel ætate forma deflorescit. Hic subjicitur. Aut, ætate forma deflorescit, aut morbo. Hic in medio intercedit. Item M. Tull. vicit pudorem libido, timorem audacia, rationenī amentia. Con-

tra : Neque enim is es Catilina , ut te aut pudor  
unquam à turpitudine, aut metus à periculo aut  
ratio à furore revocarit. Nonnunquam & per  
iterationem repetitur non conjunctio , sed no-  
men aut verbum quam Epanalepsin vocant. Ni-  
hilne te nocturnum praesidium palatii , nihil ur-  
bis vigiliae , nihil timor populi , nihil concursus  
bonorum omnium, nihil hic magnificentissimus  
senatus habendi locus , nihil horum ora vultus-  
que moverunt ? Simile huic fuerit : Vicit podo-  
rem libido , vicit timorem audacia , vicit ratio-  
nem amentia : ut per συρρούμενον : Vicit timo-  
rem audacia, rationem superavit amentia, libido  
pudorem expugnavit. Experiamur igitur , quot  
rationibus eadem sententia possit per has figuræ  
variari. Contemnit deos , contemnit homines ?  
~~deos contemnit, homines contemnit: contemnit~~  
& deos & homines : & deos & homines conte-  
mnit: deos contemnit atque homines. Ad hunc  
locum pertinet & illa: inedia, quam frigoris pa-  
tientior: lucri, quam gloriæ cupientior: chario-  
rem habeo neminem ; & neminem habeo cha-  
riorem: Quanquam hæc non ita multum afferunt  
momenti, adjuvant tamen. Et , quibus de cau-  
sis : ob eam rem: eam ob rem : ob causam tam  
parvulam : tam parvulam ob causam : Veniam  
ad te, quando ita vult pater; quando ita vult pa-  
ter, veniam. Ejusdem rationis est , cum ex ora-  
tione simplici, duplarem facimus; aut, contra : ut  
omnia tua mihi debes: quicquid habes, id omne  
mihi debes.

## C A P. XXXI.

*Variandi ratio per σύνταξιν, id est, constru-*  
*ctionem.*

**E**x ordine, sive constructione item, nonnulla sermonis varietas existit, id quod superius attigimus. Nam plerique dictiones sunt quæ non respuunt diversam constructionem: ut multum pudorem, & multum pudoris: scripsit mihi, & scripsit ad me: diversum, seu alienum huic, & diversum, seu alienum ab hoc: idem huic, & idem cum hoc: jactat majores suos, jactat se de suis majoribus: de te somniavi, te somniavi, de te ridet, te ridet: tota nocte potavit, totam noctem potavit: Romanorum summus, summus inter Romanos: servitus morte durior, servitus durior quam mors: damnatus est de repetundis, damnatus est repetundarum: natus gloriæ, natus ad gloriam: tuæ partes sunt, tuarum est partium.

## C A P. XXXII.

*Variandi ratio per Mutationem Figurae  
 variis modis.*

**V**ariatur oratio, quoties alio, atque alio affectu, ac velut habitu profertur, quam interim figuræ mutationem licebit appellare, ut: non est miserum mori: & usque adeone mori miserum est? nihil est te vanius, an quicquam te vanius? Hic per interrogationem variata est figura: non magnam laudem assecutus es, egregiam verò laudem es assecutus: non ista curat populus, id populus curat scilicet. Hic per ironiam commutata est sermonis facies: vehementer amat pecuniam.

Dii boni, quam amat pecuniam ! per admiratio-  
nem versus est orationis color : tum Deos con-  
temnit , tum homines haud scio magisne Deos  
contemnat an homines. Hic per dubitationem  
commutata est orationis forma : Nihil mihi cha-  
rius , aut antiquius fama; dispeream, si quid mi-  
hi charius fama. Hic per admirationem variatus  
est sermo. Ista nunquam cogitavi ; dii meliora,  
quam ut ista cogitarim. Hic per abominationem  
commutatus est color. Est vir insigni vanitate: ô  
singularem hominis vanitatem ! Hic per exclama-  
tionem. Non modo virgines aliquot consu-  
pravit ; verum etiam vestalem incestu polluit :  
virgines complures stupravit , ut intetim de ve-  
stali incestu polluta fileam. Hic per occupatio-  
nem variatus est sermo. Cum & genere sis ob-  
scurissimo,& re nulla, nullis literis, nulla forma,  
nullo ingenio, quid est cur te adeò jactes ? quid  
habes, cur tam sis insolens ? natalium splendo-  
rem ? atqui genere es obscurissimo: opes? at vel  
Iro ipso pauperior es. Eruditionem ? sed bonas  
literas nec attigisti unquam. Formam ? at ipso  
Thersite deformior es. Ingenium ? at istud pro-  
fecto nactus es stupidissimum. Quid igitur ista  
tua jactantia est, nisi mera insanìa ? Hic per sub-  
jectionem variatus est orationis habitus. Neque  
vero solum per omnes figuræ, verum etiam per  
locos prope omnes variari potest oratio. Cete-  
rum quoniam hæc magis videntur ad rerum co-  
piam pertinere, secundo commentario de his di-  
ligentius differemus. Haec tenus formas ferme  
omnes paucis indicavimus, quibus, manente sen-  
tentia, commutatur oratio.

## C A P. XXXI.

*Experientia.*

**N**Vnc quo res fiat dilucidior , experiundi gratia, sententiam unam, atque alteram proponamus, cōnemurque quoad fieri poterit eandem veluti Proteum , in omnem speciem vertere : non quod omnis variandi rationem possit incidere, sed quot incident, tot utemur; Sumaturque illud exempli loco ;

T V Æ L I T E R Æ M E  
M A G N O P E R E D E-  
L E C T A R V N T.

Tuæ, non admittit Synonymiam: tuæ amplitudinis , tuæ celsitudinis , tuæ maiestatis , Periphrasis est. Si nomen proprium ponas , puta, Fausti, Heterosis est, & partis, & personæ. Fausti literæ : Sic, Faustinæ literæ. Heterosis substantivi in Epitheton.

## L I T E R Æ.

Epistola, literæ, tabellæ, Synonymia est. Literulæ, epistolium, tabellulæ , Heterosis. Schedæ, scripta , Synecdoche : Quod ad me scripsisti: Periphrasis est.

## M E.

Animum meum, pectus meum, meos oculos; vel Periphrasis, vel Synecdoche : nos , pro me, Enallage numeri: Erasmus, Heterosis est persona.

## M A G N O P E R E.

Valde, vehementer, nimium, mire, mirifice, &c. Synonymia est : magnopere , summopere,

Supra modum, preter modum, unice, Auxesis est: Haud mediocriter, non parū, non vulgariter, per contraria, & negationem: dici non potest quan-topere, incredibile dictu; verbis consequi nequeam; atque id genus alia, hyperbolēn sapiunt.

## DELECTARUNT.

Oblectarunt, recrearunt, exhilararunt, Synonymia est: Nisi quod in *exhilararunt*, metaphora videtur esse: voluptatem attulerunt, voluptati fuerunt, jucundæ fucrunt, & similia, Periphrasis habent: Voluptate perfuderunt, mellitissimæ fuerunt, & consimilia, translaticia sunt. Non iucundæ fuerunt, non insuaves; à contrariorum permutatione. Reliqua citra contextum commode ostendi non possunt. Nunc igitur experiamur. Tuæ me literæ magnopere delectarunt: delectarunt mirum in modum tuæ me literæ: majorem in modum me tuæ delectarunt literæ. Haec tenus præter compositionem nihil ferme mutatum est. Tuis literis sum magnopere delectatus. Delectatus sum majorem in modum tuis literis. Hic genus verbi duntaxat est commutatum. Epistola tua me vehementer exhilaravit: tuâ quidem epistola sum vehementer exhilaratus: tuæ literulæ non mediocriter animum meum refecerunt: humanitatis tuæ scriptis sum non mediocriter animo refectus: ex amantissimis literis tuis incredibilem cepi voluptatem: Hyperbole, & relatio. Amantissimæ tuæ literæ incredibilem mihi voluptatem attulerunt: novam quandam lætitiam tuæ schedæ mihi pepererunt: Tuis ex schedis mirificam lætitiam concepi: Summum gaudium tua scripta mihi apportarunt: Tuis è scriptis summum mihi gaudium allatum est: Ex excellentiæ tuae literis magnam hancimur voluptatem:

Ec

Et hic relatio est. Cetera sibi quisque facile annotabit. Ex Fausti mei literis plurimum haus voluptatis: tuis è scriptis haud vulgaris mihi voluptas accessit. Epistola tua sum unicè delectatus: ex Faustinis literis mirificum quoddam oblectamentum percepī; tuæ literæ sanè quam delectarunt animum meum? ineffabili gaudio tuæ me schedulæ perfuderunt. Hic Metaphora est, Tuis ex literis nova quadam delectatione sum perfusus: incredibili lætitia tua me scripta reddiderunt: Et hic metaphora. Haud parum delectamenti tua mihi conciliavit epistola: legendis tuis literis oppido quam sum delectatus? lectio tuarum literarum singulari voluptate delinuit mentem meam: admodum delectabilis mihi tua fuit epistola: eximia quadam lætitia tuæ me literæ affecerunt: tuis ex litteris singulari sum affectus lætitia: maximæ voluptati mihi tua fuit epistola: summo oblectamento mihi tua scripta fuerunt: incredibili gaudio mihi tua fuit epistola: nimis quam jucunda nobis tua fuit epistola: vix credas quantopere in tuis scriptis acquiescam. Ita M. Tullius frequenter uititur, acquiescere, pro oblectari. Sunimæ jucunditati nobis tua fuit epistola: suavissimæ mihi tuæ fuerunt literæ: tuis ex literis singulari mihi profecta est lætitia: tuæ literæ fecerunt ut prorsus exilirem gaudio: tuis acceptis literis lætitia gestiebam: ubi mihi tuæ sunt redditæ literæ, lætitia sum expletus: lectis tuis amantissimis literis, nova quadam lætitia correptus sum: acceptus tuis literis, incredibilis voluptas cepit animum meum: inusitatâ lætitia me tua demulxit epistola: quod ad me scripseris, id mihi tam jucundum fuit, quam quod jucundissimum: quod ad me tuas dederis literas, id vehementer

fuit gratum: quod me tuis dignatus es literis,  
eo nihil mihi potuit accidere gratius: tuis lite-  
rulis oppido quām lētabundus sum effectus:  
quod me tuis literis certiorem reddidisti, fuit id  
mihi non gratum modō, verum etiam jucun-  
dum: cum tua ad me perferretur epistola, vidis-  
ses me gaudii magnitudine gestientem: quod me  
saltem epistola salutāris, id profecto volupe fuit:  
literis tuis nihil afferri potuit optatius: epistola  
tua ad nos venit vehementer expectata: literis  
tuis nihil afferri potuit desideratius. In his tri-  
bus Metalepsis est, aut certe Synecdoche. Nam  
jucunda solent accidere, quā magnopere desi-  
deramus. Non possunt non esse jucundissimæ  
Erasmo Faustinæ literæ: non injucunda mihi tua  
fuit epistola: neutiquam insuaves mihi tuæ ve-  
nerunt literæ: haudquaquam ingrata mihi tua  
scripta acciderunt: tam mihi dulcis tua fuit epi-  
stola, quām ea quā sunt dulcissima: literas tuas  
multa cum voluptate perlegi: epistolam tuam  
non sine summa voluptate recepi: qui mihi tuas  
reddidit literas, is mihi gaudiorum cumulum  
detulit: dictumirum, quam me tua ceperit epi-  
stola: quas abs te missas accepi, nova quadam  
gaudiorum luce pectus meum serenārunt: lite-  
ræ tuæ quicquid in animo mœroris erat, id omnes  
protinus excusserunt: miram animo persens  
voluptatem, cum tua nobis redderetur epistola:  
tuis ex literis voluptas insolita animo incepsit  
meo: tuæ literæ fuerunt in caussa, ut affatini  
gauderem: tuis literis effectum est, ut totus  
exultarim gaudio: dici vix queat, quantum mi-  
hi latitiæ tuis ex literis obortum sit: vix possum  
sermone consequi, quantum gaudiorum ex tua  
mihi natum sit epistola: dictumirum est, quan-  
tum voluptatum nobis ex tuis affulserit literis.

Deum

Deum immortalem! quam ingens gaudium nobis è tua propegit epistola? Papæ, quantas lætitiaz causias nobis tuæ literæ suppeditarunt! Diiboni, quantam vim gaudiorum tua mihi scripta subministrarunt? majorem lætitiam tuæ mihi tabellæ attulerunt, quam explicare possim: plurimum voluptatis nobis tuus tabellarius apportavit: vix credas quantum acervum lætitiaz literæ tuæ in animuni invexerunt meum: verbis eloqui nequeam, quantis gaudiis me tua oneravit epistola. Cur autem sic vereor loqui, cum Terentius dixerit multis commoditatibus oneratum diem? Tuæ me literæ gaudiis onustum reddidere: tuis literis valde sum gavisus: tuis literis unice sum lætatus: tua scripta nobis uberrimam lætitiaz copiam offuderunt: lætissima mihi tua fuit epistola: tuis literis factum est, ut prorsus frontem exporreret: visis tuis literis, protinus animi mei frontem explicui: inter legendum ea quæ ad me scripsisti, mira quædam voluptas animo obrepserit meo; simul atque tuas inspexissem literas, nova quædam gaudiorum vis mentem occupavit meam: inspectis tuis literis, incredibilis quidam æstus lætitiaz, pectus subiit meum: acceptis humanissimis literis tuis, immensa quædam lætitia me totum obsedit: emoriar, si quicquam unquam accidit jucundius tuis literis: dispeream, si quid in vita suavius obtigit tuis literis: ita me Musæ bene ament, ut nihil antehac accidit tuis literis gratius: cave credas rem ullam objici à fortuna posse jucundiorem, quam tuæ sunt literæ: quam ipse charus es animo meo, tam juvant tuæ literæ: Papæ! quantum gaudiorum tua mihi excitavit epistola? quantum risus, quantum plausus, quantum tripudiorum tuæ nobis attulerunt literæ? elegantissimas tuas literas

literas legens, insolita quadam lætitia tangebar:  
 calamus tuus gaudiis me exsaturavit, multam  
 voluptatem mihi tua præbuit epistola: totum me  
gaudiis imbuit tua tam elegans epistola: omnes  
pectoris mei sinus voluptate refersit tua tam  
 amabilis epistola: rara quadam voluptate me  
 tuæ res perserunt literæ: tua quidem epistola no-  
 vam quadam animo meo voluptatem adspersit.  
 Tuis literis nulla res unquam accidit mihi festi-  
 vior: nihil unquam vidi tuis literis lubentius:  
 haud est quicquam, quod gaudientiore accepe-  
 rim animo, quam proximas Fausti mei literas:  
 quo me credis affluxisse gaudio, cum tuum ani-  
 mum tuis in literis agnoscerem? cum tabella-  
 rijs tuam mihi traderet epistolam, statim ani-  
 mus mihi lætitia ineffabili puruere cœpit: quod  
 ego tibi nunc referam, quæ voluptas acceptis  
 tuis literis animum Erasmi tui titillarit? animus  
gaudio velut exundabat, cum tua mihi reddere-  
 tur epistola: ut lubens tuam accepi epistolam:  
 posteaquam tuum epistolium ad me delatum  
 est, animus nimicum mihi gaudio effebuit: vix  
 eram apud me præ gaudio, cum tuas acciperem  
 literas: literarum tuorum lepos præcipua qua-  
 dam voluptate reinoratus est animum meum:  
 non possum non vehementer gaudere, quoties  
 tua scripta ad nos advolant: mel merum mihi  
 tuæ fuerunt literæ: quicquid literarum abs te  
 proficiscitur, id mihi saccaro ac melle fluere vi-  
 detur: opiparis literarum tuorum epulis sum lau-  
 tissime refectus: tua scripta sunt mihi quavis am-  
 brosiâ suaviora: schedulæ mei Fausti mihi fuere  
 vel mensis Siculis lautiores: nulla voluptas, nullæ  
 sunt deliciæ, quas cum tuis literis conferre velim:  
 nausea sunt omnia præ tuis literis: inter legen-  
 dū amantissimas literas tuas, Erasmi pectus gau-  
 dio

lio subsultabat : chartæ digitis tuis exaratae,  
 me quantus eram, gaudiis explerunt : meræ de-  
 liciæ cordi meo sunt, quicquid scriptorum abs te  
 redditur : nihil nisi gaudium tua spirat epistola :  
 festum diem attulit is, qui tuas attulit literas. Tri-  
 umphum adduxit, qui tuum adduxit epistolium,  
 nullum ego nectar tuis scriptis anteposuerim :  
 an ego ullum mel Atticum cum tuis amantis-  
 simis literis contulerim ? saccarum non est sac-  
 carum , si cum literis tuis componatur : nulli  
 mortalium tam sapit potus quam mihi literæ  
 tuæ sapiunt : quod sitenti vinum , hoc mihi tuæ  
 sunt literæ : quod apibus Cytisum; quod salignæ  
 frondes capellis ; quod urso mel, hoc mihi tuæ  
 sunt literæ : epistola tuæ celsitudinis mihi fuit  
 quovis melle mellitior : ubi receperissem tanto-  
 pere expectatas tuas literas , dixisses Erasmus  
 plane gaudiis ebrium. Ut redditæ sunt abs te li-  
 teræ , statim vidisses nos nimia quadam lætitia  
 quasi temulentos : quam unice te diligo , tam  
 unice tuis epistolis delector : nil nisi merum de-  
 licium tua mihi scripta videntur: non tam palato  
 blandiuntur ullæ cupediæ, quam animum meum  
 tuæ litteræ deliniunt : nullæ lautitiæ suavius-  
 titillant palatum , quam tua scripta mentem  
 titillant. *ἀμείξας ἡδονῶν, id est, plausra voluptatum,* attulit , qui tuas reddidit literas volu-  
 luptatum *θέθον* apportavit tabellio tuus , tuis ad  
 me redditis literis : gaudiorum θάλασσæ ad-  
 duxit is , qui schedas pertulit tuas : mihi pla-  
 ne tuæ litteræ fuerunt quod Persis. Διὸς ἐγκέφα-  
 λῳ , id est , Iovis cerebrum . quemadmodum  
 ajunt Græci. In his porrò si qua videbuntur  
 ejusmodi , ut in oratione soluta vix toleranda  
 putentur , memineris hanc exercitationem ad  
 carminis quoq; compositionem accommodari ,

Age

jam ad eundem modum in altera quapiam sententia variandi facultatem experiamur: Eaque deligatur, natura non admodum fœcunda, neque ad varietatem idonea, quo magis appareat, quantum possit hæc commutandi ratio, si usu atque exercitatione confirmetur. Hanc igitur sententiā sumamus:

S E M P E R D U M V I V A M,  
tui meminero.

**P**rincipio adverbio Semper nullum respondet idem pollens, neque in aliam vocem deflecti potest. Deinde, vivam, nullum item habet simile, & verbum est unicæ vocis, id est, neutralis, nec ullum ex se propagat nomen, præter vitam. Deinde, meminero, non solum unicæ vocis est verbum, verùm etiam mancum, & multilum, penèque sterile, utpote à quo nulla soboles proficiscatur, præter Memor, & Memoria. Porro quo verba quæ his opponuntur, Mori, & obliuisci, videlicet, & ipsa sunt tum manca, tum sterilia: tamen aggrediemur. Ceterum variandi rationes ex superioribus per se lector agnoscat: Semper dum vivam, tui meminero: nunquam, dum vivam, tui non meminero: nunquam quoad victurus sum, me tui capiet oblio: haud unquam dum vixero, tu animo excideris meo: nunquam, donec vivam, mihi venies in oblio: nunquam quoad in vivis ero, tui nobis veniet oblio: non prius tui meminisse desideram, quam vivere: non me ante tui memoria, quam vita ipsa reliquerit: usque dum spirabo, tui memor fuero: donec hac luce fruar, tu animo habebis meo: è vivorum contubernio citius emigraverim, quam tui memoria nostro è pectore demigrarit: ipse prius è viuis excessero, quam

Morus

Morus è nostra excesserit memoria : lux hæc  
me prius deficiet , quām tui immemor esse cœ-  
pero : vita me serius destituet , quam tam chari  
capitis recordatio : idem dies mihi tui memo-  
riam eripiet, qui vitam : eadem lux oblivionem  
tui nobis est adductura, quæ mortem : idem no-  
stræ , tui memoriarum vitæque finis erit: dum me-  
mor ipse mei fuero , tui meminisse neutquam  
pigebit : non alijs nostræ tui memoriarum , quam  
lucis erit interitus : is solus dies tui memoriam  
extinxerit; qui vitam: ante mei ipsius, quam tui  
oblivisci incipiā : nostro è pectorē non prius  
elabetur Moris memoria, quām hæc anima: præ-  
ter unam mortem , nullus omnino te mihi casus  
expectorabit : egone tam jucundi convictoris  
unquam vivus queam oblivisci? tum demum  
Mori sui oblivisci poterit Erasmus , cum ipse sui  
desinet memor esse: dum mihi sensus ullus mei  
reliquus fuerit , tu semper animo nostro obser-  
vaberis: cordi meo charior es , quām ut vivo  
quidem in oblivionem venire possis: intime no-  
stris in præcordiis repositus est Morus , sic ut  
præter unam mortem, nulla res illum illinc queat  
eruere: Orco tradar ipse prius quam te mandem  
oblivioni : dum spiritus his oculis , his manibus  
imperabit, tu pectori insidebis meo : dum spi-  
ritus hos reget artus, tui meminero : quamdiu su-  
pererit in nobis halitus , non quievero tui non  
meminisse: dum in vivis agam , usque vivet in  
me tui memoria : is mihi dies vitæ finis erit, qui  
tui oblivionis erit initium : idem casus hanc ani-  
mam , teque è meo revellat animo: donec su-  
perstitem esse sinent superi, tui perpetuo recor-  
dabor : dum quicquam vitalis caloris in hoc pe-  
ctorē palpitarit , tui memoria non evanescet:  
**Non mihi diuturnior** vita futura est , quam tuo-

rum

rum in me meritorum memoria: non mihi brevior fuerit tui memoria, quam ipsa vita: non minus durabilis erit tui capitis recordatio, quam hæc ipsa vita: me mihi eripiet is dies, qui tui memoriam adimet: ipse mihi subducatur prius quam te in memoria habere destitero: haud longior erit mihi lucis hujus functio, quam tuæ benignitatis memoria: non mihi posterius suspetet vivere, quam tui meminisse: extra me fuero citius, quam Morus intra hoc pectus esse desinet: vita hæc tuique memoria pari studio ad metam decurrent: prorsus non erit Erasmus, cum Mori immemor erit. Non extabit hoc caput, ubi tam singularis amici quivero oblivisci: donec supra terram acturus sum, non committam, ut obsolescat apud me tuæ comitatis memoria: donec communem hunc aërem lauriam, tu crebro animo occurſabis meo: nunquam serius futurum est Erasmo vitam; quam tui memoriam obtainere: non ante de te cogitandi finem fecero, quam Atropos filum fatale secuerit: si qua dies unquam tui paritura est obliviscentiam, ea certe nunquam antecesserit ei, quæ me luce orbabit ipsa: Sol hic qui videt omnia, nunquam me videbit non memorem tui: Mors una tui recordationem his è præcordiis emovebit: donec ulla vitæ portio his in artibus residebit, Morus ab Erasmi cogitatione nunquam aberit: quamdiu sanguinis ulla pars hoc in corpusculo calebit, nunquam apud me refrixerit Mori memoria: mihi quidem dum vita aderit, tu à mente mea nunquam es abfuturus: quo usque manebit hujus animæ corporis copula, tu à mea memoria nullo tempore se jungeris: prius animus corpori, quam tu animo meo præsens esse desines: spiritus ipse citius ex hujus corpusculi domicilio demigrabit,

bit quam animo impressa imago tui deleatur:  
 æque diurna fuerit apud me tui memoria ac  
 vitæ cursus: eadem erit & vivendi & de te cogi-  
 tandi meta: non arctioribus pomeriis, tui recor-  
 datio claudetur, quam ipsa vita: quoad ulla ve-  
 na mihi vitali tempore saliet, dulce fuerit usque  
 tui meminisse: quantum mea Lachesis fatale sta-  
 men extenderit, tantundem extendetur & mea  
 tui memoria: eadem mihi & vivendi, & de te  
 cogitandi mensura fuerit: quoad corporis mo-  
 lem flatus vivificus sustinebit, animum maximè  
 tui memorem geram: dum lucis usum cœlitum  
 indulgentia concedet, te semper animo feram:  
dum vitam permittent superi, non committemus, ut tam fidi ~~congerronis~~ ~~unquam nobis~~  
obrepat oblivio: donec me non deficiet anima,  
 animum hunc, & memorem & gratum nunquam  
 posuero: quoad usque Sole volubili frui fas erit,  
 hunc hominem tui memorem: vivum  
 non videbit Erasmus, qui videbit oblitum tui:  
quanto tempore vita mihi duratura est, mens  
 quidem hæc manebit tui recordantissima: quam  
 diu supero hoc Iove continget frui, non mihi  
 contigerit obliisci tui: donec vita perseverabit,  
 tu cordis obtutibus semper es observatus:  
 Nominis ante mei, quam tam chari amici, mihi  
 ventura est obliscentia: ipse mihi prius exci-  
 dero, quam tui vultus imago: viventi quidem  
 Erasmo, haud unquam excedet Morus: nulla  
 diurnitas ævi, tui apud me memoriam oblite-  
 rabit: non, nisi necum, tui extinguetur memo-  
 ria: ante fatalem diem è nostra memoria non  
climaberis: ante obitum non desistam tui me-  
 minisse! ante suprema funera non cessabo tui  
 memor esse: non ante exacta vitæ stamina  
 tui queam obliisci: vivo quidem Erasmo,  
 Morica

Morica memoria haud unquam effluet: tui apud me memoriam nulla unquam ætas antiquabit: ante summum diem non abrogabitur in me memoria tui: nulla neque locorum, neq; temporum injuria efficiet, quo minus tui quam maxime meminerim in vita: per omnein vitam tui meminero: hæc vita quam longa continget, cum tui memoria semper erit conjuncta: ad ipsum usque rogum me tui memoria prosequetur: mei sensu carebo, priusquam conjunctissimi hominis cariturus sim recordatione: à meis ipse membris distrahar, antequam tu animo meo divellare: mors mihi citius acciderit, quānū oblivio tam dilecti capitis: certum est mortem optere potius, quam tui memoria non jugiter obtinere: non nisi me sepulto, tui recordatio spelietur in me: tui quidem aut mecum aut nunquam est interitura memoria: donec expirem ipse, spirabit in me Mori mei memoria: donec apud superos agitabimus, nunquam mihi incesset tuæ benignitatis oblivio, ante obitum nunquam animo meo tui incurret oblivio: sic enim loquitur Seneca. Nihil tam arduum hæc vita mihi gignere queat, ut tui memoria ex his præcordiis possit extundere: nulla res tam atrox mihi possit in hac exoriri vita, quæ tui conciliet oblationem: vivo nihil possit existere, quod mihi tuæ erga me humanitatis conflet obliscentiam: sic in me radices egit memoria tui, ut nullis omnino casibus, qui quidem vivis soleant accidere, sit nunquam cessura: his nimirum monumentis animo meo consecratus, ut ea nullum ævi spaciū valeat demoliri, ni forte mors, cui nihil rerum mortalium non cedit; nisi ipse mortal is essem, non dubitarem hanc de te memoriam immortalem fore polliceri: si immortalis esset Era-

smus,

sumus, immortalis itidem foret tui apud illum  
memoria: ejusmodi statuam in animi mei pene-  
tralib. tua merita erexerunt, ut ea, quoad me  
tellus sustinebit, nullo casu sit diruenda: histi-  
tulis Morus inscriptus est cordi meo, ut eos nul-  
la temporis injuria possit unquam exedere: non  
nisi una cum ætate tui recordatio in me conse-  
nescit. Ipse mihi prius excutiar, quam Mori no-  
men ex adytis cordis exigatur: id unum tibi &  
confirmo & præstabo donec in mortaliūm nu-  
mero futurus sum, tu è scrinio memoria nostræ  
nunquam dimovebere: ut omnia tempus possit,  
certè hoc unum illi non licebit unquam, ut vivo  
tui mihi pariat oblivionem: semper hic animus  
tui cum primis meminerit, neque id me dies,  
quamlibet longa, dedocebit donec me tellus  
alet, unum illud nunquam quibo dedisce, vi-  
delicet tam chari sodalis meminisse: donec fu-  
turus sum ~~πανχθίσις~~, id est, *superstes*, ut Ho-  
merico utar verbo. Mori memoriam continen-  
ter obtinebo: quoad mihi contingat inter *cittas*  
*εδοντας*, id est, *cibum edentes*, ut Homericè lo-  
quar, annumerari, nunquam hoc de pectore Mo-  
ri vultus labetur.

ὅπερ αὖτε γέγονε

Ἐως τούτην μετέω, καὶ μοι φίλαι γέννατ' ὁρόμη,   
id est, donec ad sim viventibus & mihi genua  
moveantur. *Iliad.* I. I. quemadmodum inquit  
Homerus, tu mihi nunquam es obliviscendus,  
ἐπειδὴς ζῶται & ὅπῃ χθονὶς δερκομένοις, id est,  
Me vivente, & in terra conspeculo. *Iliad.* I. ut est  
apud Homerum, nunquam te auferet oblivio:  
tui memoriam perpetuo, pariter cum ipso vitæ  
progressu, producam: superstiti unquam dies  
expundet; corpore quidem abs te distrahi po-  
tero,

tero, verum animo te semper intuebor, quoad  
 vitam numina largientur: donec aura vitalis hos  
 artus moderabitur, tu à nostris cogitationibus  
 nullo momento es abfuturus: usque adeò penitus  
 his præcordiis tui impressa est memoria, ut  
 nullo unquam pacto videatur eradenda: ut o-  
 mnia tempore marcescant, tui certe memoria ad  
 occasum usque vitæ apud me vigebit: arctius  
**Motum** meum animo complexus sum, quam ut  
 vivo possit elabi: eadem me lux exanimem vi-  
 debit, quæ tui conspiciet immemorem. Adeo vi-  
 vam quandam imaginem tui pectori insculpsisti  
 meo, ut vix etiam mors ipsa sit abolitura: non  
 erit Erasmus tui memoria vivacior: tam vivax  
 erit tui apud me memoria, ut ipse non sim futu-  
 rus vivacior: nunquam intercidet apud me Mo-  
 rica memoria, donec ipse non intercedero:  
 Semper hunc hominem experieris tui recor-  
 dantem, donec vitæ particeps erit: expers hu-  
 jus vitæ fuero, priusquam à tui memoria alienus:  
 adeo vivax est in me tui memoria, ut ipse non  
 sim illi futurus superstes: altius meæ memoriaræ  
 insedisti, quam ut ulla te res inde queat emoliti:  
 Tenacious inhæres cordi meo, quam ut præter  
 mortis casum quicquam aliud inde te queat ejici-  
 cere: Penitus hoc in pectore conditus es, quam  
 ut hinc ulla ratione sis excludendus, donec mihi  
 vitam fata non invidebunt. Interius insitus es  
 animo nostro, quam ut inde columi quidem  
 queas, extirpari: Fixius impressum est cordi meo  
 simulacrum tui, quā ut superstiti possit unquam  
 detrahi. Sic effigies tui cogitationi meæ penitus  
 impressa est, ut eam nulla ætas sit abrogatura.  
 Dum vita suppeditabit, nihil extiterit quod fi-  
 xam animo Mori statuam valeat labefactare.  
 Fieri nunquam poterit, ut vel vivam parum tui  
 memor

memor: donec apud superos commorabor, ne tota quidem Lethes aqua tui memoriam poterit abolere: donec aura vescar aetherea, subinde tui reminiscar: vitam modo Deus impertiat, ego tibi mentem perpetuo tui memorem polliceor, Si quis mihi vita functo sensus erit tam dulcis amiculi recordabor, tantum abest, ut vivus sim obliturus: omnia mihi citius acciderint in vita, quam oblivio tui: tum sursum versus recurrent amnes, ut Græcis est in proverbio, cum Erasmus Mori sui poterit non meminisse: Non aliis me visurus est oblitum tui, quam qui visurus est arduis pronos relabi rivos montibus, & Tiberim reverti, ut ait Flaccus.

*Ante leves ergo pascentur in aquore cervi,*

Quam vivum Erasmus Mori capiat oblivio: his coloribus in tabula pectoris mei depicta est imago tui, ut eam nulla annorum series possit eluere: Supremus vitæ dies me tui memorem comprehendet: sospite vita, non me fugiet memoria tui: salva vita hac, non demorietur apud me tui memoria: quoad hæc mihi vita comes erit, comitabitur & tui recordatio: hæc me vita tui memorem relinquet: non avolabit à nobis tui memoria, nisi avolante vita: ad supremum usque vivendi limitem, tui nobis memoria perseverabit: in obtainenda tui memoria non fuero mihi dissimilis, nisi vivus esse desiero: donec hoc vitæ munus divina benignitas mihi salvum esse volet, non intermorietur apud me tuæ benignitatis memoriæ: vita defungar prius, quam tui memoriam recolere cessabo: diem obiero citius quam te ventis, & auræ mandem: clavis adamantinæ nostræ memoria infixus est Morus, quos non, nisi una mors valeat abrumpere: ad im-

usque

usque cineres pergam tui meminisse : ad extre-  
 mam usque senectam tui me comitatura est me-  
 moria: per universum vitæ spaciū Mori memi-  
 nerit Erasmus: ad extremum usque rogum, tuo-  
 rum erga me beneficiorum memoria proroga-  
 bitur, fatalis ille dies denique me tui memorem  
 est reperturus : dabo operam, ut tuæ humani-  
 tatis recordatio ad Libitinam usque proferatur :  
 „ nunquam mihi quicquam obtigerit in vita neq;  
 „ tam latum, neque tam acerbum, quod tui no-  
 „ minis recordationem è sinu pectoris mei queat  
 expellere : quoad hic animus in hoc corpusculo  
 tenebitur alligatus, non exulabit mea memoria  
 Morus : citius futurum est, ut alterum in orbem  
 tui memoriam mecum deferam, quam ut hic  
 abjiciam: animam egero prius, quam te memo-  
 ria tenere desiero : si quando corpus umbram  
 suam poterit effugere, hic animus tui quibit ob-  
 livisci: non ante quam diem vitæ novissimum  
 clausero, desiturus sum tuam in me beneficen-  
 tiā animo circumferre: Quam longa dabitur  
 vita, tam erit longa tui memoria : par nobis erit  
 memoriae vitæque modus : tui meminero quod  
 auras carpero vitales: absit ut mihi brevior fue-  
 rit tui memoria, quam vita : quandiu superabit  
 Erasmus; tamdiu tui meminisse non gravabitur:  
 vita orbabor, antequam tui me relinquet memo-  
 ria. Supero privabor lumine, ut prisorum more  
 loquar, citius, quam Morus ex animo deleatur  
 a meo: Ocyus hoc mihi corpusculum morte re-  
 frixerit, quam tui memoria frigescat apud me:  
 Inextinctam tui memoriam semper tencbo:  
 „ quantum temporis anima fruar, sic enim lo-  
 quitur Sallustius, tantundem tui meminero:  
 Perpetui tui recordatus fuero; Sine fine me-  
 minero. Nulla res mihi oblivionem tui invexerit,  
 nisi

nisi quæ me ex hac luce evexerit. Orbem hunc  
verterim citius, quam animum hunc tui me-  
morem vertero: vita me exuerit is casus, qui tui  
importabit oblivionem: crudelib. umbris oc-  
cubuero, quemadmodum loquuntur poëtæ ci-  
tius, atque tui memoriam recolere desiturus  
sim: efferar ipse citius, quam tui memoria è cor-  
de efferatur meo: ad ipsum usque bustum me-  
tui memoria prosequetur: ne defunctus qui-  
dem, tui possim oblivisci, nedum vivus viventi,  
mihi nunquam abolescet hominis tam bene me-  
riti recordatio: quando futurum est, ut apud  
Erasmus evanescat Mori memoria? nempe dum  
vita destituetur: usque eo tui memor ero, dum  
in vivis agam: usque dum spirabo, te corde ge-  
stabo: quam diu dabitur anima frui, ut Sallustia-  
no more loquar, non desinam tui memoria frui;  
Sed jam sit modus. Neque enim id agitur, ut  
ostentemus, quo usque nōs in commutando pro-  
gredi possimus, sed ut studiosis adolescentibus  
exemplo demonstremus, quantam orationis  
ubertatem paritura sit hæc exercitatio. Senten-  
tiam enim admodum felicem, neque magnopere  
ad commutandum fœcundum ferme ducenties  
ut opinor, commutavimus, neque tamen mi-  
nutulas illas variandi rationes sumus anxie per-  
secuti. Nunc quod reliquum esse videtur, varias  
quasdam orationum formulas proponemus, non  
id agentes ut omnes persequamur. Nam hoc uti-  
lissimum quidem, verum prorsus infiniti fuerit  
operis: sed ut ostensis aliquot velut exemplis, vel  
sibi quisque similia fingat, vel alius aliquis, cui  
plus otii suppetet, quam nobis, hujusmodi di-  
cendi figuræ ex omnibus auctoribus petitas, co-  
piosius, atque accuratius impertiat copiæ can-  
didatis.

## C A P. XXXIV.

*Quibus modis tribuimus plura  
ex aq<sup>un</sup>.*

**E**st vir tum eruditus, tum probus. Est juvenis & formosus, & bene ingenitus. Atque repetitum Poëtarum est : Virg.

*Atque Deos, atque astra vocat crudelia mater.*  
**E**st vir doctus pariter ac probus : Est vir doctus simul & integer : Est vir tam doctus, quam bonus : Vir est doctus juxta, ac bonus : Vir est non minus probus quam literatus : Vir est non inferior literis, quam moribus : Vir est ex aequo probus atque doctus : Vir est aque literatus aque incorruptus : Vir doctus aque ac probus : Vir perinde doctus ac probus : Exquisite doctus est, itidem & facundus : Vir est non minore morum probitate, quam doctrinâ prædictus : Vir est quemadmodum doctus, ita & integer : *Vir est doctusque bonusque in carmine* : Vir simul eruditus, simul integer : *Vir est doctusque & integer, in carmine* : Vir est haud secus eruditus ac probus : Vir est ut doctus, ita & probus : Vir est doctus, & idem probus : Vir est optimus, idemque doctissimus : Vir est pari vel doctrina vel probitate prædictus : Vir est non tantum eruditus, sed & integer : Vir est non modo doctus, verum etiam probus : Ut optimus quoque est, non modo doctissimus. Non tantum ferunt, sed impellunt. Hæc sermonis forma peculiaris est Senecæ, ut omittatur etiam. Vir est præter suminam eruditionem etiam optimus : vir præterquam quod doctus, est etiam optimus : vir est in quo dubites, doctiorne sit, an melior : Vir est, in quo cum literis probitas morum ex aequo certet : Vir est qui literas

literas æquârit cum vitæ sanctimonia: Vir est cuius eruditioni respondet morum integritas: Vir est qui parem vitæ castimoniam cum eruditione copularit: Vir summa quidem doctrina, verum morum integritate neutquam inferior fese. Interdum idem pollet, vel: Literis tuis majorem in modum sum delectatus, vel quod essent elegantissimæ, vel quod humanitatis plenæ: vir est in literis egregius, neque sui dissimilis in moribus. Vir est clarus imaginibus, neque non illustris egregiis in Remp. meritis. Officium beneficio cumulaſti. Corporis formam animi dotibus æquiparas. Cum diis ex pari vivit. Oratione tua graviter offensus est, partim quod esset incondita, partim quod arrogans. In hoc probitas æquat eruditionem. In hoc fortuna cum probitate facit paria. Ita Seneca. Vir est egregie doctus, atque item probus. Vir est similiter doctus ac facundus: Vir est haud dissimiliter eloquens ac doctus: Vir pari doctrina ac probitate. Vir est perinde facundus ac doctus. Cives, atque hostes juxta metuit, dixit Sallust. pro eo quod est, cives atque atque hostes. Fortunæ, corporis animalique bonis juxta dives. Ita Sallust. Flebi patribusque juxta charus: Idem. Hyemem atque aestatem juxta. Plin. Iuxta diebus noctibusque tacitus labitur mundus. Idem: In Italix partibus quibusdam, juxta hyeme, & aestate fulgurat. Ad hanc formam pertinent & illa, Plaut. juxta mecum rem tenens, id est, atque atque ego. Idem in Persa: Iuxta tecum, si tu nescis, nescio. Sallust. in Catilinaria: Quo in loco res sitæ sunt, juxta mecum omnes intelligitis. Huc pertinent & illa minus quidem usitata, sed tamen apud probatissimos auctores reperta. Terent. Quo jure, quaque injuria me in pistrinum dabit; id est, sive

jure, sive injuria, Cicer. ad Att. At quam honesta, quam expedita tua consilia, quam evigilata tuis cogitationibus, quæ itineris quæ navigationis, quæ congressus, sermonisque cum Cæsare. Idem ad eundem. Cum video te dissentissimum esse, qua de Butrotiis, qua de Bruto: Quæ posuit pro ium.

## C A P. XXXV.

*Quæ commodius copulent contraria.*

**V**ir est doctrina quidem egregia, verum moribus illaudatis. Est ille quidem vir bonus, verum parum eruditus. Vir est ut lingua blandissima, ita ingenii amarulenti. Vir est ut optimis prognatus majoribus, ita pessimis præditus moribus. Vir est tam deformis animo, quam corpore formosus. Petrus quemadmodum est tacitus conviva; ita est loquacissimus susurro. Hic salutator quidem est comis, sed virulentus obtrectator. Blandus est vultu, ceterum animo truculento. Ferox est in timidos, at in feroces timidus. Æstate friget, contra hyeme calet. Plautus sic usurpavit. Item Venit hoc mihi in mentem Magadore, te esse hominem divitem, factiosum: me item esse hominem pauperum pauperium: Item, dixit, pro contra. Inimicis supplex, in amicos contumeliosus. Hic nullum additur adverbium. Voluptas parit dolorem, contra dolor voluptatem.

## C A P. XXXVI.

*Quibus modis æqualiter removemus.*

**V**ir est neque doctus, neque probus: nec literis nec moribus probatus: Vir est non indoctus modo, verum etiam improbus: Vir est ut

ut indoctus, ita & improbus: Non minus improbus, quam illiteratus: Vir est tum indoctus, tum improbus: Aequo indoctus atque improbus. Quintilian. Nescias præstare velint minus an possint, id est, tam non possunt præstare, quam nolunt: pariter & indoctus & improbus: Vir pessimus est; & nihil doctior. Seneca, Flamma deprimi non potest, non magis quam quiescere. Vir cui nihil omnino bonarum literarum, bonorum quoque morum tantundem. Breviter, ferme iisdem rationibus removemus, quibus tribuimus.

## C A P. XXXVII.

*Quibus modis tribuimus inæqualiter.*

Vir est cum doctus, tum probus: Iuvenis cum eleganti forma, tum vero moribus optimis. Non pecuniam modo, verum etiam vitam tibi paratus sum impendere? Vitam etiam tibi im-penderim, non modò pecuniam. Verum hæc verba non solum, & similia communia sunt tum ad æqualitatem, tum ad inæqualitatem. Non sat erat impulisse, nisi & proderet. Non sufficiebat spoliasse, nisi & jugularet. Parum erat deformem esse, nisi mores formâ dignos addidisset. Nihil erat deformi esse vultu, nisi moribus etiam esset deterius. In hac sermonis forma eleganter interdum altera pars subauditur; eaque fere potior, ut: Chrysostomus non ore tantum aureus: subauditur, verum etiam pectore. Et Cornelius Grachorum matris epistolæ servatae sunt, non tantum in sexus honorem: subauditur, sed etiam ob admirationem eloquentiæ. Vidisti hominem non corpore tantum distortum: subauditur, verum etiam animo.

## C A P . X X X V I I I .

*Inequaliter removemus his modis.*

**N**ON modo non intelligit, verum ne legit quidem : non solum parum intelligit , sed nec legit : non tantum nihil intelligit , imo nec legit : nec legere quidem novit, nedium intelligat: non novit vel legere, tantum abest, ut intelligat: tantum abest ab intelligendo , ut ne legere quidem nō sit ! Adeo non intelligit, ut nec legat. Usque adeo non intelligit, ut nesciat vel legere. Hic in Græcis literis nihil quid dicam intelligere ; imo nec legere potest : Hic nihil in bonis literis non dicam intelligit, imo ne legit quidem : Ingenium quoque senectus deterit, ne dum corporis vigor perpetuo duret. Horatius :

*Nedum sermonis stet hanc, & gratia vivax.*

Necum novè posuit , pro eo quod est , tantum abest , ut : Ne pecuniam quidem impenderet amico , nedum vitam. Eam figuram Quintilianus novavit ad hunc modum : Nec enim de omnibus causis dicere quisquam potest, saltem de præteritis , ut taceam de futuris , id est , nec de præteritis, tantum abest, ut de futuris.

## C A P . X X X I X .

*Quo pacto tribuamus, aut removeamus  
ordine.*

**U**trum quisque est gloria dignissimus , ita gloriæ est negligentissimus : Ut quisque gloria est maxime dignus , ita gloriæ minime est avidus. Optima quæque vitæ pars quam ocyssime prætervolat. Catullus. Tanto pessimus omnium poëta, quanto tu optimus omnium patronus. Quam vos.

vos facillime agitis, tam vos maxime aquum est aqua facere.

## C A P. X L.

*Ter comparativum eadem effertur sententia.*

**Q**uo quisque dignior est, qui laudetur, hoc minus laudari gaudet. Quanto quisque fama dignior, tanto minus affectat famam. Quo quisque magis promeretur honorem, eo minus honorem appetit.

## V E R T I P O S S V N T.

Hoc minus ducitur laudis cupidine, quo quisque laude sit dignior. Tanto quisque minus optat pecuniam, quanto minus possidet pecunia.

## C A P. X L I.

*Formula augendi positivum.*

**P**ositiva augmentur compositione harum distinctionum: Per; perquam, præ, perdifficile: perquam difficile, prælongus, prævalidus, præpotens. Quod idem contingit in verbis: Pervelim, perquam velim, percupio. In quibus idem interdum efficit hæc præpositio De, deamo, demiror. Eandem vim videtur obtinere Ad, adprobe, adfabre, adprime, adamo. Adjungunt jureconsulti præpositionum In, tanquam idem pollentem. Sed errant mea sententia: Quod enim illi legunt, indifficile est, pro valde difficile, legendum est, in diffici est, pro difficile est: quemadmodum dicimus, in proclivi est, pro eo quod erat, proclive est: & in promptu est, pro, promptum est. In tuto est, in caussa est, in vitio est. Augetur

positivum & citra compositionem quam, sed figurate. Quām tenere amat filium! quām nihil pudet! Ut eandem vim obtinet. Ut gaudet, ut est severus! Immane, quantum distat. Pāpā, quām is sibi placet! ad hanc rationem pertinent, Præterea his adverbīis intenditūr, oppido quām, // sāne quām, nimis quām, antīgerio, quod pri- seum est. Atque hāc, ut dixi, non repudiantur & à verbis: per quām velim, percūpīo, sāne quām, cupit. Neque diversam vim habere videtur, Nā: Nā ego infelix homo sum. Faciunt nā intelli- gendo, ut nihil intelligent. Item, Adverbia illa omnia epitasin, significantia: admodum, valde, // egregie, insigniter, magnopere, maximopere, fūmmopere, in primis, adprime, cum primis, in paucis, pro egregiè apud Quint. Curt. tanto- pere & quantopere, figurate. Adeò pro valde: Fratrem adeo nobilem. Majorem in modum, mirum in modum, supra modum, præter mo- dum, singulariter, unice, eximie, impendio, im- pense, effuse, abunde, affatim, atque alia innu- merabilia. Vel, utrunque efficit, auget. Cicer. ut vel perire maluerit. Seneca: vel umbra satis est: amico non vel teruntium impertiat. Sallust. Qui- bus rebus supra bonum & honestum percūfus, id est, magis quām decuit. Plus quam, Item ma- gnam vim augendi obtinet: Homo plus quam // insanus: Senex plus quām delirus. Plus xquo, sāvit. Cui finitimum est, non tantum, non ut re- spondeat illi Græco, μόνον & id est, ferme, sed ut idem valeat, quod plus quam: velut, homo non tantum vino temulentus: Vir non tantum ima- ginibus nobilis: de quo paulò ante meminimus. Terque quaterque beati. Græcanicum est, Latini tamen usurpatum, in carmine potissimum. Sunt & aliæ formæ longius petitæ. Incredibile dictu,

dictu, quam elegans. Sallustius: Immane dictu: //

Dic̄ non potest: Sermone consequi nequeam: //

est rara quadam modestia: Præcipuum hono-

rem: Primariam laudem: Incredibili sapientia,

haud vulgari doctrina. Et Deum immortalem,

qua doctrina viřum, id est, egregia: Plus satis,

animosus: Plus nimo tristis, plus quam par est. //

Atque id genus alia, non absurde fortassis iis ad-

jungantur. Nam vulgata est illa amplificandi ra-

tio, quoties superlativus pro positivo ponitur.

Plurima, pro multis admodum: Maxima, pro-

vehementer magnis: Dicere tibi promptissimum

est: mihi facere facillimum.

### DE VARIANDO Positivo.

Utimur vulgo comparativis pro absolutis, vel  
ipso Quintiliano auctore. Ut si quis dixerit infir-

miorem, id est, meticulosum.

### CAP. XLII.

#### *Rationes minuendi Positivum.*

**M**inuitur è regione positivus appositis præpo-

sitionibus. Subtristis, subrusticus, subobscu-

rus, subasper, subinvidus, subinanis, subfuscus.

Quod idem accidit in his verbis; Subpudet, sub-

irascitur, subolet, subridet, subodoratur, subti-

met. Minuitur &c. adverbiis appositis: Non ni-

mis molestum est. Utcunque jucundum fuit.

Aliquantulum mordax. Quæ verbis etiam ad-

junguntur; utcunque sapit: paululum delirat.

Præterea deformatione in vocem diminutivam,

quæ varia fingitur. Argutulus, acutulus, minu-

tulus, rancidulus, putidulus, diutule, s̄apicule,

ebriolus, sciolus, tenellus, nigellus, integellus

philosophaster Tullius. Comparativus positivi loco diminuit, ut tristior, id est, subtristis. Sed ferme in vitium accipitur, addito adverbio paulo, & κατ' ἐλεύθη, i.e. per defecum, ut, vir integer quidem, sed severior, id est, paulò severior, quam convenit. Facundus homo, sed paulò loquacior. His igitur modis vitium ferè significamus cum extenuatione. Diminuntur & verba vocis deflexione, ut vellico, cantillo, cantito, volito, dormito, vicitto. Parum, & non admodum, idem efficiunt. Ne parum multa scire viderentur: Vir non admodum senex: Non admodum adolescens: Non perinde sapiens ut dives. Non satis mihi liquet: Minus compertum habeo: Idem efficiunt; Vix, & Semis: Vix vivus, semi-vivus, vix bene Græca, parum bene Græca, cum semiviro comitatu, id est, parum virili: Ad idem valent, Saltem & At: Cito, Si non eodem die, at postridie. M. Tull. Si non propinquitatis, at ætatis suæ, si non hominis, at humanitatis orationem haberet: Si non primus, certè non postremus.

## C A P. XLIII.

*Quibus rationibus augetur Comparativus.*

Comparativus peculiariter his adverbijis amplificatur: Longe, multo, nimio: Tum his, multis partibus, in immensum, in infinitum, infinitis partibus, Longe venustior, multo gravior, nimio severior. Horat. Ne doles plus nimio memor immitis Glyceræ. Multis partibus præstantior: in infinitum utilior: infinitis partibus divina humanis sunt potiora. Tanto, & quanto, figuratè idem efficiunt.

ficiunt , Tanto corpore præstantior est animus, id est, multo. Idem efficit, quo, & eo cum subjiciuntur, Est prædives, quò magis admiror hominis fides. Eo magis admiror. Papæ quanto satius est amicis , quam pecuniis abundare.

### QVIBVS MODIS IMMINVITUR Comparativus.

Minuitur adverbiis positivis. Paulo venustior est Gellius, quam Macrobius: Aliquanto brevior est hic, quam ille : Nihilo ditior: Ne tantillo quidem melior eris , si dives fueris : Minimo fueris honoratior, si titulus accesserit. Quantulo, figurate , pro quam paulo. Papæ , quantulo hic homo sapientior est , id est, pene nihilo. Minuntur & deflexione vocis : Grandiusculus , id est, paulò grandior : Meliusculus: Celeriuscule.

### C A P . X L I V .

#### *Quibus rationibus augemus Superlativum.*

**S**Vperlativus augetur iisdem adverbiis , quibus comparativus longe, multo. Accedit autem, facile. Cicero longe facundissimus, & idem vir multo omnium optimus ; ejus civitatis longe princeps, aut, facile princeps, aut primus. Idem efficitur per tanto & quanto figuratè posita : ut Deum immortalem ! quanto Socrates philosoporum omnium optimus. Quam , in compositione non nihil addit augmenti : Quam plurimos vidi : ut quam optime res cadat , tibi nihil commodi fuerit. Per hyperbolēn augetur hoc modo: Mulier plusquam pessima, & pessima pejor: Homo non loquacissimus, sed ipsa loquacitas, &

ipsa loquacitatem loquacior: Ipsa Venere venu-  
stior. Nam in Sallustiano illo: Quam quisque pes-  
simè fecit, tam maximè tutus est: aequalitas est,  
non augmentum. Superlativus non recipit di-  
minutionem, nisi forte per quidem, aut similem  
conjunctionem: Et ille quidem doctissimus, ve-  
rum moribus non perinde probatis.

## C A P. X L V.

*Periphrasis comparativi.*

**C**omparativum circuitione reddimus per ad-  
verbia comparandi Magis & Minus. Avidior  
voluptatum, quam pecuniar. Magis avidus vo-  
luptatum, quam pecuniae. Huic finitimum est,  
Potius. Voluptatum avidus potius, quam pecu-  
niae. Item: Non tam voluptatum appetens,  
quam pecuniae: Minus avidus pecuniae, quam  
voluptatum: Non perinde literatum admirans,  
quam pecuniae. Breviter, modis illis omnibus,  
quibus diximus in aequalitatem significari. Obti-  
nent & verba quædam vim comparativi: præstat  
lucrum pudore, id est, potius est lucrum pudo-  
re. Cic. Platone facundior, Plato Cicerone do-  
ctor: Cicero Platonem superat eloquentia. Fla-  
to Ciceronem antecellit eruditione. Hierony-  
mus Augustinum vicit rerum scientiam: Augusti-  
nus Hieronymum anteit ingenii subtilitate. Flau-  
tus: Pol moerores mihi anteverterunt gaudiis.  
Terent. Quanto herum anteeo sapientia! Plaut.  
Præverti hoc certum est aliis rebus omnibus. id  
est, præferre rebus omnibus. Livius; Conati no-  
vi consules omnibus eam rem præverti. Cic: Si  
vacas animo, neque habes aliquid quod huic ser-  
moni præveniendum putas. Plautus dixit ante-  
venire, pro præcellere. Sallust. hominis qui per  
virtutem

virtutem soliti erant nobilitatem antevenire. Huc pertinent & illa : Anteponere, præferre, posthabere, præcellere. Novè dixit Sallust. Invidia atque superbia postfuere. Idem, & facundia Græcos, gloria belli Gallos ante Romanos fuisse, id est, præcelluisse. Cedere, secundum esse, præripere laudem, & si qua sunt similia. Nam his ferme modis orationē comparativam variamus. Magis amat pecuniam, quam famam. Pecuniæ Socrates amar se est magis, quam famæ. Pecuniarum amantior est, quam famæ : Famam pecuniæ posthabet : Fame pecuniam anteponit : Minus famæ cupiditate dicitur, quam pecuniæ. Impensius amat pecuniam, quam famam. Huic potior est pecunia, quam fama : Huic prius est in crux, quam honesta fama. Huic antiquius est laudari, quam admoneri. Huic vilior est vita, quam pecunia. Similem vim obtinet Præ. Cic. Omnia minas atque omnia pericula præ salute sua levia duxerunt. Idem : Non tu quidem vacuus molestiis, sed præ nobis beatus, id est, nobis beatior. Terentius : Ludum jocumque alterum dices illum : præ ut hujus rabies quæ dabit. Plautus : Nihil hercule hoc quidem, præ ut alia dicam. Idem dixit, præ quam, pro, præ ut.

## C A P. XLVI.

*Quibus modis superlativum variamus.*

Superlativus variatur primum Adverbis, quæ opponuntur, vel verbis, vel nominibus positivis : Amat te maxime : Amantissimus es tui : Effusissime te diligit. Vir indoctissimus, vir minime doctus. Minime multos, id est, quam paucissimos. Variatur & per comparativum, id que affirmative, sed insitatius. Negative frequentius.

quentius. Cicero reliquis omnibus eloquentior. Cicero , quo non aliis eloquentior. Quo non præstantior alter , id est , omnium præstantissimus. Nihil minus amat , quam assentationem, Nulla re minus capitur, quam gloria. Nihil hunc æque delectat, atque Musica. Nihil prius habet, quam adesse conviviis. Nihil pulcruis dicit, quam divitem vocari. Nihil minus faciam , nihil minus sentiebam , quam quod tu suspicabare. Homo quidvis potius, quam doctus. Efficiam ut intelligas , omnia mihi defuisse potius, quam fidei ac diligentiam. Omnia potius , quam illud agnoscer. Quidvis potius, quam vanitatem fatebitur. Nullo inferior, id est, summus. Nullo non inferior, id est, omnium infimus. Nemine non deformior, id est omnium deformosissimus. Per verba nonnunquam idem efficitur. Cicero superat omnes dicendi copiâ: Vincit omnes candore: Nemini cedit candore ; In dicendo principatum obtinet : Primas tenet; arcem tenet. Adde huc & illa : Vir præter ceteros spectatæ fidei. Præter omnes te diligit. Supra cunctos tuæ gloriæ favet. Ante omnia rei studendum. Unicus , & solus, primus , & similia, natura superlativam significationem habent, ut & singularis: Unice te amat: Solus est homo homini amicus : Singulari benevolentia te prosequitur : Primum laudem obtinet : Tullius eloquentiæ princeps : Penultorum alpha , dixit Martialis. Eodem pertinent. Tam facundus, ut cum hoc nemo sit conferendus: Tam eruditus , ut ei nemo sit æquandus: Tam prudens , ut parem non invenias. Horat. Sic ut mihi nunquam in vita fuerit melius: Adeò placet , ut magis non possit. Item & illa : Quis hoc uno facundior ? Quid invenias pecunia vi- lius ? An quicquam est patriâ dulcius ? Erras si credis.

credis mihi quicquam esse uno te charius. Sunt  
& illæ orationes annotandæ. Officium tuum  
tam mihi gratum fuit, quamquam quæ gratissima. Tam  
te amo, quam qui maxime. Terent. Amabat ut  
cum maxime, tum Pamphilus. Cicer. Domus  
celebratur ita ut tum maxime. Rursum hæ quo-  
que. Hoc crede mihi, si quid unquam es creditu-  
rus. Homo doctus, si quisquam est omnino do-  
ctus. Homo vorax, ut si quis aliis. Homo quan-  
tum aliis nemo doctus. Nullus æque pernovit  
hominis ingenium, atque ego. Haud alium re-  
peris, perinde tui studiosum. Neminem adatque  
timet, atque te. Si alias unquam, nunc summa  
vigilantia utendum est, id est, nunc maxime.  
Si quando alias amicum præstitisti, nunc ostend-  
e quanti me facis. Quantum potest, quoad  
fieri potest, & consimilia, superlativi vim viden-  
tur obtainere. Tu quantum potes abi, id est,  
quam oxyssime. Enitar quoad potero, id est,  
quam maxime. Haud abs re fuerit huic annume-  
rare denominationes, & comparationes illas per  
hyperbolæ sumtas. Ut si quis hominem crude-  
lissimum, Atreum appelleret: eloquentissimum,  
alterum Ciceronem: Severissimum, tertium  
Catonem. Tum per comparationem: Hic est ni-  
ve candidior, Scytha barbarior, Græculo loqua-  
cior, aut turture. Verum hujus generis aliquot  
exempla commemorare non inutile fuerit. Su-  
muntur autem variis modis: Vel à re quapiam  
**eximia**: ut nive candidior, pice nigrior. Vel à  
nomine abstracto, quod vocant, cæcitate cæcior:  
Vel ab animante insigni, ut talpa cæcior, ca-  
prea oculatior. Vel à persona insigni, ut: Phala-  
cide crudelior. Tum adhibentur per simplicem  
denominationem: ut, si rem vehementer sua-  
vem, mel, aut nectar appelles. Rem vehementer  
accr-

acerbam, fel. **Hominem** supra modum senem, senium ipsum : vehementer scelestum, scelus : odiosum, odium : ganeonem, cœnum : lurconem, barathrum : contaminatum, labem : contemptum, quisquilias : impurum, sterquilinium : perniciosum, pestem : tenebrionem, tenebras : inquinatum, lutum: infamem, propudium: portentuosum, portentum : dedecorosum, dedecus: molestum, ulcus: vitiosum, sentinam: odiosum, odium hominis : brutum, pecudem : virulentum, viperam : vehementer cæcum, talpam: vehementer rapacem, lupum : impendio deformem, Thersitem.

## E A D E M H Æ C N O M I N A

per comparationem efferri possunt.

**Melle** dulcior.

**Auricula** infima mol-

**Nive** candidior.

lior.

**Caudice** stolidior.

**Plumbo** stupidior.

**Cortice** levior.

**Cornu** siccior.

**Oleo** tranquillior.

**Dolio** pertuso conti-

**Auro** purior.

nentior.

**Stipite** tardior.

**Cribro** infidelior.

**Littore** surdior.

**Fonte** purior.

**Iracundior** Adria.

**Oculis** charior.

**Arenis** sitientior.

**Ampulla** inanior.

**Vitro** fragilior.

**Ramento** levior.

**Corthurno** instabilior.

**Morte** odiosior.

**Cote** durior.

**Rubo** arido præfa-

**Buxo** pallidior.

ctior.

**Alga** vilior.

**Æquore** surdior.

**Glacie** frigidior.

**Spongia** bibacior.

**Beta** magis insipidus.

**Ære** Dodoneo loqua-

**Pice** nigrior.

cior.

**Pluma** levior.

**Fila** volubilior.

**Alno**

<b>Alno procerior.</b>	<b>Clemate Ägyptia ni-</b>
<b>Sole clarior.</b>	<b>(rior. grior.</b>
<b>Sardois herbis amar-</b>	<b>Crambe recocta mole-</b>
<b>Rusco horridior.</b>	<b>stior.</b>
<b>Æthna æstuantior.</b>	<b>Clavo durior.</b>
<b>Trutina justior.</b>	<b>Pistillo retusius inge-</b>
<b>Spina distortior.</b>	<b>nium.</b>
<b>Pluma levior.</b>	<b>Pumice aridior.</b>
<b>Vento instabilior.</b>	<b>Uvis passis aridior.</b>
<b>Barathro capacior.</b>	<b>Laterna magis pelluci-</b>
<b>Charybde voracior.</b>	<b>dus.</b>
<b>Corcoro vilior.</b>	<b>Euripo inquietior, aut</b>
<b>Subere levior.</b>	<b>inconstantior.</b>
<b>Floralib. licentiosior.</b>	<b>Luce magis dilecta.</b>

**I T E M P E R H Y P E R B O L E N**

eadem voce iterata.

<b>Ipsa cæcitate cæciōt.</b>	<b>Ipsa stultitia stultior.</b>
<b>Ipsa nequitia nequior.</b>	<b>Ipsa sibi siticulosior.</b>
<b>Ipsa fame esurientior.</b>	<b>Quavis peste pestilen-</b>
<b>Voracitate voracior.</b>	<b>tior.</b>
<b>Ipsa morositate moro-</b>	<b>Ipsâ loquacitate loqua-</b>
<b>fior.</b>	<b>cior.</b>
<b>Deformitate defor-</b>	<b>Quovis monstro mon-</b>
<b>mior.</b>	<b>strofior.</b>
<b>Confidentia confiden-</b>	<b>Senio senilior ipso. (or.</b>
<b>tior.</b>	<b>Calamitate calamitosi-</b>

**H I S F I N I T I M A**

sunt illa.

<b>Venere formosior.</b>	<b>Vertumno inconstan-</b>
<b>Mercurio facundior.</b>	<b>tior.</b>
<b>Fortuna ipsa fortuna-</b>	<b>Empusa magis varius.</b>
<b>tior.</b>	<b>Ipso Momo mordacior.</b>

Mars

Marte bellacior, seu pu-	Minerva doctior.
.gnacior.	Pluto ditior.
Ipsò infortunio infortu-	Furia furiosior.
natiōr.	Euterpe concinnior.
Proteo mutabilior.	Salute ipsa salubrior.
Ipfis Gratiis humanior.	Penia pauperior.
Priapo salacior.	Harpya rapacior.

HIS PROXIMA SVNT NOMINA  
personarum, quæ petuntur è Tragoëdiis,  
aut Comœdiis, aut fabulis aliis.

Gnathone adulan-	Tithone vivacior.
tior.	Achille animosior.
Phormione confiden-	Niobe fœcundior.
tior.	Tiresia cæcior.
Euclione tenacior.	Sphinge involutior.
Demea asperior.	Dædalo ingeniosior.
Parasito edacior.	Gigantibus audacior.
Atreo crudelior.	Excétra pertinacior.
Ajace insanior.	Glauco stupidior.
Thersite deformior.	Iro pauperior.
Thrasone gloriosior.	Nireo formosior.
Geta versatior.	Diana intactior.
Thaide blandior.	Erisichthone esurien-
Mitione lenior.	tior.
Tantalo sitientior.	Stentore clamosior.
Oreste insanior.	Busyride illaudatior.
Vlyssè dolosior.	Labyrinthe intricata-
Nestore vivacior.	tior.
Orpheo vocalior.	Icaro audacior.
Cyclope immanior.	Grylla stultior.
Penelope castior.	Nestore facundior.

## H I S C O N F I N I A S V N T,

quæ sumuntur ex historiis, ut:

Phalaride crudelior.	Herostrato ambitiousior.
Polycrate fortunatior.	Timotheo felicior.
Sardanapalo nequior.	Timone inhumanior.
Phocione justior.	Numa religiosior.
Crœso ditior.	Aristide incorruptior.
Æsopo luxuriosior.	Catone præfractior.
Fabio cunctantior.	Socrate sanctior.
Milone fortior.	Chrysippo acutior.
Lynceo perspicacior.	Thracalo vocalior.
Demosthene facundior.	Curione obliviousior.
Hannibale vafrior.	Heraclito obscurior.
	Aristarcho doctior.

## H V C P E R T I N E N T

&amp; illa, quæ sumuntur à gentibus.

Pœno perfidior.	Cretensi mendacior.
Scytha asperior.	Græco vanior, seu levior.
Scythotauris inhospitior.	Thessalo perfidior.
Parthis fugacior.	Leontinis luxuriosior.
Thracibus bibacior.	Milesiis effeminatione.
Care vilior.	Pygmæo brevior.
Sybarita fastuosior.	Cretensi vanior.
Arabibus ditior.	Afoto luxuriosior.
Arcade stolidior.	

ADDUNTUR HIS, QVÆ  
sequuntur ab animantibus.

Muliere loquacior.	Vulpe fraudulentior.
Hirco libidinosior.	Anguilla lubricus magis.
Corvo vivacior.	Pisces sanior.
Graculo loquacior.	Phœnix rarer.
Dipsade nocentior.	Nigro cygno rarer.
Echino asperior.	Vulture edacior.
Lepore timidior.	Iaculis inexspectatior, aut pestilentior.
Delphino lascivior.	Cochlea contractior.
Scropha fœcundior alba.	Sue indoctior.
Albo corvo rarer.	Hydra immitior.
Scorpio improbior.	Tauro robustior.
Testudine tardior.	Cane rixosior.
Glige somniculosior.	Urso hispidior.
Afello tardior.	Cane adulantior.
Dama timidior.	Cervo demissis auribus furidior.
Hirudine bibacior.	Coccyge importuni- or.
Equo indomito fero- cior.	Simia lascivior.
Tipula levior.	Fele rapacior.
Passere salacior.	Laro stultior.
Cervo vivacior.	Scarabeo improbior.
Cornice vivacior.	
Luscinia vocalior.	

IDEM POLLENT, QVÆ  
sumuntur ab officiis, ut :

Carnifice immanior.	Areopagita tristior.
Cinædo effeminitior.	Heredipetis adulantior.
Athleta robustior.	Lenone perjurus magis. Milite

Milite gloriosior.  
Rege magnificen-  
tior.

Monacho imperitior.  
Tyranno violentior.  
Fossore durior.

**E**andem vim obtinent voces denominativæ ab his formatæ, ut: mellitum, pro vehementer jucundo. nivei mores, pro vehementer puris: aureum seculum, pro magnopere felici, laudatoque:plumbum, saxeum, pro duro. Ferreus scriptor: Bliteus, Betaceus, pro fatuo. Ficulnū, pro molli: Adamantinum, pro duro, ac laborum egregie tolerantia: Vitreum, pro fragili: Vultureus venter: Vulpinum ingenium: Leonina ferocia: Thrasonica jaētantia: Demeana asperitas: Stentorea vox: Ciceroniana facundia. Cujus generis plura sunt: quam ut numerum eorum persequi laboremus. Illa porrò longius quidem petitæ videntur: sed tamen hunc ad locum pertinent.

*Quam curat numerum lupus, aut torrentia  
flumina ripas.*

Non pluris illius convitia facio, quam culicem elephantis Indicus, pili non facio: nauci non facio: flocci non facio. Sed hæc alio loco.

### C A P. XLVII.

*Communis omnium Graduum varia<sup>tio</sup>.*

**O**MNES gradus circuitione variamus: Vir magnopere doctus; Vir magna doctrina præditus: Doctissimus: maxima doctrinâ præditus. Ea res cum magna, cum majore, cum summa turpitudine conjuncta est. Quæ vocantur *ἰσοδωματίαι* signorum, id est, æquipollentiaæ, non mediocriter ad orationis copiam faciunt. Quare primum vocum ipsarum inter ipsas discriminantur paucis

paucis ostendemus. Totum ad partes refertur magis quam ad formas. Si mors totum hominem absumeret, merito tantopere formidaretur. Totum hunc mensem, totam hanc noctem sine fruge transegi. Cunctus ad singula, quæ ratio nominis complectitur, collectim refertur, quasi dictum sit à conjunctis. Cunctos Romanos, cunctos mortales. Universi, omnes simul collectos significat. Aut nullam, aut universam pecuniam vult, id est, omnem simul, Terent. Id illa nunc abripiet universum. Singuli, huic diversam habet rationem: nam omnes quidem ita significat, ut unusquisque sigillatum per se intelligatur: in singulas naves singuli milites accersebantur. Omnes, quasi generale est ad omnia: siquidem omne corpus pro toto dicimus. Et omnem populum pro toto populo: & omnem diem pro singulo die Horat.

*Omnem crede diem tibi diluxisse supremum.*

Omnes pro cunctos, & omne pro universum. Terent. At ut omne reddar: tametsi hic pro toto positum videri possit. Quisque addit rei cùjuspiam in singulas partes distributionem: ut sua cuique sententia: natura animantium sua cuique dedit arma: suas cuique dotes largitus est Deus. Unusquisque nihil à quisque differre videtur, nisi quod & pro singulo ponitur. Numquaque sua cupiditas dicit: Nunc unumquodque crimen cuiusmodi sit, excutiamus. Nihil autem prohibet, & singuli, per distributionem hujusmodi accipi. Singulis navibus singulos duces præfecit. Quisquis non absolvit orationem. Quicunque modo perficit, modo non perficit. Quisquis gravabitur sementem facere, is non metet. Quicunque recusabit laborem, non feret frumentum. Aliquoties absolvit prope modum,

cum

cum significat ignorantiam, ut quisquis fuit ille deorum.

*Quisquis es armatus qua nostra ad limina tendis.*

In obliquis nonnunquam unico verbo contentum est utrumque. Rem facias quocunque modo. Hominem quoque modo absolvas, pro quo vis modo. Quilibet, & quivis, citra discrimen unumquodlibet significant. Horatius :

*Quilibet in quemvis opprobria dicere suetus.*

Resolvuntur autem per conjunctionem ; Vel, cum omnes & reliqua ferme per copulativum exponantur : Quemvis arbitrum cedo, id est, vel hunc, vel illum, mea nihil refert.

*Qualibet hirsutus fronte tegente comas.*

quod Græci ducunt τυχον, quasi non delectum, sed fortuitum, & casu oblatum. Unusquilibet consimilium obtinet rationem. Significat enim unum aliquem e multis, quicunque sit ille. Deligas tibi auctorem unumquemlibet. Et unusquis ab hoc nihil dissentit. Hæc autem, Quilibet, quivis, unusquilibet, unusquivis, non nisi unicum verbum admittunt. Semper enim absolutam reddunt rationem. Quantuscunque, qualiscunque, quantusquantus, qualisqualis, eandem obtinent rationem, cum quicunque, & quisquis. Adverbia item, utut, utcunque, ubiubi, ubicunque, quoquo, quocunque. Breviter composita semper sequuntur naturam particulæ oppositæ: Undevis, undelibet, undecunque: Quoruin duo prima absolvunt orationem, postremum commune est: Quocunque, quoquo, communia sunt. Quolibet & quovis, non sunt. Quoquoversū & quaqueversum communia sunt. Vbivis, & ubilibet, absolvunt orationem. Vbicunque; commune est. Ubi ubi non est, uti nec utut. Non enim absolvunt constructionem.

structionem. Vter quod ad duo pertinet, cum iisdem compositum, idem accipit discrimen. **Vtercunque anceps est:** utervis absolvit, uterlibet itidem, utrocunque anceps, utrovis, utrolibet, absolvunt. **Vterque,** copulativè significat, ut & illa, utroque, utrinque, utroqueversum. **Aliquis,** indefinite significat unumquempiam: **quid si** hoc aliquis voluit Deus? **Quis,** idem pollet, sed his ferme dictiōnibus præcedentibus: **si,** **ne,** **num,** **ec,** **ubi;** **si** quid extiterit novi: **ne** quid temere faxis: num quem tuorum offendit? **Ecquid** tui tetigi? **ubi** quis te læserit: **ubi**, pro alicubi, unde, pro alicunde usurpatur, duntat in compositione, ut sicubi, necubi, nuncubi, sic unde, necunde. **Quidam** definitè accipitur: quendam volo visere: nisi cum habet aut contemptum, aut translationem: ut Isidorum quendam mihi citabat: perinde quasi dicas, Isidorum, nescio quem. Lachrymas emisit, quendam animi sanguinem, id est, veluti sanguinem. Seditio, morbus est quidam civitatis: quispiam, anceps est ad usum quidam, & item ad usum Aliquis, tametsi refragatur Valla: sed complurimum auctoritas Vallæ reclamat: mittito ad me tuorum quempiam, est domi tuæ quispiam, cum quo jure debeat expostulare. **Quispiam**, & ullus, inter se conveniunt. Siquidem, præterquam, quod habent plusculum vehementia, quam superiora, illud quoque peculiare obtinent, quod gaudent vel negatione, vel signo Si, vel Ne, prohibentis, vel interrogacione, ut haud ullus mortalium ista possit præstare. Haud possit mortalium quisquam ista præstare. Si quisquam est qui sapientiam cum eloquentia conjunxit, certe Tullius is est: vide, ne quisquam hiuc aufugiat. **Cave**, ne quoquam oculos tuos à meis

meis dimoveas : an est quisquam, qui suam amicam se præsente ? Num quisquam est mortalium tam patiens ? Similis est ratio adverbiorum , usquam, & uspiam, quantum ad signa pertinet.

## C A P. XLVIII.

*De propositione generali.*

**H**is iactis, ceu fundamentis , ad *ἰποδιωρίας*, id est , aequipollentias progrediamur , Propositionem generalem , vel uti vocant universalem, variis modis efficimus : Primum, propriis ac peculiaribus signis : omnes amicos alienavit. Deinde, per negationem : neminem non alienavit. Tum per interrogationem : quem non amicum alienavit? Virg.

*Quas gentes Italum, aut quas non oraveris  
urbes?*

Nulli non maledicis. Duplex generale signum non licet eodem modo vertere. Cic. cum omnibus omnia minabatur : omnibus omnia invidet: Neque enim recte: nihil non invidet alicui. Omnibus maledicis: quis est cui non maledicas ? Omnia dixit: quid non dixit ? Ut autem interrogatio addita negatione generaliter affirmat : ita citra negationem generaliter removet. Quid possit dici stultius ? id est , nihil dici possit stultius. Deinde per signa infinita : Haud pepercit cuiquam : non est ullum veritus : Haud ullum veritus : haud ullum facinus est reliquum, quod non peregerit: non exceptit aliquem : neminem exceptit. Idem efficitur per Quantum , & quicquid, &c, si quod aliud. Quantum est hominum venustiorum , id est omnes venustiores : quicquid erat copiarum eo traduxit , id est omnes copias : Et si quid erat copiarum amisit , id est

E Bayerische  
Staatsbibliothek

MUNCHEN

omnes copias. Si quid alias sibi bonæ famæ comparârit , id nunc perdidit. Redditur generalitas cœi proverbiali figura , ut cum dicimus : Miscebis sacra prophanis , id est omnia. Item : Juvenesque senesque , id est omnes : neque magnum neque parvum, id est nihil. Est & infinita propositio , Per fas nefasque , id est quocunque modo, quo jure, quave injuria. Idem efficit, ad unum; Virgilius.

—————*Si non exosus ad unum*

*Trojanos ,*

*Id est , omnes Trojanos.*

### C A P. X L I X.

*De propositione non generali.*

**N**on nihil est vel aspicere , id est, aliquid est. Nonnulli pluris faciunt pecuniam , quam fidem. Non nemo, pro aliquis. M. Tull. Non nemo etiam in illo sacrario Reipub. in ipsa, inquam, curia non nemo hostis est. Idem: cum esset non nemo in senatu, qui diceret non oportere. Inest & infantibus non nihil ingenii. Non omnem pecuniam absufuit. id est, est quam non absufuerit. Qui legat argentum factum, non omne legat argentum. Omittitur interdum signum manente sententia. Sunt qui pecuniari anteponant famæ, id est, sunt aliqui. Horat. Est ubi peccet, id est alibi peccat. Est qui plures agros occupet, id est aliquis. Vbi nonnunquam subauditur quiddam: est in quo mihi possis magnopere gratificari, id est , quiddam. Negatio iterata nonnunquam necessitatem significat , non affirmationem simplicem : ut , non possum non ridere : non possum non mirari: non potest non volvi cœlum : non potest non stare terra : non potest non verum

rum dicere veritas. Id accidit duntaxat in hoc verbo possum.

## C A P. L.

*Elegantia signorum.*

**I**llud igitur observandum, ne signorum differentias in variandis propositionibus confundamus, id quod fere faciunt hi, qui vulgo Dialecticam profitentur. Non erit tibi res cum quamquam, id est, cum nemine tibi res erit. Non erit tibi res cum quolibet homine; id est, cum homine singulari, ac præstanti: Altera est negativa, altera affirmativa, & longe diversam habent vim.

*Non cuivis homini contingit adire Corinthum,*  
 Id est, non contingit, nisi præcipuis. Non contingit ulli. Vides, quanto aliud pollet. Non amat quempiam è ministris. Non amat aliquem, id, est, neminem. Non satis amat quendam, unum significat quem oderit. Non satis tibi favet quidam. Hoc sensu quidam usurpant, *Certos*: per certos homines hoc foedus diremptum est, Iussus est ad certum diem adesse: Non tibi favet quisquam: tota ratione dissident. Non recuso quemquam, rectè dicitur. Non recuso quemlibet, perperam, nisi in diversa sententia. Non exclusit omnes, id est, quosdam non exclusit. Non exclusit quoslibet, significat delectu quodam alios admis-  
 fos. Omnia folia huic arbori decident, vere dicitur, universa decident, falso. Singulos salutavit, non salutavit quemlibet. Lupæ unum quemlibet admittunt, id est citra delectum quoscunque. Vide ne cui dicas, id est nemini dixeris: Vide ne dicas cuiquam: vide ne cuiquam dixeris: vide ne dixeris alicui: vide ne mortalium ulli dixeris.

dixeris. Haec tenus idem pollent. Vide ne cuivis, aut ne cui libet dixeris, id est, vide cui dicas, & vide ne temere apud hominem quemcunque effutias. Omnes sibi malunt esse recte, quam aliis. Sibi quisque vult esse recte potius, quam aliis. Idem pollent. Nemo non malit sibi recte esse, quam aliis. Singuli sibi malunt esse bene, quam aliis. Haec tenus idem pollent. Vniversi sibi malunt esse bene, quam aliis, inepte diceretur, propterea quod universi peculiarem vim habeat. Toti respondet aliquantum, quod aliquam partem significat. Semper respondet aliquandiu, id est, aliquanto tempore, ut superius admonuimus; Omnis redditur per quantum: itidem totus redditur per quantum, & quam longus. Homo quantus erat, humili prostratus est, id est, totus. Virgil.

*Nunc hyemem inter se luxu quam longa favere,*  
Id est totam hyemem.

### V T E R Q V E , N E V T E R .

Vterque utriusque est cordi; mutua est affirmatio. Vterque alteri est odio, mutuo anticitia, item id est mutuo sese amant, mutuo sese oderunt. Neuter alteri fudit, mutuam dissidentiam significat. Neuter neutri, non perinde diceretur. Id genus orationem tot ferme modis variamus: Vterque alterum odit: Vterque utrumque odit: Alter alterum odit: Oderunt alterum: mutuum oderunt: Oderunt se mutuo: Oderunt invicem: Oderunt inter sese. Mutuum inter ipsos est odium: Neuter alterum amat: Alter alterum vicissim odit.

## S E M P E R.

Semper generalitatem habet temporis, Cui contrarium, Nunquam; huic subiectum est Ali quando. Semper litigas: nunquam non litigas: quando non litigas? Num quando non litigas? An est quando non litigas?

## S A E P E.

Sæpe respondet aliquoties infinito. Multiis aliquot: magno aliquantus: sæpe opponitur raro. Néque raro admonui, id est, admonui frequenter. Haud sæpe me visit. Plerunque, ferme, fere nonnunquam, & ipsa generalitatis quiddam obtinent. Ita ferme ingenium est hominum: eo ingenio plerique sumus. Fere fit ut divites habentur in precio, id est, ferè fit apud omnes. Temere, in oratione negativa, similem vim habet: haud temerè pervenit ad frugem, id est, fere nunquam, aut vix unquam.

## C A P. L I.

*De varietate negationis.*

Interdum unica negatio idem efficit, quod duæ. Neminem audit: ne parentem quidem audit: non audit vel parentem. Nemo parem referre gratiam parenti potest, ne malo quidem: nec malo parenti quisquam parem referre gratiam potest: non potest par gratia rependi patri, vel malo. Non reliquit ille nec ruinam: Ne ruinam quidem reliquit.

## DE TRIBVS NEGATIONIBVS.

Tribus interdum negationibus nihilo plus efficitur quam una, aut duabus. Non veretur ne-

que deos, neque homines: Neque deos neque homines veretur: non veretur aut deos, aut homines. Non metuit *hominesve deosve*, in carmine. Conduplicare negationem asseverandi gratia, Latinis etiam receptum est, si modò non iteretur sola. Non faciam, non inquam. Graci solum iterant, interdum etiam citra asseverationem: & μὴ πίνω τὸ ποτό, id est, *non bibam amplius*. Est autem Atticis familiare, plures negationes pro una congerere. Manentibus iisdem signis, tamen interdum variatur propositio, & mutatis, manet eadem mutato verbo, ut; Omnes admittit: omnes rejicit: Neminem admittit: omnibus displaceat: nemini placet: nulli non displaceat: nulli placet. Hic animadvertisendum, quæ verba cum quibus pugnant.

### SYNONYMA NE- GAN DI.

His ferme vocibus removemus, Non, haud, nec, neque, haudquam, neutquam, minime, minus, parum, absit, dñi prohibeant, bona verba, quidvis potius, omnia citius, & quæ sunt his similia. Inter quæ, haud, & haudquam, plurimum habent vehementiæ, quam, non. Neutquam, adseverationem habet peculiarem. Minime, plus quiddam significat, quam negationem: Homo minime malus, id est, quidvis potius, quam malus. Parum, modestius removet: Parum eruditus, ne parum multa scire viderentur, id est, ne pauca, sive non satis. Minus, diversam habet naturam. Interdum comparat duntaxat; Vtrumque diligit, famam & pecuniam, sed illam minus quam hanc. Interdum negat duntaxat; Homo minus mihi notus, id est, parum notus. Nam cum ea voce minus convenit, id est non  
con-

convenit. Interdum pariter utrumque facit. Quintilianus capite de narratione: Cum interim, quod tanquam facile contemnunt, nescias, præstare velint minus, an possint. Terentius in Hecyra: Non illud tibi factum minus placet, quam mihi Laches. Neque hic, placet, pro displicet positum, ut exponunt Grammatici. Quis enim sanus id faciat? Sed minus, perinde valet, ac si dicas: Non amat me Dionysius, & minus te, id est, me magis odit, quam te. Subaudiendum est enim factum unique non placere. Atque ita minus, simul & negat, & comparat.

## C A P. L I I I.

*Connectendi formulae.*

VERUM de his accuratius disquirere, magis ad Dialecticos pertinere videtur. Ceterum ad hujus operis rationem satis arbitramur, utrumque paucis attigisse. Nunc ad reliquas formulas aliquot accingamur, ac primum connectendi. Videmus enim in mediocriter etiam eruditis eam virtutem desiderari, ut apte, concinnèque orationis membra, atque articulos, cœi nervis quibusdam committant. Sed quibus ansulis minutiores orationis particulae sint committendæ, id prope fuerit infinitum explicare. Majores his ferme modis connectuntur. Præterea, Deinde, quod sæpius, apud M. Tull. reperitur: pro Deinde, Seneca usurpat. Subinde, sed cum significacione celeritatis, hoc est, pro mox. Idem facit Sueton. Præcipuum est stercus columbarum: proximum caprarum, ab hoc ovium, deinde boum. In nostro orbe proximum laudatur Syriacum, mox Gallicum: Mox usurpat Plinius aliquot locis, pro inde. Item: In quo principatum tenuit

Bœotia: deinde Sicilia, mox Africa. Primo loco, secundo, aut tertio loco, proximum ab hoc. Porro, porrò autem: quod novo jam, quasique majoris sermonis initio convenit : annotatore Donato. Ceterum, quo licebit uti, quoties ad diversa digreditur oratio. Tum, pro præterea. Ad hoc: Ad hæc, quod apud Græcos περὶ τύπων. Cum hoc, similem habet usum. Super hæc , pro eo quod est , præter hæc , locis aliquot usurpavit Sueton. Super ingenuorum pædagogia, & super innumeram turbam. Adde his: Accedit his: Ac, cedit ad hæc , Huc pertinet , Eodem pertinet, Huic confine est illud , His finitimum est. Ad hanc formam perfinet : Ad hunc ordinem referendum est : Huic proximum est : Illud haudquaquam prætereundum silentio . Sed operæ precium est illud audire. Iam , aliquoties eandem vim habet , vox Quintiliano præcipue familiaris. Deinde cum progressu incandescit oratio. Iam vero. Age vero. Quid , & consimilia. Jam verò quid referam? Age vero ad bellum in Africa gestum veniamus. Quid quod suos etiam incessit ? Quin, quinetiam, insuper, ad hoc pertinent genus. Interim, & per occupationem connectimus: ut ne dicam interim, ut omittam domesticas hujus fortes. Nam illud quid attinet commemorare? Nam hæc alias. Sed illud suo loco dicetur. Interim per dubitationem: ut illud, Eloquar an fileam? Nunc, idem valet. Nunc ad id , quod secundo loco dicturos nos sumus polliciti.

## C A P. L I I I.

*Transitionum variae formulae.*

**T**ransitionibus variè connectitur oratio, si quidem aliquando sumuntur ab æquali: At erant hæc jucundissima, neque minus voluptatis attulerunt illa. Interdum ab inæquali: Sed hæc utcunque ignoscenda, illud quis ferat? Audistis gravissima sed audietis graviora. A simili: ut, hæc perfidia designavit, cuius generis sunt illa, quæ nuper Romæ patrasse dicitur. A contrario, ut: sed hæc privatim, nunc quæ publicæ: Hactenus quæ domi gessit, nunc quæ sub signis. Sed hæc juvenis peccavit, nunc senis virtutes audietis. A diverso: De moribus habes, nunc de doctrina reliquum est ut dicamus Quasi per occupationem: jam ad reliqua properabimus, sed si prius illud unum adjecerimus. Per reprehensionem: Verùm de his plus satis: quorsum nos transversos abripuit dolor? Ad rem redeamus. Quid his immoror? Ad id quod est hujus causæ caput, festinet oratio. A consequentibus sive relativis: Habes quid in illum contulerim beneficiorum, nunc quam gratiam mihi retulerit, audi: Quid pollicitus sit, expositum est, nunc quid ille præstiterit, patricis accipite.

## C A P. L I V.

*A re, & persona.*

**G**eneralis variandi formula est à re, & persona, ut: Nihil opus est meis monitis: nihil opus est me monitore. Te suasore; tuo suasu: Te impulsore: tuo impulsu. Te instigante; tuo instigatu. Te hortatore; tuo hortatu. Te auspice:

tuis auspiciis. Te duce: tuo ductu. Te consule: in tuo consulatu. Te doctore profeci: tua doctrina profeci. Patrem consulem non desinit jaetare: patris consulatum sine fine jaetat. Gloriaatur de formosa uxore: de uxoris forma gloriaatur. De te incolumi superis habeo gratiam: de tua incolumitate grator superis. Discruciat animum uxor impudica: discruciat animum uxoris impudicitia.

## C A P. L V.

*Ex more.*

**E**X more: Tranquillus dixit, de more. Maro, pro more. Patrio more, citra præpositionem. More hominum facit. Non insolens istud facis. Pro vetere consuetudine. Solens meo more fecero: Nihil præter solitum. Hoc apud Scythas sollemnè est. Ita Suetonius. Mos est, vel moris est: usu publico receptum est.

## C A P. L VI.

*Subornandi.*

**S**Vbornavit accusatorem. Submisit è consularibus viris, qui regio genere ortam pejerarent. Supponi puerum. Subdere ova in nidum alienum. Submissitii. Supposititii partus, Subditicii partus. Terent. Ne credas à me allegatum hunc senem, pro subornatum. Cicer. Allegarem ad te illos, à quibus intelligo me præcipue dilig. Quintil. Et ad eos allegandum est. id est, subornandi sunt, qui persuadeant. Ita servi allegant precatorem. Hinc allegationes dicuntur subornationes. Translatum est hoc ad citantes auctorum testimonia; qui veluti subornantur, cum nobis diffiditur.

## C A P.

## C A P. LVII.

*Renovandi.*

**V**ETUS Atheniensium exemplum renovemus.

Pristinum morem revocemus. Gratias egit, quod pristinum morem retulisset. Redeamus ad intermissa studia. Studium intermissum repetamus. Bellum redintegrarunt. Divum instauramus honores. Templum instar prioris, quod conflagraret excitavit. Libertatem amissam restituit. Odiuni vetus eo dictorio recruduit. Recanduit ira. Refricuit illi veteris injuria memoria. Horat. Cras ingens iterabimus aquor. Iteranti noxam non est ignoscendum.

## C A P. LVIII.

*Finales formulae.*

**T**U vigilas uti ditefas: ego labore, quo doctus evadam. Objurgo te, quod reddam meliorem: Ut melior evadas, ob id objurgo te. In hoc reperta Musica, ut animo delectet. Ad id adhibendae literae, ut nos reddant melius mortuos. Cui rei paras opes? Demulcendis animis excoxitatus est usus vini. Huc repertae sunt disciplinæ. Hunc literis genui, hunc negotiationi destinavi filium. Quo mihi divitias? Quorsum opus est nummis? Quo spectas? Quo tendis? Quem scopum tibi proponis? Huc pertinent orationes illæ, quas de supino priore posuimus. Spectatum veniunt, &c.

## C A P. LIX.

*Causales formula.*

**N**on dico quod quenquam habeam cariorem.  
 Non dico, quod parum tua mihi placeant.  
 Ob id te saepius reprehendo, quod impensius  
 amo. Quoniam impensius te diligo, ob id te sae-  
 pius admoneo. Ideo nulli places, quia tibi ni-  
 mium places. Quando tu me negligis, tui quo-  
 que curam abjiciam. Age revocentur copiae,  
 quandoquidem ita tibi videtur. Horatius: Iubeas  
 miserum esse libenter, quatenus id facit. Ad eun-  
 dem modum locutus est Plin. in epistolis: Maneat  
 puella posteaquam sponsa jucunda est. Postea-  
 quam mihi non credis, alios in consilium ad-  
 hibe. Virgil. Quando haec te cura remordet. Ne-  
 minem ex animo amat, in causa est pecuniae stu-  
 dium. Pertinent & illa ad formulam *iσθωα-  
 μίας, αὐτολογίας*, id est, *causalem*. Amo Soera-  
 tem, utpote virum integerrimum. Odi Diony-  
 sium, quippe tyrannum. Amplector Petrum, ut  
 optime de me meritum: Demiror te, qui fidem  
 habeas Afro. Erras, qui credas, alios tua diligen-  
 tius curaturos, quam te ipsum. Stultus es qui id  
 speres: Impudens qui id postules. Delector Au-  
 gustino, viro nimirum festivissimo. Delector  
 Augustino, ut qui vir sit moribus festivissimis.  
 Amo Nicolaum, tanquam hominem mei aman-  
 tissimum. Contemne pecuniam: quid enim ad  
 bonam mentem confert? Amandus est tibi. Ci-  
 cero, siquidem te diligit effusissime. Semper in  
 manibus habendus Tullius. nam hoc uno aucto-  
 re latine disces. Vnus Cicero vere Latinum pot-  
 est reddere, proinde pueris hic semper in sinu  
 gestandus. Optimus dicendi magister Terentius,  
 quare

quare semper est evolvendus. Quo mihi rectius esse videtur, & eo magis, & hoc libentius id negotii suscepimus. Non habes, quam ob rem mihi succenseas. Non est cur mihi succenseas. Horat. Non est quod multa loquamur. Cic. In viam quod te des hoc tempore, nihil est. Succenset, eaque gratia nos non visit. Luget, atque ob id vocatus ad coenam excusavit. Potest nonnunquam omitti signum. Parentem amo, parricidam non amo, id est, quod parens est, hoc nomine amo, quod parricida, hac de causa non amo. Pontifici debeo honorem, Alexandro non debeo.

## C. A. P. L X.

*Quod eidūnōs,*

**E**idūnōs accipitur, cum speciem generi subjicit. *Gaudes*, genus est: *Quod me amas*, species gaudii. Potest aliquis multis variisque de causis gaudere, sperare, dolere. Genus autem & speciem dico Grammaticorum more, non Dialecticorum. *Quod meæ nugæ non omnino dispiacent doctis, gaudeo*: *Gaudeo* meas nugæ non omnino dispiacere doctis. *Quod res tibi feliciter evenerit, lator*: *Lator* rem feliciter evenisse, *Quod uxorem duxeras, nondum audieram*: *Quod puellam repudiāris, demiror*: *Demiror* repudiasse puellam. *Quod literas reliqueris doleo*: *Doleo* te reliquise literas: In hujusmodi orationibus, *Quod eidūnōs accipitur, quod tamen apud Græcos est usitatius in ὄπι*. Latini magis gaudent infinitis verbis, nisi species præmittatur, ut: *Quod pater revaluit, gaudeo*.

## C A P. L X I.

*Vt, eidūkāc acceptum.*

**E**odem modo nonnunquam accipitur. *Vt, veluti.* Spero fore ut facto gaudeas: **C**onfido futurum, ut minime facti poeniteat. Non committam, ut usquam videar officio meo defuisse. **E**fficiam, ut intelligas, mihi quidvis potius, quam fidem defuisse. **D**a operam ut revalescas: **C**ura ut valeas. **F**ac uti nos ames: **F**ac uti sciam.

## D I G N V S , E T I N D I G N V S .

**D**ignus, qui quam diutissimè vivat: **D**ignus ut quam diutissime vivat; **L**ongissimâ vita dignus: **D**ignus quam diutissime vivere, in carmine Martial.

*Dispeream si tu Pyladi prastare matellam,*

*Dignus es:*

Horatius.

*Digna sequi potius, quam tortum ducere funem.*

**M**eritus est cui laurea imponatur: **P**romeritus es, ut tibi decernatur triumphus. **I**ndignus tuo amore. **I**ndignus quem ames: **i**ndignus ut abs te diligatur. **I**ndignus abs te amari, in carmine. **H**orat. *Indigni fraternum rumpere fædus.* **I**doneus est qui bellum gerat. **I**doneus ut bellum gerat. **I**doneus bello gerendo. **I**doneus bellum gerere. **H**orat. **F**ons etiam rivo dare nomen idoneus. **I**doneus ad gerendum bellum. **N**on me dignatur alloquio, non me dignatur alloqui. **D**ignum patellâ operculum. **R**es digna cognitu. **R**es digna quæ cognoscatur. **R**es indigna sua cuia: **I**ndigna, quam tu cures. **R**es est infra tuam dignitatem.

DE..

## DECET.

Haud decet simiam purpura : dedecet simiam purpura. Indecora est simia purpura. Parum decorum est loquacem esse virginem. Ornat mulierem silentium, dedecorat garrulitas. Haud quaquam decora est simia purpura. Haud decet imperatorem una cum amica ire in via. Haud decet , ut te loquente , ego fileam. Quod solus ambulas id parum te decet. Demitte pallium; nam sic indecore sedes. Hic gestus virgini indecorus est. Ista petulantia juveni dedecorosa est. Quod huic honestum est , tibi est inhonestum; quod huic pulcrum est , tibi fœdum est. Non congruit, non convenit, non quadrat.

## NECESSITAS.

Exorandus est pater. Vigilandum ei, qui velit ditescere. Vigilet oportet qui cupit ditescere. Vigilare necessum est eum , qui rem cupit facere. Vigilet necesse est, vel necessum est, qui velit dives evadere. Qui literas assequi cupiat, uti sudet necessitas est. Nam sic Quintilianus subinde loquitur. Non potest non dolere, qui læsus est. Fieri non potest, quin doleat is, cui fit injuria. Abibis volens nolens. Vel velis nolis, hinc abibis. Non mihi possum temperare quin lachrymem: Non me contineo, quin clamem : Cogor, compellor. Huc me adegit inopia. Huc redegit fortuna. Ad hæc traxit necessitas. Huc fatis pertrahor. Huc obrorto collo trahor. Invitus dicam, coactus dicam.

## LIBERTATIS.

Utcunque voles facito:ut libet rideto. Quidlibet & dicas & facias licebit , tuo arbitratu facito:

cito : tuo arbitrio rem gere. Vt cunque visum erit agito. Animo tuo gerito morem. Obsequere animo tuo. Ex animi tui libidine facito. Pro animi tui sententia rem tractabis. Vt animo lubitum erit tuo, ita facias. Vt cunque feret animus, facito. Liberum est , seu velis à pacto discedere seu manere conventis. Nunc integrum non est tibi, hac de re quod velis statuere. Mihi jus est creditum, abs te reposcere. Ius tibi facio pro tuo arbitrio transfigendi negotium. Tibi permitto quomodo cunque velis vivere. Age tuo more. Sine me nunc meo more vivere. Tibi in manu est, utrum malis efficere. Penes illum est jus vitæ ac mortis. Summa rerum penes te est. M. Tull. ut ad te familiariter & quasi pro meo jure scriberem. Idem in Verrem: Quem jure suo adire aut appellare posset.

## S T A T V E N D I.

Decretum est. Deliberatum est: Certum est:  
**S**tat sententia : Visum erat: In animo habebam:  
**E**rat in animo : Non est animus: Non est sententia : Non est sententia : Non est consilium, sive consilii : Non erat ratio, apud Ciceronem. Placcebat : Placitum est senatui : Decrevit senatus. In eam sententiam pedibus ibant omnes. Statueram in animo. Mecum statueram : Vtrum utro melius, nondum statui : Constitui hoc anno navigare. Est mihi in animo hoc vere navigare. Virg.

*Si mihi non animo fixum immotumque federet.*  
**M**ihi nihil æque propositum in vita , quam tibi per omnia gratificari. Si ita animum induxisti tuum. Destinaram in animo : Hic murus ahenus esto.

## ASSENTIENDI.

Affentior tibi: Tecum sentio: Consentiebant universi: In tuam sententiam pedibus eo. In eam sententiam reliqui omnes pedibus discedebant. Cic. frequentes ierant in alia omnia. Accedo tuæ sententiæ. Non his accedo, qui Pythagoræ sequuntur opinionem: Tuo judicio subscribo. Sententiæ tuæ meum addo calculum: Ea sententia plerisque probatur: Idem sentio quod tu: Sententiæ tuæ nemo non suffragabitur. Hæc mihi tecum convenient: Haec tenus omnia mihi tecum constant: Hac de re summus est inter philosophos consensus. Huic sententiæ frequenter acclamatum est, ὁ μόδιος, Græce, ejusdem sententiæ ejusdemque suffragii dicuntur: ὁ μόδιος ejusdem opinionis, ejusdem sectæ vocantur. Idem uno ore confirmabant, omnibus eruditorum calculis sive punctis eloquentiæ princeps M. Tullius.

## DISSENTIENDI.

Longe, lateque abest: Dissentio. Ego longe diversa sentio. Multo aliter atque tu sentio. Ei sententiæ refragabuntur omnes. Isti sententiæ nemo non reclamabit, mihi tua sententia neutiquam probatur. Magnopere nostra cum tua pugnat opinio. Variatum est sententiis. Id unum est nobis controversum. Id solum est in controversia, vel in controverso. Evidèm ab opinione tua nimium absūm: Multum à tua mea discrepat sententia. Longè secus atque tu sentio: Haud mediocriter à tua mea dissidet opinio: Nimium inter tuam atque meam interest opinionem. Plurimum à tua mea distat opinio. Mihi secus vide-

tur.

tur. Diis aliter visum est. Huic sententiae milites adversabantur.

## P R E C A N D I.

Quod agis, bene fortunent superi. Quod agis, bene vertat. Feliciter cadat quod instituisti. Diis cœpta secundent. Optime cecidit. Bene vertat Reip. Sit felix, faustum, bonumque Reip. Feliciter cedat nobis omnibus. Hanc affinitatem precor, ut Deus nobis omnibus lætam esse velit. Feliciter exeat quod cœpisti. Prosperè succedat quod agis. Ex animi sententia procedat, quod aggressus es. Deum optimum, maximumque precor, ut istud consilium quam est honestum, tam sit etiam auspicatum. Precor ut bonis avibus Italiam adeas, melioribus redeas. Precor ut hic annus tibi letis auspiciis ineat, letioribus procedat, letissimis exeat, ac saepius recurrat semper auspicatior, feliciorque. Precor ut hic dies tibi candidus illuxerit. Incolumen redditum opto liberis tuis: Precor ut apud tuos omnia læta reversus offendas. Utinam prospere nавiges, similique recessu renaviges. Bonis auspiciis ancoram solvas. Precor ut optatis omnia respondeant. Fauxint superi; ut alba tibi contingent omnia. Vellim, ut ex voto res omnis succedat. Precor ut tibi secunda occurrant omnia. Precor ut diis secundis faventibusque negotium hoc conficias, Quæso ut hanc rem stultissimè cœptam, Superi nobis bene vertant. Nihil malim, quam ut his pulcerrimis cœptis dextra aspicerent numina: Quæso ut quod instituisti, superis bene fortunantibus absolvas. Precor hic contractus commodo sit utriusque. Precor ut hoc matrimonium voluptati sit omnibus nobis.

PRIMI

PRIMI SUPINI  
variatio.

Venit repetitum depositum : Venit ad repetendum depositum: Venit ad repetendam pecuniam : Venit repetendi depositi causâ : Venit ut depositum repeatat. Venit repetiturus depositum: Venit repetere depositum. Græcanicum hoc postremum: Tametsi poëtæ Latini ab hac loquendi forma non abstinent, præfertim Horatius.

## C A P. LXII.

*Dividendi forma.*

**O**MNIS eloquentia rebus constat & verbis Rerum universitas decem generibus continetur. Officium Oratoris in quinque partes distribuitur. Oratio sex partes complectitur. Oratio sex partibus absolvitur. Primum genus sex continet species. Quidam in septem species secant. Reip. tres formæ. Respub. in tres dividitur formas. Enthymema non simpliciter accipitur. Syllogismus trifariam dividitur. Omnis argumentatio in formas octo diducitur. Id genus in partes septem derivatur. Huic generi species subjectæ sunt decem. Summa divisione in duo genera digeritur, quorum utrumque in species complures distrahitur. Præjudiciorum vis omnis tribus in generibus versatur.

## C A P. LXIII.

*Distribuendi.*

**B**IS me tuæ delestarunt literæ, partim quod essent mirum in modum elegantes, partim quod eximiæ quandam in me benevolentiam præ-

præ se ferrent. Pars ingenium, alii corpus, exercebant, duriusculè dixit Sallustius, sed eleganter. Vtrunque fratrem alienavit à sese, unum morum asperitate, alterum sordibus. Corpore atque animo constat homo, alterum, cum pecudibus habet commune, alterum cum diis. Neminem non lacescit, hunc scriptis, illum convitiis, alium minis. Hunc negligit, hunc odit. Verum id magis in carmine quadraverit. Geminatio verborum interdum habet vim, leporem alias. Cic. alios assentatione delinit, alios munericibus corrumpit, alios promissis illectat. Modò ait, modo negat. Interim objurgat, interim inepte blanditur; Quod quidem Fabianum est. Nunc neminem admittit, nunc omnibus occurrit.

## C A P. L X I V.

*Prohibendi aut impediendi signa.*

**N**Emo prohibet ire quenquam publica via. Tu me prohibes, ne publica ingrediar via. Quod minus asiecatus sis, fortuna in culpa fuit, non ego. Impedimento fuit, quod secius lex ferretur. Haec tenus rescribere non licuit per valitudinem, etiam si per occupationes licuisset. Ego id agam qui ne detur, apud Terentium legimus. Metuo ut ferre possis, id est, ne non possis. Etiam si hic Ut, pro Quomodo positum videri possit. Id utile, ut ne quid nimis. Uti ne, ut ne, pro ne: quemadmodum apud Græcos ινα μη. Non veto quin quæ velis, facias. Suetonius in Tiberio: intercessit, quo minus in acta sua juraretur, id est, obstitit, inhibuit, impedimento fuit. Per me non stetit, quo minus viceris. Exclusus tempore non venit, id est, temporis angustia obstiuit, quo minus veniret.

D U B I -

## D V B I T A N D I.

Non dubito quin cupias redire. Non dubito te cupere redditum. Res in ambiguo est. Non-dum satis constitui. Adhuc aneeps animi sum. Adhuc hæreo. Etiam dum  $\pi\chi\omega$ , id est, exspecto, quod est Academicorum. Nondum huc aut illuc inclinat sententia. Adhuc in æquilibrio vacillat animus utroque nutans. Hactenus suspendo decretum animi. Nondum liquet: Ampliatum est judicium.

## S I N E, E T C I T R A.

Citra præceptoris operam doctus evasit. Sine præceptore doctus evasit. Nullo præceptore doctus evasit. Absque pecuniis nihil efficias. Extra jocum, pro, sine joco, dixit Tullius.

## O S T E N T A N D I.

Ostentant ingenium. Iactitat natales suos. Ia-  
ctat se de natalium splendore. Vendicat sibi elo-  
quentiam. Mirè sibi placet de specie corporis.  
Vbique majorum imagines deprædicat. Sunt  
qui vulgo sanctimoniarum specie se venditant. Ipse  
sui præco est, ipse sui ipsius tibicen est. Ipsa sua-  
rum virtutum apud omnes canit encomium. Mi-  
rum quam ipse sibi pulcer est. De majorum no-  
bilitate gloriatur. Plurimum sibi tribuit: Suis  
ipsius suffragiis tantum non Deus est. Sibi Suf-  
fenus est. De generis nobilitate, dictu mirum,  
quas tollat cristas, quæ erigat cornua.

C O R R I G E N D I.  
Sanandique.

Huic incommodo paulo mederi possis. Huic  
malo illud erit remedio. Quod ja<sup>g</sup>tū cecidit, id  
arte

## 118 DE COPIA VERB.

arte corrigas. Mendum litura tollitur. Animi morbos sanat philosophia. Corporis vitia ingenii dotibus pensantur. Febre levatus est. Malis omnibus mors semel liberat. Oculorum vitia ruta emendat: Orationis vitia Grammatica castigat. Philosophia morbos animi tollit, medicaturque. Dentium cruciatum vinum lenit: Vteri tormina levat malva. Capitis dolores mitigat somnus. Sedat tormina: Fugat pruritum: Sapit dolorem: Levat dolorem: Stomachum labescentem fulcit vinum vetus; Stomacho conductit pervigilium: Vxoris vitium aut mutandum est, aut ferendum: Morbis omnibus arte succurritur. Soli senectuti subveniri non potest: Adversus podagram efficax est apium. Contra carcinomata valet mel. Obsistit ebrietati cicuta. Adversus alvi tormina remedio est crepus.

BLANDIENDI, SIVE  
hortandi.

Dic age: Dic sodes: Dic obsecro: Dic quæsto: Dic amabo: quod frequens est apud M. Tull. Blanditur, Assentatur, Palpatur, Horat. Palpum obtrudere. Plautus. Demulcere caput. Ad gratiam loqui. Dare auribus: Trebonius Ciceroni: Noli putare mi Cicero, me hoc auribus tuis dare. Cæsar: Auribus Vari serviunt, id est blandiuntur. Fac virum te præbeas. Quid habes quod ad hæc respondeas? Cedo. Agedum. Eia age: vide sis. Quin uno tu verbo rem expedit?

## T V A C A V S A.

Nolim id esse verum, vel tua causa. Tibi me tuo: mihi gaudeo. Omnium nomine doleo. M. Tull. Nam ego eo nomine sum Dyrrachii hoc tempore, ut quā celerrime quid agas audiam. Catull.

tull. Eone numine imperator unice fuisti in ultima occidentis insula? Tua gratia munus hoc suscepi. Vicem tuam doleo: Commoda illi respe-  
ctu mei. Quâ loquendi forma usus est Quintilia-  
nus. Invenitur & contemplatione tui. Tui causa.  
In tuam gratiam hæc feci.

## V T R V M N E C N E .

Vise utrum redierit, an non. Vise num jam re-  
dierit, an nondum. Vise redieritne domum nec  
ne. Vise redierit, an non. Cogita utrum famæ ma-  
lis consulere, an pecuniæ. Cogita famæne malis  
consulere, an pecuniæ. Cogita famæ malis con-  
sulere, an pecuniæ. Cogita an famæ malis con-  
sulere, quam pecuniæ. Vide si potes esse posses-  
sor. Cic. in Orat, suo lib. 2. Si pro an dixit, imita-  
tus Græcos, apud quos ei bifariam significat.

## C O N C E D E N D I .

Finge hominem vivere. Fac ita esse. Fac po-  
tuisse M. Tull. Facite hoc meum consilium legio-  
nes novas non improbare: Ut donemus ita esse :  
Ut hoc interim tibi concedamus. Cic. Ut non re-  
ferat pedem, insistat tamen. Cato. non est in no-  
stra potestate, sed in natura, ut tamen multum  
sit in nobis. Pone sic esse in tabulis: Esto sane:  
Sit ita sane. Ut maximè jussi, non erat tuum  
id facere: Etiam si quid asperius dixisset, tuum  
erat obticescere. Sed imaginare me donasse, non  
potes tibi rem vendicare. Et si maxime donas-  
sem, non tibi jus est rei vendicandæ. Donârim  
sane, non statim tibi jus est injiciendi manum.

## PARUM ABESSE.

Pene scopum attigeras. Prope scopum attigeras. Propemodum attigeras scopum. Parum aberas à scopo. Parum absuit, ut scopum attigeris. Parum abest quin scopum attigeris. Res parum aberat à pugna. Parum aberat quin pugnarent. Minimum aberat ut homini manus injiceret. Minimo minus scopum attigeras. Plaut. Nihil fuit proprius, quam ut perirem: Vix hominem cohibui, quo minus manum injiceret: Tantum non conserebant manus. Tantum non adorabant, quod Græcis est familiarius, *πρόνοι & χί*, i. e. propemodum. Sueton. de Tyberio Casare: Civilem admodum inter initia, ac paulo minus quam privatum egit. Paulo minus dixit pro propemodum, ac paulo post: Quod paulo minus utrumque evenit, i.e. parum absuit, quin utrumque evenerit. Idem de eodem. Sed tantum non statim à funere ad negotiorum consuetudinem rediit, id est, propemodum statim à funere, Pro tantum non. Terent. dixit, modo non: Is senem pellexit per epistolam, modo non montes auri pollicens. Nihil longius absuit, quam ut hosti me dederem. M. Tull. Nec mihi longius quicquam est, quam videre hominum vultus.

## INCERTITVDINIS.

Annos natus est ferme viginti: Annos natus circiter octoginta. Circa lustra decem, dixit Horat. Annos natus est plus minus quadraginta. Ad dies viginti. Cic. cum annos ad quinquaginta natus esset: Hora quasi decima. Apud Sueton. Annos habet haud scio an duodeviginti: Euerum annos natum fortasse decem. Sallust. Diu in incerto habuere.

CAP.

## C A P. L X V.

*Correctionis, & Occupationis  
formula.*

**I**N pietate, præcipua felicitatis pars, vel tota potius felicitas hominis sita est. Sallust. Vulgi more magis quam judicio. Doctrina nihil ad virtutem conducit, imo non nihil officit. Tibi præcipue atque adeò tibi uni calamitatem hanc acceptam ferre possumus. Ducem hostium intra moenia, atque adeò in Senatu videmus. Tuum opus vidi magis, quam legi. Græcas literas degustavit verius, quam didicit. Bonas literas sedulitate sua depravavit, vel (ut verius dicam) evertit. Bonas literas non dico depravavit, sed funditus evertit. Suos omnes læsit: quid dixi læsit? imo subvertit. M. Tull. Sed in hoc ferendus meus error. Ferendus autem? Imo etiam adjuvandus. Quem historicum citius dixeris, quam poëtam. Lucantum relegi, non tam poëtam, quam historicum. Ni pater essem, dicerem te despere. Hic exercitus ductor, pene dixeram seductor. Veritatem Homerum, pene dixeram pervertit. Respondebo non orationi tuæ, sed convitio. In summa: **C**orrectio fit, vel augendo, vel minuendo, vel commutando. Augendo, M. Tull. in Catilinam: **Q**ui de hujus urbis atque adeo orbis terrarum exitio cogitant. Idem pro Planco. Insector, posco, atque adeò flagito. Hæc sermonis forma frequens est apud Ciceronem. Minuendo, ut; sic hic vivimus, aut viciitamus verius. Commutamus aut in contrarium verbum, aut in aliud commodius ac significantius. Pro hospite hostem fovi domi meæ. Hic legationibus non immoratur, sed immoritur. Hic patrimonium om-

10609373  
**CAP. LXV.**

ne absumisit, aut, ut melius dicam, abligurivit.  
Idem aliquoties facit, At. Terent. Fucum factum  
mulieri: At quem Deum? M. Tull. Una mater  
oppugnat, at quæ mater? quæ &c.

**C A P. LXVI.**

*Auctores citandi formulae.*

**V**T Ciceroni placet, auctore Platone, vel quia  
hoc sensit, vel quia suasit, vel quia narrat.  
Nam trifariam utuntur hac voce, teste Varrone.  
Si Terent. credimus: Ut refertur apud Plinium &  
ut ait Protagoras Platonicus: ut apud Xenophon-  
tem Simonides dixit. Epicuro teste, felicitas in  
voluptate sita est. Aristoteles bonorum tres or-  
dines fecit. Non spirare animal, cui non sit san-  
guis calidus, auctor est Theophrastus. Apud Pli-  
nium scriptum est, elephantos decimo demum  
anno parere. Pyrrha negat quicquam sciri posse.  
Id verum esse testis est Livius. Extat in annali-  
bus. Veterum litteris proditum est: Ejus senten-  
tię complures citat auctores. Ad eam sententiam  
quam plurimos allegat testes. Eam sententiam  
multorum auctoritate tuetur. Huic opinioni Pli-  
nius astipulatur. Huic sententię suffragatur Plato.  
Idem sentit Pythagoras. Aristoteli animal est et-  
iam spongia. Plinio sentiunt & arbores.

**C A P. LXVII.**

*Variatio Imperativi modi.*

**V**Ale, valeas, fac valeas, valeto, valebis, idem  
pollent: & in quibusdam futurum subjunc-  
tivi: Memineris, pro inemento; oderis, pro odio  
habeto. In ceteris item si addideris prohibendi  
signum: Ne dixeris, ne dicas, ne dic.

**C A P.**

## C A P . - L X V I I I .

## Variatio futuri.

Poenitebit om̄n̄te. Futurum est ut olim te poeniteat. Spero te gavisurum factō. Brevi, opinor, tædebit te hujus vitæ: opinor fore ut brevi te hujus tædeat vitæ. Spero futurum, ut factō gaudeas. Dixerit egregie. Horat. Alligaris filium. Terent. Abibit hinc propediem. Abiturus est hinc propediem. In ea vero periphrasi, futurum est ut repetat creditum. Latini videntur reddere Græcam figuram μέλλει λέγειν, id est di-  
sturus est. Est autem familiaris Ciceroni: neceſ-  
faria quoque, quoties in verbum inciderimus,  
quod futuro careat. Ut spero fore, ut artem bre-  
vi perdicas. Nam perdiscitum non poteras  
dicere. Est futurum quoddam quasi mixtum  
cum significatione præteriti. Ut, priusquam tu  
domum redeas, ego epistolam perscripsero. An-  
tequam in portum pervenies, navis solverit. Si  
tales animos in pugna præstabitis, vicerimus,  
sive vicimus: id quod finitimi esse videtur  
τῷ μετ' ὀλίγον μέλλοντε, i.e. paulò post futuro: .  
Quanquam id alioqui Latini circumloquuntur  
per jam, jamjam, & mox. Jam aderit. Similis  
jamjam morituro: Mox audies. Sunt in quibus  
necessitate abutimur futuro subjunctivi, ut me-  
minero, odero, novero. Ad futuri significatio-  
nem pertinent & illa: Confido commentariuṁ  
hoc studiosis probatum iri: Et, perspicio te per-  
ditum ire filium.

## C A P. L X I X.

*De periphrasi generali verborum.*

**C**ommune ferè est modis omnibus, ut per **Fio** verbum, aut similia circumloquamur; Ita **charus eris omnibus**: Ita fiet, ut **charus sis omnibus**. Hoc modo effugerit invidiam. Utinam ex æquo me amares: utinam fieret, ut ex æquo me amares. In uxorem pessimam incidi. Mihi usū venit, ut in pessimam uxorem inciderim.

## C A P. L X X.

*De Modo Potentiali.*

**A**d modum potentiale fere pertinent, quæ per Potest, aut Debet, aut simile verbum, exponi possunt. Quid agas cum eo, qui nihil inteligit? Est, quod rideas, non est quod invideas: Videas & flumina sicca: cerneret alios trepidare, alios circumspetare fugam: Vidisses omnes obmutescere: Evidem istud non affirmārim: dixerit hic aliquis: maturius venisses. Et apud Terent. prædiceres, pro prædicere debuisses: Graci addunt syllabam, αὐ, λέγοις αὐ.

## C A P. L X X I.

*Æstimandi verba.*

**P**lurimi me facit. Parvi habet, pro nihilo dicit: nihil pendit, pro minimo dicit: ne hujus quidem facio. δεικλεως, i. e. demonstrative, ostensio pilo aut flocco. Maximo in pretio est apud omnes. Purimi fit apud omnes. Magni habetur apud suos. Pili non facio. Nauci non facio. Flocci

Floccinon facio. Boni consulere. M. Tull. Tranquillissimus autem animus meus, qui totum istud & qui bonique facit. Terent. Istud & qui bonique facio. Sallust. Supra ea, veluti ficta pro falsis dicit. Idem, Fidem suam interposuit, quam non minoris, quam publicam ducebat. Idem. Quæ prima mortales ducunt, id est quæ plurimi faciunt homines. In gratiam habere, pro eo quod eit beneficii loco ducere, dixit Sallust. Denique regi patefecit, quod pollicebatur, senatum & populum Romanum, quoniam armis plisis valuerint, non in gratiam habituros. Nihil habere pensi, pro non curare, dixit Sall. Neque id quibus modis assequeretur, dum sibi regnum pararet, quicquam pensi habebat. Idem, Nihil pensi, nihil moderati. Idem, Vilia habere, pro contemnere. Fident, fortunas, pericula vilia habere. Unius aestimemus assis, dixit Catull. contra Grammaticorum leges. Cassa nuce non emam: Filius eodem est apud me pondere, quo fuit ille. Cic.

## C A P, LXXII.

*Emendi formula, & similia.*

**N**imio emisti, non revendes tantidem. Ni-  
mio liceris: Minoris addicturus erat. Quan-  
ticunque indicaris, tanti mercabor. Vide, ut  
quam maximo aestimes: Non refert quanti res  
ipsa sit, sed quantopere tibi sit opus ea. Tu tuum  
agrum pluris conducis. quam ego meum eme-  
rim. Paulo locas & des tuas. Cupiam maximo, si  
queam. Eme quam potes minimo. Revende,  
quam potes plurimo. Assie non emerim totam  
**Ciceronis** famam. Labore dñi bona sua vendunt:  
**Vili vendunt, minoris non possunt. Non emit,**

qui nihilo emit. Care emit qui rogat. Extrude merces quanticunque potes, vel gratis alicui obturito, si secus non potes. Redimas te captum quanti potes, pro quam potes, minimo. Si nequeas paulò, at quanti potes. Cui addictus est ager? Ludovico. Quantus? Frumentum addictum est, sed nondum admensum. Quantus prescripsit ædes? ducatoruni myriade. Quantus cœnastis? percane. Magno hic vivitur. Amatur vilissime. Bassus carius cacat, quam bibit. Magna mercede canit. Maximus tacuit Demosthenes. Quanto metiris precio? Juvenalis. Quantus stipulatus es? Thais decem millibus drachmarum noctem venditabat. Nimio constat elegantia. Sueton. Quorum uni mellita quadragies sestertiūm constituerunt. Hic enim subauditur auferendi casus, quadragies centum millibus.

## C A P . L X X I I I .

*Discriminis formula.*

**N**ihil interest, facias an dicas. Nihil refert, per te facias, an per alium. Parvi mea refert quid nolis aut velis. At mea plurimum refert. Quid interest, utrum facias, an instiges? Plurimum interest, maxime refert, quo tempore virum adreas. Evidem haud magno in discrimine pono, apud Tit. Liv. & apud Val. Max. respondit se vita malle excedere, quam metu violentæ mortis amicos, inimicosque juxta ponere. Sallust. Adero, me vosque omnibus in rebus juxta geram. Virg.

*Tros Tyriusque mihi, nullo discrimine agetur.*

Vtrum probes, an improbes, manum non veterim. Ad ista sum indifferens: ita Sueton. Quadræ per quam tenui limite dividuntur, apud Fab.

Fab. Verane sint hæc an ficta, nihil laboro. Vtrum scripsis an dixeris nec ne, manum non vertem. Susque deque fero. Susque deque habeo. Instigasti, perinde est ac si feceris : ex æquo in noxa es : tantundem peccasti. Citra discriminem amat, ac laudat omnes. Citra delectum omnes in familiaritatem receptat. Omnes promiscue mordet. Passim hæc prædicat. Apud quoslibet hæc dicit. Amussis alba in albo lapide.

## C A P. LXXIV.

*Affirmandi:*

Promisit se venturum. Promisit, maxime, etiam : pro quo Græci vñ. M. Tull. Si non quomodo tabulas conficis ? Si etiam, quamobrem, &c. Idem. Quasi aut etiam, aut non, non modo veruni esset, sed necessarium. Hunc locum ideo adduxi, quod sunt qui putent etiam, non esse confirmantis. Scilicet, admodum. Quam lubentissimè, benigne. Sic habet. Sic erit. Ita est, factum est. Plane. Mirum nr̄, Haud dubie. Dubio procul. Liquet. Constat. Confessum est. In Confesso est. Extra controversiam est. Certum est. Tro certo. Compertum. Liquido. Indubie. Indubitato. Certo certius. Vero verius est. Veriora his quæ apud Sagram gesta sunt.

## C A P. LXXV.

*Accusandi formulæ.*

Accusatus est sacrilegii. Hic se furti alligat. Postulatus est repetundarum. Delatus prodictionis. Cæsar comment. 7. Principes civitatis insimulari prodictionis à Romanis. Reum egit, vel peregit. In jus voca. Lege agito.

In jus ambula. In jus duxit hominem. In jus trahit. Litem intendit. Dicam scripsit. Filius cum patre litem agitat. Cum opulentissimo viro illi lis est. Cum Mida judicio decertat. Accersitus est capitis. Delatus est sacrilegii. Peculatus reum peregit. Plaut. ad tres viros deferam tuum nomen. M. Tull. nomen hominis amicissimi detuli. Idem: Delationem nominis postulavit. Idem, Roscii nomen deferendum curavit. Diem illi dixit. T. Livius: Cæsoni capitis diem dicit. Idem, rei capitalis diem Posthumio dixerunt. Eum talionis agentem exceptione repulit. Agit cum eo malæ tractationis. Damnatus est repetundarum, vel de repetundis. Absolutus injuriarum. An quisquis gratiam cum possit non refert, ingratiteneatur. An teneatur Reipubl. læsæ, qui quod sibi licuit, fecit. Læsæ religionis sit actio. Nec audacem timoris absolvimus, dixit Seneca. Ad hanc formam pertinent illa quæ referuntur in titulo laudandi ac vituperandi. Cic. jam de maiestate postulavit. Plaut. cras subscriptam homini dicam. Idem. Cum istam causam subserberent. Unde *scriptores* dicuntur ii qui cum accusatore caussam, & crimen subscribunt, & auctori adsunt. M. Tulli accusabat M. Aquilum, subscriptore C. Rutilio Russo. Inde & subscriptio. Incusat senis parsimoniam. Insimulat herum avaritiae. Caussatur tutorum perfidiam.

## C A P. L X X V I.

*Formula utilitatis.*

**N**ihil æque conductit ad beatè vivendum. Nihil ad parandas opes conducibilius. Nihil ad eam rem confert. Plurimum adfert adjumenti. Utilis ad parandos amicos assentatio. Plus adfert

ad fert voluptatis , quam utilitatis . Plurimas ad  
res hic libellus usui futurus est . Ad id patruus  
in primis adjutare poterit . Quid faciunt ad vir-  
tutem nummi ? Libet quidem , verum non expe-  
dit . M. Tull . Visum est mihi hoc ad multa qua-  
drare . Utinam hæc res tam frugifera tibi sit ,  
quam futura est honesta . Utinam tantundem  
frugis adferat quantum ad fert gloriæ . Ad id sola  
doctrina fuerit adjumento . Ad hoc pecunia ma-  
gno adminiculo futura est . Ad id haud medio-  
criter adminiculantur vires corporis . In id quo-  
que prodest ornatus , Fabianum . Num parum  
ad id efficiendum momenti habet forma inte-  
gra ? Neque verò illud mediocriter profuerit :  
Adjuvat hoc quoque . Hac ratione nihil profeci-  
mus , reliquum est , ut diversam ingrediamur  
viam . Nihilo plus explicet , ac si insanire paret , id  
est : Nihilo plus proficiet . Horat . Eruditio ad pie-  
tatem plus ad fert dispendi , quam compendii , &  
non tam promovet , quam moratur . Calida sunt  
amica stomacho , dulcia conducunt hepati .  
Quod stomacho confert , idem prodest cerebro :  
quod ad stomachum facit , idem capiti salutare  
est : quod stomacho bonum est , idem cerebro  
commodum est . Lactucæ alvo dejiciendæ effi-  
caces , & ad somnum conciliandum idoneæ . Ad  
ciendos menes valet malva : Alvo sistendæ ,  
sunt utiles fabæ assæ . Stomachum aciunt , exci-  
tant , irritant appetitiam edendi . Hac in re so-  
lus hic tibi poterit commodare . Plurimum com-  
moditatis afferet pecunia studiose . Utinam tam  
tibi commodo sit , quam mihi fuit grave . Magno  
meo malo tentavi . Et sine pronomine . Livi . Lo-  
quendo quæ in rem non essent die consumpto .  
Idem : Si è Repub . censeret , veniret . M. Tull .  
facis ea tua dignitate , & è Repub . Idem : Scio .

quæ studio dixerit, è Rep. dixisse. Fecisti tuο  
commodo, nostro incommodo. Si iudicabis in  
rem tuam esse. Si putabis ex usu tuo fore. Si pu-  
tabis è re tua forc. Pro te facit quod dico. Ad  
philosophiam Dialectica viam aperit, viam ster-  
nit, viam præstruit. Ad eam rem jam jacta sunt  
fundamenta. Ætites partus adjuvat, inflationem  
stomachi discutit, Pectoris dolores levat, Bilem  
extrahit, Pituitam detrahit, Mensium abundan-  
tiæ auxiliatur, Adversus serpentes in vino datur.  
Deploratis auxilio est Chironia. Morbis omnibus  
medicatur Panace. Elleboro phthiriasis emen-  
datur. Datur ad serpentum ictus Chelidonia.  
Rododaphnes folia homini præsidio sunt adver-  
sus serpentes. Aviditatem cibifacit acetum, va-  
let ad ciborum appetentiam irritandam. Absin-  
thium fulcit stomachum labentem: θύρας  
dicuntur Græcis, quæ stomacho conducunt:  
Nullum operæ premium fuerit.

## C A P. L X X V I I .

*Præfigii formula.*

**S**OL purus oriens neque fervens, serenum diem  
nunciat, concavus oriens pluvias prædictit. Si  
circa occidentem rubescunt nubes, serenitatem  
futuræ diei spondent. Sin spargentur, pluviam  
ventosque significabunt. Cum oriente radii non  
illustres eminebunt pluviam protendunt. Si in  
exortu rubescent rubes, maxima ostendetur  
tempestas. Si oriens cingetur orbe, ex qua parte  
is se aperit, exspectetur ventus. Si totus defluxe-  
rit, serenitatem dabit. Lunæ cornu septentriona-  
le acuminatum, inde præfigit ventum. Sic enim  
frequenter usurpat hanc vocem Plinius, ut præ-  
figire non sit præsentire, sed portendere. Si  
quar-

quartam orbis rutilus cinget, ventos & imbræ  
præmonebit. Nascentes obatio cornu, pluvias de-  
crescens dabit. Rubicundam venti protinus se-  
quuntur. Autumni serenitas ventosam hyemem  
facit. Volitantes stellæ ventos nunciant. Eædem  
in plures disjectæ partes, inconstantes ventos ef-  
fundent. Cum ab Aquilone nocte serena fulgu-  
raverit, ventum & imbræ demonstrabit. Nu-  
bes vehementius atræ ab oriente, in noctem a-  
quam minantur. Nube grida candicante, gran-  
do imminebit. Nebulæ cœlo cadentes, serenita-  
tem promittunt. Pallidi ignes tempestatum nunc-  
ii sunt. Mare in tranquillo portu intra se mur-  
murans, ventum prædictit. Camporum frigor, &  
cœli murmur non dubiam habet tempestatis si-  
gnificationem. Echini affigentes sese, tempesta-  
tis signa sunt. His modis locutus est Plinius. Ipsa  
cœli facies futuram tempestatem loquitur. Exo-  
riens Notus venturam pluviam præmonet. His  
imbrium est nuncia. Halcyones nidulantes, fu-  
turæ tranquillitatis fidem non dubiam faciunt.  
Præcox pueritia vaticinium est vitæ brevis. Im-  
modica felicitas, signum est futuræ calamitatis.  
Crispantes undæ nautis coorituros ventos de-  
monstrant. Qui bene conjiciet, hunc vatem puta  
optimum. Stridor dentium in ægrotis, mortis  
indictum est. Dentium series brevis & continua,  
longævitatem arguit. Occursus puellæ nuper nu-  
pta, felix auspicium est. Occursus virginis, parum  
læti ominis est. Nec dubias significationes sæpe  
fecit, ne reliquis quidem se parsurum. Suet. Evi-  
dens specimen dedit, qualis sit futurus princeps.  
Ex pueritia divina, qualis sit futurus senex: Hinc  
collige, hinc augurare, hinc ratiocinare.

## C A P. LXXVIII.

*Officiendiformula.*

**P**Yrorum eſus ſtomacho gravis : Dulcia ſtoma-  
chum laedunt : Acida concoctioni offi-  
ciunt : Salfa noxia ſunt hepati. Lac virilem ſto-  
machum offendit. Aduſta, inimica bilioſis. Non  
obſiſtam. Non fuere impedimento. Non obtur-  
babο. Non reluctor. Non obſtrepam tuis cona-  
tibus. Non reclamo. Non remorabor institu-  
tum tuum. Fabius : Aures minus feriunt , pro-  
offendunt, dixit.

## C A P. LXXIX.

*Functionis formula.*

**G**Effit consulatum : Ubi tum Proconsulem  
agebat. Prætoris officio fungebatur. Dicta-  
tor erat. Bellum administrabat. Siciliam obti-  
nebat. Ita Cicero frequenter , pro administra-  
bat. Alioqui obtinet, qui impetrat : Provinciæ  
præſidebat : Annonæ præfectus erat. Regia ne-  
gotia procurabat. Munia tribunitia obibat. Obi-  
xe bella , dixit Livius. Obire legationes. Cic.  
Censui præterat. Cum imperio eſſe , eſt habere  
magistratum. Gerere potestatem , dixit Cic. in  
Verr.4. Idem dixit piraticam facere. Hoc nego-  
tii tibi mandamus. Tibi provinciam hanc dele-  
gamus. Duram ſuſcepisti provinciam. Duram  
fuitines provinciam. Fac , ut imperatorem te  
præbeas. Vide ut te præſtes amicum. Scurræ ,  
non amici funetus es officio. Ego te abſente tuis  
fungar vicibus. Tuas agam partes. Tuarum par-  
tium eſt , ſive tuę partes ſunt , retundere petu-  
lantiam hominis. Defunctus consulatu. Defun-  
ctus

**E**tus vita. Defunctus malo. Defunctorum periculis.  
Virgil. Defendere vicem. Horatius.

*Defendente vicem modo Rhetoris atque Poeta.*  
Pontificis personam gerit. Paullatim exercuit  
principem. Suet. pro eo quod erat, functus est  
munere Principis. Tractare Remp. Gubernare  
Remp. Ducere bellum. Gerere, exercere bel-  
lum. Navare operam. Satagit rerum suarum.  
Ductare exercitum. Pattrare bellum. Quæ duo  
verba Fabius notat à Sallustio novata in usum  
honestum, cum ante fuissent obfoœna. In fami-  
lia bene instituta omnes in officio sunt. Non de-  
ero officio nœo : nusquam cessabo in officio  
meo, Sallustius, Curare dixit absolute. Nam is  
in ea parte curabat.

## C A P. LXXX.

*Quibus modis tribuimus aliquid.*

**S**ummo ingenio puer. Summi ingenii puer.  
Summus ingenio puer. *Summus ingenium*,  
poëticum est. Vir admiranda sapientia : Vir ad-  
mirandæ sapientiæ. Vir admirandus sapientia :  
*Vir admirandus sapientiam*, in carmine : Vir in-  
credibili præditus sapientia : Vir omnijugis cor-  
poris atque animi dotibus exornatus. Vir omni-  
bus instructus dolis : Vir ex meritis mendaciis  
conflatus, atque compositus. Id omnibus natu-  
ra insitum est: Id natura nobis indidit: Ita natura  
comparatum: Id cunctis attribuit natura. Multi  
vitia nobis recepta confuetudo conciliat, nonnulla  
natura ingenerat. Omnibus innatum est, ut vi-  
tam suam incolumem esse velint. Id vitii non ti-  
bi natura adjunctum est, sed accessitum ac rece-  
ptum prava consuetudine. Inest in homine in-  
credibilis quædam astutia: id est homini.

C A P.

## CAP. LXXXI.

*Titulorum.*

**E**Jus rei meminit Plato in Dialogo , qui inscribitur *συμπόσιον*. Teste Cicer. in eo lib. quem inscrisit Oratorem perfectum. Plinius in opere, cui titulus, Historia mundi. Varro in Satyra , cui titulum fecit : Nescis quid serus vesper vehat. Virgil. in Alexide : Terent. in Adelph : Hesiodus in opere , cujus titulum nuncupavit , Opera & dies : Erasmus in libello, cui titulum indidit, De verborum copia : In commentariis, quibus titulum præiulit , De nugis aulicorum : In Odarum libro , quem Sylvas nuncupavit. In Phormione Terentiana.

## CAP. LXXXII.

*Gratulandi.*

**G**AUDEO te nobis optantibus incolumem esse redditum. Gratulamur tibi victoriā. Sic enim loquitur Sueton. & Seneca. Item M. Tull. Appellat hominem , & ei voce maxima victoriam gratulatur. Isto nomine tibi gratulor. Gratulamur de victoria. Gratulor viciſſe te. Quod victor redieris, vehementer gaudeo. Te nova prole auctum esse, gaudeo. Salvum te advenire , voluppe est. Lætor tuo nomine, quod uxor feliciter peperit. Quod gener tibi tantopere probatur , magnopere tua causa gaudeo. Voluptati mihi est, quod tibi res ex sententia cesserit. Tua gratia gaudeo , quod res præter spem bene verterit. Tuam vicem lætor, qui prospere pugnaris. Maſte. Maſte istius animi. Terent. Abi, virum te judico. Item in Adelph. Syrus.

## C A P. LXXXIII.

*Gratias agendi.*

**Q**uod tam officiose me commendaris Principi  
quo, gratiam & habeo, & habiturus sum ini-  
mortalem. Quod tanta fide mea negotia procu-  
ris, pares gratias agere vix possum, referre ne-  
quaquam. Quod me passim amantissime prædi-  
cas, video quantum debeam tuo in me studio.  
Quod meis commodis tantopere studies, & ha-  
betur à me gratia, & semper habetur. Quod ar-  
gentum ad diem promissum reddidisti, amo te  
& habeo gratiam. Terent. Ecquid nos amat de  
virgine? M. Tull. Quod mihi polliceris, valde te  
amo. Idem : Multum te amo, quod spopondisti  
M. Octavio. Factum bene quod epistolam obsi-  
gnatam remiseris. Quod nos pro tua virili tueris,  
gratum est. Grates persolvere dignas, non opis  
est nostræ. Virg. Fateor me tibi magnopere de-  
vinctum esse. Hoc nomine plus tibi debeo, quam  
ut unquam solvendo esse possim. Hoc officio ar-  
tius me tibi adstrinxisti. Obligatiorem me tibi  
fecisti, devinctiorem reddidisti. Magis obnoxium  
effecisti, quam ut vel verbis agere gratias possim.  
Major est nostra necessitudo, quam ut vel tu  
mihi, vel ego tibi, pro ullo officio debeam gra-  
tias agere. Majus est hoc beneficium, quam ut  
orationem postulet.

## C A P. LXXXIV.

*Referendi beneficium.*

**G**ratiam referre. Reponere merita. Repen-  
dere officia. Pensare beneficium. Remu-  
nerare beneficium, Remetiri beneficium. Redi-  
dere

dere beneficium. Resolvere beneficium. Respondere beneficium. Par esse beneficiis acceptis. Effici ut tuum in me officium ad te non sine fœnore redeat. Fœnoratum hoc beneficium tibi, pulcrè dices. Dispeream, nisi beneficium istud tibi conduplicaverit. Statim regerere beneficium, est nolentis debere. Hoc non est referre beneficium, sed refutare. Certemus mutuis inter nos officiis. Beneficium ultro citroque commeare debet. Cum fœnore reponendum quod acceperis. Quisquis grātē munus accepit, jam gratiam retulit. Retaliare injuriam. In malam partem. Respondere malefactis: Reponere injuriam: Pensare, Remetiri, Referre, ac ferme omnia, & in malam partem possunt accipi. Inventur & retaliare apud Gellium, in bonam partem, neque natura vocis refragatur, id tamen est inusitatius.

## C A P. LXXXV.

*Originis verba.*

**H**AUD dubito, quin hæc ab amore quodam in me singulari profiscantur. Universum hoc malorum agmen è bello nobis natum est. Hinc omnis illa similitas inter eos orta est. Tu malorum omnium auctor. Cupiditas pecuniarum vitiorum omnium parens. Invidia totius hujus odii seminarium fuit. Natura nobis parvulos igniculos dedit. Hinc omnis illa turba vepit: Hinc fluxit: Hinc manat omne quo beati reddimus. Horat. Græco fonte cadunt. Hinc scatet omnis illa vitiorum colluvies. His fontibus totus ille tumultus rerū extitit. Hinc surgunt odia. Hinc lites proveniunt: Hinc veniunt jurgia. Ab his exordiis Romana nobilitas dicitur. Omnia magna-

magnarum rerum à diis immortalibus principia  
ducuntur, dixit M. Tull. in Vatinium. Regibus  
ortus: Roma oriundus: Atavis edite regibus:  
Maximis prognatus ducibus: Safe sanguine di-  
vum. Ex his pullulant odia; Gliscunt invidiae:  
Subnascitur similitas: Franticantur dissidia: Syl-  
vescunt factiones. Illa è Philosophorum fonti-  
bus haurienda: Reliqua è poëtis petenda.

## C A P. LXXXVI.

*Pensandi.*

**Q**UOD corporis viribus deest, id ingenii do-  
nis exæquat. Quod corporis forma detra-  
ctum est, id animi dotibus natura pensavit. Tu  
opulentior, nos eruditiores, atque ita tecum pa-  
ria fecimus. Absentiam nostram crebris literis  
farciamus. Quod haetenus cessatum est, id oportet  
diligentia recuperare. Quod illius stultitia  
peccatum est, id tua sapientia restituas oportet.  
Quod illius inscitia admissum, id oportet, ut tua  
prudentia redimas. Supplendum diligentia, quod  
ingenio deest. Quod corpori detractum, id in-  
genii dotibus accessit. Studio reponendum, quod  
negligentia præteritum est. Quod ademtum  
fortunæ est, id ingenii dotibus additum est.  
Quantum corporis viribus deest, tantum animi  
virtutibus superest. Natura quod alibi detrahit,  
alibi reddit. Quod suis eripit, hoc hospitibus ac-  
cumulat. Ovid.

*Ingenio formæ damna rependo mea.*  
*Famæ dispendium, pecunia compendio resarcit.*  
*Famæ jacturam pecuniario lucro solatur.*

C A P.

## C A P. LXXXVII.

*Aptitudinis formula.*

**Q**uare uxorem aptam tuis moribus, aptam ad tuos mores. Amicum delige tuis morib. appositum, accommodatum : vel, ad tuos mores. amicum delige ; qui tuis moribus , vel ad tuos mores conveniat. Non est natura compositus ad artem poëticam. Ostentationi compositum, dixit Fabius, pro eo quod est , ad ostentationem paratum. Idem : Jure magis an æquo sit appositus, id est, propensior ad jus, an ad æquitatem. Rursus idem : constatque rebus ad faciendam fidem appositis. Ad mathematica videtur esse propensior. Vir maximis rebus, vel ad maximas res natus. Vir factus ad hujus nequitiam. Ad hujus mores factus, fictus , sculptus esse videtur. Adeo ad hujus mores quadrat. Oratio non est naturæ consentanea. Facta non respondent orationi. Hæc non competit in senem. Hæc non competit viro gravi. Non habet in Catone hujusmodi crimen. Non consentiunt tui mores cum hujus moribus. Non concinunt tua atq; hujus studia. Non concordat hujus institutum cum tuo. Concinnus transitus. Concinna digressio. Ista non cohærent, non consistunt. Non cadit in sapientem , animi perturbatio. Non recipit tua simplicitas adulacionis suspicionem. Non congruunt literæ cum studio pecuniae.

*Non bene convenient, nec in una sede morantur  
Majestas, & amor.*

## C A P. LXXXVIII.

*Ablegandi verba.*

**H**ic mihi est ablegandus aliquo. Puerum hunc prius amanda quopiam. Hunc Argum aliquo, si potes, amolire. Non possum hunc amovere quopiam. Ego hunc neque uti amittam à me, neque uti retineam, scio. Non possum memet ex hoc grege nebulonum excutere. Hic uicinque est extrudendus aliquo.

## C A P. LXXXIX.

*Proficisci.*

**R**Us hinc abeo: Rus hinc concedo, discedo, abscedo, decedo. Galliam repeto, inde Britanniam aditus. In Italiam iter instituit. Tum Neapolim cogitabam. Apparas iter, adornas profectionem; componis sarcinas. Ingressus est viam. Quo paras profici? Quo paras profectionem? Quo tendis? Quo te Mœri pedes? Quo tenetis iter? Quonam iter est? Rus me confero. Domum me recipio. Domum revertor. Certum est in patriam revolare. Certum est veteres amicos revisere. Redde te patriæ. Fac recursas in patriam. Restitue te tuis. Fac te quamprimum reduce in videamus. Ad rem inutile est subinde movere castra. Haud temere distescunt, qui crebro vertunt solum.

## C A P. XC.

*Conatus.*

**D**A operam ut convalescas. Cura ut revalescas. Enitere ut cum parentibus in gratiam

tam redeas. Annitere totis nervis ut in virum tuo genere dignum evadas. Illud totis viribus agito, ut parentum exspectationi facias satis. Pro virili conatus sum. Pro mea virili, pro viribus. Hoc unum stude, ut te in regis benevolentiam insinues: Literis incumbas: In hæc studia incumbito: Ad id eluctare: Ad hoc invigila: Efficies, si modo advigilaris. Vigilandum est, qui sua negotia velit tempori confidere. Manibus pedibusque connitere: Id unum elaborat: Eo velis equisque contendit: Huc velis remisque festinat: Horat. Hoc studium parvi properemus & ampli. Ut doctus evadas, dies noctibus continua: In ea vehementer est sudatum: In id plurimum laboris exhaustum, exantlatum. Rem per difficilem conamur: Rem arduam molimur: Summo ni-  
xu: Summa ope: Summa vi: Quantum potes adlabora. Pecunia causa nihil non tum facit, tum patitur.

## C A P. XCI.

*Explicandi, & Implicandi.*

**U**bi his malis emersero: Ubi his turbis memet extricavero: Ubi ex his negotiis me expedivero: Cum ex his negotiorum exiero labyrinthis: Simulatque his in tumultibus exsolvero: Ubi his è nugis memet excussero: Si quando licebit memet ex his negotiorum fluctibus emoliri. Si licebit ab his curis discedere: Si contingat liberari, levari: Si quando ab iis negotiis me ipsum vindicavero, asseruero, absolve-  
ro: Ubi ex iis malis eluctatus fuero: Ubi ex his calamitatibus enatâro: Implicitus malis. Involutus negotiis: Districtus curis: Occupatus negotiis. Distentus: distendi, distineri negotiis. Distor-

Distorqueri curis. Immersus, obrutus, opertus negotiis. Intricatus, impeditus, illigatus, obvinctus, dispunctus, obseptus, oneratus negotiis, oppressus, oppletus. Tot me res circumvaliant. Tot me pericula circumstant, circumstunt, obsepiunt, cingunt, obsident, premunt, urgent.

## C A P. XCII.

*Verba Finis, seu Tropositi.*

**S**TOICI in una virtute summum bonum consti-  
tuunt. Epicurus felicitatem voluptate meti-  
tur. Peripatetici usu virtutis beatitudinem defi-  
niunt. Herillus in scientia summum bonum col-  
locat. Quidam in indolentia boni finem posue-  
runt. Est qui in pecunia felicitatem sitam esse  
existimet. Maxima pars hominum spectat utili-  
tatem. Pauci sibi proponunt honestum. Huc o-  
mnes conatus tui spectant, ut ditescas. Huc re-  
spicis, huc tendis. Omnes spes meas in te uno  
fixi. Quidam famæ serviunt. Alii lucri rationem  
habent. Hic voluptatem ubique sequitur. Ille  
captat gloriam. Hic ad privatam utilitatem om-  
nia refert. Huc reliqua omnia sunt conferenda.  
Huc omnia illa pertinent, spectant. Hor. Quor-  
sum hæc tam putida tendunt? In hoc etiam po-  
pularem laudem petit. Admirationem Aristote-  
les maxime petendam putat. Illud genus ostend-  
ationi compositum, solam petit audientium vo-  
luptatem. Negotiatorum unicus scopus est pe-  
cunia.

C A P.

## C A P. XCIII.

*Qua est impudentia.*

**S**I crimen illi palam objicias, sat scio, qua est impudentia: vel, cuius est impudentia: vel, ea est hominis impudentia, inficias ibit. Vel sic: Sat scio, ut est impudens, inficias ibit. Vel sic: Sat scio, pro solita sua impudentia, inficiabitur. Quanquam hoc postremum minus habere vehementiæ videtur. Adeo est impudens, ut mox sit inficiaturus. Ut nunc sunt mores, id est, pro hujus seculi moribus. Ut est barbarorum ingenium, id est, pro conditione barbariei ingenii.

## C A P. XCIV.

*Quàm ut, Quàm qui.*

**V**ir melior est, quàm qui velit mentiri: Simplicior, quàm qui possit. Superbior est, quàm ut velit doceri. Stupidor, quàm ut possit discere. Adeo pauper est, ut nec obulum habeat. Adeo ignavus, ut malit inedia perire, quàm artem discere. Sic de me meritus es, ut tibi succensere non debeam. Sic mihi chartus, ut irasci, ne si velim quidem, possim. Melius de me meritus es, quàm ut tibi possim succensere.

## C A P. XC V.

*Bone est.*

**B**ene res habet. Bene se res habet. Bene habet. Bene est. Optime est. Bene tibi habent principia. Optimo in loco res est. Pejore in loco res esse non potest. *Quoniam in statu res sunt tuæ?*

## C A P.

## C A P . X C V I .

*Mea sententia.*

**M**Ea quidem sententia. Pro mea quidem sententia. Ut ego quidem sentio. Ut mea fert opinio. Meo quidem animo : Plautinum. Meo iudicio. Ut mihi quidem videtur. Ni fallor. Si quid judico. Meo quidem suffragio, M. Tull. vicit Demosthenem. Tuo calculo victus est.

## P L U S , E T P L V S Q V A M .

Audivi plus millies. Audivi plus quam milles. Calesces plus satis. Plusquam satis. Hujusmodi orationes omnes bifariam proferuntur in adverbiiis, ac nominibus ; In verbis non itidem. Sapit plus quam expedit. Mulier plus quam decet, erudita. Plus quam necesse est, facunda. Rursum, vixit annos plures quam ducem, vel plures decem. Plus quingentos colaphos infregit mihi. Plusquam quingentos : plures quingentis : Amplius quadraginta, dixit Suet. Hoc igitur orationis genus quadrifariam effertur. Amplius & non amplius, interdum præponitur, interdum subjicitur, interdum interseritur. M. Tull. Cum enim Syracusis amplius centum cives Romanorum cognoscerent, id est, plures quam centum. Caesar : amplius horas quatuor fortissime pugnaverunt. Pompejus L. Domitio: Non amplius quatuordecim cohortes Luceriam coëgi: hic præponitur. Terent. Sexaginta annos natus es, ut conjicio, & eo amplius. M. T. Lao-dicæ viginti pondo paulo amplius, hic subjicitur. Virg. Tres pateat cœli spacium non amplius ulnas; hic interseritur. Eodem ferme modo usq-

usurpatum, Plus. Cic. pro P. Quint. Ac tecum plus anno vixit in Gallia. Idem pro Plancio: Sed non plus duobus aut tribus mensibus: hic præponitur. Terent. Dies triginta aut plus eo, in navi fui: hic in medio ponitur. Centum desiderati sunt, aut plus eo. hic postponitur. Hunc igitur sermonem ita varies licebit. Amplius ducenti desiderati sunt, Ducenti & eo amplius desiderati sunt, Ducenti desiderati sunt, & eo amplius. Desiderati sunt plus quam ducenti. Desiderati sunt plures ducentis.

### A D S U M M U M. U T minimum.

Semel hominem salutavi, aut ad summum bis. Ut multum: Ut plurimum, non minus. Saltem. Ut minimum, Ut minimum dicam, Non amplius, cum plurimum, quam septem horas dormiebat. Ita Suet.

### C A P. X C V I I.

*Morem gerendi.*

**M**Os gerendus est patri. Morigerandum est patri. Obsequendum est patri. Patri obsecundandum. Patri concedendum. Inserviendum. Observiendum paternis moribus. Accommoda te paternis moribus. Præbe te illis ad tempus. Attempera te moribus omnium.

### C A P. X C V I I I.

*Rogandi.*

**M**ajor em in modum te rogo. Etiam atque etiam oro: Obsecro te atque obtestor: illud unum abs te magnopere peto, contendoque,

que. Illud à me vehementer contendebat. Efflagitasti quotidianis convitiis. Imploravit opem hominis. E blanditus est favorem. Exambiit, reperitur apud quosdam. Extorsit potius, quam exoravit. At istud poscere est, non rogare. Flagitabant verius, quam orabant.

## C A P. XCIX.

*Ignoscendi.*

**R**Emisere multam : Hanc unam ignosce culpam. Remisit offensam. Condonamus admissum. Terent. Condonamus argentum quod habes. Sallust. Condonare creditum. Da veniam juvenilibus erratis. Jurisjurandi gratiam facere pupillis non potest, est in Pandectis. Idem apud Sallust. Ceterum Boccho, quoniam pœnitet, delicti gratiam facit. Item Sueton. Conjurandi gratiam fecit. Ad quædam vitia convenit connivere.

## C A P. C.

*Abrogandi.*

**R**Escindere conventa. Abrogare legem. Abdicare legem. Antiquare, abolere legem. Obsolescere, neutrum. Sustollere legem. Irritare pacta. In integrum restituere. Mutare pœna. Obliterare legem. Hæc lex abiit in desuetudinem. Exolescere metum dominorum, dixit Plinius in epist. pro extingui, atque intercidere. Nusquam tui beneficii memoria apud me intermoriatur. Deposit imperium. Abdicavit magistratum. Abdicatus à magistratu, dixit Sallustius.

## C A P. C I.

*Ornandi.*

**C**omere, expolire, perpolire, exornare, venu-  
stare, picturare, honestare. Pigmenta, flosculi,  
lecythi, Veneres, venustas, lepos, nitor, gratia, de-  
cus. Lenocinia, emblemata, compositio, colo-  
res, myrothecia, fuci, phaleræ, dignitas, cultus,  
polities.

## C A P. C II.

*Inter cœnam.*

**I**nter cœnam. Sueton. & Senec. Inter cœ-  
nandum, super cœnam, cœnantibus nobis, in  
cœna; idem efficiunt. Inter jocum, Sueton. In-  
ter jocandum. Sic inter conventum, pro, in con-  
ventu, dixit Suet. & inter pœnam, pro inter  
puniendum. Per jocum. Inter pocula. Inter  
potandum.

## C A P. C III.

*Post cœnam.*

**P**ost cœnam, à cœna, sub cœnam. Nam Sub  
significat & paulo ante, vel protinus post.  
Cic. Sub hæc lectæ sunt tuæ literæ, id est, post  
hæc. A tuo reditu. Post tuum reditum.

## C A P. C IV.

*Similitudinis.*

**E**st & diversarum rerum quædam inter se  
similitudo, affinitas, cognatio, vicinia. His  
finitima sunt illa. His confinia sunt illa. Simiæ  
figura multum ad hominis formam accedit. Pu-  
ro ta-

ro tamen fonti quam flumini propior. Non multum a tuis moribus haec abludit imago. Huc aludit illa Terentiana sententia. Virgilianam distinctionem amulatur, exprimit, refert. Haud multum abest, dissidet, discrepat a tuis moribus. Ab hac ratione non multum abhorret Fabius. Ejusdem generis est & illud. Ejusdem farinæ, proverbialiter. Ejusdem notæ. Ejusdem classis. Mei loci, atque ordinis hominem. Ex aliquo circulo, dixit Cic. E sinu suo, pro, e suis familiaribus, dixit Cicer. & Plutarch. Ex eo numero est. Ex illo conventu quadruplatorum, dixit M. Tull. in Verrem quarta. E suis gregalibus, dixit idem: Sub hac facie latet adulatio. Plerunque virtus virtutis personam induunt, ac virtutis simulacrum representant. Sub virtutis specie, virtutis praetextu. Sub imagine pietatis. Patrem ore refert. Parentem moribus exprimit. Patruum nomine reddit. Avum voce representat. Patronum imitatur oculis. Amitam nulla re prorsus exhibet. Alter Cicero. Alter Hercules. Faciem mentita Lyciscæ. Formata in admirationem, id est, simulans se admirari. Sueton. Vultu ad hilaritatem composito. Praetexere, præ se ferre. Ante se gerit. Effigies pietatis. Dissimilis huic & Iujus. Non assimilis facie Tyberio. Apud eundem est Assimilis, pro Similis.

## C A P. C V.

Mutui.

**M**utuum dare: Mutuo dare. Mutuare, Commodato dare. Commodare. Utendum dare. Utendum accipere. Accipit usurariam: Plautus. Opera commodatitia: præstant operas mutuas. Mutuum muli scabunt.

## C A P. C VI.

*Fallendi.*

**I**Mposuimus Reip. Fefellit nos. Decepit, circumvenit adolescentem. Circumscripsit, circumduxit, apud Iurecons. Verba dare mihi, difficile est. Si senseris eos fucum velle facere. Imposturam fecit, & passus est. Delusit. Elusit. Frustratus est nos sperato lucro. Non te fraudabo debita gloria. Technæ, doli, fuci, præstigiæ, vafricies, versutia, astus, astutia, fraus. Os mihi sublitum est. In fraudem illexit, pellexit. Arte me tractavit. Dolo mecum egit. In specie, dixit M.T. Praeclara classis in specie; sed inops, & infirma. Quod si mea fiat captione. Absit omnis captio M.Tull. Cur igitur vos inducitis in eas captiones, quas nunquam explicetis?

## C A P. C VII.

*Est amicus.*

**U**TOR patre familiariter. Est mihi cum illo acutissima necessitudo. Sum illi summa familiaritate conjunctus. Sum illi amicus. Summa mihi cum illo familiaritas intercedit. Multus mihi cum homine quondam usus fuit. Mutua quædam benevolentia jampridem inter nos est. Sallust. Imperator Iugurtham in amicis habebat, id est, in amicorum numero.

C A P.

## C A P. C VIII.

*Sperandi.*

**S**Però fore. Nonnulla spes est fore. Venio in spem. Vocor in spem. Erectus in spem. Concipio spem de te optimam. Nonnulla me spes habet. Maxima teneor spe. Magna me spes tenet. Adducor in spem. Nonnulla me spes cœpit. Spei nonnihil affulsit, arridet, blanditur. Omnia summa mihi de te promitto. Is est de quo tibi possis omnia polliceri boni viri officia. Nihil mediocre de te tui cives exspectant. Injicere spem. Sollicitare spe. Ostendere spem. Ostdit futurum. Ducimur spe. Laetamur spe. Ad Comœdiæ gratiam Latini ne aspirarunt quidem. M. Tull. Ad eandem laudem, quam volumus aspirare non possunt. Sallust. Ut omnia bona in spe haberet, id est, nonnihil speraret.

## C A P. C IX.

*Ad verbum.*

**A**d verbum edidicit, quem locum ad literam subjicit: Fab. Ejus verba subjici, pro quo vulgo dicunt, in forma. Ipsa hominis verba tibi reddam.

## C A P. C X.

*Elegias.*

**H**Ec bone vir. Scilicet is superis labor est. Is nunc si Diis placet, nos docebit, qui nihil unquam didicit ipse. Omirum amicum. Mira vero militi quæ placeant. Sane verò. Quasi vero.

## C A P. C X I.

*Extrahere diem.*

**S**ic ille dies extractus est. Hoc agebant, ut dies eximeretur. Ducere tempus. Terere tempus. Ducere bellum. Iam dies excesserat.

## C A P. C X I I.

*Paratum, ac Facile.*

**P**aratum, promptum. In promptu. In procinctu. Proclive: In procli. Obvium, expostum, expromptum. In numerato habere. In statione. Ad manum. Ex tempore. Extemporarium. Extemporaneum.

## C A P. C X I I I.

*Depellendi.*

**D**epricari invidiam. Deprecari culpam. Depellere crimen. Adversari, abominari, rejicere, refellere, negare, inficiari, inficias ire, propulsare, profligare, amoliri. Virg. Dii meliora pliis: quod Deus avertat: Divi prohibeant.

## C A P. C X I V.

*Agnoscendi.*

**A**gnovit hæreditatem. Agnoscit crimen. Accipio conditionem. Admitto testamentum. Adiit testamentum. Ut admirationem etiam plausi confiteretur. Amorem re testatus est. Odium & vultu præ se fert. Morbum incessu, vultuque fatetur.

C A P.

## C A P. C X V.

*Ab adolescentia.*

**I**Am inde à puerō. Ab adolescentia : A teneris unguiculis. Sic à pueris assueti sunt. Terent. Usque à pueris curavi ambos. Idem : Mihi magna cum eo jam inde usque à pueritia semper fuit familiaritas. Varro : Iam inde à cunabulis. Livius : Inde ab incunabulis imbutus odio Tribunorum. A rudibus annis. A prima pueritia. Ab ipso vitæ exordio. Ab ipso vitæ limine. Ab incunabulis. Cum ipso nutricis lacte fugimus errorem. Ab ipsis crepundiis.

## C A P. C X V I.

*Accurate.*

**A**ccurate, exacte, elaboratè, ad unguem, ad amussim, examussim, amussatim, examussatim. ad perpendiculum, summa cura. Exquisitè, conquisitè. Circumspectè, attentè. Consideratus, pro attentus, dixit Cicero. Idem dixit, ad perpendiculum exigere. Sagaciter pervestigavit, apud eundem. Item divinitus dicta, pro egregie. Pressius agamus. M. Tull. de finibus 4. Idem: Nunc cominus agamus.

## C A P. C X V I I.

*Perficiendi.*

**A**Bsolvit, perfecit. Exegi monumentum. Finem imposui. Finem dicendi faciam. Finiit. Summam manuni imposuit. Ad umbilicum duxit. Fastigium imponere. Colophonem addere. Supremam addidit manum. Extremum

actum addere. Fabulam vitæ peregit: Exæcta ætate: Ad metam usque produxit: peregit fabulam: depuduit. Desultavit canticum. Suet. Depugnatum est, perdoluit, deforbuit. Vita defunctus est. Defiit artem.

## C A P. C X V I I I .

*Committendi.*

**L**eges inter se colliduntur eventu. Ut non compositi melius cum Bytho Bacchius. Quis te cum isto commisit homine? Concertasti cum hero. Conferre pedem. Conferre manum. Congredi cum viro, Configere, colluctari, conflictari.

## C. A. P. C X I X .

*Amandi.*

**U**NICETE diligit. Amat effusissime. Charissimum habet. Admiranda quadam charitate prosequitur. Fama nihil habet antiquius. Non amat modo, verum etiam observat. Singulari benevolentia prosequitur. Animo toto te complebitur. Oculis atque animo fert hominem. Corydon ardebat Alexim. Deperibat virginem, deperibat in virginem. Perditè amat. Deperdita amore. Suet. Flagrat amore tui. Amantissimus est tui. Tui, tuorumque est observantissimus. Studiosissimus est tui. Tui cupientissimus. Ex animo tibi bene vult. Bene cupit tibi. Hunc unum habet in deliciis; habet in oblectamentis. Non perinde illi affectus erat, dixit Sueton. pro eo quod est, non perinde diligebat. Item dixit, prior Dolabellæ, pro eo quod erat, in illum propensior. Sic omnia tua exosculatur, id est sic amat.

C A P.

## C A P. C X X.

*Cupiendi.*

**L**AUDIS AVIDUS. LAUDIS AVARUS. AVENS GLORIÆ :  
**C**UPIENS FAMÆ : TUI SITIENTISSIMUS. FAMELICUS GLORIÆ. SITIT FAMAM. SITIT AURUM. ESURIENTISSIMUS LAUDIS. MIRA GLORIÆ FAMES HABET HOMINEM. AMBIT HONORES. NULLIUS REI QUAM LAUDIS AMBITIOSIOR. PRIVATI COMMODI STUDIOSUS. ALIENI APPETENS. APPETENS LAUDIS. ELOQUENTIÆ CANDIDATUS. INHIAT LUCRIS.

*Imminet exitio vir conjugis, illa mariti.**Gestio videre hominem. Prurit illi tergum.*

## C A P. C X X I.

*Male precandi verba.*

**Q**VOTIES CAPUT TUUM DIRIS DEVOVIT. EXECRATUS EST TUM SESE, TUM SUOS OMNES. VT TE DII PERDANT. ABI IN MALAM REM, IN MAXIMUM MALUM, IN CRUCEM. DII TE ERADICENT. DII MENTEM TIBI DENT TUAM. Βάλλ' ἐς κόρακας, i. e. mitte te ad corvos, abi in malam rem; GRÆCIS EST USITATISSIMUM. QUÆ RESILLI VERTAT MALE. IN MORBO CONSUMAT, PROVERBIALITER. PLAUT. CAPITI VESTRO ISTUD QUIDEM. VIRGIL. DII CAPITI IPSIUS GENERIQUE RESERVENT. CICER. QUOD ILLORUM CAPITI SIT. IDEM : DII SINT IRATI HUJUSMODI GRÆCO.

## C A P. C X X I I.

*Pollicendi.*

**N**ESCIO QUID MALI PROMITTUNT SYDERA. MAGNIFICE POLLICENTUR AMANTES. PROMISSIS DUCTAT HOMINEM.

*Pollicitus dives quilibet esse potest.*

Cave fidas hujusmodi pollicitationibus. Spondeo futurum. Despondeo. Sponde, noxa præsto est. Ego hujus nomine fidejubeo. Recipio tibi facturum hunc. Recipio ad me. Sallust. In se recipiunt. Hoc tibi pro meo periculo promitto. Ita mihi stipulanti pactus est.

*Litteribus nostris ancora pacta tua est.*

Do fidem futurum. Confirmo futurum. Fidem suam interposuit. Clodio Tyberius ea lege cœnam condixit, i.e. promisit se venire ad cœnam, apud Sueton. M. Tull. Nam cum mihi condixisset, cœnavit apud me. Prisci, lingua nuncupatum dicebant, quod esset ore promissum, ac verbis expressis. M. Tull. in Offic. Nam cum ex 12. tabulis satis esset ea præstare, quæ essent lingua nuncupata, Vovemus quod Deo pollicemur. Catull.

*At non hac quondam blando promissa dedisti.*

Sallust. Quem illi casu oblatum promissis onerat. Dare promissa. Cum hic esses, longè alia promissa dedisti. Sollicitat ingentibus promissis. Spes amplissimas ostendit. Veterum proverbiiς γενσολέγει, ac dosones dicti, qui multa pollicerentur.

### C A P. CXXIII.

#### *Principatus.*

Est copiosum dicendi genus in quo Cicero principatum obtinet. Breve, in quo Sallustius regnat. Subtile, in quo dominatur Hortensius. Floridum, in quo primas tenet Plin. Varium, in quo præcipuus est Hieronymus. Grave, in quo princeps est Seneca. Festivum, in quo singularis est Martialis. Simplex, in quo primus est Terentius. Acutum, in quo præcellit Quintilianus.

tilianus. Suave, in quo vicit Statius. Antiquum, in quo nulli secundus est Cato. In affectatum, in quo nulli cedit, nulli inferior est, nemini posterior est Cæsar. Hujus negotii veluti antesignanus, dux, vexillifer, signifer extitisti. κορυφὴ τῶν, Græci. Homerus omnes procul à se reliquit. Omnes à tergo reliquit. Longo intervallo præcellit, præcedit, præcurrit, præxit, anteit, antecellet. In literis Græcanicis palmam tenet. Eloquentiæ M. Tull. arcem tenet, primam laudem obtinet, primum locum obtinet. Præmia prima feres.

## C A P. CXXIV.

*Ludorum.*

**M**Vnera gladiatoria populo exhibuit. Edidit Circenses. Fecit ludos scenicos, apud Sueton. in Caligula. Commisit & subitos, apud eundem. Præter consuetudinem musicum agona commisit: in Nerone Claudio. Dedit populo centum gladiorum paria. Centum camelos produxit.

## C A P. CXXV.

*Agere delectum.*

**H**abuit delectum, agere delectum. Delectibus undique acerbissime actis. Cogere exercitum. Contrahere copias. Conscribere exercitum. Parare manum. Comparare vim militum. Collectis copiis.

## C A P. C X X V I.

*Adimendi honorem.*

**D**Epousuit dictaturam. Amotus est consulatu. Abrogatum est illi imperium. Ademptum imperium. Abdicavit se magistratu. Sueton. Privavit honore, apud eundem. Redactus est in ordinem. Multos coëgit in ordinem, hoc est, privatos reddidit. Missionem petiit. Rude donatus est. Dimisit eum ignominia. Exauctoravit totam regionem.

## C A P. C X X V I I.

*Persuadendi.*

**F**Ecit mihi lacrymis pœnitentiæ fidem. Lacrymis mihi persuasit sese facti pœnitere. Lacrymæ mihi persuaserunt illum pœnitere facti. Lacrymis effecit, ut crediderim illum pœnitere. Adduxit, pertraxit, pellexit, perpulit me in suam sententiam. Coactus est verius, quam persuasus.

## C A P. C X X V I I I.

*Inferendi, seu Ratiocinandi.*

**Q**UOD animal est, idem corpus sit necesse est: quod autem corpus est, non statim & animal. Is pauper est, qui plurimum cupit. Porro quo quisque magis abundat opibus, hoc est opum appetentior. Igitur ditissimus quisquis pauperrimus sit necesse est. Si Deus est animus, animi puritate, non victimis corporeis eum convenit colere. Cum animus sit corpore præstantior: virtutes autem animi sunt possessiones, pecunia corporis, consentaneum est virtutes pecu-

cuniis anteponendas esse. In quem cadit misereri, in eundem cadit invidere. Non cadit autem invidere in sapientem. Ergo ne misereri quidem. Ipse sibi utilis esse nequit, & vobis erit usui? Felix non est, cui multa defunt. Atqui divitibus defunt plurima: Qui possunt igitur divites esse felices? Solum bonum virtus; nam id demum bonum est, quo nemo male potest uti. Virtute nemo male uti potest: Bonum est ergo virtus. Bonum est virtus ut qua nemo male uti potest. An bonum pecunia, qua quisque potest male uti? In nunc, inferendi vim habet, sed velut cum exprobatione, In nunc, argentum, marmor vetus &c. Quæ cum ita sint, quis audeat inficias ire? Hoc cum sic habeat, an non dedisti damnum? Vtrum damnum dedisti, an non? Et dubitamus adhuc?

## C A P. CXXIX.

*Nil, Nisi.*

**N**il nisi poëta es. Nil aliud es nisi poëta. Nil aliud, quam poëta es. Tantum poëta es. Poëta es, præterea nihil. Nihil es præterquam poëta. Nisi poëtas esses, nihil esses. Nihil aliud quam flebat, pro tantum flebat, apud Fab. Sed apud Sueton. frequentius, nihil aliud, quam vectabatur. Idem: Nihil amplius quam monuit. Cui contrarium est, non tantum osculatus est.

## C A P. CXXX.

*Laudandi, ac Vituperandi.*

**N**on omnes probabunt istud consilium: culpabunt plurimi. Animum insimulabunt

bunt nonnulli. Neino mihi vitio verterit. Terent. Nunc quam rem vitio dent, quæso animadverte. Daic criminis, dixit M. Tull. in Brut. istud vituperio dabunt omnes. Tu tibi laudi ducis. Gloriæ tibi tribuis, honori putas fore: at omnes dedecori dabunt, probro dabunt, crimina buntur, damnabunt, reprehendent, improbabunt, sugillabunt, taxabunt, notabunt, atro calculo notabunt. Sallust. Quoniam adeo Syllam non pœnitet, ut & facta in gloriam numeret. Albus addere calculum. Subscribere sententiæ, Suffragari, refragari, laudibus ferre. Ad cœlum ferre. Horat. In cœlum ferre. Cicer. Laudibus vexit apud Plin. in epistolis. Scis vitio nigrum præfigere Theta. Avaritiæ singulos increpans. Sueton. Tibi malum imputabitur. Tibi feretur acceptum. Tu fueris in criminis. Tam est in vitio qui deserit amicum in periculo, quam qui prodit. Sic M. Tull. In te residet facti suspicio. In te redundabit. In te cedetur hæc faba, proverb. Male audies apud omnes, qui haec tenus audisti bene. Catull. Quisquis de meliore nota. Vir pessimæ notæ. M. Tull. Homo nullo numero. Nihil illo contemtius. Item: Vir primæ notæ. Vir extremæ notæ. Homo quintæ classis, homo ultimæ fortis. Homo bona frugis, sive bona frugi: aut absolute. Homo frugi.

## C A P. CXXXI.

## Summa.

**A**D summam, dixit Horatius. In summa. Ut summatim dicam. Denique, demum. Postremo. Breviter; Ut semel dicam, ut semel finiam. Dicam in genere. Rem omnem verbo complestar. Quid queris? pro, denique Ciceronianum

nianum est. Quid multa? Quid multis moror? Dicam universim? In universum habeo quod respondeam. Dicam verbo. Ad ultimum, pro, denique dixit Quint. Curt. & eodem sensu Sueton. dixit ultimo: ad extremum, Cicer.

## C A P. CXXXII.

*Perdenda opera.*

**L**vit operam. Luditur opera. Opera & impensa periit. Frustra ego hanc operam sumo. Nihil agis. Laterem lavas. Actum ago. Actam rem agis. In sylvam fers ligna. Reliquaque proverbia, quibus inanis opera significatur.

## C A P. CXXXIII.

*Fruitus.*

**M**agnum ex ea re fructum retulit. Coepit emolumenntum. Lucrum reportavit. Sensit commodum. Commoditatem demessuit. Collegit utilitatem. Frugem accepit. Lucrum fecit. Compendium paravit. Ea res illi frugifera fuit, fuit emolumento, fuit commodo, fuit usui. Ex ea legatione messem optimam mesquit.

## C A P. CXXXIV.

*Impudentia.*

**N**ihil pudet. Depuduit. Depuditum est. Deditudicit pudorem. Oblitus est pudoris. Deditudicit pudescere. Nescit pudescere. Exuit pudorem. Perficiuit faciem. Perficiuit frontem. Nihil habet oris. Nihil frontis. Quo ore? Qua fronte?

## C A P. CXXXV.

*Affectandi.*

**A**ffectata verba. Affe<sup>t</sup>atus ornatus. Ascitus ornatus. Ascitus decor. Fabius. Et gratiam rei nimia cooperatione consumpsimus. Cooperationem, pro, affectione dixit. Captat laudem. Venatur gloriam. Aucupatur famam. Accersit sibi malum.

## C A P. CXXXVI.

*Ignorandi, aut contra.*

**S**cio. Non ignoro. Non me fugit. Non me latet. Non me præterit. Non sum nescius. Non me clam est. Quis nescit? Nemini dubium. Intelligo, video, sentio. Compertum habeo. Exploratum habeo. Perspectum habeo. Cognitum habeo. Non est obscurum mihi. Non me fallit. Sallust. Nec ea res me falsum habuit. Indoctus disci. Rudis horum malorum. Imperitus fallendi. Ignarus joci. Sallust.

## C A P. CXXXVII.

*Tarpe est, & similia.*

**T**arpe est. Cum turpitudine coniunctum est. Laudabile est. Cum laude coniunctum est. Cum vitio coniunctum est. Vitio confine est. Non vacat vitio. Non caret vitio. Non abest à vitio. Periculoseum, cum periculo coniunctum. In vitio est. In probro est.

C A P.

## C A P. CXXXVIII.

*Quin, &c., ut non.*

**R** Vere non possunt, ut hæc non eodem labefacta motu concidant. Cicer. pro Pomp. Quin hæc eodem labefacta motu, concidant. Non potes studere opibus, ut animi tranquillitatem non perdas. Non potes quin perdas. Non potest, nisi perdas.

## C A P. CXXXIX.

*Id quod, quod, Ita ut, ut.*

**I**d quod, pro quod, & ita ut, pro ut, frequens est apud Cic. Ita ut facis. Ita quod facis. Quod quidem facis.

## C A P. CXL.

*Amplificandi.*

**C** Edendum erat hospiti, præsertim seni, maxime seni. Pulsavit hospitem, eumque senem, idque senem, atque hunc scenem, atque adeò scenem.

## C A P. CXLI.

*Reciproca constructio quorundam.*

**E**Rit humanitatis vestræ, magnum civium numerum calamitate prohibere. Cic. Prohibe infanos à navibus ignes. Virg. Defendit capellas ab æstu. Defendit æstum capellis. Spargere humum foliis. Spargere folia huini. Sternere pallio lectum. Instruere lecto pallium. Inscriptis poculum literis. Inscriptis poculo literas.

C A P.

## C A P. CXLII.

*Non contentus.*

**N**On contentus victoria. Non contentus, vicisse. Non sat habebat vicisse. Non sat erat vicisse. Parum erat vicisse, ni in viatos etiam sacerdote. Non sufficiebat vicisse. Poenitebat rapina, nisi parentem quoque spoliasset.

## C A P. CXLIII.

*Satisfaciendi.*

**I**nterdum non satisfecit Ciceroni Demosthenes. Non implet aures Ciceronis Demosthenes. Non respondet optatis meis. Non satisfacit hominum de se exspectationi. Tullius in Demosthene non nunquam desiderat aliquid. Non es, quem exspectarant. Non talis es, qualem vellem. Non nihil in te requiro adhuc. Non facit ad hujus cupiditatem.

## C A P. CXLIV.

*Impunitatis, aut contra.*

**O**mnes plura habere cupimus, & tamen id nobis impune est. Haud impune facies. Haud impune feceris. Non fuit illi fraudi magistratum prohibuisse vi. Sine fraude esto. Se fraudare dicebant prisci. Non sic auferes. Livi. Tulit, ne cui fraudi secessio esset, id est, ut omnibus esset impunitas. Mirabar hoc si sic abiret. Militem impunitate donavit. Nullum facinus impunitum esse oportet. Quo impunius dicax esset, dixit M. Tull. pro Quintio. Nullas poenas dedit ejus facti. Poenas pendit. Tum pendere poenas.

pœnas Cecropidæ justi. Irrogare multam, dixit Cic. exemplum in illos editum. Persolvit, luit, dependit. Nullum de eo sumitum supplicium. Et facto nulla irrogata pœna. De tanto flagitio non est animadversum. In omnes graviter animadversum. Exacta pœna. Opinor capite plectendum. Noxæ deditus est. Animadversa flagitia, pro punitus, dixit Sueton. Nec in deditos gravius consultū. Quint. Curt. In te cudentur hæc faba. Unus dependes pro omnibus. Tergo lues.

## C A P. CXLV.

*Suadendi, aut Consulendi.*

ID ne estis auctores mihi? Te auctore, suscepi negotium. Tuo impulsu feci. Te impulsore fecit. Tuo suasui. Tuo industu. Cic. Te suafore. Te consultore. Tuo consilio. Abs te persuasus id feci. Tuo instinctu. Amorem in consilium adhibuisse videris. Tuo persuasu. Cic. Te flagitatore suscepi negotium. Tuo verberatu, eodem sensu dixit. Quint. Curt.

## C A P. CXLVI.

*Prudens.*

PRUDENS fecit. SCIENS fecit. De industria fecit. Studiosè fecit. Data opera. Dedita opera fecit. Destinato fecit, dixit Seneca. Studio fecit. Consulto fecit. Consilio fecit. Contra. IMPRUDENS, ne sciens fecit: per errorem, errore factum est. Per imprudentiam. Peccavi inconsulte. Ex industria, pro, de industria, aliquoties dixit Quintil. COMPOSITO factum, ex composite, ex destinato: pro consulto, apud Suet. est in Calig.

C A P.

## C A P. CXLVII.

*Causa.*

**P**Lurimis de causis mihi tuæ literæ jucundæ fuerunt. Duas ob res hominem odi. Multis modis tua mihi jucunda fuit epistola. Duobus nominibus es mibi charissimus. Duplici nomine. Duplici de causa tuis scriptis delector. Bis mihi jucunda fuit epistola tua. Multifariam me tuæ literæ delectarunt.

## C A P. CXLVIII.

*Dierum notatio.*

**C**Alendis Ianuariis. Ad calendis Ianuarii, id est, circiter eum diem, sub idem tempus, pro circiter idem tempus aliquoties dixit Suet. Statis temporibus. Stata vice, pro certis vicibus, dixit Q. Curtius. Calendarum die. Nonis Ianuarii. Ad nonas. Die nonarum. Idibus Majis. Ad Idus Maji. Iduum Novembrium die. Pridie Calendas, aut Calendarum, Pridie nonas Majas. Pridie nonarum. Pridie idus. Pridie iduum Novembrium. Postridie Calendas Ianuarias : vel, quarto Nonas Ianuar. Postridie Nonas Ianuarii : vel, octavo idus Ianuarii. Postridie Idus Ianuarii. vel decimo nono Calendarum Februarii. Præterea, decimo Calend. Februarias : vel, ad decimum Calendaras Februarii. Ad eundem modum de reliquis mensibus, ac diebus dicendum.

C A P.

## C A P. C X L I X.

*De numeralibus.*

**I**N numeris illa varietas est generalis, de addita aut omissa coniunctione: Annos natus quatuor & viginti, annos viginti quatuor. Annos natus centum & viginti: centum viginti: viginti supra centum. Deinde quod duos numeros principali maximos, vel, compositè, vel, incompositè efferre licet. Duodeviginti, pro octodecim. Vndeviginti, pro novendecim. Duodetriginta, undetriginta, ac deinceps consimiliter usque ad centum. Supra centum, compositè per adjectivum, aut incompositè per adverbium efferimus. Ducentos, bis centum. Trecentos, ter centum: atque eodem modo usque ad mille. Mille multiplicamus, vel substantivè vel adjectivè, cum adverbio. Mille nummū: Mille nummos. Bis mille nummos. Duo millia nummorum. Pergendumque consimili ratione ad mille millia, aut millies mille. Nonnunquam eandem sententiam efferimus & per Cardinalia, quæ vocantur, & per ordinis numeralia. Annos natus viginti: Annum egressus vigesimum: Annum excessit vigesimum: Annum agit primum & vigesimum. Biennium est, quod patriam non reviserim: Tertius hic annus agitur, quod patriam non revisi, sive cum non revisi. Dic quotus esse velis, id est, quot convivas velis. Hic non ordo, sed simpliciter numerus significatur. Distributivis pro simplicibus in carmine licet uti. Ubi vero apponitur quippiam quod distributionem explicit, liberum est uti vel distributivis, vel cardinalibus. Quotannis duo talenta capit: Vel, Quotannis bina talenta capit.

In

In singula capita mille nummum distribuit, vel millenos nummos. In diem vivunt, qui vivunt absque solicitudine futuri. M. T. Qui in horam viverent, hoc est ex tempore. In dies, idem vallet quod in singulos dies. Livius: Senescit in dies, & mutatur in horas. Horatius: in diem dixit, pro quotidie. Ille potens sui latusque deget, cui licet in diem dixisse, Vixi. Hic annotandum, quod in coniunctione numeri majoris & minoris, pro uno, aut primo, licet ponere alterum. Cic. Literas accepi tuas, quas mihi Cornificius altero & vigesimo die reddidit, id est, vigesimo primo. Idem pro Milone: Centesima lux est hæc ab interitu P. Clodii, & opinor, altera, id est, centesimus primus dies. Item Livius: Anno trigesimo altero, quam condita Roma erat, id est, trigesimo primo. Quin & citra talem coniunctionem, alterum frequenter, pro secundo ponitur. Cicero: Vnum, alterum, tertium annum Saxa quiescebat. Similiter, unus & alter, pro unus, & iterum unus. Unus vel alter, pro unus, vel duo. Rursus in adverbiosis semel atque iterum, pro bis. Quoties adverbio, additur genitivus Sestertiū, subaudiuntur, centies milie, ut: Decies sestertiū, id est, decies centum millia sestertiorum.

## C A P. CL.

*Adverbia temporis.*

Tempus vixdum præteritum, per Modo Adverbium significamus. Paulo longius, per dudum, ac jamdudum. Hoc etiam longius, per Nuper, & pridem. Longissimum, per olim, & quondam. Futuri temporis hi sunt ordines: Mox aderit. Iam veniet, protinus, continuo, illico,

lico, extemplo, evestigio, tempus significant & hæc continenter insequens, sed ferè respondent ad præteritum, ut : Literis tuis lectis, extemplo domum me contuli. Accepto hoc nuncio, evestigio me domum conjeci. Olim, respondet ad utrumque tempus, Præteritum & Futurum. Olim floruerunt Græci. Forsan & hæc olim meminisse juvabit. Proximus, item ad utrumque tempus refertur. Proximo anno strenue se gessit. In proximum annum summas copias parat. Proximis his diebus. Proximo mense. Proximo partu. Proximo bello. Novissimus, pro eo quod est nuperissimus, præteritum duntaxat respicit. Superiore anno. Superiore mense. Superiore bello. Superioribus diebus, dicimus de re nuper, aut proximæ aëta. Item paucis his diebus. Quinque diebus, pro intra, sive post quinque dies, dixit Horat. Itidem Sallust. Paucis diebus in Africam proficiscitur : Et, ante pauculos dies. Paucis post diebus. Post paucos dies. Aliquanto ante. Aliquanto post. Paulo, multo, ante, & post. Dein, deinde, deinceps, exinde. Sub hæc, utriusque temporis rationem obtinet, id est, paulò ante, aut paulò post. Tit. Liv. Secundum orationem prætoris murmur ortum, Idem : secundum hæc silentium fuit, id est, post hæc. Certi temporis significationem hæc debent : Hodie, heri, nudiustertius, nudiusquartus. Quinto, sexto, septimo, octavo ab hinc die, hodie, cras, perendie, perendino die : quarto ab hinc die, quinto, sexto, &c. Porrò verbum additum, temporis discriminem facit. Septimo ab hinc die mecum coenabat : Septimo ab hinc die isthic me videbis M. Tull. Attico : Me ab hinc annis amplius 25 spoondisse dicit. Idem, Quo tempore ? Ab hinc annis quindecim. Durior fit hæc loquen-

loquendi forma per accusandi casum, præsertim cum non significatur spaciū temporis actionis continuæ. Quod genus est illud Terent. Abhinc triennium ex Andro commigravit huic viciniæ. Neque enim triennium consumpsit in migrando, sed triennium intercesserat inter relictam Andrum, & aditas Athenas. M. T. Quæstor C. Papirio consule, fuisti abhinc annos quatuordecim. Horat. Scriptor abhinc annos qui centum decidit. Mollius illud Cic. in Verrem: Horum pater abhinc duos & viginti annos mortuus est: Nam mortuum esse perpetuum est. Hæc & aliter efferimus. Septimus hic dies, quod mecum cœnavit. Anus est, quod nullas à te literas accepi. Multum temporis est, quod nos non visis. Diu est quod nos non visis. Seculum mihi exisse videtur, ex quo nullas abs te literas accipio. Jamdudum ætatem, pro jam admodum diu, per hyperbolem dixit. Terent. Quidam vice nō quod, ponunt quum. Plautus. Jam biennium est cum ille mecum esse cœpit. M. T. Multi anni sunt, cum illa in ære meo est. Idem: Vigesimus annus est, cum omnes scelerati me petunt. Reperiuntur apud Cicer. aliosque veteres & hæloquendi formæ. Cato: Postridie, aut post diem tertium quam lecta erat. i. altero tertiove die post lectam. Idem. Post annum tertium, quam severis, incendito. M. T. Postero die quam illa erant acta. Cicero filius. Aliquando venerunt post diem quadragesimum & sextum quam à nobis discesserant. Ascon. Pedianus. Post annum quam pro Cornelio dixerat. Scævola in Pandectis. Post annos complures, quam fecit testamentum. Eadem est ratio de adverbio, sive præpositione Ante. Ascon. Pedian. Ante sedecim annos, quam hæc dicta sunt.

Molli-

Mollius est hoc sermonis genus, eo quod Post, & Ante, vim obtinent comparativi, quemadmodum secus, contra, aliter. Sine his autem durior est oratio: quam tamen crebro reperias apud T. Livium: Lilybæum, tertio die quam profectus inde erat, rediit. Item. Die vigesimo quam creatus erat, dictaturâ se abdicavit. Id ætatis erat, ut turpe sibi duceret discere. Non pudet te istud ætatis lascivire. Hoc ætatis cum sim, non admodum timeo mortem. Plerisque noctem studet. Sallust. Crebris ignibus factis plenunque noctis barbari suo more latari, id est, magnum noctis partem.

## - C A P. CLI.

*Annumerandi*

**I**N deos relatus. In numerum deorum relatus est. Horat. inter quos referendus erit. Asscribe me in numerum tuorum. Asscribe me tuis amicis. Asscribito me inter amicos tuos. Veteribus annumerandus. Inter primos annumerandus. Inter primos censendus, ponendus, collaudandus. Recipe me in tuum gregem. Multos obscuros legit in senatum. Cur hunc hominem adscivistis in vestrum contubernium? Cooptatus in collegium augurum. Asscitus. Additus ordini senatorio. Accersitus, seu asscitus in militum numerum. Suet. Ut civitate donatum, in decurrias adlegeret: Adde hunc amicorum tuorum catalogo.

## C A P. CLII.

*Initii, ac Finis.*

**T**N ipfis vitæ primordiis. In ipfis vitæ rudimentis. In primis literarum elementis. In capite tuarum literarum. In prima statim fronte. In ipso vitæ limine. In ipso quasi vestibulo vitæ. Ab ipsa statim linea. Ab ipso carcere. In exortu. In exordio vita. Ab ineunte ætate. Lubricum tempus ineuntis adolescentiæ. Ineunte vere, mox cum hirundinibus advolabo. Exacta ætate nupturit, proiecta ætate, vergente ætate, affecta ætate, effœta, decrepita ætate, ingravescente ætate, inclinata & præcipitata, sive præcipiti ætate. Piget hoc ætatis depugnare. Tac. Ad serum usque dlem. Liv. Præcipiti jam die. Tac. Flexo in vesperam die. Liviis: Primis nebris movit. Idem prima vespera, primo diluculo, primo crepusculo. Item Tacitus: Æstate jam adulta. Liv. Adulto Autumno. Idem: Adulta nocte. Idem: In exiū jam annus erat. Cicer. Quinto anno exeunte. Decurso vitæ spacio. Cygneam vocem, pro supra dixit M. Tull. de Orat. lib. 3. In principio. In initio operis. In calce tuarum literarum. In extremis tuis literis. In postrema parte tuarum literarum. Nunc ad metam festinat oratio. In extremo vitæ actu. In portu impingere. In porta canterio. Ne in Apis quidem. In ipso operis ingressu. In ipso statim operis frontispicio. In ipfis vitæ foribus. Vitæ janua. Fauces inferorum. In philosophiam nondum intulit pedem, nondum fecit vestigium. ita M. Tull. ordiri telam, pertexere. Fundamenta jacere. Auspicari. Initit consulatum. Ineunte vere, Liv. Hoc ultimum utrinque initum finitumque

que est præsum. M. Tull. Vellem à principio te audisse. Idem: Tuas epistolas à primo lego. Idem. Utinam à primo tibi esset visum. Hoc ab initio fuit. Utinam initio affuisse. Naso:

*Principis quod amare velis, reperire labora.*

Horat. Ad extremum ridendus. M. Tull. Consuli non animus ab initio, non fides ad extremum defuit. Habet operis primam manum. Oratorem tibi delineavi. Adumbratum accipies oratorem, non expressum: Inchoatum, non absolutum. Cic. informatum dixit, quod inchoatum est, & cuius rude quoddam simulacrum cœptum est: ductum à statuariis & pictoribus. Existens acta probat. Ordinatur hinc ferratam fabulam, quæ sit futura catastrophe nescio. Coronidem addere. Colophoneni imponere. Supremam manum addere.

### C. A. P. C L I I I.

#### *Major opinione.*

Majora fide. Majora, quam ut vera credi queant, Minor opinione doctrina. Minor doctrina, quam pro hominum opinione. Citius spe aderat. Celerius expectatione redibat. Citius ac sperabatur. Ante exspectatum redibat. Par famæ doctrina. Non minor doctrina, quam fama celebratur. Supra fidem omnia, id est, majora, inferiora veris prædicabant. Infra verum erant, quæ nunciabant. Minor consulari dignitate cognitio. Minus est, quam ut à consule cognoscatur. Major consulis dignitas, quam ut hanc causam cognoscat. Tua virtus major eit omni præconie. Vicit omnem laudem tua virtus.

## C A P. CLIV.

*Contingendi.*

**H**occine tantum malum mihi derepente obiectum esse? Ingens huic venit, sive, obvenit hereditas. Obtigit uxor, qualem volebam.

*Non cuivis homini contingit adire Corinthum.*

Nactus es uxorem te dignam. Felicissimum ingenium sortitus es. Similes habent labra lactucas. Habet quod amet. Is nunc reperit. Merito nobis accidit, ut mali videamur, dum nimium studemus, nos videri bonos. Non omnibus datum, ut impune, quæ lubeat, dicant. Non quibuslibet licet quæ lubeat facere. Mihi usu venit, sive usus venit, ut cum intractabili monstro conflictarer.

## C A P. CLV.

*Refugiendi.*

**R**efugit consuetudinem fœminarum: Alienus est à studiis. Abhorret à literis. Abhorret ostentum, pro exhorret, dixit Sueton. Execratur, detestatur, abominatur literas. Ad studiorum mentionem nauseat. Horret mortem. Exhorret mare. Aversatur omnes. Aversatur miseros: Ad poëtices mentionem nauseat, vomit. Deprecatur publica munia. Gravatur splendidos mensæ apparatus, id est, moleste fert. Sic Suet. Et Horat. Equitem gravatus Bellerophantem.

C A P.

## C A P. CLVI.

*Officiorum vocabula.*

**E**Rat illi à pedibus. Aberat, qui mihi est à manibus. Nam tum aberat amanuensis. Qui regi sunt à corpore, à secretis, à sacris scriniis. Rationales, qui sunt à rationibus, à libellis, ab actis, sive actuarii. Latrones, anteambulones, à caythis, à poculis, pocillator. Nomenclator, à consiliis, & consiliarius, apud Suetonium.

## C A P. CLVII.

*Studii.*

**T**Otus est in literis. Vacat congerendis opibus. Dat operam rei nummariæ. Attendit huic negotio. Attendit juri, pro, studuit. Suet. Intentus est, vel intendit lucris. Inhiat gloriæ. Appulit animum ad scribendum. Adjecit animum ad virginem. Accommoda te rebus præsentibus. Applica animum tuum ad uxoris ingenium. De-didit se Mammonæ. Dedicavi me Christo. Dicat te totum optimis literis. Dedit se ad leges. Cic. Servos ad remum dedit. Sueton. Idem: ad terram dedit, pro dejectit. Inservit honori. Incubite honestis disciplinis: Incubite in honestas disciplinas. Devotus harenæ, pro additus, dixit Suet. Idem. Devotus vobis, pro additus ac deditus. Adjunxit animum ad ea, quæ ratio temporum postulabat. Ut animum ad ali-quod studium adjungant.

## C A P. CLVIII.

*Viciandi.*

**C**orrumpunt bonos mores colloquia mala. Insicunt, vitiant primam attatem stultæ nutrices. Aurum plumbō adulterant. Gemmæ adulterinæ. Depravant bonam causiam mali Rhetores. Deterunt laudem ducis indocti poëtæ. Malus vicinus scabiem suam affricat vicino. Vas insincerum afficit infusum liquorem. Obtrusit mihi subaratos nummos pro aureis. Vereor ne quid veneni tuis afflet, ne quid pestis instillet in teneatum animum, ne quod sincerum est, trahat in vitium, ne tibi morbum inhalet suum. Ne suum virus insibilet: Ne quid inspiret mali. Puerilem animum impiis opinionibus imbuit. Malitiam una cum laete nutricis imbibit, suxit, hausit. Frequentes offensæ reddunt suppuratam amicijam. Gloriam tuam dedecore contaminasti, inquinasti, conspurcasti, fœdasti, obscurasti, deturpasti, obsuscasti, denigrasti. Inussit tibi notam ignominiae. Venenare, poëticum est, potionare apud Suetonium.

## C A P. CLIX.

*Solitudinis.*

**S**Ecum vivit. Secum loquitur. Solus est: Solitarius est. Incomitatus incedit. Solus ambulat. In locis solis ambulare tutum non est. Agit in solitudine. Ne musca quidem adest. Secretum agere, pro solum esse, dixit Suet. Foris se venditant, cum apud se sunt, nihil illis fordidius. Vix asse emeris; si totum hominem per se affimes.

C A P.

## C A P. CLX.

*Sensus.*

**O**ratio tua sapit tyrannidem. Respicit fultitiam. Olet hircum: Redolet vinum. Vox tua sonat asinum. Rusticus obolet allium. Vineta crepat mera. Scripta tua spirant Italum. Tinnit aurum. Fragras unguentum. Ad hanc formam pertinent, Torvum tueri. Titanicum obtueri, quæ figura mollior est apud Gracos, μανιός βλέπεσθ. id est, *insanum tueri.*

## C A P. CLXI.

*Præstandi re.*

**F**ac promissa appareant. Exhibe quod toties polliceris. Talem & se, & exercitum approbavit, ut nulli præmia majora perciperent, apud Sueton, utrumque. Si fortuna obstat, quo minus præstem quod recepit, certè hunc animum tibi probabo. Promittis amplissima, das nihil. Si munificus videri vis, repræsentab beneficium. Ita Seneca, & Suet.

## C A P. CLXII.

*Pœnitendi.*

**N**ondum hujus animi me pœnitet. Me quantum hic operis fiat, pœnitet: pro, non satis facit. Capit me pristinæ benignitatis pœnitudo: pœnitentia ductus: pœnitentia tactus: Agere pœnitentiam, pro pœnitere, est apud Plinium lumen. Rursus: ejus pœnitentia pœnitentiam ago, id est, pœnitet, quod pœnituerit. Refertur autem & ad rem, & ad personam. Nec te pœnireat istius patris. Initi matrimonii me pœnitet.

## C A P. CLXIII.

*Dissidii.*

**M**ale farta gratia nec quicquam coit, & rescinditur. Interrupta familiaritas. Mala lingua dirimit multorum amicitias, orta est inter illos simultas. Refrixit benevolentia: Amor versus in odium. Discordant. Intercessit offensat, nefcio quid. Offensam, pro discordia aliquoties usurpat Sallust. Dissuenda est amicitia, non abrumpenda. Dissiliit gratia fratrum. Parum inter eos convenit. Miror non bene convenire vobis. Utrique cum altero convenit. Concordant. Concordes sumus. Oratio tua cum factis non consentit. Summo omnium consensu. Magna inter molles concordia. Nulla inter nos discordia. Dissident inter se. Obortum est inter illos subitum dissidium. Digressa est à marito. Sueton. Divertit ab illo. Divortium fecit cum illo. Repudiavit uxorem. Dimisit matrimonio, id est, repudiavit: Dimisit matrimonium, pro rescidit. Renunciavit illi amicitiam, pro eo quod est, denunciavit illi inimicitiam. Dissidet cum uxore, id est, dissidium habuit. Missam fecit uxorem, pro repudiavit, dixit Sueton. Serere dissidia. Est illi offensior, pro subiratus. Suetonius. Est mihi cum illis απορδόν πόλεμος, id est, inconfederabile bellum.

## C A P. CLXIV.

*Reconciliandi*

**S**arcire, resarcire gratiam: Reducere, repone, restituere in gratiam. Redigam vos in gratiam. Reconcinnare pristinam amicitiam. Recollige

collige mihi illius animum. Fac ut mecum redeat in gratiam. Instaura pristinam inter nos benevolentiam. Cic. In gratiam jam cum voluptate redeamus. Idem: Pompejus à me valde contendit de reditu in gratiam, sed adhuc nihil profecit. Sallust. Sicuti regi libuerat, pax convenit.

## C A P. CLXV.

*Sapit, aut Contra.*

**P**OI homo num tu es sobrius? Insanit, delirat, desipit. Vesanire dixit Catul. Non est integræ mentis. Non est compos mentis: non constat animo. Laborat errore mentis. Motæ, vel commotæ mentis est. Mente lapsi, dixit Sueton. Defectus animo, mente excidit: Valet animo. Laborat ab animo. Sophocles reus actus est dementia. Destituit illum vis animi.

## C A P. CLXVI.

*Excipiendi, vel Excludendi.*

**N**Vllus istuc auderet, nisi tu solus. Nemo præter unum te. Nemo præterquam tu solus. Nullus aderat extra unam aniculam. Fortunatus sum ceteris in rebus absque una hac. M. Tull. Extra ducem paucosque præterea. Extra prædam, id est, præter prædam. Hæc forma est aliquoties apud Cic. ex imitatione Græcorum. Extra jocum, extra causam, non omnino consimiles sunt formæ. Omnium facundissimus, excepto Cicerone. Omnibus, nisi uno Cicerone, facundior. Omnium doctissimus, si ubum aut alterum excipias. Nemini cedit, uno te excepto. Interdum absque nomine, Horatius: Excepto

cepto quod non simul esses, cetera latius. Iure-  
consulti interdum recipere usurpant, pro exci-  
pere. Recipit sarta testa. Vni tibi permitto,  
præterea nemini. Tibi quidvis apud me licet.  
Alioqui non ferrem, alias non ferrem, aliter non  
ferrem, quod postremum est apud M. Tull. in  
Offic. Super, pro, præter, frequenter est apud  
Sueton. quamquam hoc non tam excludentis  
est, quam semoventis à ceteris. Super veteres  
amicos ac familiares, id est, ultra. Politianus:  
Secundum te primas tenet, id est, te excepto.

## C A P. CLXVII.

*Vi vis, aut contra.*

**U**xorum natus sum ex animi mei sententia-  
Uxor mihi contigit qualem volebam. Hic  
venatus male respondit votis nostris. Non suc-  
cessit pro votis navigatio. Nihil accidit non præ-  
ter animi sententiam. Omnia secus, quam vole-  
bam. Omnia contra, quam volebam. Fortuna  
non respondet optatis meis. Fac ut lubet. Fac  
pro tuo arbitrio. Vive tuo arbitratu. Nihil fa-  
ciam nisi de consilii sententia. Faciam ut voles.  
Faciam pro tua voluntate omnia.

## C A P. CLXVIII.

*Competita.*

**H**omo spectatæ probitatis. Vir probatissi-  
mæ fidei. Animum in me tuum habeo  
multis jam argumentis exploratissimum. Com-  
petum, perspectum, exploratum habeo, quanti  
me facias. Delektus est, ut industria vir ex-  
pertæ, pro spectatae, dixit Sueton. Periclitatores,  
pro spectatos dixit M. Tull. Com-  
peta

perita mihi est hominis perfidia. Deprehensa est astutia. Re compertum est: Pro certo, pro comperto dicens: Certum non habeo. Cum certum sciero, scribam ad te.

## C A P. CLXIX.

*Copias.*

**A**bundat opibus, Exuberat, redundat, exundant, superfluit, & superfluens apud Sene-  
cam est. Est apud illos ingens aquarum & gra-  
minis copia. Copias, pro divitiis, dixit M. Tull.  
& Sueton. Multum, plurimum, satis vini. Abun-  
de potentiae, gloriaeque, dixit Sueton. Nimium  
licentiae. Nimis insidiarum, pro plus satis, dixit  
Cic. Affatim vini, pro multum vini. Livi. Ne-  
cui major quam quinquaginta jugerum agri mo-  
dus esset, Horat.

*Hoc erat in votis, modus agri non ita magnus.*

M. Tull. Frumenti summa caritate maximum numerum miseram. Idem in Philip. Maximus vini numerus fuit, per maximum optimi pondus argenti. Hircius: Magno invento numero hordei, olei, vini, fici; paucō tritici. Immensa pecuniarum vis reperta est. Sallust. Quibus mala abunde omnia erant. Rursus. Abundē li-  
bertatem rati, quia tergis abstinetur. Idem: Inopem & coopertum miseriis effecit. Idem: Hac talia facinora impune suscepisse parum ha-  
buere, id est, non satis erat. Item: Satis habeba-  
tis animam retinere.

## C A P. CLXX.

*Indicta causa.*

**I**NDICTA CAUSA CONJECIT SERVOS IN VINCULA, Cic.  
**Q**UOSDAM INAUDITOS CONDEMNAVIT, Sueton. In-  
 AUDITUM CAPITE PUNIEBAT, CITRA CAUSÆ COGNITIO-  
 NEM DAMNATUS EST, QUOD JURECONSULTI VOCANT  
*ἀρνεσίκην*, ID EST, *quum altera parte absente &*  
*nullo repugnante fertur sententia.*

## C A P. CLXXI.

*Prosperitatis, aut contra.*

**P**ROSPERA VALETUDINE. INCOLUMI VALETUDINE.  
**I**NCOLUMI FAMA. SECUNDIORE FAMA FUIT, ID EST,  
 MINUS LABORAVIT INFAMIA. SECUNDO VENTO, SECUN-  
 DO ASTU, SECUNDO AMNE SIVE FLUMINE. SECUNDO  
 RUMORE, DIXIT Tacit. Idem, adverso rumore, di-  
 xit, pro sinistro. Idem dixit, secundis numini-  
 bus, pro, faventibus diis. Idem, secunda tem-  
 pestate, ac fama. Idem, secundante vento. Hic  
 & Livius, secunda prælia dixerunt, pro feliciter  
 gestis. Et Iunone secunda, Virg. Dextro Her-  
 cule. SECUNDAM EXISTIMATIONEM COLLIGIT, Suet.  
 PRO EO, QUOD EST, BONAM OPINIONEM. SI QUEM  
 NUMINA LÆVA SINUNT. HIC TIBI, SI ALIAS UNQUAM,  
 MENS LÆVA FUIT. REFLANTE FORTUNA NIHIL AGES.  
**C**IC. REBUS AFFLICTIS. REBUS TRISTIBUS ERIGENDUS  
 EST ANIMUS. M. T. CECIDIT BELLE. ITA CECIDIT UT  
 VOLEBAM. HOC CECIDIT OPPORTUNE. VALDE OPTAN-  
 TI UTRIQUE NOSTRUM CECIDIT. HOC ADHUC PERCOM-  
 MODÈ CADIT. MALE CECIDIT: HAC NON SUCCESSIT,  
 TERENT.

C A P.

## C A P. CLXXII.

*Antiquitatis.*

**A**B orbe condito non extitit homo sceleratior. Duo post homines natos deterrima capita, Dolabella & Antonius. Consules post hominum memoriam tetricam, atque turpissimam. Post homines natos. Nostra aetate factum dicimus, quod nobis vivis accidit. Nostra memoria, quod a majoribus visum, ab illis audire possumus. Patrum memoria utroque est antiquius, videlicet quod sub atavis, ac tritavis gestum est. Ex omni memoria M. Tull. dixit, pro Pub. Sexto. Idem, pro Luc. Cornelio Balbo dixit, Superiore memoria, pro superioribus seculis. Post orbem conditum. Post urbem conditam, dixit M. Tull.

## C A P. CLXXIII.

*Totum.*

**A** Capite usque ad calcem: A summo capillo usque ad imum pedis. Debes in solidum, Reddes ad assem, dixit Plin. Iunior. Quod iis ad denarium solveretur, dixit Cic. pro Pub. Quintio. Bona fide reddidit depositum, vel, cum plusculo. Cum tota æragine, dixit Iuvenal. Quantus, quantus est, nihil nisi somnium est. Hyemem inter se quam longa est, id est, totam hyemem, dixit Virgilius.

## C A P. CLXXIV.

*Perspicuitatis.*

**D**ilucide expedivit, quibus oportuit. Vel cœco perspicuum est. Explanatus dicam: Diccam

cam crassiole Minerva. Enodatius explicare, M. Tull. de fin. Ibidem, Enucleate, pro explanate dicta. Dic expresse, velis an non velis. Candidus sermo pro dilucido. Graci ἀθλὸν λόγον appellant apertum, & perspicuum, & ἀθλήτερον λέγεται pro apertius dicere. Sole meridiano clarus. Significavit verius, quam expressit. Lex hoc expressè vetuit. Declara intentem tuam. Planum facere, pro declarare, frequenter est apud Ciceronem. Oculis subjicere. Ob oculos ponere. Solidum est, pro perspicuum est. dixit M. Tull. in Verrem, actione prima. At enim illud solidum est, ut me Siculi maximè velint, alterum illud credo. Obscurum est, & luce clarus. Tuba clarus, apud Gracos.

## C A P C L X X V.

*Nobilitatis & contra.*

**V**ir apprime nobilis. Minime obscuris natalibus. Homo minime novus. Homo cum primis illustris. Vir clarissimus. Vir antiquæ nobilitatis. Vir honesto apud suos loco natus. Summo loco nata. Domi splendidus. Majorum imaginibus clarus. Ex illustri stirpe progenitus. Avitis stemmatibus clarus. Homo domi nobilis, pro eo qui è claris prognatus est, frequenter est apud Ciceronem, & apud Sallust. Homo domi suæ cum primis locuples atque honestus. Hominem veteris prosapiaæ ac multarum imaginum, dixit Sallust. Cic. Philargus in amplissima civitate amplissimo loco natus. Liv. Adolescentes nec tenui loco orti. Plin. Fœmina splendide nata. Obscurus. Liv. Homo loco obscuro, tenuique ortus fortuna. Humili loco, insimo loco natus. Homo novus, Sallust. M. Tull. repertitum appellat,

pellat, quod obscuris esset majoribus. Vir equestri loco. Vir senatorii generis. Vicanum, pro ignobili dixit Cic. Horat, ignotos homines dixit, pro ignobilibus.

## C A P. CLXXVI.

*Violentia.*

**V**ix à manibus temperatum est. Res ad vim, & arma spectabant. A verbis ventum est ad verbera. Rixa in pugnam versa est. Vi geritur res. Ferro, non rationibus decertabatur. In manibus jus erat. Ad saga properatum est, frequens est apud Cic. Sagum enim vestis est militaris, quemadmodum toga pacis. Collo obtorto reduxit hominem.

## C A P. CLXXVII.

*Rumoris.*

**V**ulgo fertur. Diu fuit populi fabula. Rumore vulgatum est. Constat rumor est. Fama passim ja&statum est. In ore est omni populo. Erat in sermone res, dixit Cicer. pro eo quod est, Rumor erat. Vox erat una totius provinciae. In ore & sermone omnium. M. Tullius. Male audire dicuntur, de quibus malus est rumor. Contrà, bene, de quibus bonus.

## C A P. CLXXVIII.

*Exempli.*

**M**ajorum suorum vestigiis ingreditur. Vetus institutum revocavit. A prisca Reip. constitutine non recessit. **C**asar. Agere ad præscriptum. Vetus exemplum est, sive veteris exempli res

res est, fallere amicum. More hominum fecit : sibi, quam amico maluit consulere, Novo more, pro nullo majorum exemplo, frequens est apud Cicer. Exemplum subjicimus his fermè modis per Ut, & Velut: Simile gaudet simili, ut sus sue: velut puer puer. Quod genus, pro eo quod Græci dicunt οἶον ; verbi causa, Verbi gratia, Exempli causa, apud M. Tull.

## C A P. CLXXXI.

*Internecionis.*

Funditus periit. Radicus extintus est. Cupido-  
tas radicus extirpanda est. A stirpe subver-  
sa est Resp. A stirpe interiit, dixit Sallust. Pri-  
stinae disciplinae ne vestigium quidem ullum su-  
pereft. Græci πανολεθρίαν vocant. Extirpari &  
funditus tolli, dixit M. T. de Fato.

## C A P. CLXXXI.

*Atrocityatis.*

ATrox injuria. Indignum facinus. Infandum,  
apud poetas. Nefarium scelus. Gravis con-  
tumelia. Non ferenda superbia. Intolerandam  
ferociam, dixit M. Tull. contra Rull. Factum non  
una cruce dignum. Facinus culeo dignum. Noxa  
capitalis : Crimen inexpiable. Piaculare fa-  
cinus.

## C A P. CLXXXII.

*Rigoris.*

AD vivum exigere. Summo jure mecum  
agitur. Rigidè, severe, præcise, quod Græ-  
ci dicunt δυντόμως, mecum agitis. Inique, duris-  
condi-

conditionibus, aut legibus mecum agitur etiam si  
mecum agas ob signatis tabulis. Pergitis ne vos  
tanquam ex syngrapha agere cum populo? dixit  
M. Tull. pro L. Mauræna. Ibidem dixit, austere  
& Stoïce agere. Itidem, dici potest Scythice age-  
re, qui agit incivilius.

## C A P. CLXXXII.

*Asscribendi, & imputandi.*

**A**SSIGNAMUS, asscribimus, attribuimus, fre-  
quenter in malam partem, nonnunquam in  
bonam. M. Tull. ad Attic. Si perturbatior est, ti-  
bi assignato. Idem in Bruto. Hæc si minus apta  
videntur huic sermoni, Brute, Attico assigna.  
Flens petiit, ne unius amentiam civitati assigna-  
ret. M. Tull. in Bruto. Peto à te, ut id non modò  
negligentia mea, sed ne occupationi quidem tri-  
buas. Idem. Omnes id Verri tunc attribuebant.  
Item, Ut aliis caussam calamitatis attribueret. Si  
quid mali acciderit, tuæ socordiæ imputato.  
**Q**uod vivo, tuæ clementiæ acceptum fero; sive  
acceptum refero: hoc est, debere me fateor.  
Scavola in Pandectis: Creditores suæ negligen-  
tiæ expensum ferre debent. Hactenus in malam  
partem. Si quid feliciter evenit, non fortunæ,  
sed Deo asscribendum est, assignandum est, tri-  
buendum est, attribuendum est, acceptum ferre  
oportet, imputandum est. Hæc in bonam par-  
tem. His finitima sunt, vendico, assero, arrogo:  
Totius negotii laudem sibi vendicat, sibi asserit,  
sibi usurpat. Illa priora sunt sumpta à codicillis  
rationum, in quibus notatur quid quis debeat,  
aut cui quid persolvendum sit. Hæc posteriora ab  
actione juris, qua quis sibi jus personæ aut rei  
defendit legibus. Item illa: Totum me tibi de-  
bco,

beo. Quod spiro , & valeo , tui muneris est. Si quid habeo , id totum tuæ munificentia est. Si quid in me boni est , abs te venit , abs te profectum est, abs te fluxit.

## C A P . CLXXXIII.

*Additionis.*

**G**VLÆ deditus , voluptati additus , hoc ab auctiōne conflatum est. Ventris nūancipium : servit lucro. Horat. Inservit honori. In hoc totus incumbit. Assidet literis. Affixus est poëticæ, M.T. Et ad genus id quod quisque veltrum in dicendo probaret , adhuc rescerent. hoc est , affigerent sese. Devotus, in bonam partem, dixit : Juvenalis.

*Quod ni tibi deditus esset ,  
Devotusque cliens, uxor tua virgo minoreret.*

Terent. Animum ad scribendum appulit. Idem: Ut animum ad aliquod studium adjungant. Idem: Adjecit animum ad virginem. Dedit se ad leges, dixit M.T. Me totum, meaque omnia tibi dico, dedico, consecroque.

## C A P . CLXXXIV.

*Facultatis.*

**T**Erent. Tibi in manu est ne fiat: Sallust. Verum id frustra, an ob rem faciam , in manu vestra est, Quirites. Id in te situm est : Ist-huc non meæ facultatis. Virg. Non opis est nostræ. Nos pro nostris opibus extruimus mœnia. Non est in potestate mea. In potestate, & in potestatem habere, dixit Sallust. Si in mea potestate esset. Filius nondum emancipatus in patris est potestate. Penes te jus est vita , ac necis.

Non

Non est mearum virium. Meis auspiciis, meis copiis, meo Marte confectum est hoc negotium. Sallust. novè dixit: Quibus in otio, vel molliter, vel magnifice vivere copia erat. Idem dixit, in manibus. Cicer. pro mea parte adjuvi, pro mea parte virili, pro viribus, pro mea virili. Sallust. pro parte virili, absque pronomine: In hunc numerum conferri possunt & illa: Impetravit comitatum: Facta est illi dicendi potestas. Sallust. Post ubi fide publica dicere jussus: Idem, Si fides publica data esset. Idem, Eumque interposita publica fide, Romam perduceret. Magnatibus quicquid libet, licet. Utinam per fortunas liceret, pro tuis in me beneficiis gratiam repro-nere. Utinam tam adesset facultas, quam adest prompta voluntas tibi gratificandi.

## C A P. CLXXXV.

*Jurandi.*

Per caput hoc juro. Sancte dejerat. At sunt qui nihil vereantur conceptis verbis pejare. In verba jurabas mea. Horat. Non ego per fidem dixi sacramentum; id est, non juravi mala fide. Sacra menta militaria. Non verear vel Jovem lapidem jurare. Sic me Deus bene amet. Sic mihi propitius sit Christus, ut ego te salvum cupio. M. Tull. Sollicitat, ita vivam, me tua, mi Tiro, valetudo. Idem: ne sim salvus, si aliter scribo, ac sentio. Idem: ne vivam, si scio. Idem: Moriar, si quisquam me tenet, præter te. Idem: Male mihi sit, si unquam quicquam tam enitar. Horatius: Dispeream, ni optimum erat. Abjuratus rapinas, dixit Virgil. Sallust. Fidem prodiderat, creditum abjuraverat. Terent. Iusju-

Iusjurandum dabitur. Apud Iureconsultos defers jus jurandum, qui parti adversæ cedit jurandi facultatem: Refert, qui oblatum transfert in offerentem. Huic citius credam injurato, quam tibi jurato.

## C A P. CLXXXVI.

*Dictandi.*

PRÆTOR dictat iusjurandum. facile ero facundus, si tu dicenda dictaveris. Plaut. præi verbis quod vis, hoc est, præconcipe verba, quibus me velis uti. Levi. Agedum pontifex, præi verba, quibus me pro legionibus devoveam. Idem. Id votum in hæc verba præeunte P. Licinio pontifice maximo, consul nuncupavit. Idem, pro præire, dixit, præfari. Sunt qui M. Fabio pontifice maximo præfante carmen, devovisse se eos pro patria, Quiritibusque Romanis tradant. M. Tull. ut vobis voce præirent, id est vobis præscriberent, quid esletis pronunciaturi. Præscribere modum, præscribere finem. Cæsar. Non ad alienum præscriptum, sed ad suum arbitrium imperare.

## C A P. CLXXXVII.

*Tempestive, &c.*

Oportune advenis. Fac adsis in tempore. Fac adsis temporis. Vigilet oportet, qui tempori vult sua confidere negotia. In ipso articulo supervenit. M. Tull. Satis erat diei, ut Puteolos excurrere possem, & ad tempus redire. Idem: Aderis autem ad tempus. Matura reditum. Fac currentur ista mature. Plaut. Per tempus hic venit miles: Idem: Non potuisti per tempus.

tempus magis advenire. Fac adeas hominem in tempore. Tempestivis conviviis delectantur & philosophi. Horatius: Tempestiva viro. Tempestivius ista dixeris à cœna. Nihil suave, quod est intempestivum. Intempesta nox dicitur, media, quod non sit opportuna, ad aliquid agendum. Commodo supervenit Chremes. In commodo me revocavit senex. Suo quidque tempore agendum est. Horat. Pleraque differat, & in præsens tempus omittat, id est, in suum, & congruum tempus. Siquidem hæc dictio *Præsens*, ad omne tempus pertinet. Laudatus est ab Augusto Cato, quod præsentem Reipubl. statum noluerit immutari, hoc est, cum statum, qui erat vivo Catone.

## C A P. CLXXXVIII.

*Ante tempus.*

Vrg. Sed cadet ante diem. Præmatura morte extinctus est. Ante tempus sapit. Persi. Et rerum prudentia velox. Ante pilos venit. Præproperè duxit uxorem. Nondum matura nuptiis, elocata est, Livi. Abi hinc cum tuo præpropero amore. Illud præcox ingeniorum genus non temerè pervenit ad frugem. Præcoccia mala pluris emuntur. Accelerata consilia, raro sunt felicia. Festinata consilia, raro prospere cadunt. Præcipitata consilia vix unquam felicem exitum fortiuntur. Ovid. Et adhuc tua messis in herba est.

C A P.

## C A P. CLXXXIX.

*Post tempus.*

**S**ero sapiunt Phryges. Sera est nunc consultatio. Sero est, mortuo adhibere medicinam. Nulla artas ad descenduni sera est. Sera est in fundo parsimonia. Adveni. & post tempus. Seram rosam, pro serotina, dixit Horat. Serotini fructus sunt, qui post tempus solitum proveniunt. Post festum, ut ajunt, advenitis.

## C A P. CXC.

*Celeritas.*

**M**ox te revisam. Brevi te revisam. Propediem te revisam. Primo quoque tempore conveniam hominem. Puncto temporis fortuna versa est. Momento temporis corruunt omnia Virg.

*Extemplo Aenea solvuntur frigore membra.*

Sallust. De improviso. Virgil. Ante exspectatum. Dicto citius tumida aquora placat. simul cum dicto manus afferit homini. Actutum se domuni contulerunt. Haec locutus, è vestigio se domum recerit. Protinus illico, continuo, statim. In ipso statim vitæ limine extensus est. Confestim se in pedes conjecit. Simul atque haec dixerat, repente abiit. Simul ut accepit nummos, aufugit. Martial. Vix dum dictum erat, illa dedit, quam maturissime, sive maturrime; pro quamprimum, quam ocyssime dixit Sallust. Tacitus: Incisis venis mortem approperat, id est, accelerat. Nec mora, manuam injicit homini. Omnium

nūm exspectationem celeritate viciſti: Huc fac quamprimum recurras. Volāſſe dices. Vbi me his negotiis extricāro, nihil cunctatus ad vos advolabo.

Ad hanc formam redigi possunt Anticipandi verba, quorum aliquot alibi recensuimus. Prævenire, antevertere, prævertere, sive præverti. Terent. Hæc dies illi antecessit. Occupare. Horat. Cum affectaretur nunquid vis, occupo. Idem: Fortiter occupa portum. Antevenire, Salust. Sed ea omnia luxu antecapere, id est, præveniebat famem, & sitim. Idem: Ac priusquam legiones scriberentur, multa antecapere quæ in bello usui forent. Idem: Consul optimum factu ratus, noctem quæ instabat, antecapere. Maturandi verbum, frequenter habet celeritatis significationem, Virg. Maturare fugam. Sallust. Nisi maturâſſet pro cura ſignum ſociis dare. Terent. At maturè. Maturitas, & maturus non itidem usurpantur.

### C A P. C X C I.

*Spacium loci exiguum.*

PLaut. Si ex iſto loco digitum transversum, aut unguem latum exceſſeris. Pedem ubi ponat, non habet. Palmum non habet. Pollicem latum agri non habet. Cave dignum latum ab hoc disceſſeris loco. Pedem latum nunquam à tuis præscriptis digrediar. Culmum latum nunquam recedit ab Epicuro. Pilum latum non recedit à pristinis moribus.

C A P.

## C A P. C X C I I.

*Spatium magnum Loci, aut Temporis.*

**P**laut. Longe usque à campis ultimis. Cicer.  
**V**sque à mari supero, Romam proficiisci. Te-  
rent. Ex Aethiopia est usque hæc. Vsque à pe-  
dibus ad summum capillum. Plaut. Vsque ex  
unguiculis. Quod augures omnes usque à Ro-  
mulo decreverunt. Sallust. Omnia, quâ visus  
erat, constrata telis, armis, cadaveribus. Quæ visus  
erat, dixit, pro eo quod erat, quam procul undi-  
que patebat prospectus. Virg. Vsque à proavis  
vetus ordinis ætas.

## C A P. C X C I I I.

*Metuendi.*

**M**etuo ne quod vis non liceat per patrem. Ti-  
meo ne mihi succenseat. Nullus metus est,  
ne tibi quisquam det verba. Nihil periculi est,  
ne regno excutiaris. Ter. Metuo ut substet  
hospes, id est, ne non substet. Idem: Firmæ ve-  
reor ut hæ sint nuptiæ. Horat. O puer ut sis vi-  
talis metuo. M. Tull. Omnes labores te excipe-  
re video, timeo ut sustineas. Idem. Accepi à te  
literas, quibus vereri videris, ut epistolas illas ac-  
ceperim. Sollicitus sum, ut tantum laborem  
possis sustinere.

## C A P. C X C I V.

*Apitudinis, & contra.*

**E**loquentiæ caput est, apte dicere. Neque  
enim diserte dicitur, quod inepte dicitur.  
Nil ad eam rem dici potuit accommodatius. De-  
lige uxorem tuis accommodam moribus. Splen-  
dide

dide dixit magis, quam apposite. Nihil afferri poterat appositius. Elegans jocus, sed parum in loco dictus. Tua institutio non quadrat ad hujus ingenium. Mulieri mulier magis convenit, magis congruit. Hic militiae natus est. Hic ad hujus mores factus, sculptusque est. Magnifica loqueris, sed nihil ad Bacchum, ut ajunt, sed ~~ἀπερσοδιόνυσος~~, sed ~~ἀδέναπος ἐπὶ~~, id est, nihil ad Bacchum pertinetia, nihil ad versum. Ista sarcina non sedet humeris tuis. Haec inter se non cohærent. Isthuc ingeniosè interseruisti verius, quam concinnè. Non sibi constat tua oratio. Non consonat vita doctrinæ. Non concordant facta cum dictis. Multa dixit extra causam, nihil ad rem pertinentia. Quid cani cum balneo? Istuc præclare quidem dictum, sed alieno loco. Alieno tempore sementem facis, Terent. Alieniore ætate post faceret tamen. Ne bovi clittellas. Feli crocoton addidisti. In lente unguentum. Non facit ad luctum cithara.

## C A P. C X C V.

*Moriendi.*

**M**Ortem obiit. Vita defunctus est. Vixit. In vivis esse desiit. Excessit è vivis. Excessit, absolutè ut, dececessit. Satius est millies mortem oppetere, quam turpitudinem admittere. Cicer. Mini ipsi fuit mors æquo animo opptenda. Obiit supremum vitæ diem. Diem obiit. Cicer. Obiit. Vitam morte commutavit. Concessit in fata, concessit vita, frequens apud Tacit. Mortalitatem explevit, apud eundem. Item: Supremum diem explevit. Animam reddidit.

Spiritum finiebat. Spirare desiit. Liv. & Cicer. Efflayit animam. Cicus. Cujus in complexu libenter extremum spiritum ediderim. Exspiravit, Cicer. Antequam ex hac vita migro, emigro, demigro: Idem, exire de vita. Terent. E medio excessit. Emori malim. E vita discessit inediâ. Tacit. Mortem occubuit. Et occubuit, absolute, Suetonius dixit. Voluntariam occubuit necem. Virg. Seu certe occumbere morti. Vivis exemptus est. Inter vivos agere desiit. Agere animam dicitur, qui jam moritur, Deo naturæque concessit. Sallust. Ubi anima naturæ cessit, dematis obtrectoribus, ipsa se virtus magis magisque extollit. Idem: Pater, uti necesse erat naturæ concessit. Vitæ peregit fabulam: Letho datus est. Luce orbatus est: Vita orbatus est: Lumine cassus, Poëticum. Mortuus, absolute dicitur. Demortuus, qui morte sua locum aut munus reliquit vacuum: in quod qui substituitur, in demortui locum succedere dicitur. Excessus, pro morte apud idoneos autores inventur. Item exitus, frequens apud Tacit. Exitu demum Neronis, positis odiis in medium consulere. Idem: Laudatis antiquorum mortibus pares exitus. Quanquam exire è vita fere dicuntur, qui sponteam obeunt mortem: & exitus eorum, qui sponte decedunt è vita. Quod peculiare est etiam oppetere mortem. Finem, pro excessu, dixit Tacitus. Comperto fine Augusti.

## C A P. C X C V I.

*Mortis spontanea.*

Cic. è vita tanquam è theatro exeamus. Impatiens malorum, mortem sibi conscivit, necem sibi conscivit. Inedia vitam finiit. Veneno sumpto,

sumpto, mortem accersivit. Incisis venis, mortem approparet. Ita Tacitus. Desperatis rebus, decrevit sibi afferre manus. Idem. Vim suæ vitæ attulit. Idem frequenter dicit, mortem sumere, pro mortem sibi conciscere. Haud creditus sufficere ad constantiam sumendæ mortis. Morte spontanea vitam abrupit. Intercluso spiritu mortem invenit. Suspendio quæsita mors est.

## C A P. C X C V I I .

*Mortis adacta.*

**O**ccidit, interfecit, peremit, necavit, extinxit, jure cæsus est, nec iudicavit, Virg. Dede neci. Vitam & Cantharides eripere possunt. Terent. Animam seni exstinguerem. Vita privavit. Vita, seu luce orbavit. Nero Senecæ denunciavit ultimam necessitatem. Ad necem adegit.

## C A P. C X C V I I I .

*Propositi.*

**I**Uvenal. Si te propositi nondum pudet. Erat animus, erat in animo. Proposueram, statueram, decreveram, constitueram urbem relinquere. Si stat sententia, literis te addicere. Non est sententia, frustra niti. Non fuit consilium, socordia, atque desidia bonum otium conterere. Non sum hujus animi, ut inanem operam velim sumere. Non est consilii. Non est ratio. Visum erat ad vos remigrare. Habebam in animo. Sic apud animum meum statuo, Sallust.

## C A P. C C X I X.

*Periculi imminentis.*

**N**on sentis quid tibi malorum impendeat, quanta immineat calamitas, quanta instet tempestas. Non ea procul abest. iam urget ac premit. In foribus ~~adest~~ ultio. Sallust. Dux hostium cum exercitu supra caput est. Sic aliquoties & Liv. Nihil malorum non intentabatur. Virg. Præsentemque intentant omnia mortem. Hæc proœmia nobis dira minitantur. In propinquo est discrimen. Non sentis quæ te circumstent pericula, quæ malorum procella te circumvallet. Quis te maneat exitus. Quàm tenui discrimine absis ab exitu. Vicinius malum est, quàm credis. Propior es periculo, quàm suspicaris. Sallust. Quousque cunctando Remp. intuitam patiemini? Intutam, dixit, pro periculo obnoxiam. Idem, eo Respub. in extremo sita est. Rursus: Ubi intelligit omnes fortunas suas in extremo sitas. Et, gnati vita in dubium veniet, dubiis rebus consilium adhibendum est. Naso.

*Omnia sunt hominum tenui pendentia filo.*Horat. ~~Et~~ incedis per ignes suppositos cineri doloro. Periculosæ plenum opus alex.

## C A P. C C.

*Facile, Difficile.*

**D**ictu quàm factu facilius. Nihil facilis, facile est, perfacile est, proclive est, in proclivi est. Nihil est negotii. Nullo negotio rem conficies. Sallust. Denique omnes Romani usque ad nostrum memoriam sic habuere, alia omnia

omnia virtuti suæ prona esse. Idem: Et profectò  
diis juvantibus omnia matura sunt. Id cuivis  
promptum est. Hoc mihi in promptu non est. Sal-  
lust. Si hoc itinere uti decreveritis, cetera in  
promptu erunt. In procinctu habere. Ad manum  
esse. Difficile est. Perdifficile est. Rem arduam  
moliris.

## C A P. C C I.

*Prætextus.*

**V**irg. Hoc prætexit nomine culpam. Hoc  
colore tegit culpam. Obtentu pietatis,  
rem impiam moliebatur. Specioso titulo moli-  
tur facinus omnium turpissimum. Plausibili ti-  
tulo. Religionis fuko se venditant. Amici spe-  
cie gessit inimicum. Sallust. Quicunque Rem-  
pub. agitavere honestis nominibus. Idem. Sed  
hæ res mirè sunt vitiis obtentui, id est, his præ-  
texuntur vitia. Magni nominis umbra se tuentur.

## C A P. C C II.

*Temeritatis.*

**N**ihil habet pensi. Inconsultis consiliis agit,  
omnia. Pro sua libidine rem gerit. Audacia  
illi pro sapientia, in consilio est. Æqui atque in-  
qui nulla ratio est. Quid deceat, quid non, susque-  
deque habet: Sallust. Quæ etiam mediocres vi-  
ros spe prædæ transversos agit. Idem: Quos pri-  
vata amicitia Iugurthæ parum cognita transver-  
sos agit. Imperio fertur magis, quam judicio du-  
citur. Nihil habet pensi, quid, in quem, dicat.

## C A P . C C I I I .

*Exequiarum.*

**E**xequias inire. Curare funus. Parentare, Paren-  
talia peregimus Sallust. Postquam illi more  
regio justa magnificè fecerunt.

## C A P . C C I V .

*Consuetudinis, aut contrà.*

**I**nsuevit fallere. Assuevit mentiri. Consueta re-  
linquere durum est. Optimis assuēscendum.  
Armis, belloque defucti. Ad ista jam pridem oc-  
calluit animus. Longo usu callum duxi. Terent.  
Quid tu Athenas insolens? Insolens injuriarum,  
dixit Sallust. Idem: Interdum timidos insolentia  
itineris levare manu. Nihil novi facit. Isthuc in-  
solens facis. Isthuc tuo more facis. Isthuc tibi so-  
lenne est. Moris est. In usu est. In usu esse desiit.  
Tac. Ne vetustissima Italiæ disciplina per des-  
diā exolesceret. Idem: Græci amictus jam  
exoleverant. Liv. Res aut novæ, aut vetustate ex-  
emplorum memoriat jam oxoletæ. Ista jam in  
desuetudinem abiēre.

## C A P . C C V .

*Tarditatis.*

**T**ardat, quod Græci χρονίζει. Tardus corpore  
sed ingenio tardior. Lentus abes. Festina len-  
te. Age pedetentim, paulatim, sensim infunde.  
**C**unctari, bellum ducere. Sallust. Quem ubi cun-  
ctari accedit, & dubium belli, atque pacis ratio-  
nes trahere. Idem Ptolemaeus pretio ad dies bel-  
lum prolatans. Tacit. Diem ex die prolatabant.  
Liv. Cum is diem de die differret. Cæsar, Diem ex  
die ducere. Cic. Procrastinare. Comperendinare.

## C A P .

## C A P . C C V I .

*Non ultrà.*

**I**Ntra convitia rixa constitit. Citra sanguinem pugnatum est. Perbenignus est, sed non ultra promissa. Idem efficit dictio, Tenus, cui veteres liberius, quām nos addiderunt nomen nunc auferendi nunc gignendi casu. Crurum tenus, dixit Virg. Tacit. Non patruum saltem porta tenus obvium. Idem : modo pectore, modo ore tenus extantes. Idem: Usurpatas nomine tenus urbium expugnatas dictitant. Idem : Janua , ac limine tenus domum claudit. Idem in vita Agricolæ: Vnum addiderim nusquam latius dominari mare, multum fluminum huc atque illuc ferre, nec littore accrescere, aut resorberi. Sentit mare transire littora. Liv. In quos jecit magis hoc consul verbo tenus, quām ut re insimularet. Idem dixit, vulneribus tenus: Aurum tenus , dixit Fabius. Quintus Curt. Pauci hostium tenus exacti penetravere usque ad portum. Apuleius, Pallio tenus Philosophos imitatur.

**FINIS TRIMI LIBRI.**

D E  
R E R U M C O P I A  
C O M M E N T A R I V S  
S E C U N D U S,

*Et mox de prima locupletandi ratione.*

**P**oste aquam de verborum Copia , quæ veniebant in mentem , qua potuimus brevitate, diximus , reliquum est, ut simili compendio de rerum Copia perstringamus. Atque ut hanc operis partem exordiamur ab iis , quæ superiori generi sunt quam maximè finitima : prima locupletandæ sententiæ ratio videtur , si quod summatim , ac generatim dici poterat, id latius explicetur, atque in parteis diducatur. Quod quidem perinde est, ac si quis primum mercem per transfennam , aut per istromata convoluta ostendat, deinde eadem evolvat aperiaturque , ac totam oculis exponat. Hujus rationis id erit exemplum.

R E M U N I V E R S A M L U X U  
perdidit.

Eam sententiam in summa comprehensam quasi convolutam , hunc ad modum licebit evolvere : Si plurimas possessionum formas enumreremus , sique varias perdendæ rei vias explicaverimus. Quidquid vel matris , vel patris nomine hereditate obvenerat : quicquid aliorum affinium morte advenerat : quicquid ex uxoris doce, quæ quidem neutram erat vulgaris, accesserat :

rat: quicquid ex legatis accreverat (accreverat autem permultum) quicquid ex principis accep- perat liberalitate: quicquid peculii castrensis conflaverat; pecuniam omnem, vasa, vestes, fundos, agros, unā cum ipsis & villis, & pecoribus. Breviter, tēm omnem seu mobilem, seu soli. De- niique familiam etiam ipsam, fœdissimis scortorum amoribus, quotidianis commissationibus, sumptuosis obsonationibus, nocturnis perpotationibus, popinis, cupediis, unguentiis, alea, lu- sibus, paucis diebus ita absumsit, abligurivit, absorbuit, ut ne teruncium quidem sibi reliquum fecerit. Hic duo illa verba, Rem universam, & luxu perdidit: suis partibus explicantur. Adji- ciemus & alterum.

### C Y C L O P Æ D I A M A B S O L V I T.

In genere dictum est. Id ita poteris explicare, si singulas disciplinas, omnem doctrinæ spe- ciem, singulatim recenseas. Nullum omnino do- trinæ genus est: in quo non sit exquisitè versatus: Nulla disciplina, quam ille non ad unguem perdidicerit, & ita perdidicerit, ut in una qualibet sola laborasse videatur. Adeo mire poëtarum omnium omnes fabulas tenet. Adeo Rheto- rum flosculis abundat. Adeo Grammaticorum laboriosos canones excussit. Dialecticorum argutias callet. Physices arcana pervestiga- vit. Ultra mundanæ sapientiæ ardua supe- ravit. Theologorum abdita penetravit. Ma- thematicas apodixes perceptas habet. Sic astrorum motus, sic numerorum rationes, sic terrarum dimensiones, urbium, montium, fontium situs, nomina; intervalla: sic vocum concentus atque discrimina callet; Adeo quic- quid

quid est historiarum tum veterum , tum recentiun̄ meminit. Quicquid bonorum auctorum, quicquid vel antiquitatis , vel novitatis, id omne tenet. Adde his parem Græcanicæ, ac Latinæ literaturæ linguæque peritiam , denique quicquid unquam eruditionis ab egregiis auctoribus repertum ac traditum fuit , id universum unus hic absolutè perceptum cognitumque habet, ac meminit.

## I T E M.

**Omnibus naturæ fortunæque dotibus præditus.**

Hoc si cui libeat explicare , commemorabit singula corporis commoda : deinde singulas ingenii, atque animi dotes : postremo genus, opes, patriam , successus , & quicquid à fortuna solet obvenire. Rursum, Tertium exemplum erit Hippias omniscius. Hoc si quis velit dilatare, referat licebit omnia illa , quæ in ejus viri descriptione recenset Apuleius in Floridis, non sine varia verborum copia.

Extat hujus rationis exemplum aptissimum, apud Lucianum in Harmonide. Etenim cum potuissest summatim dicere , τὴν ἀνθρηπικὴν ὥλην εἰμεμάθησε, id est, universam artem tibi uludendi perdidici ; maluit explicatis partibus copiam ostentare ad hunc modum.

Ἐδοθέντα μὲν δὴ αἴρμόσας τὸν αὐλὸν ἐστὸν αἰκενεῖς, καὶ ἐμπνεῦσε τὴν γλωσσίδα λεπτότερην καὶ ἐμμελέτην, καὶ ωτοβάλλει τὰς διακτύλας σταφῶς ωτὸπυκνῆτην αἴροσθε καὶ θέσθε, Εἰ βασίνδην ρύθμον, καὶ σύμφωνα εἴναι τὰ μέλη. οὐτὸς τὸν κορόν, καὶ τὸν αἴρμογριας ἐκάστης Διοφυλακῆτην τὸν ιδίον,

ίδιον, τὸ Φευγίς τὸ ἔνθεον, τὸ Λυδίς τὸ βακχικόν, τὸ Δωρικό τὸ σεμνόν, τὸ Ιωνικόν τὸ γλαφυρόν, τεῶται μὲν γένη πάντας εἰκεμένοις παρά σε. Quæ tametsi vix possunt reddi Latinè, tamen ob Græcanici sermonis ignaros vertam ut potero. Docuisti me jam exacte adaptare tibiam, atque in ejus lingualim inspirare tenue quiddam ac modulatum, tum commodo, faciliique contentu submittere digitos in crebra sublatione ac demissione vocis, adhæc ad numerum ingredi, & ut modi congruant ad chorūm, præterea quod cuique harmoniæ generi proprium est observare Phrygiæ divinum impetum, Lydiæ Bacchicum furorem, Doricæ gravitatem ac modestiam, Ionicæ jucunditatem. Quod si in proximo exemplo placuisset in singulis disciplinis facere, quod hic Lucianus fecit in una Musicæ parte, vides quanta sermonis copia fuerit futura.

In his non abs re crediderim illud admonere, simul & in initio proponi summam reruin, & eandem alia sermonis specie repeti, & ita redeundum ad genus, quasi singulis enumerandis jam sis defatigatus, etiamsi nihil erit præteritum. Præterea cavendum, ne partium ordinem confundamus tumultuaria verborum congerie, sursum ac deorsum miscentes omnia, ne molestam vocum turbam nulla conditam gratia conglomememus: sed vel ordine scito, vel apta distributione vel eleganti descriptione legentis, aut audientis tedium excludamus. Ad hanc formam pertinet & illud, quoties totum, quod non formis, sed partibus constat, in eas diducitur, ut: Hic totus monstrum est, hoc pacto dilatabitur: Si prius hominem in corpus atque animum partiaris, deinde singulas corporis partes, singulis item animi par-

mi partes attingas : Si animo & corpore mon-  
strum est: quacunque vel animi vel corporis par-  
te contempleris, monstrum reperies: Caput tre-  
mulum, oculos caninos, os draconis, vultum fu-  
riæ , ventrem ab domine distentum , manus ad  
rapinam incurvas, pedes intortos; totam denique  
corporis figuram inspice , quid aliud quām mon-  
strum præ se ferunt ? linguam & vocem illam  
beluinam observa , portentum dices , ingenium  
execute , prodigium invenies , mores expende,  
vitam scrutare , omnia monstrosa comperies , &  
ne singula persequar , quantus quantus est, nihil  
nisi monstrum est. Hic si quis velit in singulis ve-  
lut depingendis immorari, satis apparet, quantum  
ubertatis sit accessurum orationi. Item aliud ex-  
emplum.

## T O T U S C O M M A D U I T .

A summo capillo ad imum usque calcaneum  
pluvia commaduit : Caput, humeri, pectus, ven-  
ter, tibiæ , totum denique corpus pluvia disilla-  
bat. Minutius quidem illud , haud tamen indi-  
gnum quod admoneatur, ad hanc formam refer-  
ri posse , quoties de specie loquentes , genus ad-  
jungimus , id quod ferè fit amplificandi gratia.  
Quum omnis eruditio plurimum affert & orna-  
menti , & adjumenti mortalibus, tum præcipue  
philosophia. Item omni quidem ætati fœda est  
libido , verum senectuti multo fœdissima. Item:  
Cum omnibus in rebus plurimum habet mo-  
menti prudentia tum præcipue in bellis. Simplex  
enim erat prudentiam in bellis plurimum habere  
momenti : Hujus generis est illud Cic. in Orat.  
pro domo sua , ad Pontifices : cum multa divini-  
tus, Pontifices, à majoribus nostris inventa atque  
instituta

instituta sunt, tum nihil præclarus, quām quod  
vos eosdem & religionibus deorum immorta-  
lium, & summa Reip. præesse voluerunt. Quan-  
quam quid attinebat unum hōc referre, cū hu-  
jus formæ exempla nusquam non sint obvia.

### S E C U N D A V A R I A N D I

*Ratio.*

Huic admodum affinis est secunda variandi  
ratio: quoties non contenti semel exitum rei  
proponere, ex quo reliquæ quæ præcesserunt, per-  
se queant intelligi, singulatim ea quoque comi-  
memoramus, per quæ ad eum exitum perva-  
tum est. Hujus præceptionis hoc erit exemplum:  
Cicero Catilinæ conatus oppressit. Id ita locu-  
pletabis: Catilinæ nefarios conatus per juvenes  
perditissimos, totius Romanæ civitatis exitium  
atque internectionem molientes. M. T. Cic. con-  
sul, sua sagacitate statim odoratus est: singulari  
vigilantia pervestigavit: summa prudentia de-  
prehendit: miro in Rempublicam studio pro-  
didit: incredibili eloquentia convicit: gravissi-  
ma autoritate repressit: armis extinxit: magna  
felicitate sustulit.

Item aliud: Ex ea virgine filium sustulit: hac  
ratione dilates licebit: Eam virginem quod esset  
singulari forma, misere deperibat. Deinde amo-  
ris impatiens, simplici puellæ animum promissis  
sollicitavit: muneribus corruptit: blanditiis de-  
liniit, officiis in mutuum amore in pellexit: im-  
probitate vicit: denique consuetudinem cum ea  
habuit, ac devirginavit: aliquanto post tempore  
uterus virginis cœpit tumescere, fœtu videlicet  
concepto: Demum exactis novem mensibus  
parturiit, ac puerum peperit.

Item,

Item, aliud exemplum: Vrbem cepit: Ita poterit ampliari: Principio feciales rem repetitum missi, qui pacis etiam conditiones offerrent: Quas cum oppidanis non acciperent, copias undique comparat: machinarum maximam vim comportat, admoveat exercitum unam cum machinis ad urbis moenia. Illi contra è muris acriter hostem repellunt: tandem hic superior in congreſſu, consensis moenibus urbem invadit, ac terum potitur.

### T E R T I A   R A T I O.

Ab hac rursum non ita vehementer abhorret tertia locupletandi sermonis ratio, quoties rem non nudam exponimus, sed altius etiam cauſas repetimus, à quibus initis sit profecta: veluti si cui non satis sit dixisse, bellum intercessisse Galloſ cum Neapolitanis, verum etiam addat, quæ fuerint simultatis cauſæ, quis instigator, quæ ſuſcipiendi belli occasio, quæ vincendis pes, quæ utrisque fiducia. Hoc præceptum ut est dilucidius, quam ut egeat præceptione, ita difficile sit exemplum niſi plurimis verbis proponere. Quare supertedeſdimus, & lectorē ad Salustium ac Livium relegabimus.

### Q V A R T A   R A T I O.

Nec admodum discrepat ab his quarta locupletandi ratio: Quoties non simpliciter propoñimus negotium, sed enumeramus etiam illa, quæ negotium comitantur, vel consequuntur? Quod genus sit: Bellum tibi acceptum feremus. Hoc pax opoteris dilatare rem. Exhaustum in barbaros milites ærarium, fractam laboribus juventutem, proculatas ſegeres, abacta pecora, incensos paſſim vicos, ac villas, defertos agros, eversa

everfa mœnia, compilatas domos , direpta fana,  
tot orbos senes, tot orphans liberos, tot viduas  
matronas, tot virgines indignè constupratas,tot  
adolescentium licentia depravatos mores,tantum  
funerum , tantum luctus tantum lachrymarum:  
præterea extinctas artes,oppressas leges, oblite-  
ratam religionem , confusa divina , humanaque  
omnia, corruptam civitatis disciplinam ; Vniver-  
sum,inquam,hoc malorum agmen, quod ex bel-  
lo nascitur, tibi uni feremus acceptum, siquidem  
belli fueris autor.

### Q V I N T A R A T I O.

Quinta locupletandi ratio videtur potissimum  
ad ἐνεργειαν, quam Evidentiam vertunt, pertine-  
re. Ea utemur , quoties vel amplificandi, vel or-  
nandi, vel delectandi gratia, rem non simpliciter  
exponemus , sed ceu coloribus expressam, in ta-  
bula spectandam proponemus,ut nos depinxisse,  
non narrasse, lector spectasse , non legisse videa-  
tur.Id ita præstare poterimus, si prius ipsi totam  
rei naturam omnesque circumstantias , ac veluti  
faciem, animo lustremus. Deinde ita verbis, ac  
figuriſ idoneis effingamus,ut quām maximè fiat  
evidens perspicuaque lectori. Hac virtute præ-  
cellunt cum omnes Poëtæ,tum præcipue Homer-  
rus, quemadmodum suis indicabimus locis. Con-  
stat autem præcipue descriptione rerum, tempo-  
rum, locorum, personarum.

### *Descriptio Rei.*

Rei descriptione locupletabimus orationem,  
cum id quod fit, aut factum est, non summatim,  
aut tenuiter exponemus : sed omnibus fucatum  
coloribus, ob oculos ponemus,ut auditorem sive  
lectorem jam extra se positiū , velut in thea-  
trum,

trum, avocet. Hanc ab effingenda rerum imagine Græci *υπολύπωσιν* vocant. Etiam hoc vocabulum commune est, quoties aliquid oculis subjicitur. Veluti si quis expugnatam civitatem dicat, cuncta nimirum in summa complectitur, quæcunque talis fortuna recipit; utar enim Quintiliani verbis: At si aperias hæc, quæ verbo uno inclusa erant, apparebunt effusæ per domos ac templa flammæ, & ruentium tectorum fragor, & ex diversis clamoribus unus quidam sonus, aliorum fuga incerta, alii in extremo complexu suorum cohærentes, & infantium feminarumque ploratus, male usque in illum diem servati fato senes: tum illa profanorum sacrorumque direptio, efferentium prædas, repetentiumque discursus, & ante suum quisquis prædonem catenati, & conata retinere infantem suum mater: & sicubi majus lucrum est, pugna inter victores. Licet enim hæc omnia complectatur eversio, minus est tamen totum dicere, quam omnia. Haec tenus Fabius. Idem hujus evidentiæ citat exemplum hoc ex Cælio in Antonium. Namque ipsum offendunt temulento sopore profligatum, totis præcordiis stertentem, ruetuosos spiritus geminare, præclarasque contubernales ab omnibus spondis transversas incubare, & reliquas circumjacere passim, quæ tamen exanimatæ terrore, hostium adventu percepto excitare Antonium conabantur. Nomen inclamabant frustra, cervicibus tollebant, blandius alia ad aurem invocabant, vehementius etiam nonnulla feriebant. Quarum cum omnium vocem tactumque noscitaret, proximæ cujusque collum amplexu petebat nec dormire excitatus, nec vigilare ebrius poterat, sed semi sommo sopore inter manus centurionum,

num, concubinarumque jactabatur. Nihil, inquit Fabius, his nec credibilius fingi, nec vehementius exprobrari, nec manifestius ostendi potest. Refert idem descriptionem convivii luxuriosi. Videbar, inquit, videre alios intrantes, alios verò exeuntes, quosdam ex vino vacillantes, quosdam hesterna potatione oscitantes. Humus erat immunda, lutulenta vino, coronis languidulis & spinis cooperta piscium. Sed hujusmodi exemplorum nusquam non magna copia, præsertim apud poëtas, ut dictum est, & apud historicos Poëtis proximos. Præcipue vero narrationes nunciorum in tragœdiis, quoniam vice spectaculi subjiciuntur, dum ea referunt, quæ repræsentari in theatro aut non possunt, aut non convenit. hac virtute insigniter abundant. Veluti cum in Euripidis *Hecuba* Talthybius narrat Hecubæ, quomodo sit occisa Polyxena: & in *Iphigenia Aulidensi* nuncius exponit quomodo sit interfecta Iphigenia. Et in *Troade* Senecæ, nuncius refert *Andromachæ*, quomodo periisset Astyanax ipsius filius. Hoc ad exemplum indicasse satis est, cum omnes tragœdiæ scateant hujusmodi narrationibus. Nec refert ad hoc institutum, veræ sint an falsæ, quemadmodum in *Eleætra* Sophoclis senex fictè narrat Clytemnestra, quomodo in certamine periisset Orestes. M. quoque Tull. mirus est in hoc genere artifex. Verum illud arbitror admonendum, hoc genus descriptionis præcipue quidem constare circumstantiarum explicatione, earum præsertim, quæ rem oculis maximè subjiciunt, ac moratam reddunt narrationem. Non mediocriter tamen adjuvati collationibus, similibus, dissimilibus, imaginibus, metaphoris, allegoriis,

& si

& si quæ præterea sunt figuræ , quæ rem illu-  
strant. Quin epitheta quoque in hunc usum plu-  
rimum valent. Veluti cum dicimus aërios sco-  
pulos, turrigeras urbes, Cœruleum, aut vitreum  
mare, curvum aratorem , superciliosum philoso-  
phum , patulas fagos , atram specum, & apud  
Homerum δυσηχής πόλεμος , & ιγρυθαίσιος  
Εὔκτορ. βροτολοιγῆς Αρης; καὶ τειχεῖσι πόλεις πτυσσα  
i.e. male sonans bellum, Hector variegatam habens  
galeam , homicida Mars, & murorum eversor , quo  
genere nusquam non scatet Poëta. Neque solum  
in descriptione complectimur, quæ præcesserint,  
quæ adiuncta rei fuerint , quæ consecuta : verum  
etiam ea quæ facta non sint , vel fieri potuisse, si  
hoc aut illud evenisset, vel fieri posse demonstra-  
mus : veluti si quis dicat , Vide in quod discri-  
men adduxisti Rempubl. qui temere congressus  
sis cum hoste. Etenim si fortè fortuna supe-  
rassent hostes , hæc atque hæc erant eventura.  
Aut si quis monarchiam dissuadeat , descrip-  
tione ob oculos ponat omnem tyrannidis Tragœ-  
diam : Jamque auditores admoneat , ut putent  
sese hæc omnia videre, quæ mox passuri sunt , si  
Democratiam mutârint in regnum. Porrò si res  
agitur seria , tum eatenus adhibendæ sunt  
παρατυπώσεις. id est , delineationes, quatenus ad  
causam conducunt. Verum cum tota res ad  
voluptatem spectat , quemadmodum in poëma-  
tis ferme fit, Διδείξεις , id est , demonstrationi-  
bus, & quæ exercendi ostentandive ingenii caussa  
tractantur , licebit effectionibus hujusmodi libe-  
rius lascivire. Ad hanc formam pertinent de-  
scriptions Homericæ , quoties armat deos suos  
aut heroas, quoties convivium, quoties prælium,  
quoties fugam , quoties consilium describit.

Quod

Quid enim iste non exponit oculis, tum aptis circumstantiis, quæ tametsi nonnunquam minutæ videntur, tamen nescio quo pacto mirum in modum rem oculis subjiciunt, tum epithetis, tum adhibitis similibus. Præterea descriptiones turbinum, tempestatum, aut naufragiorum. Quales sunt apud Hom. locis compluribus: apud Virg. lib. Aeneid. I. apud Ovid. Metamorph. undecimo: pugnæ barbaricæ apud Juvenal: item pestilentia, qualis est apud Maron. Georg. lib. 3. apud Nason. 7. apud Senec. in Oedipo. item apud Thucydidem. Præterea famis: cuiusmodi est insignis in quadam Quintiliani declamatione. Item prodigiorum, Solis eclipsium, nivis, imbrium, fluminum, tonitruum, terræ quassationum, incendiorum, inundationum: quod genus apud Ovid. diluvii Deucalionei descriptio. Item seditionum, exercituum, præliorum, stragis, excidii, direptionum, monomachia; pugnæ navalis; qualis est apud Lucan. libro tertio epuli, conviviorum, nuptiarum, funerum, triumphorum, ludorum, pomparum. Cujus generis est apud Plutarch. in vita M. Antonii Cleopatræ navis, Sacrorum, Ceremoniarum, Incantationum, ac Maleficiorum, qualis est apud Lucan. in 6. Item apud Horat. in Sat. sub persona Priapi narrantis, quæ videbit: Venationum, cuiusmodi exstat Adriani Cardinalis: tametsi docti negant hoc carmen illius esse. Item Animantium, quod genus est Torpedinis, & Histricis descriptio, apud Claudian. Apud eundem, & item apud Laetant. Phœnicis. Psittaci apud Ovid. in amoribus, & apud Stat. serpentium apud Lucan. in 9. Multorum piscium apud Oppian. apud Plin. quum innumerabilium animantium formæ, naturæ, mores, pugnæ,

pugnat, concordia, tum præcipue culicis descriptio. Apud Mar. equi ac bovis expressio, apum mira repræsentatio. Statuarum item, qualis est in epistolis Plinianis signi senilis, tabularum, & imaginum, qualis est apud Lucian. Hercules Gallicus: apud Philost. varia picturarum argumenta: cujusmodi sunt & argumента textorum: & sculpturarum, aut similiūm operum, quorum apud poëtas & historicos exempla sunt innumera. Ut apud Ovid. lib. 6. Metam. textura Arachnes: qualis est clypeus Achillis ab Homero expressus: Æneas à Maronne. Adhæc navis, vestis, παρωπλιας, id est, perfecta armatura, machinæ, currus, Colossi, Pyramidis, aut si quid est aliud rerum consimiliūm, quarum descriptio delebet. Evidem ad hoc genus referendum arbitror, quoties formæ gentis, vitæque ritus explicantur: veluti si quis Scytharum, Anthropophagorum, Indorum, Troglodytarum, aut similiūm gentium imaginem oculis exponat. Aut si vitæ militaris, philosophicæ, aulicæ, rusticæ, privatæ, regiae, simulacrum quoddam effingas. Verum ut ista probè exprimas, non modò confert ars, & ingenium, verùm etiam oculis spectasse, quæ velis effingere, plurimum refert. Sunt & fabulosæ rerum descriptiones, quæ tamen ad veras alludent: velut ætatis aureæ, argenteæ, ferreae. Qualis est & apud Cebetem humanæ vitæ pictura, apud Lucianum aulæ, calumniæ, eruditioñis, aliæque complures: apud Homerum Ossæ, Ates, & Litarum: apud Ovid. famis, livoris: apud eundem, & item apud Maronem, Famæ. Quod si quis malit hæc ad personæ descriptionem pertinere, de qua mox dicam, equidem non magnopere repugno.

Pers.

*Personæ descriptio.*

His igitur est proxima personarum descriptio, quam Prosopopœiam appellant, tametsi non nihil ab hac dissidet Prosopographia, vel hoc nomine, quod latius pateat. Nam famis quoque, invidiæ, somni, de quibus modo diximus, prosopographias non absurdè dixeris. Proponitur enim **ceu persona quædam.** Cujusmodi sunt & illæ, virtutis, ac voluptatis, quas Prodicus Sophista apud Herculem inter se certantes facit, ut auctor est Xenophon. Item mortis ac vitæ, quas Ennius in Satyra contendentes inducit, teste Fabio. Item calumniæ, apud Lucian. apud eundem eruditioñis, & statuariæ, Occasionis, apud Auson. Fortunæ, apud Horat. in Odis. & Q. C. Cupidinis apud Moschum. Penias, & Pluti apud Aristop. Iustitiæ apud Chrysip. referente Gellio. Philosophiæ, apud Boëtium Sever. Lamiæ, apud Politian. Item Musarum, Gratiarum, Furiarum, Bellonæ, Sphingis, Scyllæ, Charibdis, ac similiū apud Poëtas.

Sunt quædam propiores vero, sed tamen ad ostentationem accommodatores. Cujusmodi est Hippia descriptio apud Lucianum, & ejusdem apud Apuleium in Floridis: sed Oratori magis convenient illæ notationes. Sic enim appellant, quoties amantis luxuriosi, avari, voracis, temulenti, somniculosi, garruli, glorioſi, ostentatoris, invidi, sycophantæ, parasiti, lenonisve personam depingimus. Hujus generis extat exemplum in quarto Rhetorices ad Herennium: ubi suis notis depingitur pseudoplatus, divitarum ostentator, cum esset pauper. Ceterum è comœdiis quantumlibet

exem-

exemplorum sumere licebit. Nihil enim aliud agit comoedia. Extant ad hoc facientes notæ, Theophrasti titulo : mihi Grammatici cuiuspiam videntur magis, quam philosophi. Depingitur autem ab omnibus circumstantiis, præcipue verò ab his. A natione seu patria, si Pœni, Graci, Galli, Scythæ, Hyberni, Hispani, Scotti, Britanni formam, cultum, vocem, linguam, gestum, incessum, ritus, ingenium, ac mores expresseris : Fingendus autem Pœnus fœdifragus, vafer, insolens, cultu ambitiosiore, atque item de ceteris. Sunt & singularum civitatum peculiares notæ : ut mollis Atheniensis, & ad dicendum, quam faciendum instruētior : Severi Romani, Parci Florentini. A sexu depingitur vir severior, mulier loquacior, inconstantior, superstitionisior. Ab ætate, tales effingimus, quales Horatius ostendit in arte Poëtica. A fortuna, fastuosior inducitur dives : humilior ac timidor pauper. A studiis fit gloriosus, & facinorum suorum immodicus jactator miles, perjurus leno, tristior rusticus, adulantior aulicus, mitior urbanus, Medicus ad quæstum propensior. Poëta nominis avidior, fontibus, nemoribus ac secessibus gaudens, opum & bonorum ci-vilium contemptor, Sophista loquacior, quam sapientior. Neque negligendi communes affectus, quo sit animo pater in liberos, maritus in uxorem, civis in patrem, princeps in plebem, plebs in patritios, ceterique quos diligentissime tradidit in Rheticis suis Aristoteles. Sunt autem peculiares etiam in singulis horum differentiæ. Neque enim satis est tenere, quid seni, quid juveni, quid servo, quid patrifamilias, quid lenoni conveniat. Alioqui singuli horum semper seu similes inducerentur. At Comici præcipue

pue varietatem in ejusdem quoque generis personis affectasse videntur. Quid eniin dissimilius quām Demea , ac Mitio apud Terent. quorum hic cum etiam gravissime filium objurgat , blandus est ille , cum maxime blanditur , amarulentus. Et tamen uterque senex , atque adeò fratres. Quid diversius quam Chremes semper placidus ac civilis , & Simo vehemens ac suspiciosus? Item , quām Pamphilus cordatus , & Charinus inops animi consiliique ? Quid tam dissimile quam Phædria cum morbo pugnans , & Chærea nihil habens pensi ? Multum item interest inter Davum pertinacissimum sperandi auctorem , & Byrriam nihil præter desperationem afferentem? Plurimum inter parasitum Gnathonem , & I'hor-mionem : & ab utroque longè dissident parasiti Plautini : quemadmodum & hujus meretrices à Terentianis plurimum discrepant. Terentius meretrices propemodum bonas fingit veluti Philotim , & Bacchidem in Hecyra. Plautus senes amantes & festivos , & uxoribus veteratorie imponentes ; quanquam alias Euclionem prodigiosè tenacem ac suspiciosum facit.

Quod si personam tractamus ab alio occupatam, ab iis qui priores finxerint, aut descripserint decorum petendum est : veluti si tractes Achilem, acrem , inexorabilem , simplicem , infensum regibus , infensum mendacibus , pedibus velocem inducas oportet. Nam hujusmodi primus finxit Homerus. Rursum Vlyssem vafrum, mendacem, dissimulantem , omnia tolerantem. Agamemnonem animo mitiore, sed imperii cupidum, timentem populum, voluptatis avidorem, quām belli. Hectorem animo sublimi, mortis & auguriorum negligentem , patriæ omnia posthabentem. Ajacem factis magis, quām oratione

tione strenuum , contumeliaz ac repulsæ impa-  
tientem . In summa ut cujusque personam fixit  
Homerus , ita Tragici poëtæ inducant oportet.  
Item, si quis Aristidem, Themistoclem, Phocio-  
nem, Alcibiadem, Istratum, Julium Cæsarem,  
Fabium, aut Camillum, aut Timonem, Socrati-  
tem, Platonem, Epicurum cupiat effingere, ex  
historiis decorum petendum est. Quod exer-  
citationis genus placuisse videtur iis qui Mene-  
lai, Phænicis, Achillis, Phalaridis, Bruti, Sene-  
cæ , ac Pauli epistolas , & orationes fixerunt.  
Idem spectandum erit scribenti dialogos , quibus  
personis quem tribuat sermonem. Cæterum  
Decorum quod est in fictis personis (veluti si  
philosophiam producas vultu constanti , & au-  
toritatis pleno : Musas simplices ac blandiores;  
Gratias junctas , ac zonis solutis : Iustitiam re-  
ctis atque immotis luminibus , ceteraque hujus  
generis) id à rerum natura , ad quas alluditur,  
oportebit sumere. Est quoque decorum in Apo-  
logis , quod nemo recte tuebitur , nisi naturas  
animantium cognitas , atque animadversas ha-  
beat : ut sciat docilem , ac religiosum elephan-  
tum : Delphinum Crocodilo inimicum , homi-  
nis amantem : Aquilam in sublimi nidum pone-  
re : Scarabæum stercore , in quibus gignit , ac gi-  
gnitur, ex more protrudere, nec videri tempo-  
ribus , quibus incubant Aquilæ : Cassitam in se-  
getibus ova ponere : Erinacium gaudere discur-  
su, inimicum serpentibus. Atque hæc quidem,  
hisque reconditiora facile petuntur ex Aristote-  
le, Plinio, Æliano. Tractatur & hoc genus etiam  
ab oratoribus. Porrò duriores sunt apologi, qui  
rebus inanimis , ut arboribus aut saxis , sermo-  
nem attribuunt. Sed Oratorum magis peculia-  
res sunt illæ Protopographiæ , quoties suis ceu-  
colo-

coloribus certa hominis persona depingitur, id  
que eatenus, quatenus ad rem propositam at-  
tinget, quemadmodum apud Sallust. Catilina, au-  
pud Liv. Annibal, apud Plut. Trajanus. Rarius  
enim incidunt, sed tamen incidunt illæ forma-  
rum effictiones. Quod genus sit, si quis mulie-  
rem formam omnibus ferme numeris expri-  
mat, aut contra, deformem autem. Quemad-  
modum Thersites effinxit Homerus; & Græ-  
corum multos proceres è mœnibus, Helena  
Priamo, suscitanti indicat, & hunc imitatus Ma-  
ro in 6. complures Romanos describit. Ad hanc  
formam præcipue pertinet schema *diælogus*,  
id est, sermocinatio, quoties unichenique sermo-  
nem accommodamus ætati, generi, patriæ, vitæ  
instituto, animo, moribusque congruentem.  
Nam hujusmodi sermones in historia licet affini-  
gere: unde tot Thucydidis, Sallustii, Livii ora-  
tiones effinguntur, & epistolæ, & apophthe-  
gmata. Demum & cogitationes veluti hominis  
secum loquentis; quanquam hoc poëtis famili-  
arius. Illa propriæ *ægospotomias*, nomen  
merentur, quoties personam hominis procul ab-  
sentis aut jam olim defuncti loquentem facimus  
servato decoro: quod genus sit. Quid si nunc  
reviviscant prisci hujus urbis optimates, vide-  
rintque temporum horum mores, nonne in  
has voces erumperent? Deinde subjicienda o-  
ratio. Quid si nunc adesset proavus ille tuus,  
nonne merito his te verbis objurgaret? Quid si  
redeat in hanc lucem Camillus, nonne jure his  
verbis nobiscum agat? Et jam mihi videor au-  
dire illum sic mecum loquentem. Et fingit Pla-  
tonem ipsum ad hunc modum vobiscum expo-  
stulantem. Verecundiores sunt hujusmodi pro-  
sopopœjæ, cum ea loquentes fingi possint;

verisimile sit eos dicturos, si adessent. Duriores autem, (sed tamen etiam in seriis orationibus, non tantum in exercitationibus adhibendæ) si quando rerum gravitas postularit, quoties natu-ram, aut Rempubl. aut provinciam, aut patriam loquentem facimus. Ut in Catil. fecit Cic. Quæ tecum Catilina, & quodammodo tacita loqui-tur. Rursum: Etenim si patria, quæ mihi vitâ multo est charior, si cuncta Italia, si omnis Res-publ. sic loquatur; M. Tulli quid agis? Et So-crates apud Plat. in Crit. leges secum disputantes inducit. Hujus generis est, quoties diis ipsis, aut locis; aut aliis mutis rebus, orationem accom-modamus. At eæ quæ propriè Prosopographiæ vocantur, metaphoris, similibus, & collationi-bus, fiunt illustriores. Cujas generis apud poëtas magna vis est.

### *Loci Descriptio.*

Locupletatur oratio locorum quoque descrip-tionibus, quas Græci τοπογραφίας appellant. Ab his frequenter narrationum sumitur exor-dium, non à poëtis modo, verum etiam ab histo-ricis: & apud oratores nonnunquam incidunt. Hujus generis est, quoties tota loci facies, veluti spectanda depingitur: ut urbis, montis, regio-nis, fluminis, portus, villæ, hortorum, amphitheatri, fontis, specus, templi, luci. Quæ si veræ sint, Topographias appellari volunt: sin fictæ, τοποδεσίας. Prioris formæ sunt, Carthaginis, & portus apud Maronem descriptio: apud Plin. in epistolis, Laurentis villæ. Apud Stat. Surrentium Pollii, & Tiburtinum Manlii. Posterioris, sedes Somni apud Ovid. Domus famæ, & regia Solis, apud eundem; Inferorum, & Caci domus apud Virgil. Tenari apud Stat. domus apud Lucian. Regia

Regia Psyches apud Apul. Ad prius genus referendum arbitror, Vesuvii montis incendium, à Plinio minore descriptum: Aetnæ ardoris, apud Claudian. Tum si quis Nilum, aut antrum Sibyllæ, arcus, atque id genus alia descripsit. Quæ quo sunt magis nova, hoc plus adferunt voluptatis, & diutius licebit immorari, modo omnino non sunt aliena.

### *Temporis descriptie.*

Porro temporis descriptionem *χερογραφιαν* appellant. Unde non raro narrationis sumitur initium. Nonnunquam delectandi duntaxat gratia adhibetur. Veluti quoties poëtæ diem, noctem, auroram, aut crepusculum exprimunt. Quanquam ne hę quidem omnino otiosè debent adhiberi: quod genus est illa Virgiliana:

*Nox erat, & placidum carpebant fessa soporem  
Corpora per terras, sylvaque & savia querant  
Æquora, cum medio volvuntur sydera lapsu:  
Cum tacet omnis ager pecudes pietaque volucres:  
Quaque lacus late liquidos, quæque aspera dumiss.  
Rura tenent, somno positi sub nocte silenti,  
Lenibunt curas, & corda oblita laborum.*

Pertinet enim hęc descriptio nocturnæ quietis, ad amplificandum Didonis dolorem, qui ne tum quidem conquiescebat, cum omnia cetera quietem agerent. Nam mox sequitur:

*At non infelix animum Thænissa, nec unquam  
Solvitur in somnos.*

Veris, hyemis, autumni, æstatis, vindemiæ, iustitii, Saturnalium descriptiones ad hoc genus pertinent, quæ sapientiæ valent, & ad probationem. Mixtæ sunt illæ, quoties temporum qualitatem exponimus, puta pacis, belli, seditionum, factionum, monarchiæ, democratiae: Simul

cum ostendimus, quæ virtutes, aut quæ vitia  
tum maximè valuerint. Hæc quidem sigillatum  
tractare conveniet nonnunquam exercendi in-  
genii gratiâ. Verum absoluta descriptio ex his  
omnibus constat. Nam Horatius in ea quam  
modo citavi Satyra primum locum exquiliarum  
describit: deinde tempus, præterea Priapi, ac  
maleficarum personas: Postremò, & sacrifi-  
cium, & fugam crepitū territarum mirè expri-  
mit.

### E G R E S S I O , S E X T A *locupletandi Ratio.*

Superioribus affinis sexta locupletaudi ratio,  
quam Græci ὁραπέκεστον, Latini partim egressio-  
nem, alii digressionem, nonnulli excusum app-  
pellant. Ea est, definitore Quintil. alicujus rei,  
sed ad utilitatem caussæ pertinentis, extra ordi-  
nem excurrens tractatio. Adhibetur autem vel  
laudandi gratia: qualis est apud M. Tull. pro L.  
Cornel. popularis illa virtutum Cn. Pompeji  
commemoratio, in quam ille divinus orator  
(nam Fabii verbis utar) veluti nomine ipso ducis,  
cursus dicendi teneretur, abrupto quem inchoa-  
verat sermone, divertit; aut vituperandi, aut  
ornandi, aut delectandi, aut præparandi. Sumun-  
tur autem ex iisdem ferme locis, quos modo re-  
tulimus. Ab expositione rerum gestarum: à de-  
scriptione locorum, regionum, personarum: I-  
tem, à tractatione fabularum, apologetorum: Pro-  
pterea, à locis communibus, quoties amplifi-  
candæ rei gratia in gloriam, in luxuriam, libidi-  
nem, avaritiam, turpem amorem, tyrannidem,  
iram, ac reliqua vitia dicimus, atque in his, causâ  
velut aliquantis per omissa, diutius immora-  
mur.

Aut

**A**ut contra, quoties frugalitatem, liberalitatem, continentiam, studia literarum, pietatem, taciturnitatem, laudibus efferimus. Hi tantum momenti habent ad copiosè dicendum, ut clari aliquot auctores, eos ex professo tractaverint: *Xειας* appellant. Sunt & illi loci communes, his non dissimiles, quoties liberalitatis commoda ponimus ante oculos, contra servitutis incommoda, mutabilitatem fortunæ, mortis & quam omnibus necessitatem, quantum valeat pecunia in rebus mortaliis, vitæ humanæ brevitatem, atque id genus alia innumera describimus.

Porro longius immorari licebit excursionibus, vel in initio dictionis: qualis illa Herculis Gallici apud Lucianum, & Lamiarum, apud Politianum descriptio: Vel in fine, quo jam fessus recreetur auditor. Quemadmodum in Georg. ferè facit Virg. In medio, si quando digredi licebit, celerius eo redeundum, unde digressus sis, nisi pars caussæ jam absoluta digressionis animam præbebit: veluti post narratam caussam, quo ad secuturam argumentationem auditor redatur alacrior: Aut post probationem, sive omnino post locos inamoëiores, quo tedium subtilitatis discutiatur: Aut nisi res ipsa loco hujusmodi suapte sponte offerat, qui invitet ad diutius immorandum.

### SEPTIMA RATIO.

Septima locupletandi ratio sumitur ab epithetis. Diomedes epitheton facit speciem Antonomasiæ, finitque hunc in modum: Epitheton, est præposita distinctio proprio nomini, aut ornandi, aut destruendi, aut judicandi caussa. Ornandi, ut diva Camilla. Destruendi

ut scelerumque inventor Ulysies. Judicandi, ut Larissæus Achilles. Sumuntur epitheta ab animo: ut, Iñato philosophorum sapientissimus. A corpore: Thersites Græcorum omnium deformosissimus. A bonis externis: neque id simpliciter, nimirum ab omnibus partibus bonorum, quæ profiscuntur à fortuna. A genere, ut Mœcenas generosissimus. Ab opibus: Crœsus regum opulentissimus. A forma: Nireus formosissimus. A viribus: Milo athleta fortissimus. A patria: Ulysses Ithacensis: Ab aëtu: monstrum domitor Hercules: Ab eventu: bis capti Phryges. In summa, ab omnibus fortunæ commodis, aut incommodis. Neque refert, an hæc epitheta sint adjectiva nomina, nec ne modo quocunque pæcto proprietas quædam attribuantur, non personis tantum, verum etiam rebus: ut præceps juventa; præceps & amens consultor amor; esca malorum voluptas; morosa, ac diffilis senecta; vitiorum expultrix Philosophia; humanæ vitæ speculum comoedia; vitæ magistra Historia. In poëmatis licebit naturalibus epithetis uti, ut: candida nix, liquidi fontes, frigida nox, volubilis annis, aureus sol: In oratione prosa non oportebit adhiberi, nisi emphasis quandam habeant, & ad rem propositam pertineant; ut, Non impetrabis causam tam iniquam ab Aristide justissimo: & coram Catone severissimo morum censore audes agere Floralia? Id potissimum fiet in citationibus exemplorum, aut sententiarum. Aristarchus eruditissimus, & idem diligentissimus. Cicero, eloquentiæ princeps: Plato, certissimus auctor.

## OCTAVA RATIO.

Ostava dilatandi ratio sumitur à circumstan-  
tiis, quas Græci *ωειστάσις* vocant. Ex partim sunt  
rerum, ut caussa, locus, occasio, instrumentum,  
tempus, modus, atque id genus aliæ. Partim per-  
sonarum, ut natio, patria, sexus, ætas, educatio,  
disciplina, habitus corporis, fortuna, conditio,  
animi natura, studium, anteacta, commotio, con-  
silium, nomen. Conducit autem ad multa cir-  
cumstantiarum aptus ac tempestivus usus: Pri-  
mum ad amplificandum atque extenuandum, de  
quo mox paucis dicturi sumus. Deinde ad evi-  
dentiam, de qua paulo antè diximus: Præterea  
ad confirmationem, & probabilitatem. Facit e-  
nī ut tota oratio densis ac crebris argumentis  
undique differta sit, & communica. Quæ tamē si  
non explices, quaque in aciem educas, tamen  
pugnant per se, caussamque non mediocriter  
adjuvant: ut quemadmodum, licet aliud agen-  
tem, tamen agnoscerē liceat palæstricæ aut musi-  
cæ peritum: Ita ubi in sex hujusmodi circumstan-  
tiis commode suo loco admixtis Rethorem in-  
telligere possis; quod quoniam per omnem ora-  
tionem fusum est, exemplo brevi ostendi non  
potest.

## NONA DILATANDI RATIO.

Nona dilatandi ratio constat amplificatione.  
Eius complures formæ referuntur à Fabio. Nos  
eas breviter attingemus, quæ ad præsens perti-  
neant institutum. Prima amplificandi ratio con-  
stat incremento: quoties gradibus aliquot pér-  
venitur non modo ad summum, sed interim  
quodammodo supra summum. Hujus exem-

plum est apud M. Tull. in quinta in Verrem actione. Facinus est vincire civem Romanum, scelus verberare, parricidium necare: quid dicam in crucem tollere: verbo satis digno tam nefaria res appellari nullo modo potest. Ad hoc genu pertinet & illud, cum congestis ordine quodam circumstantiis, in contextu, & cursu semper aliquid priore majus insequitur. Hujus exemplum est in secunda Cic. Philip. de vomitu Antonii. O rem non visu modo foedam, sed etiam auditu. Si inter coenam in tuis immanibus illis poculis hoc tibi accidisset, quis non turpe diceret? In catu vero populi Romani negotium publicum gerens Magister equitum, cui ruorare turpe esset, is frustis esculentis vinum redolentibus, gremium suum, & totum tribunal implevit. Hic singulæ voces incrementum habent. Etenim per se deforme fuerat, vel non in coetu vomere, in coetu etiam non populi, etiam non Romani, vel si nullum negotium gereret, vel si non publicum, vel si non magister equitum. Hæc si quis dividat, ac circa singulos gradus immoretur, augebit quidem orationis copiam: tamen minus efficaciter amplificabit. Huic contraria est comparatio. Nam ut incremento ad superiora tenditur: ita comparatio à minoribus incrementum petit. Fit autem comparatio vel fictione, vel exempli collatione. Fictione quam *hypothesin* vocant, ut in prima parte exempli, quod modo retulimus ex Cic. Fingit enim hoc inter coenam accidisse privato. Ejusdem est illud in Catil. Servi me hercule mei, si me isto pacto metueret, ut te metuant omnes tui cives, domum meam relinquendam putarem. Collatione exempli, quoties proposito velut simili exemplo efficiamus, ut id quod exaggeramus

mus aut proximum illi , aut majus etiam videatur : velut Cic. pro Cluent. cum exposuisset Milesiam quandam à secundis heredibus pro abortu pecuniam accepisse : Quanto est, inquit, Oppianicus in eadem injuria majore suppicio dignus ? Si quidem illa cum suo corpori vim attulisset, seipsam cruciavit. Hic autem idem illud effecit per alieni corporis cruciatum. In hoc genere non solum totis , sed etiam partes partibus comparantur , sicut in hoc loco pro Milone, An vero vir amplissimus Scipio , Tyberium Gracchum mediocriter labefactantem Rempublicam , privatus interfecit ? Catilinam orbem terrarum cæde atque incendio vastare cupientem , nos consules preferemus ? Hic & Catilina Graccho , & status Reipubl. orbi terrarum , & mediocris labefactatio cædi , & incendiis , & vastationi , & privatus consulibus compariatur. Quæ si quis ditare velit , plenos per singula locos habeat. Amplificamus & ratiocinatione : cum aliud crescit, & aliud augetur , hoc modo : Tu istis faucibus , istis lateribus , ista gladiatoria totius corporis firmitate , tantum vini in Hyppiæ nuptiis exhauseras , ut tibi necesse esset in populi Romani conspectu vomere postridie. Colligitur enim quantum vini bibet Antonius , quod illa totius corporis gladiatoria firmitas non quiverit ferre , & concurre. Ad hanc formam referendum est , quoties res atrocissimas quasque in summam ipsi extulimus invidiam , elevamus consulto , quo graviora videantur , quæ secutura sunt. Quod genus est illud Cicero. Levia sunt hæc in hoc reo. Metum virgarum Navarchus nobilissima civitatis pretio redemit: Humanum est. Atrocissimum quiddā exspectetur necesse est , cui hæc quæ sunt

atrocia, comparata, humana atque usitata videantur. Amplificamus & congerie verborum, ac sententiarum idem significantium, quæ ratio finitima est figuræ συνδρομῆς. i. e. coacervationi, de qua prius dictum est. Utitur hac M. Tull. in actione pro Ligario: Quid enim tuus ille; Tubero, distretus in acie Pharsalica gladius agebat? cuius latus ille mucro petebat? qui sensus erat armorum tuorum? quæ tua mens? oculi? manu? ardor animi? quid cupiebas? quid optabas? Hic velut acervo crevit oratio. Idem fit interim omnibus altius, atque altius insurgentibus, ut in hoc exemplo. Aderat janitor carceris, carnifex prætoris, mor terrorque sociorum, & civium Romanorum lictor Sextius. Amplificamus etiam quasi correctione quadam: ut Cicero in Verrem: Non enim furem, sed raptorem, non adulterum, sed expugnatorem pudicitiam, non sacrilegum, sed hostem sacrorum religionumque, non sicarium, sed crudelissimum carnificem ci-vium sociorumque, in vestrum judicium adduximus.

Totidem autem sunt minuendi modi, quot sunt amplificandi. Pertinent ad orationis copiam & vulgares amplificandi modi cum vel adverbiis, vel nominibus, vel aliis partibus appositis amplificamus, vel in laudem, vel in vituperium. Majorem in modum me Cicero delectat: Dici non potest quam tibi faveat socer: Verbis consequi nequeam quam me delebet Cicero. Verum de his augendi rationibus priore libro diximus.

Notus & usitatus est, & ille modus amplificandi, cum speciem augemus generi collatam: ut cum omnes disciplinae liberales plurimum homini conciliant vel ornamenti, vel commodi, tum

tum in primis eloquentia: quanquam hanc quoque rationem superius attigimus.

### DECIMA DILATANDI RATIO.

Decima dilatandi ratio inde sumitur, ut quam maximum propositionum numerum repertiamus. Est autem propositio Rhetorica, cui probandæ adhibentur argumenta. Porro quemadmodum invenienda sit propositio, Fabius negat arte comprehendi posse: ceterum ingenio, atque usu constat ea facultas. Atque inde fit, ut cum plures eadem didicerint, generibus argumentorum similibus utatur, aliis tamen alio plura quibus utatur, inveniat. Sumuntur autem propositiones partim ex his, quæ sunt causæ vulgaris, partim ex his, quæ sunt propriæ causæ. Exemplum sit hoc, quod placuit Quintiliano: cum Thebas evertisset Alexander, invenit tabulas quibus centum talenta mutuo Thessalis dedisse Thebanos continebatur. Eas tabulas, quod esset usus commilitio Thessalorum, donavit his ultra. Postea restituto à Cassandro, reposcunt Thebani Thessalos: Res apud Amphyctionas agitur: centum talenta & credidisse eos constat, & non recepisse: Lis omnis ex eo quod eas Alexander Thessalis donasse dicitur, pendet. Constat & illud, non esse iis ab Alexandre datam pecuniariam Thebanorum: In hoc igitur argumento hujusmodi propositiones ac partes, seu columnæ reperiendæ sunt. Prima pars erit: Alexandrum nihil legisse donando. Secunda: non potuisse donare. Tertia, non donasse. Ac primæ quidem partis prima erit propositio pro Thebanis, jure repeti licere quod vi sit ablatum. Pro Thessalis hac erit, tabulas non simpliciter vi qualibet, sed bello sublatas esse. Jus autem belli plurimum

valere in rebus humanis: hoc regna, hoc populos, hoc fines gentium atque urbium contineri. **H**uic rursus aliam propositionem opponunt Thebani: Non omnia in victoris potestatem venire jure belli, sed in his, quæ in judicium deduci possunt, nihil valere ius belli, nec armis erepta, nisi armis posse retinere. Itaque ubi illa valeant, non esse judicem: ubi judex sit, nihil illa valere. Atque ea quidem à caussa circumstantiis sumitur, quibus ostendi potest, quid hæc caussa distet à cæteris. Ad hujus autem propositionem sumitnr à locis exemplum simile. Ideo captivos, si in patriam suam redierint; liberos esse, quia bello parta non nisi eadem vi possideantur. Tertia pro Thebanis propositio duetur & ipsa ex causæ propriis. In eo judicio potissimum esse spectandam æquitatem, in quo Amphictiones judicent. Aliam enim apud centunarios, aliam apud judicem privatum, in eisdem quæstionibus esse rationem. Atque hæc quoque eo valent, ut appareat hanc caussam distare à cæteris, in quibus jus belli valere debeat. Porro secundæ partis pro Thebanis propositio fuerit: Non potuit donari à victore jus, propterea quod id deum victoris sit, quod teneat: jus cum sit incorporale, apprehendit manu non posse. Rursus ad hujus probationem, adhibetur argumentum à dissimili: aliam esse conditionem heredis, aliam victoris. Ad illum jus, ad hunc rem transfere. Jam ex causæ propriis altera sumetur propositio, superiori veluti subserviens: nempe hæc: ut donemus jus aliás ad victorem transfere, certè jus publici crediti ad victorem transfere nullo modo potuit. Propterea quod si quid populus credidit, id omnibus debeatur. Et quamdiu unus superfuerit,

rit, is sit totius summae creditor. At Thebanos non omnes in Alexandri manu fuisse. Atque haec quidem non eget probationibus. Tertiæ partis vulgaris, hoc est, cuivis causæ congruens propositio erit hujusmodi: Non donavit Alexander, cum tabulas donaret: neque enim in tabulis esse jus. Eaque propositio multis argumentis defendi potest. A simili: Neque enim quisquis hereditatis habet tabulas, idem hereditatis habet jus. Et si forte creditor tabulas amiserit, non continuò liberatur debitor. Altera propositio conjecturalis est: Alexandrum non hoc modo donasse Thessalis tabulas, ut honoret, sed ut deciperet: Eaque variis conjecturis erit probanda. Tertia jam non propriè ad hunc gradum attinet, sed est veluti novæ controversiæ initium. Sumitur autem è propriis matrīcē: estque hujusmodi: ut omnia donemus Thessalis, jus belli valere in judiciis, & apud hos judices, & in publico cætu, atque idem de ceteris: tamen si quid amisere Thebani ab Alexandro vici, id à Cassandro restituti receperint oportet, maximè cum id velit Cassander. Item si quis suadet M. Tull. ne conditionem ab Antonio oblatam accipiat, nempē ut vivat exustis Philippicis, his ferme propositionibus poterit uti: Non esse cuiquam egregio viro tanti emendam vitam, ut immortalem famam amittat. Huic generali subserviet particularis è circumstantiis sumpta: Præsertim Ciceroni, qui tot laboribus clarissimum, semperque victorum nomen sibi pepererit? ac mortem esse contemnendam tot præclaris voluminibus editis fecundissimè demonstrarit: maximè cum jam seni non multum ævi superesse videatur, Rursum altera principalis sumetur à circumstantiis.

stantiis. Nihil infelicius esse, quam Cicerone in virum optimum, debere vitam Antonio, omnium pessimo. Tertia conjecturalis erit, callidè hoc agere Antonium, ut exustis prius Philippicis, in quibus intelligat, & suam infamiam sempiternam, & Ciceronis immortalem gloriam esse sitam: Deinde erepta vita, totum quoque extinguat Ciceronem. Item si cui matrimonium dissuadeas, his licebit uti. Prima fuerit, si pietatem speces, matrimonium est impedimento prope-rantibus ad Christum: Secunda, si vita jucunditatem, innumeratas curas secum adducit infelix conjugium. atque hic protinus aperit se latissimus campus de comparatione commodorum cœlibatus, & incommodorum matrimonii. Tertia, si libertatem, quam multi, & vita antepo-nant, hanc imprimis adimit conjugii vinculum. Deinde ad particulares venies, quæ possunt esse innumerabiles, ut: Non hæc ducenda est, non hoc tempore: Aut, tibi non est ducenda uxor, pauperi, seni, studioso, valetudinario. Crescit autem numerus propositionum etiam hoc pa-  
eto, quoties à fictione incipimus, quemadmo-dum pro Mil. Cicero: Fingite à Milone per insi-dias occisum Clodium, tamen qui civem tam pe-stilentem pro salute Reipubl. periculo capitinis sui sustulerit è medio, summis etiam honoribus di-gnus videatur: deinde ad seriam accedit: sed non occidit. Crescit item, quoties præparandi causa duriorem aliquam propositionem extra rem propositam præmittimus, quo mollior vi-deatur ea quam conamur evincere. Veluti si quis in consultatione persuadere cupiens, ut Ro-manus pontifex Venetos bello adoriatur, juxta proverbium, quo dicitur, iniustum esse peten-dum, ut æquum feras, sic rem prius labefactet.

Sunt

Sunt autem nequaquam contemnendi, qui putent imperium, ac profanam ditionem nequaquam convenire, neque dignitati summi pontificis neque tranquillitati ecclesiae, neque Christianae pietati, cui uni rebus omnibus neglegatis, ille debet consulere. Atque haec propositio, velut obiter ex abundanti plurimis argumentis probari poterit. Deinde ad alteram descendet, ad hunc modum: Hac quidem atque hujusmodi multa, alius fortasse diceret: verum donemus convenire, tamen longe alienum est a clementia Christi vicem gerentis, qui dicit: Discite a me, quod mitis sum, & humilis corde: hujusmodi principatum armis, tumultu, cæde, sanguine vel petere, vel repetere. Post ad tertiam veniet, ut maximè fas sit, tamen parum est tutum, propterea quod anceps eventus belli: unde periculum sit, ne, dum temporariis, ac fluxis rebus, Ecclesiae statum restituere conatur, penitus subvertat; Atque id quoque compluribus exemplis, ac similibus confirmari potest. Deinde digreditur ad tertiam hoc pacto: ut deceat, ut liceat, ut vincas: tamen tanta malorum colluvies etiam bellum justissimum consequitur, ut non tanti vel profano principi, modo Christiano, debeat esse terras, aut urbes aliquot ferro repetere, nedum ei, qui sanctissimi titulum præ se fert. Posset adiici & haec propositio è circumstantiis personæ: ut alium pontificem deceat, Julium tamen non decet: si is sit Julius, cuius mite ingenium, & singularis vitæ sanctimonia, a bello videatur abhorre. Quæ posteaquam argumentis probatur, tum ad id de quo propriè consultatur, descendet hac ratione: Ut nihil horum nos deterreat, quæ commemoravimus: tamen in præsentia bellum cum Venetis suscipere, parum esse consulum.

tum videtur: Et hæc à circumstantiis sumitur. Atque hanc propositionem rursum dividet. Primum; quod sine summo rei Christianæ discrimine bellum id moveri non possit. Deinde quod sedes Romana, apud quam piè factis semper summa fuerunt præmia, parum meminisse videbitur officiorum, quæ sæpenumero ea gens summo cum vitæ discriminine in Christianam contulerit religionem. Postremo quod ne causa quidem idonea est, cur etiam adversus nihil promeritos, arma movere oporteat: Nisi quis has non propositiones, sed rationes esse malit. Tamen si nihil vetat, quo minus eadem sententia propositio fit, & ratio. Item, si quis persuadere studeat regi cuipiam, ne bellum suscipiat cum Christianissimo Gallorum rege, his propositionibus munire viam ad caussam poterit. Primum bello conflictari, non esse hominis ad benevolentiam nati, sed brutorum animantium, quibus natura, arma quædam addidisse videtur. Hæc est generalis: huic subserviet altera propositio: Imo nec omnium animantium, sed ferarum duntaxat: Rursum huic tertia subserviet: Atque adeò ne feræ quidem hoc pacto inter se dimicant, quo mortales. Neque enim tigridi cum tigride bellum est. Neque leoni cum leone: At homo non in aliud animal æque sævit, atque in hominem. Tum feræ non certant, nisi aut tuendi fœtus caufa, aut famis in rabiem aëta: Hominem inanis ambitio, ac tituli nescio qui leves & affectati, ad tam sanguinolenta bella concitant. Huic jam succedet quarta è circumstantiis, quasi novus gradus: Ut hominum sit bellare, certe barbarorum est, ac feris non admodum dissimilium, non eorum qui legibus vivunt. Addé quintam, ut horum etiam sit,

fit, haudquam tamen Christianorum. Quandoquidem Christiana religio nihil aliud est, quam pax. Licebit adjicere sextam: ut deceat, non expedire tamen bellum suscipere, quod omnibus pensitatis, multò plus malorum est, quæ belli caussa suscipiuntur, quam bonorum, quæ victor etiam consequatur. Id jam contentionē erit explicandum. Septima quoque reperiatur: ut expediāt non tamen esse tutum; & anticipitem esse belli exitum. Neque enim semper vincere, quorum melior est causa, aut qui superant apparatu; Ipsas etiam copias in suum ducem nonnunquam arma vertere. Atque hæc propositiones magna ex parte generales sunt: Tum ad particulares venire licebit, quæ sumentur à propioribus circumstantiis: Ut omnia mittamus, tibi non est belligerandum, præferuntim cum tali. Atque hæc in multas dividi potest, vel quia puer es, & belli imperitus, vel quia novus rex. Atque item de ceteris. Nam exempla rationum duntaxat ostendo. Rursum, non cum hoc rege belligerandum, tam potente, tam de patre tuo bene merito, tot vinculis tibi adstricto, tam in te ipsum etiam officioso. Aut non hoc titulo, non hoc tempore, non his præfidiis. Ad eundem modum, si quis sua surus alicui, ne litteris Græcis det operam, primum hanc tentabit propositionem: Aut non magnopere ad Christianam felicitatem ullas literas pertinere, aut etiam officere. Eam ubi probabilem efficerit argumentis, tum ad rem veniet hoc pacto: ut demus esse causam, cur litteris ceteris operam demus, certè à Græcis abstinentium, vel quod tantum habeant negotii, ut his discendis vita mortalium alioqui fugax ac brevis,

& im-

& imbecilla, non sufficiat: vel, si ætas maximè sufficiat, non tantum afferunt fructus, ut operæ pretium sit eas etiam mediocribus laboribus parare. Postremo Græciæ subversæ, & oppressæ fortunam comitati fato quodam eos quoque qui litteris hujusmodi sese dediderint. Aut si aliis descendæ sunt, illi certè non esse descendas. Quæ jam è circumstantiis sumitur, cujusmodi plures sumi possunt. In hujusmodi propositionibus illud observandum arbitror, ut quoad fieri potest, ita disponantur ut à priore, ad proximam quanque, quasi gradibus commode liceat descendere. Qua quidem in re mirus est Lucianus, ut in Tyrannicida quem nos Latinum fecimus. Si tantum conatus essem facinustam egregium, cum tanto capitis discrimine, jam præmio dignus eram. Deinde hinc digressus. Atqui non tentavi solum, verum etiam filium repulsis custodibus occidi: num præmium feram? Hinc rursus discedens: At patrem sustuli, data mortis occasione. Item, in Abdicato, quem ipsum quoque Latinum fecimus. Non licet abdicare, quem semel abdicatum, denuo in familiam receperis: Tum si maxime liceat, ob istam tamen causam non licet: Postremo, si causa maxime sit idonea, tamen ea est magnitudo superioris beneficii, ut ejus respectu negligenda sint delicta patri. Quod si turba propositionum nos offendet, tribus aut quatuor universam causam completemur, ac deinde in tractando unamquamque, si videbitur, in alias propositiones digeremus. Summas illas nonnunquam in divisione proposuimus. Divisionem appello quasi limen argumentationis, qua proponimus in summa, quid, quo ordine simus dicturi: nonnunquam in ipsa causæ tractatione, ab illa ad aliam, veluti gradis-

gradibus quibusdam descendimus. Ut si natura parum inter se cohærebunt, ipsi commodis transitionibus in hoc repertis, aptè connectemus. Nam affectanti copiam in primis illud erit spestandum, ut eas reperiat propositiones, quæ quicquid ad causam pertineat, absolute complectantur: Deinde ut recte dividantur: postremo, ut ordine quam maxime ad causam idoneo disponantur. Siquidem eo pacto fiet, ut neque copia rerum confusa sit oratio, dum semper habet auditor certum aliquid, & in quod tendat animum, & quod meminisse possit, & quod exspectet. Tum is qui dicit, nusquam hæreat, dum in promptu est, quo sese recipiat in viam. Sed propositionum inventionem negat, ut dixi, Fabius arte tradisse, cum ea tamen tum prior sit, tum difficultior. Verum adjuvabit principio quod ubique valet plurimum, natura, & ingenium. Deinde iurisprudentia, præsertim in genere judiciali, Philosophiæ moralis, historiæ, & plurimorum auctorum cognitio, in genere suasorio, ac demonstrativo. Postremo rerum plurimarum usus, exercitio, & imitatio. Nam ex similibus facile similia, aut etiam diversa colliguntur. Quanquam ex ipsa rei natura vulgares propositiones reperiiri poterunt, propriæ ex circumstantiis rei diligenter expensis: Denique felix ingenium adjuvabunt Rhetorum præcepta, de causarum capitibus, quæ Fabius status vocat, Græci σύστημα. Porrò genus suasorium proprios habet locos, unde propositiones petere liceat, rectum, laudabile, utile, tuum, facile, necessarium, jucundum. Demonstrativum item suos habet, nempe bonorum ordinis, & quæ his comprehenduntur.

## UNDECIMA RATIO.

Undecima locupletandi ratio sumitur ex accumulatione copiosa probationum, & argumentorum, quas Græci *mīst&ls;* appellant. Nam ad eisdem propositionis confirmationem variæ rationes adhibentur, & rationes aliis argumentis confirmantur. Probationes autem partim sunt *τεχν&os;*, id est, artificiales : partim *άτεχν&os;*, id est, ab arte semotæ. Posterioris generis argumenta ducuntur potissimum à præjudiciis, à rumoribus, à tormentis, à tabulis, à jurerando, à testibus. Prioris generis sumuntur primum ab his signis, quæ finitima sunt *άτεχν&os;*. Horunt alia sunt necessaria, quæ *τεκμηρία* vocantur : alia non necessaria quæ *οπικεῖα* dicuntur. Deinde ab argumentis ; (nam hæc à signis distinguit Fabius) quorum aliud est credibile, aliud veluti propensius, aliud non repugnans. Hæc plerunque ducuntur à circumstantiis, quæ quidem duplices sunt, personæ ac rei. Personæ fermè sunt hujusmodi : Genus, natio, patria, sexus, ætas, educatio, habitus corporis, fortuna, conditio, animi natura, studia, affectatio, antefacta, antedicta, commotio, consilium, nomen. Rei sunt hæc : caufsa, locus, tempus, occasio, antecedentia rem, adjuncta, consequentia, facultas, instrumentum, modus.

*Loci Communes.*

Sunt item loci generibus, atque etiam partibus caussarum omnibus communes. Nam superiores, etiamsi tractantur interim & alibi, tamen ad judiciales controversias, & in his quidem

dem, conjecturales sunt accommodatores. Duncuntur autem generaliter argumenta à finitione seu fine, descriptione, etymologia, quæ finitionis seu species quædam est; Ab his, quæ ad natum definitionis pertinent, genere, specie, proprio, differentibus, partitione, divisione, cuius variæ sunt formæ: ab exordio, summa, incremento: ab inductione similiūm, dissimiliūm: à contrariis, repugnantibus, consequentibus: à relativis: à causis: ab eventis: à comparatione, quæ trifariam sumit: à majore: à minore: à pari: à jugatis: & si qui sunt alii. Nam neque de ordine, neque de numero, neque de vocabulis, satis convenit inter scriptores. Scripserunt autem de his copiosissimè Aristoteles, ac Boëtius; satis accuratè M.T. sed subobscurè, & brevissimè Quintil. Oportebit autem eum, qui semet exercet ad eloquentiam, singulos excutere locos, ac veluti osliatim pulsare, si quid possit elici: usus efficit, ut deinceps sponte occurrant. Item ab ea, quæ rursum pluribus locis est communis, fictione: à causis propriis.

Plurimum autem valet ad probationem, atque adeò ad copiam, exemplorum vis, quæ Græci ~~ταχεῖς μάται~~ vocant, & adhibentur, aut ut similia, aut dissimilia, aut contraria. Rursum, aut ut majora, aut ut minoria, aut ut paria. Dissimilitudo & inæqualitas constat genere, modo, tempore, loco, ceterisque ferme circumstantiis, quas supra recensuimus. Hoc autem genus complectitur & fabulam, & apoguum, proverbium, judicia, parabolam, seu collationem, imaginem, & analogiam: præterea si qua sunt similia. Atque horum quidem pleraque solent adhiberi non solum ad fidem faciendam, verum etiam ad ornandam rem & illustrandam,

ad

ad augendam, ad locupletandam. Ergo si quis ex locis dictis magnam vim supellestilis colligere volet, quamlibet copiosam orationem poterit efficere: neque tamen erit inanis verborum congeries, & varietatis excludet satietatem. Sed quemadmodum sint vel invenienda, vel adhibenda, id non est hujus instituti persequi. Verum si quis desiderabit, ex Arist. Hermog. Quintil. petat licebit, qui diligentissime hisce de rebus conscripsere. Nos ea, quæ pertinent ad copiam, persequemur, sed paucis, ne librum, non commentarium scribere videamur. Ergo ad parandam copiam, exempla primas tenent: sive deliberes, sive exhorteris, sive laudes, sive vituperes: Et, ut summatim dicam, sive fidem face. Pe studeas, sive movere, sive delestante. Horum igitur ut vim quam maximam, maximeque variam comparare, & in promptu habere conveniet, ita varie tractare oportebit: Varietas exemplorum ab ipso genere nonnunquam perpenditur. Sunt enim & antefacta, & antedicta: & publicæ gentium consuetudines in exemplis sumuntur: & à discriminibus auctorum, puta ab historicis, à poëtis: & ex his à Comicis, Tragicis, Epigrammaticis, Heroicis, Bucolicis. A Philosophicis, quorum variae sunt sectæ: A Theologis, à sacris voluminibus. A diversitate nationum: quod genus sunt, alia Romanorum exempla, & instituta, alia Græcorum: & inter Græcos, alia Lacedæmoniorum, alia Cretensium, alia Atheniensium. Item alia Afrorum, Hebræorum, Hispanorum, Gallorum, Anglorum, Germanorum. Rursum à temporis varietate. Nam alia sunt prisca, alia media antiquitatis, alia recentia, nonnulla etiam domestica. Præterea à qualitate rerum: Nam quædam sunt militaria, quædam

dam civilia: & quædam clementer facta, quædam fortiter, quædam sapienter: atque item de ceteris: nam id quidein est infinitum. Postremo è conditione personarum: Alii sunt principum, judicum, parentum, servorum, pauperum, divitum, mulierum, virginum, puerorum. Hæc igitur ad unumquemque locum plurima, variaque sunt adhibenda, non solum ex omni Græcorum, ac Latinorum scriptorum genere collecta, verum etiam ex barbaris annalibus: demum à vulgi rumoribus. Movent autem potissimum animos antiqua, illustria, nostratia, domestica, id est, suam quæque gentem, suum quæque genus. Aut longè minora, ut mulieris, pueri, servi, barbari.

*Quomodo tradanda sint exempla.*

Porrò non variantur modò, verum etiam augentur, & crescunt in tractatione. Cujus rationes aliquot indicabimus. Primum augentur commendatione. Ea plerunque sumitur vel à rei, vel ab auctoris laude, vel gentis, unde ducitur exemplum: Veluti si quis Lacedæmonicum factum, aut dictum adhibeat, præfari poterit: Eam gentem sapientia, & rei militaris ac civilis disciplina ceteris longè antecelluisse, & exemplis pulcherrimis semper abundâsse. Si quis è Plutarcho citabit exemplum, præfari hicebit eum auctorem unum omnium esse gravissimum, quippe qui summam philosophiæ scientiam, cum historicorum eloquentia conjunxerit, ut in eo non solum historiæ fidem, verum etiam auctoritatem, & judicium sanctissimi, doctissimique philosophi spectare oporteat. Item, si quis M. Attili Reguli ad hostem redeuntis exemplum velit adducere, poterit ad hunc præloqui modum

dum. Inter tam multa Romanæ virtutis insignia decora, nullum unquam facinus pulcrius extitit, aut etiam laudatius, quam M. Attili. Hujusmodi commendatiunculas, licebit affingere, vel longiores, vel breviores, ut cunque locus postulabit. Affingendæ sunt autem, quæ maxime sint ad id, quod agitur, appositæ: veluti si in exemplo considerabitur fides, auctor à gravitate, fideque commendetur. Si pius videri voles quod affers, sumatur à pietate commendatio: atque item de ceteris.

*Secundus modus locupletandi exempla.*

Locupletantur item exempla, si fusius aut latius explicitur cum exaggerationibus, atque amplificationibus. Nam qui brevitati studebit, huic satis erit exemplum, ceu notum, verbo significâsse. Id quod facit M. Tull. pro Mil. Neque enim possit ille Hala Servilius, aut P. Nasica aut L. Opimius, aut me consule, senatus non nefarius haberi, si sceleratos interfici nefas esset. At qui copiam affectabit, is id quod gestum sit, locupletius narrabit: Ita, ut fecit in eadem oratione Cic. Pudicitiam cum eriperet militi tribunus militaris, in exercitu Caii Marii, propinquus ejus Imperatoris, ab eo imperfectus est, cui vim afferebat: Et addidit epiphonema: facere enim probus adolescens periculo, quam turpiter perpetrari maluit. Atque hunc ille summus vir scelere solutum periculo liberavit. Quanquam in his quæ ad ostentationem parata sunt, licebit diutius exemplis locupletandis immorari, præcipue si res sit hujusmodi, ut aliqua voluptatis illecebra retineat auditorem. Quod genus fuerit, si quis persuadere studeat, ad prudentiam comparandam multum conducere peregrinationes, multarum

tarum rerum inspectionem, in Solonis laude aliquandiu commoratus, & quam civitatem reliquerit, & quam ob causam, & quæ maria transmiserit, & quas barbaras nationes, quo capitis periculo adierit, & quibuscum sit congressus, & quid mirandum conspexerit, & quantum temporis abfuerit, & quanto illustrior simul, ac sapientior in patriam redierit, fusius poterit enarrare. Cujusmodi ferme sunt exempla de Pythagoræ, atque Apollonii peregrinatione, apud D. Hieronymum in præfatione, quam universæ scripturæ divinæ præponunt. Sed hujusmodi rationis commodissimum exemplum est apud M. T. statim in principio secundi de inventione libri de Zeusi de, qui Helenam picturus, virgines aliquot eximiæ formæ poposcit, ut ex singulis, quod esset optimum, eligens, absolutum formæ simulacrum cederet.

### *De exemplo Fabuloſo.*

Atque eadem dilatandi, contrahendiq; ratio locum habet in fabulosis quoque exemplis. Nam & fusius, & contractius exponi poterunt, si res ac decorum patietur. Verum in his quæ omnino fide carent, nisi jocabimus, præfari conveniet, à viris priscis ac sapientissimis ista non sine causa fuisse confita, neque temere tot jam seculis magno mortalium consensu fuisse celebrata: deinde quid sibi voluerint, interpretabimus & veluti si quis persuadere velit non esse secundum id, à quo natura quis abhorreat, dicet hoc veteres illos, ac sapientes scriptores, & perspexisse prudenter, & aptissimo figmento significasse prodita Gigantum fabula, quorum temerarii conatus, infeliciter cesserint. Aut si quis proponat, hominem avarum tam non habere quod habet,

L

quam

quam id, quod non habet, præfatus, adhibebit Tantali fabulam. Si proponat viri sapientis esse munus, ut animi motus ratione judicioque coercent, allegabit, quod est apud Hom. lib. I. Iliad. de Achille, jam manum admovente capulo, & Pallade à tergo revocante. Item, si quis proponat veram virtutis laudem non parari, nisi quis sit multis jactatus casibus, variisque exercitatus periculis cum hujusmodi, quam diximus, præfatione, Vlyssem adducet Homericum. Quanquam autem non ubique perinde obvia est Allegoriæ ratio, tamen illud extra controversiam est apud antiquitatis peritos, in omnibus veterum poëtarum figmentis subesse allegoriam: vel historicam, velut in pugna Herculis cum Acheloo bicorni; vel theologicam, ut in Proteo se vertente in omnes formas, aut Pallade è Iovis cerebro nata: vel physica, ut in fabula Phaëthonis: vel moralem, velut in his, quos Circe poculo, & virga sua verterat in bruta animalia: nonnunquam unum atque alterum allegoriæ genus permixtum. In quibusdam haud magni negotii est allegoriæ sensum deprehendere. Quis enim non intelligit (nam de his quæ ad mores attinent, magis libet exempla ponere) Icari in mare delapsi figmentum admonere, ne quis altius efferatur, quam pro sorte sua? Sic nimirum fabula Phaëthonis monet, ne quis munus administrandum suscipiat majus, quam pro viribus. Sic Salmoneus in tartara datus præceps, docet non esse æmulandum, quod longè supra fortunam nostram habeatur. Sic Marsias excoxiatus, docet non esse certandum cum potentioribus. Quid autem aliud sibi vult Danaës auro deceptæ fabula? nisi quod & Flaccus interpretatur: nihil tam esse munitum, quod non expugn-

pugnetur pecunia, nihil tam incorruptum , quod non muneribus vitietur. Quid Herculis labores, nisi sudoribus , ac juvandis aliis famam immortalem parari ? Quid Midæ votum , nisi avaros, & insatiabiles, suis ipsorum opibus præfocari ? Quid judicium , nisi dotibus ingenii cum pecuniæ studio nequaquam convenire ? Quid Bacchus à fulmine flagrans, in Nymphaeum aquas injectus, nisi vini ardorem , sobrio elemento restinguendum esse ? quod Græco etiam Epigrammate testatur est. Quid innuit Circes fabula , beneficiis homines vertentis in feras ? nisi eos qui nequaquam ratione ducuntur , id quod hominis est proprium , sed totos sese dediderunt turpibus affectibus, jam præter hominis vocabulum, nihil hominis habere , sed ad pecudum degenerâsse naturam, puta, libidine in ursos , somnolentia ignaviaque in sues, ferocia in leones , atque item de consimilibus. Quid Vlysses , qui solus poculo epoto , virgaque monstrifica percussus non est mutatus , nisi firmum illum & constantem sapientis habitum , qui nec frangi terroribus , nec nullis affectuum illestantis ab honesto potest abduci ? Quid lotus semel gustata : jam non sinnens abire socios, nisi dulce , blandumque turpium voluptatum venenum , à quo non admidum difficile sit abstinere ? relinquere, posteaquam gustaris , difficillimum ? Quid Sirenum cantus, pisi assentationem, ut rem omnium blandissimam , ita & pestilentissimam ? Quid Scylla & Charybdis angusto inter se discrimine distantes , nisi virtutis viam angustam esse : hinc atque hinc finitimi instantibus vitiis , puta inter luxum & sordes, frugalitatem : Inter quæ sic moderanda est vitæ ratio , ut quoniam medium in omnibus exakte tenere difficillimum

mum est, eo potius vergas, ubi minus sit periculi, quemadmodum fecit Vlysses. Quid moly radice nigra, sed flore lecto herba, mortalibus inventu difficultima, nisi sapientiam, ad quam primus aditus arduus est, ac sudoris plenus, fructus suavissimi? Quid item ramus ille aureus apud Maronem, nisi sapientiam in abdito sepositam; paucisque deprehensam? Sed ne longiores simus, hujus generis interpretationum quantumlibet vim suppeditabit Eustathius enarrator Homeri. Nos quoque quondam adolescentes hisce de rebus nonnihil attigimus in libris quos inscripsimus *ανταρτάς*. Porro in hoc genere molliora sunt ea, quæ à Poëtis in hoc ipsum ficta constat, velut quæ ad imitationem humanæ vitæ Diis affingunt. Quod genus, cum Martem à Vulcano vinculis irretitum facit Homerus. Cum Jupiter *αἰγιλομήτης versutus*, emisso somnio spem injicit capiendæ Trojæ, cum longè aliud ageret. Nam hæc regum ars est, quosdam rumores data operâ in vulgus spargere, cum multò aliud apud se destinârint. Atque his etiam molliora, quæ sic à Poëtis celebrata sunt, ut ad historiam, non ad fabulas possint referri. Qualis est Orestes parricida, cumque hoc Pyladis amicitia. Sunt enim qui rem gestam affirment: qualis Alcestis mariti mortem, sua redimens, cuius etiam meminit Val. Maxim. Item Codri ac Menœcei mors. Quin. Curtii, Deciorumque factis annumeratur. Et inter amicorum paria Theseus, & Pirithous; Castor & Pollux referuntur. Qualis item Arion à Delphino reveritus in patriam: Nam divus Augustinus historiam autumat. Certè apud Virg. ac præcipue Lucanum, non dubium quin pleraque ad historiam pertineant. Quantquam & Herodoti pleraque fide carent. Et Xenophon

phon Cyropœdiam magis ad exemplum instituendæ vitæ , quām ad fidem historiæ scripsit. Quæ si pro veris accipiantur , fide valent , sin profictis , cum sint à sapientissimis , ac probatissimis auctoribus prodita , hoc ipso valent quod ab iis conficta sint , quorum auctoritas præcepti vigorem obtinet. Contra , sunt apud Poëtas exempla certæ atque historicæ fidei de Scipione , de Hannibale , de Augusto , de Pompejo , de Julio . Sunt rursus alia , quæ nullus inficias eat , esse conficta. Sed quoniam constat , in hunc ipsum usum esse conficta , & à magnis conficta auctoribus , nimirum exempli pondus habent. Quo de genere sunt Invidia Dea , Fama , Ate , Lite , de quibus supra mentio facta est. Præterea personæ , quæ in dramaticis , aut mixtis poëmatiſ inducuntur præsertim comoediis , cum quibus dialogi multum habent affinitatis. Etenim si quis suadet cavenundum esse parentibus , ne si quid peccent , testibus liberis peccent , nonne exempli vim habebit Clitiphο in sene seipsum excruciantे , loquens ad hunc modum : Perii , is mihi ubi adbibit plus paulo , sua quæ fecit narrat facinora ! Nunc ait , periculum ex aliis facito , tibi quod ex usu fiet : astutus : nax ille haud scit , quam mihi nunc furdo narret fabulam. Aut si quis suadeat , juxta sapientis responsum ; aqualem esse ducendam uxorem , alioqui non uxorem duci , sed heram , pauper divitem adjunxeris , nonne exempli instar erit Chremes in Phormione , Nausicratam perinde , ut dominam timens ? Item , si quis suadeat , neque firmam satis , neque tutam pauperi , cum opulentis esse amicitiam , nonne pro exemplo valebit Euclio in Aulularia Plautina , loquens ad hunc modum , pauper Megadori divitis deprecans affinitatem : Venit hoc mihi in men-

tem &c. Nam locus notissimus est. Rursum ubi differas improbè facere parentes , qui sæviunt in liberos delinquentes , cum ipsi senes peccent graviora : nonne rectè citabitur modo dicta Nausicistrata , loquens hoc pacto : Adeò indignum tibi videtur; filius, homo adolescens, si habet unam amicam , tu uxores duas ? nihil pudet quo ore illum objurgabis ? responde mihi. Sed ne ego ineptus unum aut alterum exemplum profero, cum tota comoëdia nihil aliud sit, quam humanæ vitæ simulacrum. Poteram item è tragœdiis , eclogis, dialogis , similes formas proferre. Sed in commentario abundè satis arbitror viam ingeniolis indicâsse. Evidem existimо exempla non solum de his , quæ diximus , verum etiam à mutis animantibus atque etiam inanimis recte . Quanquam videntur ad ομοίωσιν , id est , similitudinem , magis pertinere , veluti si quis proposita descriptaque formicarum industria , ad rem labore parandam adhortetur. Aut si quis exposita apum politiâ , homines ad legum , ac disciplinæ civilis observationem extimulet. Aut si quis ab impietate in parentes revocet , proferat ciconiæ pullos , qui parentes ætate confectos , vicissim valere , ac gestare dicuntur. Aut si adhortans ad pietatem erga liberos , adducat asinam per medios ignes succurrentem pullis suis. Aut si quis detestetur ingratitudinem , adducto exemplo leonis , cuius ex Appione meminit Gellius , & Draconis , qui nutrictum à latronibus obsessum eripuit, auctore Plinio. Aut si reprehendens hominem ab amicitia alienum , qui nec amet ullum , nec à quoquam ametur : Delphini proferas exemplum , puerum adamantis : aut aquilæ , virginis amore flagrantis , aut Magnetis , ferrum adie trahentis. Sed hisce de rebus plura fortassis , ubi de

ubi de parabola disputabimus, nunc ad institutum.

*Tertius modus locupletandi exempla.*

Dilatantur exempla utriusque generis, hoc est, tam fabulosa, quam historica, præter jam diætos modos, etiam parabola, quam eandem òμοιωσιν vocant, Cicero *collationem* vertit: tum comparatione, sive contentione. Parabola est, cum accommoda similitudo, quod adductum est exemplum, ostendit aut simile esse, aut dissimile, aut contrarium. Simile, ut: Non aliter, quam Camillus rem Romanam à Gallis oppres-  
sam, & in extremam perniciem adductam, sua virtute depulsis barbaris restituit: Ita Lauren-  
tius latinas literas inscitias fere barbarorum de-  
pravatas, obrutas, extinctas, in pristinum nito-  
rem velut ab inferis revocavit. Dissimile, ut non  
par gratia debetur Laurentio & Camillo, pro-  
pterea quod hic pietate adductus, capitis sui pe-  
riculo patriam à barbaris liberaverit: ille famæ  
cupiditate commotus, vel potius, quam pluri-  
mos taxandi libidine, linguam latinam non op-  
pressam restituit, sed ad certas quasi leges rede-  
git, quæ felicius ex eloquentium auctorum le-  
ctione discebatur. Contrarium: Marcellus or-  
namenta Syracusanis hostibus restituit; Verres  
eadem sociis abstulit. Pugnant enim restituere  
cum auferendo, hostes cum sociis: Item, Bru-  
tus occidit liberos, proditionem molientes: Man-  
lius virtutem filii morte mulctavit. Et apud Virg.

*At non ille, satum quo te mentiri Achilles,  
Talis in hoste fuit.*

Porrò comparatio demonstrat id quod adduc-  
tum sit, aut par esse, aut minus, aut majus. Minus  
ut si propter matrimonia violata urbes ever-  
sæ sunt,

sunt, quid fieri adultero par est? Item maiores  
 nostri saepe pro mercatoribus, ac naviculatori-  
 bus injuriosius tractatis bella gesserunt: vos tot  
 civium Romanorum millibus, uno nuncio, at-  
 que uno tempore necatis, quo tandem animo  
 esse debetis? Legati quod erant appellati su-  
 perbius, Corinthum, patres vestri totius Græ-  
 ciæ lumen, extinctum esse voluerunt: vos eum  
 regem multum esse patiemini, qui legatum po-  
 puli Romani consularem, vinculis ac verberi-  
 bus atque omni supplicio excruciatum necavit?  
 Par, ut apud eundem Cic. Etenim mihi ipsi ac-  
 cedit, ut eum duobus patriciis, altero impro-  
 bissimo, altero modestissimo, atque optimo viro  
 peterem: superavi tamen dignitate Catilinam,  
 gratia Galbam. Majus, ut pro Milone. Negant  
 intueri lucem esse fas ei, qui à se hominem oc-  
 cisum esse fateatur. In qua urbe tandem hoc ho-  
 mines stultissimi disputant? nempe ea, quæ pri-  
 mum iudicium vidi de capite M. Horatii fortif-  
 simi viri, qui nondum libera civitate, tamen  
 populi Romani comitiis liberatus est, cum suā  
 manu sororem imperfectam esse, fateretur. Ergo  
 in eo quod proprie vocatur exemplum; (Est au-  
 tem rei gestæ, aut perinde ut gestæ, utilis ad per-  
 suadendum commemoratio) aut brevissime si-  
 gnificatur: (quod genus est illud divi Hiero-  
 nymi: Memento Daretis, & Entelli:) aut la-  
 tius per collationem accommodatur, per simile,  
 dissimile, contrarium, par, majus, & minus. At-  
 que ea collatio sumitur ab omnibus rerum, ac  
 personarum circumstantiis. Adjuvatur autem &  
 orationis artificio, cum verbis, ac figuris ad id  
 accommodis, alia consulto elevantur, alia attol-  
 luntur. Porro qui copiosissime volet exemplum  
 tractare, is singulas similitudinis, aut dissimilitu-  
 ditis

dinis partes explicabit, atque inter se compariabit quemadmodum facit M. Tull. in exemplo, quod superius retulimus, de legato occiso. Subjicit enim partium collationem. Illi libertatem civium Romanorum imminutam non tulerunt: vos vitam erectam negligitis? Jus legationis verbo violatum illi persecuti sunt; vos legatum omni supplicio interfectum relinquetis? Videte, ne, ut illis pulcherrimum fuit, tantam nobis imperii gloriam relinquere, sic vobis turpissimum sit, id quod accepistis, tueri, aut conservare non posse? Quod tamen quantumlibet copiosè licebit facere, si quis plures circumstantias inter se componat: veluti si quis hortetur aliquem, ut filii mortem moderatè ferat, & ex Ethnicorum exemplis mulierem aliquam objiciat, quæ plurimum liberorum mortem fortiter tulerit, post enarratam rem ita comparabit: Quod mulier imbecilla potuit; tu vir barbatus non feres? Illa cum sexu vicit & affectum matris, tu ab altero superaberis? Illa complurimum liberorum jaēturam animo infraēto pertulit; tu unum extintum inconsolabiliter defles? Adde quod illius filii simul omnes naufragio perierunt, morte vide- licet ingloria, tuus in bello fortiter pugnans occubuit. Illa non habebat cui filios honestè impunitaret, tu filium impendisti patriæ: Illi verè totique periērunt, tuus immortalis gloria semper vivitus est: Illa naturæ gratias agebat, quod aliquando tot liberorum mater fuisset: tu tantum meministi te optimum perdidisse filium: Illa non habebat sarcinæ orbitatis spem, quippe major, quam ut uterum jam ferre posset; tibi & uxori fœcunda, & ætas etiamnum integræ, valensque: Ergò quod barbara muliercula præstitit, tu vir Romanus non præstabis? quod contempnere potuit

Potuit literarum imperita, hoc te tot præditum  
 literis, tantum philosophiæ professorem. Denique  
 Quam animi fortitudinem præsttit pagana; hanc  
**homo Christianus** non exhibebit? Illa credens  
 Post rogum nihil superesse, tamen luctum inde-  
 corum existimavit; tu doctus eos demum verè  
 vivere, qui cum laude excesserint: ex hac vita,  
 sine fine clamas tibi perisse filium? Et quod il-  
 la æquo animo reddidit naturæ; tu Deo repeten-  
 ti non reddis? Illa fortiter paruit, tu Deo repu-  
 gnas? Ex hac forma satis opinor apparet, qui-  
 bus modis oporteat exempla conferre; quam-  
 quam in veris caussis, quoniam major est cir-  
 cumstantiarum copia, facilius est inveniri va-  
 rias contentiones. Illud obiter admonendum;  
 in hujusmodi contentionibus sententias, & epi-  
 phonemata non inconcinnè posse admisceri:  
 veluti in hoc eodem exemplo post primam col-  
 lationem: Quod mulier imbecilla potuit, tu vir  
 barbatus non poteris? subjici poterant sententiæ:  
 Natura discrevit sexum, tu non discernis ani-  
 mum? A muliere nemo fortitudinis laudem  
 exspectat? Vir nisi fortis sit animo nec viri nomi-  
 ne censetur: Vir, utrumque significat, & sexum  
 robustiorem, & animum infractum: turpiter  
 barbam gestat; qui pectoris robore superatur à  
 femina. Item, post illam contentionem: Illa  
 non habebat cui filium imputaret honestè: tu  
 filium impendisti patriæ. Poterant affungi sen-  
 tentiæ ferme hujusmodi: Magnum doloris sola-  
 tium est, habere cui honestè possis imputare  
 fortunam: Ut nulli justius, ita nec gloriosius  
 impenditur filius, quam patriæ: Rursum post  
 illam: Illiverè totique perierant, tuus immor-  
 tali gloria semper victurus est; Adjici poterant  
 hujusmodi: Longè felicius, honesta fama, quan-  
 hoc

hoc communi spiritu, vita, vivitur. **Corporis**  
**vita**, & calamitosa est, & omnino, ut nihil acci-  
dat, brevis, denique cum pecudibus commu-  
nis. Illa clara sempiternaque hominis in divo-  
rum consortium referens. Ad eundem modum  
singulis collationem partibus sententiae subjici  
poterant. Sed haec obiter indicasse sat fuerit:  
nam de sententiis suo loco dicemus.

*De Parabola.*

Iam vero si quis supersticiosus parabolam ab  
exemplo separet, ut exemplum sit certae rei ge-  
stae: Parabola, similitudo sumta ab his quae sunt,  
aut quae natura, casuve rebus adjuncta sunt: ut,  
Attilus ad hostes reversus exemplum sit servan-  
dæ religionis ac fidei: At navis pro ventorum ra-  
tione velum tollens, aut contrahens, in hoc  
aut illud latus transferens, parabola sit, quæ do-  
ceat sapientem tempori cedere oportere, ac re-  
bus praesentibus sese accommodare: tamen ea-  
dem est dilatandæ parabolæ ratio, quam in  
exemplo demonstravimus. Nam aliquando ver-  
bo notatur; Ut, non intelligis tibi vertenda vela:  
Aut, deline lavare laterem. Ut jam vel allegoria  
sit, vel metaphora. Aliquando latius explica-  
tur, & apertius accommodatur. Quod facit Cic.  
pro Muræna: Quod si è portu solventibus, qui  
jam in portum ex alto invehuntur, prædicere  
summo studio solent tempestatum rationem, &  
prædonum, & locorum: quod natura fert, ut his  
faveamus, qui eadem pericula, quibus perfuncti  
sumus, ingrediantur: quo me tandem animo  
esse oportet, prope jam ex magna jactatione ter-  
ram videntem, in hunc, cui, video maximas  
tempestates esse subeundas? Rursum in eadem

oratione , ut ajunt , in Græcis artificibus eos auriculæ esse , qui citharoëdi fieri non potuerint : sic nonnullos videmus , qui oratores evadere non potuerint , eos ad juris studium devenire . Superiorem Ciceronis parabolam sic imitatus D. Hieronymus in epistola quadam ad Heliodorum . Et ego non integris rate vel mercibus , nec quasi ignarus fluctuum , & indoctus nauta præmoneo , sed quasi nuper naufragio ejectus in littus timida navigaturus voce denuncio : in illo æstu , charybdis luxuriæ , salutem vorat . ibi ore virgineo ad pudicitiae perpetranda naufragia Scyllatum renidens libido blanditur . Hic barbarum littus : hic Diabolus pirata cum sociis portat vincula eapiendis . Nolite credere , nolite esse securi : licet in modum stagni fusum æquor arrideat , licet vix summa jacentis elementi spiritu terga crispentur , magnos hic campus montes habet : intus est periculum ; intus est hostis . Expedite rudentes , vela suspendite : crux antennæ figatur in frontibus : tranquillitas illa tempestas est . Hic si quis singula pericula quæ à vitiis , aut improbis , aut aliunde bonis moribus imminent , velit conferre cum singulis quæ nautis vitæ discrimen adducere solent : deinde per comparationē majus aut minus , item dissimile aut contrarium ostendere : postremo , sententiis & epiphonematis , ut inciderint extornare : nimirum copiosissime dilatabit orationem . veluti in hoc exemplo : Ut , quo preciosior est res , hoc & diligenter solet adservari , & impendi circumspectius : Ita temporis , quo nihil est preciosius , summa habenda est ratio , ne quid effluat sine fructu . Etenim si curatores dari solent his ; qui gemmas , & aurum temerè profundunt : quæ tandem erit insania , tempus pulcerissimum immortalis Dei munus , aut otio , aut in-

hone-

honestis studiis turpiter consumere? Quid enim perdis, cum tempus perdis, nisi vitam? At vita quid esse potest carius? Et cum una gemmula periit, jacturam vocas: cum totus periit dies, hoc est, bona portio, jacturam non vocas? Præfertim cum illa perdita, aliunde possint recuperari: temporis irreparabilis sit jactura. Praterea illa cum tibi perirent, aliis plerunque lucro sunt: At temporis dispendium in nullius transit compendium: Nullum est damnum, ex quo non quis emolumenntum aliquid sentiat: præter damnum temporis. Adde his, quod illarum opum jactura saepe saluti fuit. Nam divitiæ plerunque vitiorum materiam ministrant: ita ut præstet temere profudisse, quam attentè asservasse. Quanto cujusque rei usus honestior, tanto turpior profusio. At nihil pulchrius, nihil præclarius, quam bonas horas bene collocare. Illa ut quam maxime serves, saepenumero tamen vel casus eripit, vel homo tollit, ut jactura te calamitosum duntaxat, non etiam turpem reddat. At temporis amissio, quoniam non nisi nostrorū vitio contingit, non miseris solum, verum & infames reddit. Pessimum infamix genus, quoties culpa in nullum conferi potest, præterquam in eum, qui patitur malum. Illis fundos, aut ædes mercari poteras, bonum mentem non poteras. Hoc præter alia animi ornamenta parare poteris immortalitatem. Nulla est tam brevis vitæ portio, in qua non magnus aliquis ad felicitatem gradus fieri poterat. Postremo de illis male insumptis, patri fortassis rationem redditurus eras; de horis male transactis, Deo. Sed satis est indicasse, in quantam amplitudinem dilatari possit collatio, si quis ad eum modum singulas circumstantias velit componere, atque ornare.

De

De dissimili eadem est tractandi ratio , cuius hoc sit exemplum : Neque enim ut navis utilior nova, quam vetus , sic & amicitia. Nec ut laudanda , quæ pecuniam pluribus largitur , ita & quæ formam. Neque enim ut in cursu melior est , qui lampadem accipit , quam is qui tradit: ita in bello melior est Imperator , qui exercitum accipit , quam qui tradit. Porro quemadmodum ab omni genere rerum collationes duci possint , superiore commentario demonstratum est.

*De Imagine.*

*Eἰκὼν* , quam Latini vocant *imaginem* , collationi videtur affinis : quam si explices , fit collatio ; velut si dicas ; ut asinus fuste non depellitur à pabulo , nisi satur ; ita bellator non quiescit à cæde , donec expleverit animum suum. Collatio est. Sin dixeris aliquem more draconis , aut leonis in hostes insilisse , *εἰκὼν* est , Aut , Achillem ignis , aut solis instar armis reluentem venisse in prælium , imago est potius , quam similitudo. In utroque ut creberrimus , ita felicissimus est Homerus : tametsi *εἰκὼν* magis ad evidentiam , aut gravitatem , aut jucunditatem orationis facit , quam ad probationem. Ceterum quanquam exemploruni , & similiūm usus ad eadem ista confert ; tamen ad faciendam fidem non vulgariter adjuvant præsertim cum per inductionem , quam Græci vocant *ἐπαγωγὴν* , adhibentur. Quo in genere plurimus est Socrates Platonicus. Exemplum per inductionem adhibebitur hoc modo : Dic mihi , quem tandem fructum attulit Demostheni insignis eloquentia ? nempe , præter alia incommoda , infelicissimum , & miserandum exitium. Quid autem præmii Tib. & C. Gracchis attulit ? nimirum

mirum cædem, & miseram, nec satis honestam. Quid porrò illi tantopere laudato Antonio? Certè & hic latronum siccis crudelissimè confosius est. Age Ciceroni eloquentiæ parenti, quām mercedem attulit? nonne mortem, & acerbam, & miserandam? In nunc, & tot vigiliis ad summam eloquentiæ laudem enitere, quæ præstans-tissimis quibusque viris semper exitio fuit. Simile adhibetur per Inductionem hoc modo: De navigando num melius disputabit nauta, quām medicus? annon medicus reūlius de medendi ratione differet, quām pīctor? Nonne pīctor de colorum, & umbrarum, ac linearum ratione melius dicet, quām futor? Num auriga de ratione moderandi currum melius, quām nauta? Et si plurima conferantur, faciunt, ut omnino probabile videatur, unumquemque melius de ea redicturum esse, quām melius norit. Deinde ad rem accommodatur similitudo. At quid orator, qui de omni re profitetur se optimè dicturum? notum est exemplum de Aspasia & Aeschine.

*De contentione demonstrativa.*

Est & generalis quædam contentio, præsertim in genere demonstrativo, quoties laudandi, vituperandive gratia, personam cum persona conferimus: veluti si quis Julium pontificem Romanum laudaturus, eum cum C. Jul. Cæs componat, atque illius benefacta, cum hujus comparet. Aut contra vituperaturus, malefacta cum malefactis conferat. Item si quis Maximilianum laudaturus, eum componat cum M. Antonio Imperatore. Est & rerum comparatio: quod genus est, si quis historiam laudans, ejus utilitates comparet cum eorum benefactis, qui re bellica Rempubl. auxerunt: Aut Poëticam laudare cupiens,

cupiens, hujus commoda cum Philosophia & commodis committat, atque expendat, Est & unius ad multa comparatio: ut si quis historiæ laudes exaggerare cupiens, eam cum laudatissimis quibusque disciplinis comparet. Atque in his duplex ratio: aut enim alterius partis bona elevas, alterius amplificas: aut alterius partis sic exaggeras laudes, ut præferas tamen, aut certè æques, quod laudandum susceperis. In vituperando attollis vitia: sed sic, ut scelestiorem tamen, aut æquè scelestum ostendas, quem infestaris. In his illud observandum, ut quæ adhibentur ad comparationem, sint tum confessa, tum insignia: ut, si bonum principem conferas cum Trajano, aut Antonino philosopho: Contra, malum cum Neronе, Caligula. Rursus, si hominem maledicuum conferas cum Zoilo, & Hyperbalо: aut hominem obtrestatorem, cum Dipsade, & Regulo: hominem voluptatibus effeminalium, curi Sardanapalo. Crescit autem comparationis copia, si quemadmodum modo attigit, ad unius hominis, aut rei laudem, seu vituperationem, personæ complures, aut res adhibeantur: veluti si quis principem laudaturus, è multis excepatur, quod in quoque maximè excelluit, è Julio Cæsar felicitatem animique præsentiam; ex Alexandro magnanimitatem; ex Augusto urbanitatem, ex Tito seniore civilitatem, ex Trajanos sanctimoniam, & clementiam, ex Antonino gloriæ contemptum, atque item de ceteris. Similiter & in vituperando. Præterea si iracundiam detestans, conferas eam cum enormi temulentia, cum phrenesi, cum morbo comitali, aut dæmoniaco. Aut si lingua petulantiam damnans, componas eam cum habitu hominis pestilentia labrantis, cum afflato serpentum, quibus est vene-

num.

num præsentissimum, cum exhalatione quorundam lacuum, aut specuum subitam mortem affixente.

### *De Iudiciis.*

Ad Exemplorum genus, ut diximus, referuntur & judicia, quæ Græci κρίσις appellant. Et sunt sententiæ scriptorum illustrium, gentium, virorum sapientum, aut clarorum civium. Ex antiquis, ac celebratis poëtis magna vis judiciorum colligitur. Item, ex historiographis, ex philosophis, ex arcanis literis. Nam his rursum eadem varietas, quæ in exemplis ostensa est. Sunt & apud Græcos, qui in his undecunque colligendis, laborârunt, quorum de numero Stobæus quidam. Idem valent sapientum Aphoristegmata: cujusmodi sunt illa celebrium viorum dicta, & quæ referuntur à Plutarcho. Et hoc varium genus est. Etenim si speiemus rei, sunt militaria, sunt philosophica. Si personas, sunt regum, sunt sapientum, sunt popularium. Si qualitatem, sunt graviter dicta, sunt facete dicta, sunt acute dicta. Hunc pertinent & Proverbia, vel ab auctoribus sumpta, vel vulgo jactata. Nam publica gentium instituta non video, quid ab exemplis differant. Certe oracula, & responsa numinum, judiciis subjiciuntur, veluti si Socratem probes sapientem, quod ita Apollinis oraculo sit judicatum.

### *De Sententiis.*

Est sententiarum genus, non illud quidem ab auctoribus, sed à nobis ad præsentis rei commoditatem confitum. Eas licebit omnibus orationis partibus admiscere. Atque adeo unus locus complures sape numero sententias parit. Incidunt

dunt enim & in enarrando, & in movendis affectibus, non solum in probationibus, quinetiam s̄pē numero transitiones per sententias fiunt. Quæ si in loco adhibeantur haud mediocrem orationi copiam adjungent? neque id sine gravitate, aut gratia. Sunt autem sententiarum variæ formæ: siquidem aliæ sunt *ραθολιγη*, ut invidentia ipsa sui supplicium est. Aliæ non placent, nisi ad rem relatæ, ut: *nihil tam populare, quam bonitas est*. Aliæ quæ ad personam referantur, ut princeps, qui vult omnia scire, necesse habet multa cognoscere. Rursum alia simplex, ut: *omnia vincit amor*. Alia rationem habet subiectam, aut admixtam, ut, In omni certamine, qui opulentior est, etiamsi accipit injuriam, tamen quia plus potest, facere videtur. Quædam duplices sunt ex partibus contrariis, nulla, tamen addita ratione: ut, *Obsequium amicos, veritas odium parit*. Quædam ex diversis: ut, *Mors misera non est, aditus ad mortem miser est*. Huic generi si ad utramque partem ratio subjiciatur, quadripartita fuerit sententia, ad hunc modum: *Qui adolescentum peccatis ignosci oportere putant, falluntur*. Hæc prima sententiæ pars: Ei subiectitur ratio, propterea quod ætas est impedimento bonis studiis. Deinde tercia pars erit: At hi sapienter cogitant, qui adolescentes maxime castigant. Et rursum additur ratio: ut, quibus virtutibus omnem vitam tueri possint, eas in ætate maturrima velint comparare. Id exemplum etiamsi est in Rhet. ad Herennium scripta: tamen mihi sanè non admodum arridet. At non est arduum aliud hujusmodi fingere: Juventutem decet industria. Adjicitur ratio: Nam turpe sit eas dotes quas natura ad bonas artes comparandas, illis annis attribuit, in ocio, foedif-  
que

que voluptatibus consumere. At senectutem opulentia decet. Huic quoque subjicitur ratio, quo videlicet ætas naturæ præsidiiis destitutor, exterrarum rerum adminiculis utcunque fulciatur. Item aliud: Senectus inops, calamitiosa, indocta, turpis. Nam & miserum est tum egere, cum imbecillitas naturæ, pecuniæ subsidia præcipue requirit. Et turpe, tum res optimas nescire, cum nec discere decorum est, & docere pulcherimum. Rursus est sententia recta, ut: *Tam deest avaro quod habet, quam quod non habet.* Est figurata: ut servare potui, perdere an possim, rogas? Simplex erat, facilius est perdere, quam servare. Est communis rerum, ut nocere facile est, prodesse difficilis. Est ad personas accommodata, ut jam minus appareat sententia, ut est illud M. Cic. Nihil habet, Cæsar, nec fortuna tua majus, quam ut possis, nec natura melius, quam ut velis servare. Est illud etiam tacitum, & quasi dissimulatum sententiæ genus apud Maronem: *Et cæco carpitur igni.* Explicuit enim Ovid. teetus magis æstuat ignis. Item in narrando, Pars major vicit meliorem: explicabis, si dixeris, fere fit, ut pars major vincat meliorem. Jam aliud sententiæ genus quod ἐπιφωνη Græci, Fabius *acclimationem* appellat. Ea est rei narratæ, vel probatæ summa acclamatio. Narrata, ut apud Virg.

*Tanta motu erat Romanam condere gentem.*

Probatæ, apud Marc. Tull. pro Lig. Quorum igitur impunitas Cæsar tuæ clementiæ laus est, eorum te ipsorum ad crudelitatem acuet oratio? Neque tamen quodvis Epiphonema, continuo sententia est, etiamsi plerumque est, verum quicquid in clausula argutè additum ferit

ferit aurem, ἐπιφωνημα dici potest. Quod genus proprium est epigrammatis: ut, in epigrammate de ove, lupi catulum uberibus alente. Natura haud unquam vertitur officiis. Vnde apud Martialem s̄apenumero carmen epiphonemate clauditur: Ut

*Aut vigila, aut dormi, Nasidiene, tibi.*

Item:

*Vis dicam quis sis? magnus es ardicio.*

Vtitur & Val. Max. frequenter hoc genere: Item, Seneca suas epistolas ferè claudit epiphonemate. Neque defuerunt quibus epiphonematum usus adeò impense placuit, ut omniloco, omni sensui clausulam acclamatoriam subjiciendam existimarent. Sed ut sententiarum omnium, ita & acclamationum debet esse modus, ut ibi demum adhibeas, ubi locus postulat, aut certè patitur. Est Noëma sententiæ genus, quod non dicitur, sed intelligitur: Quod genus est illud dictum in quendam agentem cum sorore talionis, quod sibi dormienti pollicem resciderat, cum illa fratrem s̄apius à ludo gladiatorio redemisset: Eras dignus, ut haberes integrum manum: nam intelligitur, ut rursum in ludo depugnares. Simile est illud Hortensii, ni fallor, qui negabat se unquam cum matre, aut sorore rediisse in gratiam. Intelligitur enim nunquam illi cum matre, aut sorore incidisse dissidium. Sunt nova sententiarum genera, ex opinato, & alio relatis, & ex alio translatis, ex geminatione, ex contrariis: quorum exempla si quis desideret, ex Quintilio petat licebit.

### *De Expolitione.*

Cum hoc sententiarum genere, quod superius ostendimus, ex quatuor constare partibus, cognationem habere videtur Expolitio. Sic enim vocant,

vocant, quoties eodem in loco diutius commora-  
mur, & eandem sententiam aliis, atque aliis mo-  
dis variamus, simul & locupletamus: Commuta-  
tione verborum, cum eadem res aliis, atque a-  
liis verbis, aliisque figuris, saepius effertur: Com-  
mutatione pronunciationis, cum alio, atque alio  
vulnu, gestu, voce: Commutatione tractationis,  
cum quod jam sub persona nostra diximus, idem  
alium, sed paulo aliter dicentem facimus: vel,  
cum quod sedatius est disputatum, id acrius at-  
que inflammatus efferimus. Verum copiosissi-  
ma expolitio septem constat partibus. Proposi-  
tione, ratione, dupli sententia, cui ratio item  
duplex subjici potest, contrario, simili, exemplo,  
conclusione. Exemplum erit hujusmodi: Sa-  
piens nullum pro Republ. vitabit periculum.  
Ideo, quod saepe fit, ut, cum pro Repub. perire  
noluerit, necessariò cum Republ. pereat. Et que-  
niam sunt omnia commoda à patria accepta, nul-  
lum incommodum pro patria grave putandum  
est. Hæc est prima pars, qua tota res simpliciter  
exposita est, & rationibus confirmata, cui subdi-  
tur duplex sententia, aucta totidem, aut pluri-  
bus rationibus. Ergo qui fugiunt id periculum,  
quod pro Repub. subeundum est, stulte faciunt.  
Hæc est sententia, cui subneftitur ratio. Nam  
neque effugere id possunt, & ingrati in civita-  
tem reperiuntur. Deinde additur sententiæ pars  
è contrario. At qui patriæ pericula suo periculo  
propellunt, hi sapientes putandi sunt. Mox adji-  
ciuntur rationes, cum & eum, quem debent,  
honorem Reipub. reddunt, & pro multis perire  
malunt, quam cum multis. Jam adjungitur huic  
contrarium: Etenim vehementer est iniquum,  
vitam à natura acceptam per patriam cum serva-  
veris, naturæ cum cogat, reddere: patriæ cum  
roget,

roget, non dare. Et cum possis cum summa virtute, & honore pro patria interire, malle per dedecus, & ignaviam vivere, pro amicis & parentibus, ac ceteris necessariis adire periculum cum velis, pro Repub. in qua & hoc, & illud sanctissimum patriæ nomen continetur, nolle in discrimen venire; Deinde adhibetur simile. Itaque uti contemnendus est qui in navigando, se quam navim mavult incolumem: Ita vituperandus qui in Reip. discrimine, suæ saluti plus, quam communi consulit. Additur collatio similitudinis, à majori. Nave fracta multi incolumes fuerunt. Ex naufragio patriæ salvus nemo potest enatare. Sub hæc exemplum adnectitur. Quod mihi videtur Decius intellectuisse, qui se devovisse dicitur, & pro legionibus se in hostes immisisse medios. Huic annexuntur sententiae, unde vitam amisit, non perdidit. Re enim vilissima maximam redemit: Vitam dedit, accepit patriam: amisit animam, potitus est gloria, quæ cum summa laude prodita vetustate, quotidiè magis enitescit. Demum apponitur conclusio tanquam epilogus: Quod si pro Reip. debere accedere ad periculum, & ratione demonstratum est, & exemplo comprobatum, hi sapientes sunt existimandi, qui nullum pro salute patriæ periculum vitant. Ergo conveniet hujusmodi thematis exerceri pueros, qui ad copiam parandam instituuntur. Quanquam ne hoc quidem exemplum ex Herenniana Rhetorica mihi magnopere probatur, nisi quod utcunque rationem indicat. Potest autem copiosius etiam tractari, si plures sententias & rationes, si plura similia, si exempla plura congeras.

*De Apologis.*

Ad fabulosorum genus proximè accedunt **Apologi**, nisi quod & delectant vehementius, & efficacius persuadent. Delectant, morum faceta quadam imitatione: faciunt fidem, quia verum veluti ponunt ante oculos. Capiuntur his præcipue rustici, & imperiti, & si quis alias est, qui mores aurei seculi sapit. Celebrantur **Apologi** maxime **Æsopi** nomine, qui unus è sapientum numero ob hoc ipsum est habitus: etiam si **Quintilianus** ab Hesiodo scriptos fuisse, certe majoris cujuspiam ingenii opus, existimat. Quò minus mirandum si Menenius Agrippa plebem Romanam à periculosissima seditione revocârit, conficto in id **apologo de corporis humani membris adversus ventrem conspirantibus**, ut refert T. Liv. Et Themistocles Atheniensibus persuasit, ne novarent magistratus, fabula de vulpe muscis obsita. Quin liberum est cuique pro re configere genus hujusmodi. Verum ut aptè configas, cum ingenio valeas oportet, tum animalium naturas (sunt autem infinitæ varietatis) penitus animadversas, habeas, necesse est. Porro quod ad usum attinet, significantur verbo, quemadmodum exempla, maximè si notus sit **apologus**: Veluti si dicas: Si tua scripta lacerant ac dannant imperiti, noli laborare; certe doctissimo cuique maxime probantur. Quid enim mirum, si gemmam aspernatur gallus **Æsopicus**? Aut si quis dicat: nullus hostis quantumlibet impotens, humiliisque negligendus, aut contemnendus est: Posteaquam nec scarabæum impune, contempsit aquila **Æsopica**. Aut hoc: Tuis ipsius benefactis nitare, non majorum splendore: ne tibi uisu veniat, quod **Æsopi corniculæ**. Dilatantur autem

autem præfatione commendationis. Commendamus tum auctorem ipsum, tum apologetum genus. Ita ut fecit Au. Gell. lib. 2. cap. 29. in explicanda Cassitæ fabula: Æsopus ille è Phrygia fabulator, &c. Nam locus in promptu est. Deinde si describendis animantium, aut rerum formis ac naturis, quos inducis, longius immoraberis. Quandoquidem hoc jam ipsum, & cum voluptate accipitur, & ad eruditionem liberalem pertinet: veluti si scarabæi formam, deinde quemadmodum è stercoribus nascatur, & quo pacto posterioribus pedibus erectis, stercora protrudat, atque id genus alia, describas. Ad eundem modum, aquilam regnum in avium genus obtinere, armigeram esse Iovis, non offendи fulmine, non connivere ad ardentissimos Solis radios, perniciosissimo volatu ultra nubes ferri: Denique quæcunque vel ad scarabæorum humilitatem exaggerandam, vel aquilæ generositatem attollendam pertineant, quod quidein argumentum nos per lusum tractavimus in proverbiiis. Atque hac in re non prætermittendum, si quid animanti cuiquam fabulis poëtarum est attributum. Quod genus è Lycaone natos lupos, ex adolescentे perdicem, cygnum Apollini sacrum esse, & sub fatalem horam suavissime canere, corvum ejusdem fuisse nuncium, & ob cessationem ex albo nigrum factum. Aut, si quid proditum est historiis insigniter ab his factum, veluti de aquila, quæ virginem adamavit, apud Plinium. De Bucephalo Alexandri magni equo, atque item de ceteris; Nam rationem duntaxat ostendimus. Deinde cum ad ipsum apogenum erit ventum, fusius ac latius narrare licebit. Id fiet circa tedium, si faceta quadam imitatione, quod est in hominum vita, ad fabulæ mores accommodabimus. Præterea

tere si ad eandem rationem sermones, sententias, dictaque effingemus. Exemplum aptissimum est apud Horat. in satyris:

*Rusticus urbanum murem mus paupere fertur,  
Accepisse cavo, veterem vetus hospes amicum  
Asper, & attenuus quesiuit: ut tamen arctum  
Solveret hospitiu animum. &c.*

Nam in promptu locus est. Est item exemplum dilatati apologi apud Apulejum de corvo & vulpe. Rursum apud Aul. Gell. de cassita avicula. Ceterum quod ὅπλωσις vocant, id est, apologi interpretationem, non admodum refert initio ponas, an in fine. Quanquam & hinc incipere licebit, & in hanc desinere, modo sermonis accedat varietas.

### *De Somniis.*

Affinguntur à nonnullis somnia quoque, quæ fortassis adhibenda non sunt, nisi in ostentatione: quod genus Luciani *somnium*. Aut quoties ea pro veris visis, hortandi, deterrendive gratia narramus. Tale est Prōdici figmentum de Hercule ambigente, utram vitæ viam ingrederetur, virtutis arduam, an voluptatis proclivem. Simile de Momo, qui hoc reprehendit in homine, quod demiurgos illi finxisset cor sinuosum, nec addidisset fenestram: In bove, quod in summis cornibus non addidisset oculos, ut videret, quod feriret. Hujusmodi videtur illud D. Hieronymi, de se se flagris caso, quod Ciceronianus esset: Et nos item pueri in hoc genere lusimus.

### *De fictis Narrationibus.*

Jam fictæ narrationes rerum gestarum, si persuadendi gratia pro veris adhibeantur, quam maximè fieri potest, ad veri similitudinem com-

ponantur, oportet. Sunt autem ex arte Rheto-  
rica notæ partes, quibus probabilitas constat:  
cujusmodi est fabula de Memnjo, apud Cic. &  
fortasse de Vultejo, apud Horat. Genus hic vi-  
deo nonnullis nimium placuisse, qui vulgi cre-  
dulitate freti, stultissima quædam miraculorum  
ostenta pro certissimis invexerunt Christiano-  
rum literis. Porro quæ risus causa finguntur,  
quo longius absunt à vero, hoc magis demul-  
cent animos, modò ne sint anicularum similia  
deliramentis, & eruditis allusionibus doctas eti-  
am aures capere possint: Quo de genere sunt  
Luciani veræ narrationes, & ad hujus exemplum  
effictus asinus Apulei. Præterea Icaromenippus,  
& reliqua Luciani pleraque. Item argumenta  
fermè omnia veteris comœdia, quæ non imagi-  
ne veri, sed allusionibus, & allegoriis delectant.  
Nam illud fictionis genus, quod ad simulacrum  
rerum adumbratur, haud dubium est, quin ad  
parabolam pertineat. Exemplum hujus est apud  
Plat. de specu, in quo vincit quidam umbris,  
perinde ut ipsis rebus, delectantur.

### *De Allegorij Theologicis.*

At quoties ad pietatem adhortamur, aut de-  
hortamur, plurimum adjumenti conferent ex-  
empla veteris, ac novi Testamenti, id est, Euau-  
geliorum. Quæ per allegoriam varie tractantur,  
& eadem modo ad mores hominum, modo ad  
corpus Ecclesiæ, Christo capiti connexum, &  
cohærens: modo ad cælestem illam communio-  
nem, rursum ad prisca nascentis fidei tempora,  
& ad hæc nostra possunt accommodari. Sed hisce  
de rebus copiosius, & exactius disseremus in li-  
bello, quem instituimus de Theologicis allego-  
rijs. Atque hæc ferme omnia ad exemplorum  
genus

genus referuntur, in quibus sumus paulo diutius immorati, quod ex hoc potissimum mundo copiae supplex depromatur. Sed priusquam ab his digredimur, visum est etiam nonnulla paucis admonere.

*Ratio Colligendi Exempla.*

Jam primum quemadmodum unumquodlibet horum varie possit accommodari per similitudinem, per contrarium, per comparationem, per hyperbolam, per epitheton, per imaginem, per metaphoram, per allegoriam, superiori commentario demonstratum est. Nunc qua ratione fieri possit, ut amplissimam horum vim in promptu, ac velut in numerato possimus habere, indicabimus. Consilium quidem non perinde magnificum, ut frugiferum: quod utinam juvenes olim ipsi fuissemus secuti, (nam tum quoque veniebat in mentem) video quantum momenti literulis nostris fuerit accessurum: Attamen candidi est ingenii, non invidere bonae spei juvenibus, quod tibi vel negat fortuna, vel non parat diligentia. Ergo qui destinavit per omne genus auctorum lectione grassari (nam id omnino semel in vita faciendum ei, qui velit inter eruditos haberi) prius sibi quam plurimos comparabit locos. Eos sumet partim à generibus vitiiorum virtutumque, partim ab his, quae sunt in rebus mortalium præcipua\*, quæque frequenter solent in suadendo incidere, eaque conveniet juxta rationem affinitatis, & pugnantiarum digerere. Nam & quæ inter se cognata sunt, ultero admonent, quid consequatur: & contrarium eadem est memoria. Puta, sit exempli causa primus locus pietas, & Impietas: Huic subjiciuntur species inter se cognatae: Prima, est pie-

tas in Deum : Secunda , in patr iam : Tertia , in parentes, aut liberos, aut etiam in eos quos oportet parentum loco colere, veluti præceptores , & quorum beneficio servati sumus. Ex adverso est impietas. Iam his cognata superstitione , adjicienda igitur. Atque hic aperit sese campus latissimus de prodigiosis deorum cultibus , ac variis diversarum gentium ceremoniis. Item , inepta parentum in liberos indulgentia , quæ falsa est pietas, Sit proximus , si videtur , titulus, Fides , hanc in species seces licebit : est fiducia erga Deum : est fides humana , est fides in amicos , fides servorum in dominos , fides in hostes. totidem de perfidia. Item, sit titulus Beneficentia. Huic cum suas species subjaceris restat gratitudo : non illa quidem huic subiecta, neque rursum contraria , sed adhaerens , eque ea veluti consequens. Hæc per omnes locos tractari possunt. Primum, quid sit pietas, quomodo differat à ceteris virtutibus , quid habeat peculiare , quibus officiis præstetur, aut violetur , quibus rebus alatur , aut corrum patitur , quid fructus homini pariat. Hic sese aperit campus exemplorum , ac judiciorum. Sed virtutum , ac vitiorum ordinem sibi quisque suo fingat arbitrio , vel è Cicerone , sive malit è Valer. Max. aut ex Aristotele, aut ex D. Thoma petat. Denique si malit, elementorum ordinem sequatur. Neque enim id magni refert. Quanquam nolim illum omnes hujus generis particulas, tam minutim concisas, in ordines referre ; verum eas duntaxat , quæ videantur frequentes in dicendo , usu venire. Id autem vel ex locis caussarum licebit cognoscere , nempe demonstratoriis , suasioniis, & judicialibus. Quod genus ferme sunt tituli apud Valer. Max. & nonnulli apud Plin. Ceterum quæ extra vitiorum, ac virtutum

virtutum genera sumuntur, partim pertinent ad exempla, partim ad locos communes. Prioris generis fermè sunt hujusmodi: Insignis longævitas, vivida senectus, senilis juventa, insignis felicitas, insignis memoria, subita rerum commutatio, subita mors, mors spontanea, mors prodigiosa, partus prodigiösi, insignis eloquentia, insignis opulentia. Ex humili genere clari, vafricies ingenii, insigne corporis robur, insignis forma, egregium ingenium in deformati corpore, atque id genus innumera alia. Quorum singulis oportebit subjicere, quæ cum his pugnant, quæque cum his habent affinitatem: ut, insigni eloquentiæ opponitur insignis infantia. Finitima sunt, vocalitas, felicitas in gesticulando, histrionica, & si quæ sunt hujusmodi. Posteriores autem generis sunt istiusmodi: Plurimum interest quibus studiis puer assuefas: magni refert, quibuscum vivas: suum cuique pulchrum, facilis offensa, reconciliatio difficultis: tutissimum est nulli credere, ama tanquam osurus, oderis tanquam amaturus. Bis dat, qui citò dat: fortunam sui cuique mores parant: & lentæ regum itæ: & periculosa principum amicitia: & dulce inexpertis bellum: & infida societas regni: & optimum senectæ viaticum, eruditio. Sed quid ego hæc recensere pergo, cum sint sexcenta millia? Ergo ex his eo sunt diligenda, quæ videbuntur ad dicendum maximè commoda. Ad hunc gregem pertinent & illa comparativa: coelibatus ne felicior, an conjugium? vita privata, an secus? potior monarchia, an democratia? vita studiosorum, an idiotarum? Tum autem ex superioribus, si quæ sunt quæ virtuti, aut vitio videbuntur esse confinia, ea licebit suo titulo subjicere: ut illa: bis dat qui citò dat:

& , nihil carius constat , quām quod precibus emitur ; & beneficium dando accepit , qui digno dedit : & , nihil tam perit , quam quod confertur in ingratum : & , beneficii gratiam perdidit , quis quis exprobravit . Hac atque hujusmodi ad liberalitatis titulum referri possunt . Verum ne indigesta rerum turba pariat confusionem , profuerit titulos , qui latius patent , in aliquot secare partes . Liberalitatis titulum , ut exempli causa loquamur , ita licebit partiri si subjeceris . Beneficium promptè citoque datum : Beneficium aptum : Beneficium digno , aut indigno collatum : Beneficium exprobratum , Beneficium mutuum : & si qua judicabuntur magis idonea . Nam nos indicandi gratia duntaxat hæc ponimus . Ergo postea quam tibi titulos compararis , quot erunt satis , eosque in ordinem , quem voles , digesseris , deinde singulis suas partes subjeceris : rursus partibus addideris locos communes , sive sententias , jam quicquid usquam obvium erit , in ullis auctoribus , præcipue si sit insignius , mox suo loco annotabis sive erit fabula , sive apodus , sive exemplum , sive casus novus , sive sententia , sive lepide , aut alioqui mirè dictum , sive parœmia , sive metaphora , aut parabolæ . Atque ad eum modum pariter fiet , ut & altius insideant animo , quæ legeris & assuescas uti lectionis opibus . Sunt enim qui plurima teneant , velut in mundo deposita , cum in dicendo , scribendoque mirè sint inopes , ac nudi . Postremo utcunque postulat occasio , ad manum erit dicendi supellex , certis veluti nidis constitutis , unde , quæ voles , petas . Porrò nulla disciplina tam semota est à Rhetorica , unde non facias locos tuos locupletiores . Nam à Mathematicis , quæ remotissimæ videantur sumuntur similitudines . Quandoquidem cum sphæra

sphæra undique sui simili cumque tetragono quocunque cadat, pariter quatuor angulis nixo confertur sapiens, suis opibus felix, nec aliunde pendens, & quæcunque inciderit fortunæ procælla, sua virtute firmus, & immobilis: ut ne dicam interim, quod Theologi mysteriorum enarrationem frequenter à Mathematicis petunt, propter arcanam quandam rerum ac numerorum analogiam. Nam à Physicis non solum parabolæ, verum etiam exempla quædam petuntur. Parabola fuerit, si dicas: Quemadmodum fulmen summos montes frequentissimè ferit: ita summa potestas gravissimis casibus est obnoxia. Item, quemadmodum fulmen æs liquefacit, intacta cera; ita principum animus in rebelles & obstantes sævire debet, in ceteros uti clementia. Exemplo fuerint elephanti, pudore in abdito coëntes, si quis etiam in conjugatis modestiam, ac voluptatis dissimulationem desideret. Et Delphini fœtus adultos diutius comitantes, nec sinentes parvulos suos ingredi, nisi grandior aliquis ceu pædagogus assit, & custos: si quis admoneat quantâ cura servari atque institui debeat à parentibus prima illa, & lubrica puerorum ætas. Itaque studiosus ille velut apicula diligens, per omnes auctorum hortos volitabit, flosculis omnibus adsultabit, undique succi non nihil colligens, quod in suum deferat alvearium. Et quoniam tanta est in his rerum fœcunditas, ut omnia decerpi non possint: certe præcipua deligit, & ad operis sui structuram accommodabit. Sunt autem quæ eadem non solum ad diversos, verum ad contrarios usus quadrare possint, eoque diversis annotanda locis: quod genus si de insanabili cupiditate hominis avari agas, rectè accommodabis Charybdis fabulam. Rursum, si de in-

explebili ventris ingluviæ , aut libidine mulieris inexhausta , nimirum conveniet eadē. Item **A**pologus Æsopi de hirco , ac vulpe simul in puteum descendantibus , quadrabit vel in prospicientiam , qua fit , ut non aggrediāre negotium nisi prius apud te perpenderis , qua ratione queas explicare , vel in fictum amicorum genus , qui cum videantur amici commodis consulere , maximè tamen agunt suum negotium : Præterea ex morte Socratis non solum ducitur exemplum , mortem non esse formidandam viro bono , cuim ille tam alacri vultu cicutani biberit : verum etiam virtutem invidiæ obnoxiam , neque satis tutam esse in turba malorum. Rursum inutile , vel potius perniciosum esse philosophiæ studium , nisi te ad mores communes deflexeris. Iamque hoc ipsum factum trahi potest & in laudem Socratis & in vituperium. Laudandus enim qui nulla sua culpa , sed sola invidia damnatus , tam fortiter mortem neglexit: vituperandus , qui iauili Philosophiæ studio , neglectuque morum communium , amicis acerbissimum luctum , uxori , liberisque calamitatem , sibi exiūm conciliārit , cum alii soleant utiles esse patriæ , suis præsidio simul , & ornamento , eoque verè sapientes esse , relictis aliquando tetricis illis sapientiæ decretis , vulgi studiis , & opinionibus accommodare se , temporique quod ajunt , servire. Iam si partes exempli circumspicias , quot locos licebit elicere ? Accusatus per invidiam ab Anyto , & Melito perditissimis civibus. Locus communis est : Veritas odium parit. Item alteri: Insignis virtus consiliat invidiam. Rursum aliis ; Apud judices plerumque plus valet nobilitatis ratio , quam respectus honesti. Rursum aliis , nihil impudenterius opulentia , si cum improbis moribus copulatur.

tur: Quid enim absurdius, quam omni facinore dedecorosos Socratem in jus vocare? Rursum alius locus: Non quidlibet cuivis decorum est. Eoque Socrates non abjecit sese ad judicium pedes: neque enim conveniebat, ut qui per omnem vitam docuerit, mortem non esse formidandam, nisi turpis esset, eum nunc veluti ob mortis metum abjectè supplicem esse. Quæ eadem caussa commovit, ut neque judicium declinaret, neque in media caussa exiliū eligeret, neque postremo, cum liceret, è carcere vellet effugere, ne ipse à se ipso dispare videretur. Atque hæc quidem una pars est. Deinde cum moriturus tam otiosè, tamque placide disputat, cum non alio vultu circumutam biberit, quam quo vinum solet, cum mox moriturus jocatur in Phœdonem, admonens ut gallum persolvat Aesculapio: Locus est, Mortem etiam optabilem esse iis, qui sibi vitæ integræ actæ consciæ sunt: Rursum alter locus: cuiusmodi fuerit hominis vita, id in morte potissimum apparere. Rursum, constantis suique perpetuo similis exemplum est. Etenim cuiusmodi fuerat in omni vita Socratis vultus, oratioque, talis erat, & morituro. Tertia pars est: dum in carcere agit Socrates, interim nusquam Alcibades, nusquam Agathon, nusquam Phædrus; sed Crito, Phædon, Simias. Atque hic locus est: In periculis demum apparere qui sint veri amici: Nam vulgares illi sibi tum consulunt, cum in officiis communibus adsunt. Quarta pars est, cum amicis de animæ immortalitate multa disputat, uxorem ac libertos, cum pauca mandasset, dimittit. Locus est: Philosophum leviter tangi oportere vulgaribus affectibus, id quod mirè congruit cum doctrina Christi. Quinta pars

est: Statim à morte Socratis versus est in accusatores populi furor: Socrati desiderato aurea posita statua. Locus erit: Vulgus temere odiſſe, & amare. Rursum alius: Virtutem præsentem odimus, sublatam ex oculis, quærimus invidi. Rursum alius: Fucatam gloriam unà cum vita perire, virtutis splendorem à morte maximie inclarescere. Hinc arbitror liquere, in quos usus idem exemplum possit accommodari. Similiter & in parabola fiet: velut in navigatione, quot similia duci poterunt? Ut optimum gubernatorem tempestas, ita optimum Imperatorem adversæ res declareret. Item, ut nemo clavum committit amicissimo, sed navigandi peritissimo: ita nemo Reipub. gubernacula mandabit ei, cui studeat maximè, sed quem maximè judicarit idoneum: Rursum; quemadmodum ventis nimium secundis nautæ vela contrahunt: cum parum prosperi sunt, tum latius pandunt sinus. Ita cum res vehementer succedunt, temperandus est animus, ne insolescat, contra cum inimica est fortuna, tum fortitudine, ac spe securæ felicitatis, dilatandus, ac fulciendus. Item, quoties rectum cursum per tempestatem tenere non licet, tum aliquis obliquis flexibus, eo nihilo secius, quo pervenire velimus, contendere oportebit. Item, quoties artem vincit tempestatis impotentia; tum ancoram jaciunt nautæ, velis collectis: Ita venienti multitudini nonnunquam cedendum est, donec oratione tractabilis esse incipiat. Item, quemadmodum nauta non semper eodem modo tenet velum, verum nunc tollit in altum, nunc contrahit; nunc in hoc latus, nunc in illud transfert, utcunque ventorum ratio postulat: Ita sapiens non in omni loco, omnique tempore, & negotio simili vita labore debet uti,

uti, sed vultum, orationem, mores, præsentibus rebus accommodare. item, sicut in magnis tempestatibus peritissimi nautæ, vel ab imperito nonnunquam admoneri sese patiuntur, quod aliis alia soleant in his casibus in mentem venire: Ita bonus rex in magnis Reipub. periculis, nullius consilium audire gravabitur. Item, ut minimo periculo navigatur eo gubernatore, qui maximis sit jactatus periculis: Ita tutissimus est civitatis status eo principe, qui gravissimis casibus sit exercitatus. Item; ut, qui clavum regit, non satis arbitratur se suo fungi officio, nisi circumactis oculis, quid cuique faciendum sit, admonuerit, ita principem non agit, nisi quæ magistratum etiam inferiorum officia moderatur, ac præstat. Item, quemadmodum insaniat nauta, si propter odium aliquorum, quos navi vehit, navim perire sinat, qua perdita, nec ipse possit esse incolumis: ita sanæ mentis non sit, qui ob factiones, patriæ incolumitatem non tueatur, quæ nisi sit incolumis, nec ipse incolumis esse possit. Item, ut non nisi favissimis tempestatibus sacram anchoram nautæ jace-re solent: ita non est, nisi in gravissimis periculis, ac rebus prope desperatis, ad extrema remedia veniendum. Sed næ ego ineptus, qui ista persequar, cum jam videoas aliquot similitudinum millia hinc sumi posse. Nonnunquam eadem quoque collationis pars ad diversa trahitur: quod genus sit: si lunæ crebras mutatio-nes, vel ad fortunæ vices accommododes, vel ad humanæ vitæ instabilitatem, vel ad stultorum inconstantiam. Quin eadem quoque sententiaz varios in usus deflectitur, ut: Facundus comes in via pro vehiculo est. Iucundior est vita, si non solus agas, sed cum lepidis, ac festivis ami-

cis consuetudinem habeas. Rursum , semper bonus aliquis liber circumferendus , cuius lectione tedium discutias. Item , si te latus animus comitetur , & bene sibi conscientius , nulla pars vitæ sentiet tedium. Hic optimus est viæ comes si læta narrat. Sin turpium factorum memoriam tibi refricet , tedium enecat. Eadem est proverbiorum & apophthegmatum ratio , quorum usum ostendimus in principio collectaneorum proverbialium. Proinde quædam erunt eadem diversis ascribenda locis , aut annotanda certè . Nam sat erit aliquando tribus significâsse verbis , ascriptis auctorem locis unde peti possunt ; præsertim si paucis exponi non queant. Sed iam , quo res exemplo magis sit perspicua , sit titulus inconstantia , aut morum inæqualitas : experiamurque quot res ad hunc conferri possint : Primum è poëtarum fabulis , petam Mercurium , varias formas sumere solitum ; ut est vafer Deus nunc apud superos , nunc apud inferos , nunc apud mortales agentem , variis etiam fungentem officiis : nunc Ganymedis agentem partes , porrigitendo Jovi pocula : nunc nuncia perferentem ; nunc animas deducentem ad Charontem ; nunc negotiatoribus , ac patronis operam dantem , nunc cithara utentem , nunc virga galero etiam bicolore : Postremo , variis gaudentem cognominibus. Ea sunt apud Aristophanem in Pluto : dicitur enim σπόφιος , ἐμπολαῖς , οἴλιος , ἡγεμόνης , ἐραζώνης , i. e. versatus , negotiator , dolosus , via dux , certaminum præfetus , apud Hom. & Hesiod. διάκυπες δραφόντες , i. qui animas deducit , Argicida : Dicitur & Cullenius , & ερένης , i. valde utilis. Tertium Vertumnus deum , cui inde etiam nomen ,

quod

quod subinde vertat formam: Petam Proteum

*Omnia vertentem sese in miracula rerum:*

Petam Empusam ex Aristophanis ranis, id est, dæmonis genus, identidem alia, atque alia specie sese offerentis: Item Morpheus, quoscunque velit vultus induere solitum: Item Circen, beneficiis ac magica virga hominis in varias ferarum formas vertentem. Nam improbi secum non constant, sed diversis agitantur affectibus. Petam *καρπὸν*, i.e. *occasionem*, volubilem deum nunquam sui similem, & huic similem, si videbitur Rhamnusiam. Petam Jovem, nunc aquilam, nunc cygnum, nunc taurum, nunc aureum imbreui factum. Præterea Chimæram capite leonis, ventre virgineo, cauda draconis. Ac varium illud portentum, quod singit Horatius in ipsa statim fronte artis poëticæ. Adducam & Ianum bifrontem, & triformem Gerionem, & Bacchum, cui poëtæ tribunt *δύνατα*, hoc est *morum lenitatem ac facilitatem*; ac talem in Ranis singit Aristophanes. Et si qua sunt alia apud illos, quæ prodigiosæ varietatis imaginem habent. Adducam & Ulyssem, quamlibet pro tempore personam gerentem: Unde & *πολύτροπος*: i.e. *moribus versatilis* statim in operis initio vocat Homerus. Deinde à Physicis petam lunæ similitudinem, nunquam eodem vultu nobis redeuntis, nunc semiplenæ, nunc plenæ, nunc emorientis, nunc renascentis, nunc pallentis, nunc rubentis, nunc albicantis, nunc antecedentis Solem, nunc à tergo sequentis. Petam similitudinem cœli, verni, aut autumnalis, nunc nubili, nunc sereni, nunc

gad.

tranquilli, nunc ventis commoti. Petam collationem maris assidue vicibus æstuariis decurrentis; ac recurrentis præcipue Euripi mira celeritate septies die, ac nocte reciprocantis? Addam Polypum, cuius mutabilitas etiam proverbio focum fecit: Addam Chamaelonem colorum subinde mutantem: Item pantheram, ac pardum versicoloribus maculis variegatum: aut si quod est aliud animal hujusmodi: Item Anguillam lubricam: Adjungam pueritæ in horas mutatum ingenium: Adjiciam mulieris peculiarem inconstantiam; vulgus levi momento mobile: Præterea argenti vivi miram mobilitatem: Arundinem ad omnem auram facilem mobilem: Foliorum arentium, plumæ ramenataque levitatem: Cera flexibilem, ac mollem naturam: Somniorum inconstantiam: Rotæ volubilitatem: Adducam laminam, quæ summis turriis, ac templorum fastigiis solet imponi, quo ventum circumactu suo indicet. Adducam bilibrem, facili momento huc atque illuc vergentem: Adducam opus vermiculatum, versicoloribus tessellis miram varietatem ostentans. Quædam etiam ingenio finguntur: veluti si quis comparet inconstantis hominis animum, nunc hoc nunc illud cogitantis, speculo rotundo in foro frequentissimo suspenso, quod huc & illuc discursante turba, figuris innumeris varietur: Aut vitro, quod, quemicunque colorem subjeceris, eum imitari videtur: Aut pensili chalybi, quod hinc atque hinc admotis magnetibus, quorum alter alliciat ad se, alter depellat, levi momento nunc huc, nunc illuc rapiatur, nec unquam conquiescat. Aut sphæræ in plano volubili. Jam ex historiis mutuo sumam Græcorum genuinam levitatem.

quam

quam describit Juvenalis. Lubricam Allobrogum fidem: Pœnos simili morum inconstantia: Scythas indies mutatis pascuis nullam certam incolentes fedem: Virgam Moysis subinde in aliam atque aliam versam speciem: Aristippum quamvis agentem personam, ut quem omnis, ut inquit Flaccus, decuit color, nunc Cynico utentem pallio, nunc regia purpura: Item *ἱμιλόκον. i. semi-album.* illum, de quo meminit Lucianus: Catilinam vario ingenio, ex Sallustio: Hannibalem ex T. Livio; ex Valer. Max. quibus aliis fuit vita tenor in adolescentia, atque in senectute. Rursum ex tertia Horatii Satyra Tigell.

*Nil aquale homini fuit illi,  
Sæpe velut qui currebat fugiens hostem,  
Persæpe velut qui lunonis sacra ferret, &c.*

E comoediis exemplum sumetur muliebris inconstantiae, Sofrata in Adelphis: Ah mi homo sanus ne es? an hoc proferendum tibi videtur esse uspiam? Ac paulò post: Ah minimè gentium, non faciam, proferam. Amantium inconstantiam exprimet Phædria, è rure repente rediens. Puerilem inconstantiam Antiphō ex Phormione. Sed hoc persequi longum est. E Tragœdiis mutuabor Phædram variatis secum sententiis, nunc volentem, nunc nolentem. Medeam item, ante filiorum cædem diversis agitatem affectibus. Ab Ovidio Biblidem; Narcissum. A Marone Didonem, jam Ænea parante discessum. Atque hoc genus innumerabiles personas passim exhibent poëtæ. Ex apologis allegabo rusticum illum, qui Satyro admirante, eodem ex ore modo calidum, modo frigidum efflabat: & si qui sunt alii. Nam in præsentia ratio-

rationem duntaxat ostendimus. E proverbiis mutuabor τὸ παραγόντες αἴτιον, id est, omnibus errantem terris Dianam. Item : ἀνέμος πεφίσιος, i. venti campus; & δύμητας ολώτερος κοθίσπειος, i. versatilior cothurno; & ὕδρες ποικιλώτερος, hydra magis varius; & λιβυκὸν Σηείον, Libyca fera, aliaque consimilia. Nam ipsi in proverbiis locos adjunximus, unde ista peti possint: Et, saxum quod subinde volvitur non obducitur musco: Et, arbor, quæ subinde transplantatur, non grandescit. Rursum, ex apophthegmatis addam illud dictum in Ciceronem: Duabus sedere sellis. Et in eundem à Sallustio scriptum: Aliud stans, aliud sedens loquitur. Ex Homero ἀλοπόσταλλος, i. mutabilem, qui se omnibus accommodat. Sic enim vocat Martem incertarum partium, qui que nunc cum his sentit, nunc cum illis. Ex Ovidio, ni fallor:

*Et tantum constans in levitate sua est.*

Ex Horatio, Levior cortice. Et, mutat quadrata rotundis. Et :

*Roma Tybur am, ventosus Tybure Roman.*

Ex Plauto, Tipula levior. Ex Terentii Phormione: Volo, nolo: Nolo, volo, quod dictum est, non dictum est, &c. Ex Euripid. πλάγια γδ' φερεῖς τὰ μὲν ρῦν, τὰ δὲ πάλαι, τὰ δὲ αὐτίρα. Nam oblique sapit; nunc bac, olim illa, statim alia. Jam apparel opinor, quanta hujus quoque generis supplex ex tot scriptoribus colligi possit. Eadem est sententiarum ratio, quas non tantum ab auctoribus sumere, verum etiam pro te novas parere licet. Quibus omnibus si totidem apponas contraria, deinde subjunxeris utrinque finitima, nimimum quam immensus orationis pensus.

nus futurus sit, vides. At cum tam varius sit usus, id quod diligentius ostendemus in opere, de ratione conscribendarum epistolarum: nihil erit quod non aliquo pacto possis ad locupletandam orationem accommodare. Quandoquidem contraria quoque adhibentur, vel per ironiam, vel per dissimile, vel per comparationem. Per ironiam, ut si quis hominem nunquam sui similem, Socratem appelle, qui in omni vita semper eodem visus est vultu. Per dissimile, ut si dicas; C. Iul. Cæs. nullius unquam facti pœnituit. Hic nihil unquam decrevit, quod non mox resciderit. Per comparationem, si dicas: Quām Cato ille, quam Cicero præfractum vocat, à sententia non potuit abduci, tam hic non potest in eadem retineri sententia. Porro finitima quæ sunt, facili deflexu ad vicinā trahuntur. Quod genus Persianum illud: tecum habita. Nam et si propriè quadrat in eum, qui majora molitur, quām pro forte sua: tamen quia non esse sua forte contentum, cum inconstans cognationem habet, huc torqueri poterit, præsertim cum Seneca scribat: Plurimum argumentum compositæ mentis existimo, posse consistere, & secum morari. Quin eadem simul, & in laudem torqueri possunt: ut si omnium horarum hominem, versatilique ac dextro ingenio laudes, ex inconstans penario sumes polypum ad speciem subiecti soli mutantem colorem. Sumes Euripum, ac negabis mare hoc esse tam versatile, quām hujus sit ingenium: sumes flammam stare nesciam: sumes cœlum subinde alia facie: sumes arundinem utcunque flaverint auræ flectentem sese. Dices sapientis esse pro re nata, pro tempore, pro loco, mutare sententiam,

tiam, ac vitæ rationem: Stupida saxa, ac bruta-  
tam tellurem unam non moveri: Ceterum ex  
animantibus, ut quodque præstantissimum est,  
ita maximè mobile esse: In universa natura  
quo quicquam præclarus est, hoc à quiete lon-  
gius abesse: Infima est quæ non movetur ter-  
ra: At mobilis aqua: mobilior aër, ignis hoc  
quodque mobilior, cœlum, quām maximè mo-  
bile: Proinde mentum hominis, auram atque  
ignem ab antiquis vocari. Contrà, stultos, tar-  
dos, stupidos, lapides, plumbum. In quas res ma-  
ximè cadit constantiæ vocabulum. Per hujus-  
modi locos pleraque è constantiæ supellecstile  
ad vituperandum traxeris, & ex inconstantiæ,  
ad laudem detorseris. Verum de his, ut modo  
dictum, alias tempestivius. Nunc reliquas dilata-  
tandi sermonis rationes persequamur.

*De partium Rheticarum multiplicatione.*

Crescit oratio numero partium orationis. Ut  
enim qui brevissimus esse studet, quam potest  
paucissimis utitur partibus: Ita qui dilatare cu-  
piet, etiam legitimis illis & arte præscriptis par-  
tibus, aliquid accessionis curabit adjungere.  
Nam cum in summa tria sint Oratoris officia:  
docere, delectare, flectere, cui placet brevitas,  
is uno contentus tantum docebit, quod fit nar-  
rando & argumentando, cui copia, simul om-  
nibus utetur, idque in omnibus orationis par-  
tibus, non solum in peroratione, aut exordio.  
Rursum qui studet brevitati, poterit narratione,  
aut hac quoque prætermissa, si causæ ratio  
patietur, esse contentus sola probatione. At-  
que hæc etiam, ut omitti non potest; ita potest  
coarctari, cohærere. Contrà qui copiam affe-  
ctabit, non modo sex illis utetur; Exordio, nar-  
ratione,

ratione, divisione, confirmatione, confutatione, peroratione, sed & suo lqco latius explicabit exordiorum locos, & in tota oratione, quoties causa præbebit opportunitatem, exordiola quædam admiscebunt, quibus favorem, attentionem, docilitatem retineat, atque renovet, aut tedium discutiat; aut, quæ dicturus sit, præmolliat. Incidunt autem hujusmodi persæpe. Docilitatem polissimum renovamus commodis transitionibus, quarum formulas aliquot superiore commentario proposuimus. Quod genus fuerit: Audistis largitione, corruptela, sanguine, stupro, ac fœdissimis artibus paratum honorem: Nunc ostendam illud, quod turpiter est adeptus, turpius administrâsse. Attentio renovatur hisce fermè modis: magna sunt hæc, sed levia præ his, quæ nunc dicturus sum, & nunc ad ipsum rei caput accedo. Proinde quæso, ut hæc animis, quam maximè attentis audiatis. Et, sed his longius fortasse sum immoratus, cetera paucis, ac dilucide expediam, si mihi, sicut antehac fecisti aures, atque animos præbere velitis: Et altius paulo repetam, sed ita verba sum facturus, ut neque sine fructu, neque sine voluptate, sitis audituri. Atque id genus aliis modis; Nam bis mille pro rei natura fingi possunt. Tedium discutitur, aut excluditur, hoc pacto. Rogo diligenter auscultetis. Prima fortasse fronte minutum videtur quod tracto, verum si paulisper attendatis intelligetis numerum sub hac specie maxima. Reipublica pericula occultari. Et quæso patiamini paulisper, mox aperiam quorsum hæc spectent: Et, nunc rem antehac inauditam audietis. Et, rem accipietis omnium maximè ridiculam. Porro favor iisdem rationibus renovatur, quibus patitur,

ratur. Insuper & argumentamur aliquoties in exordio: si quid erit amoliendum, quod alioqui sit obfuturum reliqua differenti: verum id non nisi consilio ex rei circumstantiis sumpto.

Narratio vehementer locupletatur schemate, quod quidam appellant *Sermocinationem*: qua uni, aut pluribus personis affingimus sermonem congruentem: veluti Hom. Iliad. γ. facit Priamuī senem, Hectorem dehortantem à prælio; posthunc, Hecubam. Item, Iliados ζ. Andromachen uxorem deterrentem à prælio, atque his respondentem Hectorem, mirè servato cujusque personæ decoro. Neque quicquam est admirabilius historiarum scriptoribus. Nam historicis hoc omnium suffragiis permisum est, orationem personis affingere, de Ethnicis loquor: an idem liceat Christianis, in dubio est, nisi quod simile factum videtur in historia septem Macchabæorum, ac præter alios, qui martyrum vitas conscripserunt. Idem sibi permisisse videtur D. Ambrosius in vita beatæ Agnetis. Narratio, præterquam quod aliquando fusius explicatur, & omnibus argumentis, atque affectibus expletur, etiam crescit ἀπόησις. Ea est, ut ostendit Fabius, repetita narratio: quoties res paucis, ac similiter exposita, denuo fusius, & ornatius eadem enarratur. Id quod fit vel invidiæ, vel miserationis caussa. Præterea crescit item egrefione subiecta. Quod ita demum permittit Fabius, si excursus ille sic adhæreat, ut sit quasi narrationis finis: veluti si atrox fuerit circa finem narratio, prosequamur eam veluti spiritu protinus erumpente indignatione. Atque id quidem in caussis seriis, ac periculosis: Ceterum in re

In re ad ostentationem parata, nihil vetat quo minus exposita re, in locum aliquem quam maximè plausibilem, & amœnum expatieris; quo simul & narrationis tedium abstergas, & voluptate sermonis ad futuram probationem reddas alacriores. Hi loci cujusmodi sint, superius est demonstratum.

Propositio dilatabitur primum si pro simplici, duplice, aut multiplice utemur, etiam si una sit satis, propterea quod alios alia movent: ut, si fecisset, præmio magis, quam suppicio dignus erat. Aut res hæc nec est honesta, nec expedit nec sine summo periculo fieri potest: quod si maximè sit honesta, maximè expediat, maximè sit tuta, tamen fieri non potest, ut consequamur: Deinde si non nudam omnino, sed argumentis obiter interjectis & affectibus accentuam proferemus: qualis est illa Oic. pro Mil. Hæc sicut exposui ita gesta sunt, judices: insidiator superatus, vi viæta vis, vel potius oppressa virtute audacia est. Deinde miscet affectus: Nihil dico quid Rebus publica consecuta sit, nihil quid vos, nihil quid omnes boni, nihil sancte id proficit Miloni, qui hoc fato natus est, ut ne se quidem servare potuerit, quin una Rempubli- cæ vosque servaret. Deinde argumenta congerit: Si id jure non posset, nihil habeo quod defendam. Sin hoc & ratio doctis, & necessitas barbaris & mos gentibus feris natura ipsa præscripsit, ut semper omnem vim, quacunque ope possint, à corpore, capite, à vita sua propulsarent: non potestis hoc facinus improbum judicare: quin simul judicetis, omnibus qui in latrones inciderint, aut illorum telis, aut vestris sententiis esse per- cundum. Mox redit ad affectus: quod si ita putaf-

Putasset, certè optabilius Miloni fuit jugulum dare P. Cloðio, non semel ab illo, neque tum primum petitum, quām jugulari à vobis, quia se illi jugulandum non tradiisset. Atque item in sequentibus controversiam constituens: Nam locus est notus, repetit summam argumentorum: quibus usus fuerat in exordio. Id tametsi magis licuit Ciceroni, propterea, quod in exordio quæstiones aliquot tractaverat; tamen idem & alibi continget verbis commode interjectis, maximè in enumeratione aut expositione, quæ est altera divisionis pars, de qua supra nonnihil attigimus, cum de propositionibus ageremus: quod genus fuerit, si dissualurus Ciceroni, ne vitam ab Antonio accipiat, exustis Philippicis: sic proponas: Primum illud vide, mi Cicero, num te dignum sit, ut immortalem ingenii tui famam, tot partam sudoribus, quaque tuos omnes illustrâsti, ob tantulum ævi, quod tam grandi longum superesse non potest, exusto pulcherrimo omnium monumento, repente aboleas. Deinde num forti viro, qui semper omnia post habuerit libertati, ferdum sit, ut vitam, rerum omnium optimam, & in quā sunt omnia, debeat ei portento, cui quovis etiam nomine obnoxius esse, nemo liber velit. Postremo videat ne parum prudentis sit, in re tanta fidem habere hosti perfidissimo, qui nec amicis unquam fidem servârit: neque perspicere, quod non vel cæco appareat, nihil agere versutissimum carnificem Antonium, nisi ut totum extinguat Ciceronem. Nam simpliciter proponi poterat hoc modo: Primum non est tanti vita: Deinde miserum, debere vitam inimico: Postremo, decipere cupit Antonius, non servare. Quod si qua propositio durior videbitur, eam oportebit, velut exordiolo præmolire: ut, propo-

proposueris laudare Platonis dogma de uxori-  
bus communibus, ut hoc exempli caussa sumatur, dices, te non fugere, quod rem omnium  
sententia absurdissimam polliceri videris: ve-  
rum illud orabis, ut tantisper judicium suum  
differant, donec argumentorum summam au-  
dierint, nihil diffidere te, quin penitus exposita  
re, sint in diversam sententiam pedibus ituri,  
tatum illud cogitem, hoc quicquid est: non  
esse temerè dictum à tanto philosopho, qui que  
ceteris in rebus ob excellentiam ingenii divini  
cognomen promeruit: verum quod in formis  
hominum, idem in rerum judicio usu venire:  
quasdam si procul, & oscitanter adspicias, nihil  
venustius: fuco videlicet oculis imponente:  
Sin proprius, ac fixius contempleris, jam quod  
paulò ante mirè blandiebatur oculis, majorem  
in modum incipit displicere. Silenis, nisi expli-  
ces quid magis ridiculum? Sin explices, quid  
augustius? Adeo veritas latet in abdito, nec  
oportet in dijudicandis rebus populum aucto-  
rem sequi, cui semper pessima, pro optimis, pro-  
bari consueverint. Ergo seposito paulisper re-  
cepta illa, & animis penitus infixâ opinione, rem  
ipsam judicio perpendant, nec prius in hanc, aut  
hanc partem flestant animum, quam totum ar-  
gumentorum orbem acceperint. Quædam enim  
fore, quæ per se stulta videri possint. Verum si  
quis inter se conjuncta perceperit, is demum  
veri concentum, & harmoniam sensurus est,  
Hujusmodi præfati uncula pro causa natura  
commodè afficta, nonnunquam expedit audi-  
toris animum ad secuturam argumentationem  
præparare.

Jam verò probationes, præter eas locupletan-  
di rationes, quas superius ostendimus, crescunt  
labefac-

labefactatione, seu præparatione & asseveratione. Labefactamus autem seu præparamus duobus modis: Propositionibus: nunc autem voco propositiones, non quæ summam causæ complectuntur. sed veluti singularium partium collectiones, seu conclusiones, quas oratoribus nos est initio argumentorum proponere, & eisdem in fine vehementius per affectus, aut per epilogum repetere. De hoc genere dictum est superioribus titulis. Præterea cum ita proponimus, ut ipsa orationis figura fidem abrogemus, aut conciliemus. Cujusmodi est illud Cic. pro Mil. Sed antequam ad eam orationem veniam, quæ est propria nostræ questionis, videntur ea esse refutanda, quæ in senatu sæpe ab inimicis, & improbis sæpe justata sunt, & in concione etiam paulò ante ab accusatoribus, &c. Cum inimicos & improbos nominat, jam hoc ipso non parum fidei abrogavit adversariorum propositioni. Deinde propositionem ipsam per ironiam elevat: negant intueri lucem esse fas ei, qui à se hominem occisum fatetur. Nam atrocitas illa verborum. Negant intueri lucem fas esse, pro eo quod erat, puniendus est, cum irrisione pronuncianda est. Adjunguntur hujusmodi præparationes singulis etiam collectionum partibus: quandoquidem eodem in loco M. Tull. exemplis refutaturus, quod erat propositum, ita præparavit: In qua tandem urbe homines stultissimi hoc disputant? Deinde adjungit exemplum M. Horatii, cum sororem occidisset, absoluti. His non absimiles sunt observationes, quæ cum argumenta non sint, tamen sæpe numero pondus habent argumenti, si probationibus admisceantur: ut quis tam cæcus, qui hoc non videat? quis tanq[ue] impudens, ut neget? Et illud: Stultius est, quam ut refelli debeat:

Quis

Quis e. non intelligit? &c. Et, perfida faciem, & aude negare. Hæc cum ita sint, quæ tandem impudentia est, &c. Locupletantur & singulæ collectiones epilogis particularibus, quæ summam rationem paucis comprehensam, auditori denuo sub oculos revocant, ut maiore cum fide conclusio succedat; qua quidem in re frequens est M. Tull. propterea quod latius explicet argumentationis aciem. Hujus generis exemplum erit illud ex oratione pro Pompejo: Quare videte, num dubitandum vobis sit omni studio in id bellum incumbere, in quo gloria nominis vestri, salus sociorum, vestigalia maxima, fortunæ plurimorum civium, cum Repub. defenduntur. Denique crescunt & excursionibus per amplificationem, ut singulis probationibus suos affectus adjiciamus, ad quod propriè destinata est conclusio: quam si copiosam esse volemus, geminam efficiemus, ut simul & per Epilogum præcipua argumenta recenseantur, & affectuum omne genus per omnes locos tractetur. Eos ex Aristotele & Quintil. petere licebit. Quin & poëtæ in hoc genere miri sunt. Vehementiores quo<sup>s</sup> Græci πάθη vocant, suppeditant Ilias Homeri, ac Tragoediæ: moderatores illos, qui delectant potius, quam perturbant subministrant Odesse<sup>s</sup> Homeri & Comœdiæ. Quanquam in Iliade Græcorumque tragœdiis s<sup>æ</sup>pe miscentur πάθη. Sic enim Græci vocant affectus Comicos: Latino-rum Tragœdia parcus hoc genere utitur. Inter affectus autem ponenda delectatio; quamquam hæc non in peroratione tantum, verum in tota oratione, cum res feret, debet admisce-ri. Porrò quid cuique jucundum sit, Aristoteles in affectum locis diligenter prosequitur: & de facetiis Marc. Tull. Et Quintil. de risu scripse-

re, traditis jocandi rationibus. Delectatio quæ petitur à Comicis affectibus: præcipue locum habet in narratione, vel quia rem veluti subjiciunt oculis, vel quia ab omnibus agnoscuntur. Quis enim non cum voluptate legat, quomodo apud Hom. Andromache Hectori armato occurrit, ad portam civitatis, qua proditurus erat in prælium, non sola (neque enim id decet pudicas matronas) sed comitabantur pedissequæ, puerum in ulnis gestans Astyanacten, Hectoris filium, patri unicè charum, & quod addit Homerus pulcro sideri assimilem, quo per hunc uxor expugnaret affectus mariti. Hector tacitè arsisit conspecto puero: Andromache propius astans, dextram porrexit, ac nominatim compellavit. Deinde post afflictam utrique congruentem orationem, cum Hector infantem appeteret osculaturus: Ille territus armorum splendore, ac crista è galeæ fastigio minitante, clamans reflexit se in sinum nutricis. Hic risit uterque, pater & mater. At Hector sublatam è capite galeam humi depositus, atque ita puerum amplexus, osculatus est. Mox ei fausta precatus, tradidit matri; illa eum excepit in sinum bene olentem ολακρυόσεν γέλασσα, id est, lachrimabile ridens. Ea res Hectori movit misericordiam, atque uxorem manu sustentans, consolatur, nomine eam appellans, mox reponit galeam: illa marito obtemperans, domum se recipit, ibi muliebri fletu complentur omnia, quod crederent cum ex eo prælio non redditum, Itaque spirantem adhuc, pro mortuo deflent. Interim non mediocrem addunt gratiam intermixta epitheta, κορυθάιος ἔκτωρ, id est, variegata galea Hector, &, Ἡ παρδός ὥρεζατο φαιδρος ἔκτωρ, id est,

id est, suum puerum desiderabat clarus Hesler. & δέ τέ εὔνοος τιθύντες, id est, benecinδα nutricis & λόφον ἐπποχάτων, id est, cristam ex setis equinis, & πατέρε φίλος καὶ πόστυτα μήτηρ, id est, carus pater οὐ νερanda mater, &, κόρυθα παμφαιόωσα, καὶ φίλον υἱὸν, id est, galeam splendens & carum filium, &, αλεχοῦ φίλης, id est, conjugis dilecta. & quod indicamus. κνώδειον κόλπῳ, id est, sinu redolenti, &, κόρυθα ἐππτερεν, id est, conum ex cauda equina. Hac virtus præcipue in caussa est. cur nemo legens Homerum saturetur, sed perpetua voluptate ducatur. Hi sunt affectus, de quibus scripsit Horat.

### Morataque recte

*Fabula nullius Veneris sine pondere & arte,  
Valdus oblectat populum meliusque moratur,  
Quam versus inopes rerum nugaque canora.*

Sunt huiusmodi narrationes aliquot insignes apud M. Tull. veluti in Philippica z. de Antonio: vehebatur in effedo tribunus plebis, lictores laureati antecedebant: inter quos aperta lectoria Mimorum portabatur, &c. Nam indicasse locum satis est: Sunt in eadem oratione & aliæ, quomodo capite involuto ad amicam litteras amatorias pertulerit: quomodo consuli in hypercalibus cucurrerit. Delectant & illa cum non actio tantum: sed agentium gestus quoque describitur: quale est illud in Pisonem: Ita enim sunt perscriptæ scitè & literatè, ut scriba, ad æstrum qui eas retulit, perscriptis rationibus secum ipse, caput sinistra perflicans, communuratus sit. Ratio quidem hercùs appareat, argentum αχτο Rursus illud. Respondes, alte-

ro ad frontem sublato , altero ad mentum depresso supercilio , crudelitatem tibi non placere . Quanquam hæc interim & ad fidem orationis faciunt , quum ea quæ velut extra narrationis necessitatem adjiciuntur , simplicitatis habent speciem . Fabius miratus narrationem M. Tull. pro Mil. Milo cuin in Senatu fuisset eo die , quo à senatu dimissus est , domum venit , calceos , & vestimenta mutavit : paulisper , dum se uxor , ut sit , comparata , commoratus est .

Sunt item figuræ , quæ ad orationis jucunditatem pertinent , quasi non magni negotii est ex artis præceptis petere , & à nobis , nisi multis verbis , referri non poterant . Delectant & allusiones , sed agnoscentem duntaxat . Itaque in loco adhibendæ .

### *Epilogus.*

Ergo cui placebit Laconica illa breviloquenia : primum Atticorum exemplo , prafationibus , & affectibus abstineat , rem simpliciter ac summatim exponat : argumentis non omnibus utatur ; sed præcipuis duntaxat : eaque non explicatim , sed confertim adhibeat , ut in singulis propè verbis sit argumentatio , si quis explicare velit : sit docuisse contentus , ab amplificationibus , ab asseverationibus , à similibus , exemplis , sententiis , epiphonematis , fabulis , apologis , allusionibus , facetiis temperet , nisi quid horum ita erit necessarium , ut citra flagitium omitti non queat : Item , ab omnibus figuris , quæ vel amplam , vel illustrem , vel acrem , vel ornatam , vel jucundam reddunt orationem , abstineat . Rem eandem ne aliis atque aliis formis tractet . & singula verbis significantibus explicit , ut multo plus intelligatur , quam audiatur , & aliud ex alio

ex alio colligi possit. Contrà, qui copiam sequitur, singula dilatare studebit, his fermè, quas dixi, rationibus.

*Quid utroque vitandum.*

Ac caveat interque, ne quod fere sit, affectatione in finitima vitia delabatur. Brevitatis amator videat ne tantum hoc agat, ut pauca dicat: sed optima, quam potest paucissimis, & cui placet Homericum illud: παῦε ρε μὴ, i. pauca quidem eidem placeat & hoc, quod protinus sequitur. ἀλλα μάλα λιγέως, i. valde argutè. Et cui probatur & πολύμυθοι, i. non multiloquus. non prætermittat & hoc, quod statim subjicitur, & δ' ἀφαιρετὸς i. non errans verbis. Nam nihil æquè convenit breviloquentiæ, quam verborum proprietas & elegantia: cui si accesserit simplicitas, facile vitabitur obscuritas, vitium quod plerunque brevitatis studium comitari consuevit. At hīc rursum videndum, ne frigescat oratio, dum nullis affectibus inflammatur. Proinda res ita ponetur ante oculos, ut per se nonnullos aculeos tacitè infigat animis: Tum omni Attico lepore condienda erit. Illud imprimis cavendum, ne brevitatis studio necessaria dictu prætermittamus. Contra, qui copiam petet, delectum item ad libeat oporet, & verborum, & rerum & figurarum: ne rationes sint fuitiles, exempla parum idonea, sententiæ frigidæ, excursus æquo longiores, parumque tempestivi, ne figuræ durius affectatae. Quapropter ordinis, ac dispositionis summam oporet habere rationem, ne rerum indigesta turba, totus sermo perturbatus sit, & confusus. Et ubique tedium varietate, jucunditate, risuque

levandum. Varietas potissimum petitur à figuris, & ab eisdem, jucunditas. Risus ab his præceptis, quæ tradidit Cicero. Sunt autem peculiares partium varietates non negligendæ: Proinde expediet plurimorum exordiorum formulæ in promptu habere. Sunt & narrationis complures modi: sunt argumentationum diversæ formæ: neque simplex affectuum natura, sed hæc à Rhetorum præceptis petantur, oportet. Admonendum hoc quoque, ne quovis in loco parrem copiam affectemus. Sunt enim quædam sterilia. Verum relictis his quæ natura copiam non admittunt, partes maximè fœcundas atque tractabiles deligamus, nisi forte periclitandi, aut ostentandi ingenii caussa libeat aliquando ex musca, quod aiunt, elephantum facere: quemadmodum Favorinus, febrim: Sinesius, calvicium: nos stultitiam encomio, & ancoram Al-dinam laudavimus in proverbii. Sed in exercendo detur venia, si luxuriet adolescens. Ceterum ubi non luditur, sed res seria cum periculo agitur, ibi Rhetor non stultus, adhibito consilio, copiæ modum ex utilitate caussæ metietur.

### Peroratio.

Adjeceram exemplum thematis in arctum contracti, & ejusdem fusius explicati, quod hic non addo, ne, sarcina major videatur accessio, Liber extat ad illustrissimum principem juniorem Guilhelmum ducem Clivensem, titulo: De pueris statim, ac liberaliter instituendis.

F I N I S.

EPI.

10609373  
E P I T A P H I A;  
A C T V M V L I, Q V I B V S.  
D. Erasmi mors defletur.

Tumuli xvii. per Vitum Coppum,  
Selatistadii bonas literas profi-  
tentem,

I.

Hei mihi quod precibus fatales fletere divas  
Nemo potest, & quod mors sua quemque manet.  
Si vita possent Graja Latiaque Camœna,  
Tempora Nestoreos ducere ad usque dies.  
Vnus qui Pylij superaret secula pensi,  
Hic Desiderius dignus Erasmus erat,  
Seu mores, vitamque viri linguamque disertam.  
Seu spectes docti pondera judicij.  
Abstulit hunc terris pleno jam stamine Parca,  
Viveret ut posthac liber ab invidia.

II.

Non cineres orno, quamvis sim splendidus arte:  
Sed me plus multo condecorant cineres.  
Evi me tandem consumet longa vetustas:  
Illos non poterit reddere tempus edax.  
Hoc vir commeruit, studio, cui postera secla  
Vix sunt eloquio progenitura parem.  
Tum Desiderii cessabit nomen Erasmi,  
Cum Rhenus nullas siccus habebit aquas.

10609373  
E P I T A P H I A.

III.

Hoc Desiderio marmor decoratur Erasmo.

Hinc noto celsti sidera ad usque poli.

Ruptura nunquam fatalia flamina Parca,

Illi, ni superis sic placuisse, erant.

Eloquio similem non hinc Germania vidit:

Nec forsitan posthac est habitura parem.

I V.

Falleris, extinctum vita qui credis Erasmus:

Iam rursus mœstu vivit ab exequiis.

Nec mirum, summo si Phœnici studiorum

Ipse potest vita reddere dona cibus.

V.

Sic vita Desiderius decepit Erasmus,

Oppetere est vita si meliore frui.

V I.

En desiderii mœstum post funus Erasmi.

Molliter hoc recubant ossa quieta solo.

Fama tamen, nomenque viri durabit ubique.

Gracia donec erit, donec erit Latium.

VII.

Hoc Desiderii saxo tumulatur Erasmi;

Corpus; sed voluntat fama per ora virum:

Quà Sythicus Boreas, quà nubifer intonat austus,

Et qua tellurem cernis interque polus.

VIII.

10609373  
E P I T A F H I A

VII.

*Hic Desiderii cineres conduntur Erasmi,  
Qui junxit Latii Attica mella favis.  
Martia Roma suo quantum debet Ciceroni,  
Huic tantum debet Teutona terra viro.*

I X.

*Hoc Desiderii tumulo conduntur Erasmi  
Ossa, viri nomen replet utrumque polum.  
Hic meruit tanto Germanis laude referri,  
Orator quanta Tullius Ausonius.*

X.

*Hoc marmor condit defuncti corpus Erasmi,  
Qui clarus summo floruit eloquio.  
Huic quasi tushonos studiis, & fama manebit,  
Gramina dum tellus, dum geret astra polus.*

X I.

*Clauditur hoc tumulo defuncti corpus Erasmi,  
Quem sinet haud unquam postuma fama mori,  
Ingenio quasi tushonos honos sine fine manebit.  
Dum fuerint Grati, dum fuerint Latii.*

X II.

*O fati leges, ô ferrea jura sororum.  
Quam nulli fas est perpetuare dies,  
Vrna quiscentis cineres hac condit Erasmi,  
Fama locum nusquam, quo capiatur, habet.*

10609373  
E P I T A P H I A.

XII.

*Post cineres Phœnix vivit, post funus Erasmus  
Floret, & à tristi major in orbe rogo est.*

*Hunc celebrant Graius, Latius, Germanus, Iberus,  
Et Gallus: vita est, hac ratione mori.*

XIV.

*In dubio est, vivat ne, an sit defunctus Erasmus:  
Clauditur hoc ejus pars minor in tumulo.*

*Pars melior calum lustrat, terrasque pererrat,  
Pars melior vivit, pars minor interiit.*

XV.

*Lachrymarum te rogo jam siste rivulos  
Viator, & dulcem quietem floribus  
Orna tumulum Sabao thure confovens.  
Vixi satù: fati peregi tempora:  
Non otio, sed duris me laboribus  
Unus, quo plurimis prodessem, subdidi.  
Sic docta primum bella gessi Palladis,  
Ut me ducem mirata sit Germania.  
Suum me sapius Ciceronem dicitans.  
Tandem sacris sum litteris immortuus  
Hac fara lege subire, an non est vivere?  
Rude donari nisi forsitan mori putas.*

XVI.

*Post cineres vivo doctis ego nomine Graius,  
Hispanus, Gallus, notus & Ausoniis,  
Eloquio per me pugnax Germania culta est  
Meque à barbarie vindice tua manet.*

XVII.

10609375  
E P I T A P H I A

X V I I.

Vitame fundum qui credis forte viator  
Erras, perpetuo nomine vivo, vale.

SIMON GRINÆUS

Si sacris fas urnæ inscribere verum,  
Abstinet & solis manibus in vidia  
Vix mihi vix dederis sua quem sunt non mala secla  
Mirata. & vivum quem coluore magis.

E U S T A C H I U S.

Quercetanus.

Ut Musas, pulsa sub tartara doctus Erasmus  
Barbarie, ingratiss redditus Aufoniū.  
Ne se confetum Musarum nomine faris.  
Morsibus aspicceret dilaniari, abiit.

GUILHELMUS BIGOTIUS  
Lavalonfis.

Aspiciens meritis haud respondere favorem,  
Sunt ubi pro meritis præmia, Erasmus abit.  
Si petis, hic locus, ubi degere tutus ab hujus  
Temporis ingraui garrulitate queat.

IOANNES BRESSANUS.  
Bergamensis.

Hoc legitur tumulo doctissimus undique Erasmus,  
Qui triplicem linguam calluit egregie:  
Scilicet Hebraam, Graiam, pariterque Latinam,  
Yt genuinam illi quamlibet esse putas.

EPITAPHYA

Hic tantum studiis studiosus contulit orbi,  
Quantum fert Clarii fax radiosus Dei  
Quid tegitur dixi, quem qualibet ora tuetur,  
Quique oculis hominum notus ubique patet.  
At tegitur corpus : sed nomen, gloria, honorque  
Clara dicunt, nullo deficiente die.

N. EX BRABANTIA.

Hic Desiderius requiescit Erasmus, amarum  
Qui desiderium liquit in orbe sui.  
Mens habitat cœlo, nomen vix clauditur orbe,  
Scripta viri & mundum conterit una dies.

NICOLAVS  
Borbonius.

Lis oritur ; meus est Germania dicit, Erasmus.  
Gallia reclamans afferit esse suum,  
Hanc interveniens litem mala Parca dirēmit.  
Neutrius hic vestrum, sed meus, (inquit) erit :

JOANNES MORRELLUS  
Ebrudunensis

Ingenio quisquam si vivit, vivis Erasme,  
Scripta manent ulla non peritura die.  
Nam tua vel prima relegent qui sola juventa,  
Dicere cogentur, magnus Erasmus erat.  
Gloria si quamvis multorum tacta sagittis,  
Non tamen à quoquam gloria laesa tua.  
Promp̄tius hanc fuerit linguis lacerare malignus,  
Æquo virtutes quam superare pede.  
Iam tua convellant dictis, laudentive, quid inde  
Statuerit merita & virtus, gratia, lausque tamen.

ALIUD

10609373  
EPI T A P H I A.

A L I U D E R U S D E M.

*Corpus homo, superis animam, dat nomen in avuncus  
Lex, pietas, virtus. Roterodame, tua.*

W L P U S C I S S E U S  
Franekerensis.

*Nostri qui requiescat hic ad aram  
Summam marmore rectus, ô viator ?  
Dicam, Roterodamus est Erasmus.  
Illum mors rapuit severa nuper  
Musarum è gremio, hei dolore & alto  
Musis vulnere cordis hinc relicto ?  
Harum num pater & patronus ille  
Vindex, tutor erat, decus, columna.  
Summo barbarie labore pulsus,  
Musas restituit suo nitori,  
Sed qua præmia tandem habet laborum ?  
Hac dulcem requiem supernus illi  
Dat cum pace pater, suos & inter  
Electos numerat : vale viator.*

JOANNES HUSERUS.

*Hic magnus parvo sub saxo dormit Erasmus,  
Orbem qui studiis suscitat usque bonis.*

IN-

10609373  
**INSCRIPTIO IPSIUS MONU-**  
menti in primaria æde sacra inclytæ  
urbis Basiliensis.

**CHRISTO SERVATORI S.**

**D**ES. Erasmo Rotterodamo, viro omnibus modis maxima, cuius incomparabilem in omni disciplinarum genere, eruditionem pars conjunctam prudentia, posteri & admirabuntur, & prædicabunt, Bonifacius Amerbachius, Hieronymus Frobenius, Nicolaus Episcopius, heredes, & nuncupati suprema sua voluntatis vindices, patrono optimo, non memoria, quam immortalē sibi editis lucubrationibus comparavit, iis tantisper dum orbis terrarum stabit superfuturo, ac eruditis, ubique gentium collocaturo, sed corporis mortalis, quo reconditum sit ergo, hoc saxum posuere. Mortuus est 4. Idib. Iul. jam septuaginarium. Anno à Christo nato 1536.

**GIBERTUS COGNATUS.**

*Magnus Rotterodamus ille noster:  
Hac qua secula neminem tulerunt  
Majorem, neque prisca clariorem.  
Norunt tempora, nec cui futura  
Parum posteritas habebit, ecce,  
Hoc sub marmore mortuus quiescit.*

**NICOLAUS EPISCOPIUS.**

*Delitia Christi fugit at super athera Erasmus  
Terricolum infensus fraudibus ac sceleri.  
Cedere pollutis decus hoc mortalibus ultra  
Noluit omnipotens, esse suum voluit.  
Divorum inque choro divum versari usque  
Deserta terris nomine perpetuo.*

**IDEM.**

10609373  
E P I T A P H I A.

I D E M.

Artes omnigenas tentat cum Phœbus in unum  
Cogere , & exemplar perficere eloquii,  
Musarumque suum quaque addit minus acervo ,  
Quo parti ex omni sit decor, atque nitor,  
Dorisibus in nobis tot cultus prodit Erasmus  
Secula cui similem nulla tulere virum.  
At gemmam eximiam viles cere rector Olympi.  
Non passus terris , fulgida in astra tulit.

H I E R O N Y M U S  
Frobenius.

Marmoreo jacet in tumulo modo mutus Erasmus ,  
Orbis enim linguam sustulit inde sibi.

E P I T A P H I O R U M F I N I S.

D E E O D E M.

Copia commendat sermonem docta probatum,  
Qua decus ingenii, culta labore , refert :  
Doctrina insignis virtuteque clarus Erasmus,  
Idem non minima dexteritate docet.  
Hic vir, hic est celebris Romana gloria lingua  
Quam studio immenso protulit, arte dedit.  
Percipiet fructus, jucundaque gaudia sumet,  
Perlegit illius qui bona scripta viri.  
Gloria vera manet doctis, sunt cetera vana.  
Nam virtus nullo tempore clara perit.

I N D E X

## I N D E X

## Capitum &amp; Titulorum.

## L I B R I I.

<i>Ericulosam esse copia affectationem.</i>	
	<i>pag. 7.</i>
<i>A quibus inventa copia.</i>	8
<i>Auctores ut luserint ostentatione copia.</i>	9
<i>Quibus vicio data copia immodica.</i>	10
<i>Eiusdem artificis esse breviter copioseque dicere.</i>	11
<i>Destulte affectantibus vel brevitatem, vel copiam.</i>	12
<i>Duplicem esse copiam.</i>	<i>ibid.</i>
<i>Quas ad res conferat hac exercitatio.</i>	13
<i>Quibus exercendi rationibus hac facultas paretur.</i>	14
<i>Prima praeceptio de copia.</i>	16
<i>Prima variandi ratio per synonymiam.</i>	19
<i>Vocabula sordida.</i>	21
<i>Inusitata.</i>	22
<i>Poetica.</i>	23
<i>Trifca.</i>	<i>ibid.</i>
<i>Obsoleta.</i>	24
<i>Dura.</i>	25
<i>Peregrina.</i>	<i>ibid.</i>
<i>Obscena.</i>	26
<i>Novata.</i>	27
<i>Ætatum propria vocabula.</i>	30
<i>Ratio variandi per Enallagm.</i>	32
<i>Variatur numerus.</i>	34
<i>Personæ.</i>	35
<i>Genus.</i>	36
<i>Casus.</i>	<i>ibid.</i>
	<i>Spec.</i>

## I N D E X.

<i>Species.</i>	<i>ibid.</i>
<i>Figura.</i>	37
<i>Tempus.</i>	38
<i>Modus.</i>	<i>ibid.</i>
<i>Declinatio.</i>	<i>ibid.</i>
<i>Conjugatio.</i>	<i>ibid.</i>
<i>Variandi ratio per Antonomasiam.</i>	39
<i>Variandi ratio per Periphrasim.</i>	40
<i>Etymologia.</i>	<i>ibid.</i>
<i>Notatione.</i>	<i>ibid.</i>
<i>Finitione facta variatio.</i>	41
<i>Variandi ratio per metaphoram.</i>	<i>ibid.</i>
<i>Deflexio.</i>	<i>ibid.</i>
<i>Ab irrationali ad rationale.</i>	42
<i>Ab animali ad non animal, aut contra.</i>	<i>ibid.</i>
<i>Ab animali ad animal.</i>	<i>ibid.</i>
<i>Ab animato ad inanimatum, aut contrà.</i>	43
<i>Metaph. reciproca.</i>	<i>ibid.</i>
<i>Variandi ratio per Allegoriam.</i>	44
<i>Variandi ratio per catachresim.</i>	45
<i>Variatio per onomatopœiam.</i>	46
<i>Variatio per metalepsim.</i>	47
<i>Variatio per metonymiam.</i>	48
<i>Variandi ratio per synecdochen.</i>	49
<i>Variandi ratio per equipolleniam.</i>	50
<i>Variandi ratio per comparativa.</i>	51
<i>Variatio per Relati vorum commutationem.</i>	<i>ibid.</i>
<i>Variandi ratio per amplificationem.</i>	52
<i>Variatio per hyperb.</i>	<i>ibid.</i>
<i>Variandi ratio per meiosis.</i>	53
<i>Variatio per compositionem.</i>	<i>ibid.</i>
<i>Variatio per syntaxin.</i>	55
<i>Variatio per mutationem figura variis modis.</i>	<i>ibid.</i>
<i>Experientia mira in variando.</i>	57
<i>Variantur, Tuæ literæ me magnopere delectarunt.</i>	
<i>ibid.</i>	
	<i>Semper</i>

I N D E X.

<i>Semper dum vivam tui meminero.</i>	64
<i>Quibus modis tribuimus plura ex aequo.</i>	74
<i>Qua commodius copulent contraria.</i>	76
<i>Quibus modis aequaliter removemus.</i>	<u>idid.</u>
<i>Quibus modis distribuimus inaqualiter.</i>	77
<i>Quibus modis inaqualiter removemus.</i>	78
<i>Quo pacto tribuamus ordine.</i>	<u>ibid.</u>
<i>Per comparativum effertur sententia.</i>	79
<i>Formula augendi positivus.</i>	<u>ibid.</u>
<i>De variando positivo.</i>	81
<i>Rationes minuendi positivum.</i>	<u>ibid.</u>
<i>Quibus rationibus augetur comparativus.</i>	82
<i>Quibus modis imminuitur comparativus.</i>	83
<i>Quibus rationibus augemus superlativum.</i>	<u>ibid.</u>
<i>Teriphrasis comparativus.</i>	84
<i>Quibus modis superlativum variamus.</i>	85
<i>Variorum exemplorum variatio.</i>	88
<i>Communis omnium graduum variatio</i>	93
<i>De propositione generali.</i>	97
<i>De propositione non generali.</i>	98
<i>Elegantia signorum.</i>	99
<i>Vterque neuter.</i>	100
<i>Semper, sape.</i>	<u>icr</u>
<i>De varietate negationis.</i>	<u>ibid.</u>
<i>De tribus negationibus.</i>	<u>ibid.</u>
<i>Synonyma negandi.</i>	102
<i>Connectenda formula.</i>	103
<i>Transuidendum formula.</i>	105
<i>A re &amp; persona.</i>	<u>ibid.</u>
<i>Ex more.</i>	106
<i>Subornandi.</i>	<u>ibid.</u>
<i>Renovandi.</i>	107
<i>Finales formula.</i>	<u>ibid.</u>
<i>Causales formula.</i>	108
<i>Dignus, &amp; indignus.</i>	110
<i>Decet.</i>	112
	<i>Neces-</i>

## I N D E X.

<i>Necessitatis vocab.</i>	ibid.
<i>Libertatis.</i>	ibid.
<i>Statuendi.</i>	112
<i>Affentiendi.</i>	113
<i>Dissentiendo.</i>	ibid.
<i>Precandi nomina, &amp; verba.</i>	114
<i>Primi supini variatio.</i>	115
<i>Dividendi forma.</i>	ibid.
<i>Distribuendi forma.</i>	ibid.
<i>Prohibendi aut impediendi signa.</i>	116
<i>Dubitandi.</i>	117
<i>Sine &amp; citra.</i>	ibid.
<i>Otentandi.</i>	ibid.
<i>Corrigendi sanandique.</i>	ibid.
<i>Blandiendi, sive hortandi.</i>	118
<i>Tua caussa.</i>	ibid.
<i>Verum nec ne.</i>	119
<i>Concedendi.</i>	ibid.
<i>Parum abesse.</i>	120
<i>Incertitudinis.</i>	ibid.
<i>Correctionis, &amp; occupationis formula.</i>	121
<i>Auctoracitandi formula.</i>	122
<i>Variatio imp. modi.</i>	ibid.
<i>Variatio futuri.</i>	123
<i>De periphrasi generali verborum.</i>	124
<i>De modo potentiali.</i>	ibid.
<i>Aestimandi verba.</i>	ibid.
<i>Emendi formula, &amp; similia.</i>	125
<i>Discriminis formula.</i>	126
<i>Affirmandi formula.</i>	127
<i>Accusandi formula.</i>	ibid.
<i>Formula utilitatis.</i>	128
<i>Præfigi formula.</i>	130
<i>Officiendi, &amp; juvandi.</i>	132
<i>Functionis formula.</i>	ibid.
<i>Quibus modis tribuimus aliquid.</i>	133
	TITU-

## I. N. D. E. X.

<i>Titulorum variatio.</i>	134
<i>Gratulandi verba.</i>	ibid.
<i>Gratias agendi.</i>	135
<i>Referendi beneficium.</i>	ibid.
<i>Originis verba.</i>	136
<i>Pensandi verba.</i>	137
<i>Aptitudinis formula.</i>	138
<i>Ablegandi verba.</i>	139
<i>Proficiendi verba.</i>	ibid.
<i>Conatus.</i>	ibid.
<i>Expl. &amp; implicandi verb.</i>	140
<i>Verba finis seu propositi.</i>	141
<i>Quae est impudentia.</i>	142
<i>Quam ut, quam qui.</i>	ibid.
<i>Bene est.</i>	ibid.
<i>Mea sententia.</i>	143
<i>Plus, &amp; plusquam.</i>	ibid.
<i>Ad summum, ut minimum.</i>	147
<i>Morem gerendi.</i>	ibid.
<i>Rogandi.</i>	ibid.
<i>Ignoscendi.</i>	145
<i>Abrogandi.</i>	ibid.
<i>Ornandi verba.</i>	146
<i>Inter cœnam.</i>	ibid.
<i>Post cœnam.</i>	ibid.
<i>Similitudinibus verba.</i>	ibid.
<i>Mutui.</i>	147
<i>Fallendi.</i>	148
<i>Est amicus?</i>	ibid.
<i>Sperandi verba.</i>	149
<i>Ad verbum.</i>	ibid.
<i>Ironiae verba.</i>	ibid.
<i>Extrahere diem.</i>	150
<i>Paratum ac facile.</i>	ibid.
<i>Depellendi.</i>	ibid.
<i>Agnoscendi.</i>	16

## I N D E X.

<i>Ab adolescentia.</i>	151
<i>Accurate.</i>	<i>ibid.</i>
<i>Perficiendi.</i>	<i>ibid.</i>
<i>Committendi.</i>	152
<i>Amandi.</i>	<i>ibid.</i>
<i>Cupiendi.</i>	153
<i>Male precandi verba.</i>	<i>ibid.</i>
<i>Pollicendi.</i>	<i>ibid.</i>
<i>Principatus.</i>	154
<i>Ludorum vocabula.</i>	155
<i>Agere delectum.</i>	<i>ibid.</i>
<i>Adimendi honorem.</i>	156
<i>Persuadendi.</i>	<i>ibid.</i>
<i>Inferendi seu ratiocinandi.</i>	<i>ibid.</i>
<i>Nil nisi.</i>	157
<i>Laudandi ac vituperandi.</i>	<i>ibid.</i>
<i>Summa.</i>	158
<i>Perdenda opera.</i>	159
<i>Fructus.</i>	<i>ibid.</i>
<i>Impudentia.</i>	<i>ibid.</i>
<i>Affectandi verba.</i>	160
<i>Ignorandi , aut contrà.</i>	<i>ibid.</i>
<i>Turpe est , &amp; similia.</i>	<i>ibid.</i>
<i>Quin &amp; , Ut non.</i>	161
<i>Id quod, quod : ita ut, ut.</i>	<i>ibid.</i>
<i>Amplificandi verba.</i>	<i>ibid.</i>
<i>Reciproca constructio quorundam.</i>	<i>ibid.</i>
<i>Non contentus.</i>	162
<i>Satisfaciendi verba.</i>	<i>ibid.</i>
<i>Impunitatus aut contrà.</i>	<i>ibid.</i>
<i>Suadendi aut consulendi.</i>	163
<i>Prudens.</i>	<i>ibid.</i>
<i>Causa.</i>	164
<i>Dierum notatio.</i>	<i>ibid.</i>
<i>De numeralibus.</i>	165
<i>Adverbia temporis.</i>	166
	<i>An-</i>

## I N D E X.

<i>Annumerandi.</i>	169
<i>Initium, ac finis.</i>	170
<i>Majoropinione.</i>	171
<i>Contingendi verba.</i>	172
<i>Refugiendi.</i>	ibid.
<i>Officiorum vocabula.</i>	173
<i>Studii.</i>	ibid.
<i>Vitiandi.</i>	172
<i>Solitudinis.</i>	ibid.
<i>Sensus.</i>	175
<i>Præstandi re.</i>	ibid.
<i>Pœnitendi.</i>	ibid.
<i>Dissidii.</i>	176
<i>Reconciliandi.</i>	ibid.
<i>Sapit , aut contrà.</i>	177
<i>Excipiendi, sive excludendi.</i>	ibid.
<i>Vt vis aut contrà.</i>	178
<i>Comperta.</i>	ibid.
<i>Copia.</i>	179
<i>Indicta caussa.</i>	180
<i>Prosperitatis aut contrà.</i>	ibid.
<i>Antiquitatis.</i>	181
<i>Totum.</i>	ibid.
<i>Perfpicuitatis.</i>	ibid.
<i>Nobilitatis, &amp; contrà.</i>	182
<i>Violentia.</i>	183
<i>Rumoris.</i>	ibid.
<i>Exempli.</i>	ibid.
<i>Internencionis.</i>	184
<i>Atrox.</i>	ibid.
<i>Rigoris.</i>	ibid.
<i>Asscribendi, &amp; imputandi.</i>	185
<i>Additionis.</i>	186
<i>Facultatis.</i>	ibid.
<i>Jurandi.</i>	187
<i>Dictandi.</i>	188
	Tempo-

## I N D E X.

<i>Tempestivè, &amp;c.</i>	ibid.
<i>Ante tempus.</i>	189
<i>Post tempus.</i>	190
<i>Celeritatis.</i>	ibid.
<i>Spacium loci exiguum.</i>	191
<i>Spacium magnum loci, aut temporis.</i>	192
<i>Metuendi.</i>	ibid.
<i>Aptitudinis, aut contrà.</i>	ibid.
<i>Moriendi.</i>	193
<i>Mortis spontaneæ.</i>	194
<i>Mortis adactæ.</i>	195
<i>Propositi.</i>	ibid.
<i>Periculi imminentis.</i>	196
<i>Facile, difficile.</i>	ibid.
<i>Prætextus.</i>	197
<i>Temeritatis.</i>	ibid.
<i>Exsequiarum.</i>	198
<i>Consuetudinis, aut contrà.</i>	ibid.
<i>Tarditatis.</i>	ibid.
<i>Non ultra.</i>	199

**Capita seu tituli secundi libri.**

<i>Prima locupletandi ratio.</i>	200
<i>Rem universam luxu perdidit.</i>	ibid.
<i>Cyclopædiam absolvit.</i>	201
<i>Omnibus naturæ fortunaque dotibus præditus.</i>	202
<i>Totus commaduit.</i>	204
<i>Secunda ratio.</i>	205
<i>Ea ex virginе filium sustulit.</i>	ibid.
<i>Vrbem cœpit.</i>	206
<i>Tertia ratio.</i>	ibid.
<i>Quarta ratio.</i>	ibid.
<i>Quinta ratio.</i>	207
<i>Descriptio rei.</i>	ibid.
<i>Descriptio persona.</i>	213
<i>Descriptio loci.</i>	218
	<i>De</i>

## I N D E X.

<i>Descriptio temporis.</i>	219
<i>Egressio, sexta locupletandi ratio.</i>	220
<i>Septima ratio.</i>	221
<i>Octava locupletandi ratio.</i>	223
<i>Nona ratio dilatandi.</i>	ibid.
<i>Decima ratio.</i>	227
<i>Vndecima ratio.</i>	236
<i>Loci communes.</i>	ibid.
<i>Quomodo tractanda sint exempla.</i>	239
<i>Secundus modus locupletandi.</i>	240
<i>De exemplo fabuloſo.</i>	241
<i>Tertius modus locupletandi.</i>	247
<i>De parabola.</i>	251
<i>De imagine.</i>	254
<i>De conventione demonstrativa.</i>	255
<i>De iudicio.</i>	257
<i>De ſententiis.</i>	ibid.
<i>De expolitione.</i>	260
<i>De apologia.</i>	263
<i>De ſomniis.</i>	265
<i>De fictis narrationibus.</i>	ibid.
<i>De allegoriis Theolog.</i>	266
<i>Ratio colligendi exempla.</i>	267
<i>De partium Rhetoricarum multiplicatione.</i>	282
<i>Epilogus operis.</i>	353
<i>Quid tam brevitatis, quam copiae studioſo, vitandum.</i>	260
<i>Peroratio.</i>	264

F I N I S.



## I N D E X.

<i>Descriptio temporis.</i>	219
<i>Egressio, sexta locupletandi ratio.</i>	220
<i>Septima ratio.</i>	221
<i>Ottava locupletandi ratio.</i>	223
<i>Nona ratio dilatandi.</i>	ibid.
<i>Decima ratio.</i>	227
<i>Vndecima ratio.</i>	236
<i>Loci communes.</i>	ibid.
<i>Quomodo tractanda sint exempla.</i>	239
<i>Secundus modus locupletandi.</i>	240
<i>De exemplo fabuloſo.</i>	241
<i>Tertius modus locupletandi.</i>	247
<i>De parabola.</i>	251
<i>De imagine.</i>	254
<i>De conventione demonstrativa.</i>	255
<i>De iudicio.</i>	257
<i>Desententiis.</i>	ibid.
<i>De expolitione.</i>	260
<i>De apologia.</i>	263
<i>De ſomniis.</i>	265
<i>De fictis narrationibus.</i>	ibid.
<i>De allegoriis Theolog.</i>	266
<i>Ratio colligendi exempla.</i>	267
<i>De partium Rhetoriarum multiplicatione.</i>	282
<i>Epilogus operis.</i>	353
<i>Quid tam brevitas, quam copia studioſo, vitandum.</i>	260
<i>Peroratio.</i>	264

F I N I S.



## I N D E X.

<i>Descriptio temporis.</i>	219
<i>Egressio, sexta locupletandi ratio.</i>	220
<i>Septima ratio.</i>	221
<i>Octava locupletandi ratio.</i>	223
<i>Nona ratio dilatandi.</i>	ibid.
<i>Decima ratio.</i>	227
<i>Vndecima ratio.</i>	236
<i>Loci communes.</i>	ibid.
<i>Quomodo tractanda sint exempla.</i>	239
<i>Secundus modus locupletandi.</i>	240
<i>De exemplo fabuloso.</i>	241
<i>Tertius modus locupletandi.</i>	247
<i>De parabola.</i>	251
<i>De imagine.</i>	254
<i>De conventione demonstrativa.</i>	255
<i>De iudicio.</i>	257
<i>Desententiis.</i>	ibid.
<i>De expolitione.</i>	260
<i>De apologia.</i>	263
<i>De somniis.</i>	265
<i>De fictis narrationibus.</i>	ibid.
<i>De allegoriis Theolog.</i>	266
<i>Ratio colligendi exempla.</i>	267
<i>De partium Rhetoriarum multiplicatione.</i>	282
<i>Epilogus operis.</i>	353
<i>Quid tam brevitas, quam copia studioſo, vitandum.</i>	260
<i>Peroratio.</i>	264

F I N I S.



I N D E X.

<i>Descriptio temporis.</i>	219
<i>Egressio, sexia locupletandi ratio.</i>	220
<i>Septima ratio.</i>	221
<i>Ottava locupletandi ratio.</i>	223
<i>Nona ratio dilatandi.</i>	ibid.
<i>Decima ratio.</i>	227
<i>Vndecima ratio.</i>	236
<i>Loci communes.</i>	ibid.
<i>Quomodo tractanda sint exempla.</i>	239
<i>Secundus modus locupletandi.</i>	240
<i>De exemplo fabuloſo.</i>	241
<i>Tertius modus locupletandi.</i>	247
<i>De parabola.</i>	251
<i>De imagine.</i>	254
<i>De conventione demonstrativa.</i>	255
<i>De iudicio.</i>	257
<i>Desententiis.</i>	ibid.
<i>De expolitione.</i>	260
<i>De apologia.</i>	263
<i>De somniis.</i>	265
<i>De fictis narrationibus.</i>	ibid.
<i>De allegoriis Theolog.</i>	266
<i>Ratio colligendi exempla.</i>	267
<i>De partium Rheticarum multiplicatione.</i>	282
<i>Epilogus operis.</i>	353
<i>Quid tam brevitas, quam copia studioſo, vitandum.</i>	260
<i>Peroratio.</i>	264

F I N I S.

